

# 論語章句新編

嚴靈峰 編註

文史叢書 24





水牛出版社 印行

*The Buffalo Book Co..*

特價450元





水牛大學叢書

2

論語集注新編

孔德成敬著

嚴靈峰 編注

水牛出版社

# THE ANALECTS OF CONFUCIUS

EDITED AND FOOTNOTES BY  
YEN LING FENG

COPYRIGHT © 1981

BUFFALO BOOK CO., LTD.

TAIWAN

R. O. C.

## 論語章句新編

---

著	者：	嚴	靈	峰
發	行	人：	彭	誠
出	版	者：	水牛圖書出版事業有限公司	
地	址：	台北市金山南路一段135號2樓		
電	話：	3 4 1 0 2 7 5 • 3 2 1 5 6 4 4		
		郵政劃撥 0 0 1 3 9 3 2 - 1 號		
初	版：	中華民國 77 年 6 月 15 日		

---

**登記證**

局版台字第0628號

◀版權所有 • 不許翻印▶

# 自序

## 一

記曰：「記問之學，不足以爲人師。」余之治章句，固亦自知其陋矣！夫讀書必先識字，「訓詁明而後義理明。」此不刊之論也。乾、嘉諸儒嘗致力於是，其功誠不可沒。子夏曾辨「三豕」爲「己亥」，孔子曰：「吾猶及史之闕文也，」孟子曰：「盡信書，則不如無書。」書缺有閒，不待言矣。論語爲書，既乃孔門弟子各有所記，又非一時、一地之所著錄，其繆譌、脫佚、錯誤、牴牾自在意中；則考據校勘之事又焉可廢邪？

## 二

釋竺道生有言：「忘筌取魚，一頓悟成佛。」其後禪宗撫拾其說，變本加厲；更有：「以心傳心，不立文字」之法。果爾，則教化何所施？而嬴秦之焚書，又豈罪乎？矧訓詁之於義理，猶筌、蹄之於魚、兔，得意者固可忘言；然無筌、蹄何由以獲魚、兔？執塗人而知之。所謂工欲善其事，必先利其器也。孔氏之於學也，言「頓」必及於「漸」。學而篇曰：「學而時習之。」衛靈公篇曰：「吾嘗終日不食，終夜不寢，以思，無益；不如學也。」爲政篇曰：「學而不思則罔，思而不



學則殆。」禮記中庸篇曰：「有弗學，學之弗能弗措也；有弗問，問之弗知弗措也；有弗思，思之弗得弗措也；有弗辨，辨之弗明弗措也；有弗行，行之弗篤弗措也。人一能之，己百之；人十能之，己千之；果能此道矣，雖愚必明，雖柔必強。」易坤卦初六曰：「履霜，堅冰至。」象曰：「履霜，堅冰，陰始凝也；馴致其道，至堅冰也。」文言曰：「積善之家，必有餘慶；積不善之家，必有餘殃。臣弑其君，子弑其父，非一朝一夕之故；其所由來者漸矣，由辯之不早辯也。」荀子勸學篇曰：「積土成山，風雨興焉；積水成淵，蛟龍生焉；積善成德，而神明自得，聖心備焉。故不積跬步，無以至千里；不積小流，無以成江海；驥驥一躍，不能十步；駑馬十駕，功在不舍。鍥而舍之，朽木不折；鍥而不舍，金石可鏤。」子夏曰：「君子學以致其道。」故學記云：「君子如欲化民成俗，其必由學乎？玉不琢，不成器；人不學，不知道。」可以思過半矣。是知孔子之教，有「積學」而不言「心法」。孔子曰：「生而知之者，上也；學而知之者，次也。」又曰：「我非生而知之者，好古，敏而求之者也。」孔子以天縱之將聖，猶曰：「我非生而知之者，」况其凡乎？孔不世出，則生知之聖其猶鳳毛麟角也歟？世人有謂可經「頓悟」以通「義理」而沾沾自喜者，殊不知「上達」之必由於「下學」；郢書燕說，其去於孔氏之儒遠矣！

## 三

孔學之要，在於實踐躬行；文以載道，莫若謹言慎行。故史記引「子曰：『我欲載之空言，不

如見之於行事之深切著明也」。「驚遠鑿空，皆非其正。湯曰：『庸德之行，庸言之謹。』」中庸曰：『言顧行，行顧言。』故孔子曰：『君子言之必可行也，行之必可言也；君子於其言無所苟而已矣。』又曰：『巧言，令色；鮮矣仁！』其譏微生高乞醯，則曰：『乞諸其隣而與之。』其誠宰予晝寢，則曰：『始吾於人也，聽其言而信其行；今吾於人也，聽其言而觀其行。』其斥鄉原，則曰：『德之賊也！』論語所輯，多百姓日用：處世、待人、接物之要義，涉於形而上之思辨者蓋寡；故全書並「此理」二字而無之，則孔子原不道「理學」，亦明矣。其於「五倫」之教，亦因歷史之演化，時勢之推移，「平等」觀念之普及；對於「君臣」、「夫婦」之關係，亦當有所改變。若必曰一言、一字放之四海而皆準，百世以俟聖人而不惑；則膠柱鼓瑟矣。惟其微言大旨之仍足以垂世立訓者，固所在多有：曰：『仁者，愛人。』曰：『克己復禮爲仁。』曰：『己所不欲，勿施於人。』曰：『己欲達，而達人；己欲立，而立人。』雖之異域殊方不可棄也！趙普曰：『半部論語定天下，半部論語致太平。』當今之世，風俗日偷，道德淪喪；論語之於修己、治生，蓋有餘矣。

#### 四

論語古本有：齊、魯、古三家。章句既自不同，而文字復有歧異。錯雜複出，益滋疑義。兩千年來，注、疏之書，汗牛充棟。閒或支離傳會，曲解穿鑿；致衆說紛呶，莫衷一是。朱熹集註出，幾家喻戶曉；其有功於孔氏信矣。然朱注興，而漢、晉、六朝之舊說幾至遺忘。雖有新義，時亦瑕

瑜並見。寸有所長，尺有所短；因依論語原書，著手改編，類聚羣分，別定章句。注釋則採各家之長，擇善而從；間有歧義，並畧附己見。由訓詁以通義理，復從義理、文例而明其得失。總期以論解論，以孔說孔爲主；先求內證，次及禮記、孟子、周易；旁稽先秦、史，兼撫歷代先賢雜說。不立漢、宋門戶，不受傳統束縛，不爲復古張目；純取客觀，不稍曲附。前人成說，縱使先獲我心，亦必明其出處；未敢掠美也。竊以時代日新，當與俱進；不宜故步自封，刻舟求劍。諸凡文句之改定，章次之移易，皆以審慎出之，使先後互相對應；斟酌損益，頗費周章，亦非漫無準繩也。讀者高明，視爲編者個人治學之「途徑」與「方法」也可；視爲個人之「假定」與「嘗試」也可；非敢謂：廢論語原書不觀，而曲就吾說也。管窺淺見，雕蟲末技，知不足以登大雅；然一得之愚，或可供同志之參考爾耳。儻有衛道之士指爲亂典，叛道離經；則予欲無言矣！

中華民國五十二年，歲次癸卯，五月初六日，福州嚴靈峯序於九龍珠海書院。



## 修訂序

本書於民國五十一年春間，爲香港珠海大學中文系講授「專書選讀」而作；隨手編印，頗爲草率。旋於民國五十二年八月，在港印行；題：「論語講義」。其實，此書乃編者繼老子、列子「章句新編」而作也。論語分類注解，前人固已有之；而此書體製雖略相同，但編纂之方法具有一定之標準也；故改稱今名。此外尚有「孔子略傳」與「論語傳授述要」二篇，當時囿於篇幅，未能附入。後者已刊於臺北藝文印書館發行之「無求備齋論語集成」，不再具錄。茲乘再版之便，特檢「孔子略傳」付印，以存其舊。新版除改正譌誤外，並略加修補，或較勝於前矣。

中華民國五十七年五月四日。福州嚴靈峯於臺北市。

## 修訂本再版自序

本書原題：「論語講義」，於民國五十一年在香港出版；五十七年，由臺北水牛出版社重印發行，改名：「論語章句新編」，迄今又十有二年矣。近來各方提倡中學生應研習論語，殊覺此書有再版之必要。因其內容曾經分類整理，採各家之勝義，作簡要之註解；標點斷句，明白曉暢；甚便初學也。茲細檢全書，仍有譌誤，已予校讐修正；並加人名、書名符號，尋省易了；使文字不致混殺費解。不但可作學校教材，亦足供一般研究之參考；實爲本書之特點。末附論語成書年代及其傳授考略一文，並日本正平刊本論語全文，以資比照；益臻完備。再版對於爲政篇：「七十而縱心所欲不踰矩」一章，略作新解。「縱」字，皇侃義疏、朱熹集註並作「從」；前人皆自「從心所欲」斷句，竊謂未得。季氏篇引孔子曰：「及其老也，血氣既衰，戒之在得。」孔安國注云：「得，貪得也。」夫年屆七十，而「縱心所欲」，其能「不踰矩」乎？列子楊朱篇：「從心而動，不違自然所好。」此蓋「從心」之義。荀子禮論篇云：「人生而有欲，欲而不得，則不能無求；求而無度量分界則爭，爭則亂，亂則窮。」老子曰：「罪莫大於可欲，咎莫大於欲得。」此亦孔子「戒之在得」之意。又曰：「少私寡欲」，此卽「所欲不踰矩」邪？倘以「從心所欲」爲讀，則謬矣。論語先進篇，「子畏於匡，顏淵後，子曰：『吾以汝爲死矣。』」曰：「子在，回何敢死。」諸家注疏，極盡穿鑿。近閱臺灣聯合報「副刊」、隨緣隨筆專欄，阮文達先生「論語疑義」略謂：其叔父印長先生云：「此一「死」字，篆文與「先」字近似：可能係「子在，回何敢先」之誤。」其說甚當。按：鄉黨篇：「鄉人飲酒，杖者出，斯出美。」孟子告子篇：「徐行後長者，謂之弟；疾行先長者，謂之不弟。」荀子性惡篇：「今人飢，見長者不敢先食

者，長幼之序也。」莊子天道篇：「君先而臣從，父先而子從，兄先而弟從，長先而少從，男先而女從，夫先而婦從。夫尊卑先後，天地之行也；故聖人取象焉。」孔子與顏回相失，疑其先行。顏回乃孔門入室弟子，豈有在患難之中棄孔子而不顧？故答：「子在，回何敢先！」以釋孔子之疑，並明尊卑先後之序也。又上句：「吾以汝爲死矣。」「死」字亦當作「先」。將付剞劂，略述所見，以質高明。

本版承鄭成海、謝忠正兩同學代爲校正，謝同學並提供不少寶貴意見。在此敬表謝忱！

中華民國七十年三月八日，嚴靈峯於臺北市。



# 凡例

一、本書以日本正平刊本何晏「論語集解」爲底本，參考日本元治元年根遜志校正之梁皇侃「論語義疏」及朱熹「論語集註」諸書，纂註而成。

二、本書依論語各章內容加以分類重編，共二十篇；末附「殘篇」一篇，乃輯書中可疑文字，認其不屬於論語原書，或係古逸之尙書、禮記殘篇斷簡者。

三、本書每章之後附有：「註釋」與「參考資料提示」二欄。「註釋」則雜採漢、晉以來各家勝義，不立漢、宋門戶，擇善而從。單字、詞語，則儘量根據先秦著述；其次乃取爾雅、說文、釋名以及其他字書、辭典之詁訓。惟原本多日本之「俗書」或簡寫，如：「包」之作「苞」，「罔」之作「𦉳」，「己」之作「巳」，「惡」之作「𡙇」，不辨自明；皆逕予改正。惟因字數太多，故未一一指明。皇侃注疏頗類「口語」，平白易曉；但輒有「俗字」，只好一仍其舊。「提示」則依劉寶楠之「論語正義」、楊樹達之「論語古義」、「論語疏證」中所引之書目，並予斟酌增刪，俾讀者尋省便利。

四、論語文字分類，頗費周章；如：「八佾篇：『事君盡禮』」章，可列入新編之「禮樂篇」，亦可列入「爲政篇」；「子罕篇：『子云吾不試』」章，可入新編之「藝能篇」，亦可入「自述篇」；「鄉黨篇：『朋友死無所歸』」章，可入新編之「交友篇」，亦可入「行誼篇」。總之，視其思想重心或

爲編輯方便，分別取捨。

五、本書所稱「原某篇」者，乃指原本篇名而言；因新編各篇別有題名，讀者自能辨識。

六、本書對於論語文義，未能確定其原意者，寧予「闕疑」；二說並通者，則兩存之。關於古注之義訓，有未安或曲說者，則別爲解釋；但此僅編者個人一得之見，自未敢視爲定論。

七、本書錯簡、異文輒有更定，或據前賢成說或依個人己意，俱可視作一種「假定」，非謂廢棄原書；讀者自有古本可觀，用此聊備參考可也。

八、本書雖經重分章句，因論語全書各章均可單獨作解，縱有移動，大抵不失原文、原意；非不得已，則儘量保持原狀。

九、本書乃編者授課講義，隨編隨印；且時間匆促，紕繆難免。尤其標點、錯字，因一人自寫、自校，必有未週。望方家不吝謫正，俾於再版時重加修訂；個人幸甚！

## 孔子略傳

### 【一】

孔子生魯昌平鄉陬邑①。其先，宋②人也；曰孔防叔。防叔生伯夏，伯夏生叔梁紇③。紇與顏氏女④禱於尼丘⑤，野合⑥，得孔子⑦。魯襄公二十二年⑧而孔子生，故因名曰「丘」云；字「仲尼」⑨，姓孔氏。丘生而叔梁紇死，葬於防山⑩，——防山在魯東——由是孔子疑⑪其父墓處；母諱⑫之也。孔子母死，乃殯⑬五父之衢⑭，蓋其愼也。邾人⑮輓父⑯之母誨⑰孔子父墓，然後往，合葬於防焉。孔子要經⑱。

〔註釋〕：

①昌平鄉陬（フ又）邑 孔安國曰：「陬，孔子父叔梁紇所治邑。」即今山東曲阜縣城。按：疑本當云：「陬邑昌平鄉」。

②宋 國名，微子之後。

③叔梁紇（フ又） 胡適曰：「春秋時人往往把「字」用在「名」的前面。例如：叔梁（字）紇（名），孔父

孔子略傳



(字)嘉(名)，正(字)考父(名)，孟明(字)視(名)，孟施(字)舍(名)；皆是。左傳文十一年，襄十年，正義都說：「古人連言名、字者，皆先字後名。」胡適說是，當從之。按：孔子家語「梁紇」連稱，恐非。

④顏氏女 司馬貞索隱引家語曰：「梁紇娶魯之施氏女，生九女；其妾生孟皮。孟皮病足，乃求婚於顏氏；徵在從父命爲婚。」

⑤尼丘 山名。張守節正義引地理志云：「魯縣有尼丘山。」在今曲阜縣東南。

⑥野合 索隱曰：「今此云『野合』者，蓋謂梁紇老而徵在少，非當壯室初笄之禮，故云『野合』；謂不合禮儀。」又正義曰：「男八月生齒，八歲毀齒；二八十六陽道通，八八六十四陽道絕。女七月生齒，七歲毀齒；二七十四陰道通，七七四十九陰道絕。過此者皆爲『野合』。」此皆儒家爲孔子辯護之辭，非也。按：禮記檀弓上：「孔子少孤，不知其墓。」鄭玄注：「孔子之父叔梁紇與顏氏之女徵在『野合』而生孔子，徵在恥焉，不告。」漢人舊注尙不諱言，而云「徵在恥焉」；足見「野合」乃不正當之行爲。「野合」，係在野外交合，即男女交媾之性行爲，因在尼丘，故曰「野」也。

⑦得孔子 得，說文：「行有所得也。」玉篇：「獲也。」儀禮鄉射禮：「坐而獲。」鄭玄注：「謂射中者言獲。」易說卦：「震一索而得男。」疏：「得父氣者爲男。」此「得孔子」，猶言因「野合」乃使徵在身孕而懷孔子也。

⑧魯襄公二十二年 當西元前五五一年。

⑨名丘字仲尼 因在尼丘野合而得孔子，以名、字相配，用以志尼丘之禱，示不忘也。

⑩防山 山名。正義引括地志云：「在兖州曲阜縣。」按：亦稱「筆架山」。

⑪疑 惑也。《易乾卦》：「或之者疑之也。」謂是非不決。

⑫諱 《說文》：「諱也。」又：「諱，誠也。」玉篇：「諱，隱也；忌也。」

⑬殯 《說文》：「死在棺，將遷葬柩，賓遇之。」按：猶今權厝或浮葬。蓋殯爲暫時，葬爲永久。

⑭五父之衢 《正義》曰：「在兗州曲阜縣西南二里，魯城內街道也。」按：左傳襄十一年杜注：「五父衢，魯縣東南道名。」與正義作西南異。作「東南」是。

⑮陬人 《正義》曰：「上音鄒。」按：卽「陬」字。猶「隣」之書作「鄰」。《論語八佾篇》：「鄒人之子」作「鄒」。陬、鄒、鄰並通用。

⑯輓父之母 輓，禮記檀弓作「曼」。鄭玄注：「曼父之母與徵在爲鄰相善。」則曼父當爲人名，曼、輓音近互假也。

⑰誨 《說文》：「曉教也。」玉篇：「教示也。」






⑱要絰（ㄉㄛˋ） 要 同腰。絰，喪服麻帶。謂腰間繫以麻帶，服喪也。

### 【三】

孔子生而首上圩頂①，長九尺有六寸，人皆謂之「長人」而異之。孔子爲②兒嬉戲，常陳俎豆③，設禮容④。

〔註 釋〕：

①圩（ㄅㄨ）頂 按：「生而首上圩頂」六字，原在上文「故因名曰丘」句上。《說文》：「丘，土之高也。」周禮春官大司樂：「圓丘。」疏：「土之高者曰丘。」家語本姓解：「而私禱尼丘之山以祈焉，生孔子，故名

丘，字仲尼。」則孔子之名曰丘，與「圩頂」未必有關；「圩頂」乃言孔子生異乎人，應與「長九尺六寸」一類，因移此上。又：索隱曰：「圩，音烏。頂，音鼎。圩頂，言頂上竄也。故孔子頂如反字。反字者，若屋宇之反，中低而四傍高也。」丘，甲骨文作，金文作，古文從土作，小篆作，蓋皆形之演化。則丘之本義似爲山之中圩者；惟與孔子之命名是否有關，不得而知，列此以作參考。

②爲 讀去聲。外動詞，助也。如論語述而篇：「夫子爲衛君乎？」史記呂后本紀：「爲劉氏者左祖。」言孔子助兒童嬉戲也。

③俎豆 正義曰：「以木爲之，四升，高尺二寸。」按：論語衛靈公篇：「俎豆之事，則嘗聞之矣。」孔安國注：「俎豆，禮器也。」劉寶楠曰：「俎載牲體。豆盛醢醬及諸濡物。」即古代祭祀用器。

④禮容 禮記冠義：「禮文之始在於正容體。」又玉藻：「君子之容舒遲，見所尊者齋遯：足容重，手容恭，目容端，口容止，聲容靜，頭容直，氣容肅，立容德，色容莊。」按：猶禮儀也。此段原在上文，因言孔子幼時異於常人，故移此。

### 【三】

孔子少①貧且賤，及長，嘗爲委吏②，料量平③，嘗爲司職吏④，而畜蕃息⑤。

#### 〔註釋〕

①少 此原無「少」字。按：論語子罕篇：「吾少也賤，故多能鄙事。」與下文各事合，因據臆補。

②委吏 原作「季氏史」三字。索隱曰：「有本作「委吏」，趙岐曰：「委吏，主委積倉庫之吏。」按：孟子萬章篇：「孔子嘗爲委吏矣。」與別本合。疑「委吏」二字漫漶，不可別識，與「季氏史」三字近，校者不察，以爲魯有「季氏」，遂以孔子爲「季氏史」矣；茲依孟子文改。

③料量平 說文：「料，量也。」玉篇：「數也，理也。」說文：「量，稱輕重也。」廣韻：「平，正也。」

按：即孟子萬章篇：「會計當。」

④司職吏 職通杙（一），概也。周禮地官牛人：「凡祭祀共其享牛，求牛，以授職人而芻之。」鄭玄注：「職，讀爲機，機謂之杙，可以繫牛。」是「司職吏」即「職人」，掌管牛、羊之事。即孟子萬章篇之「乘田」也。

⑤畜蕃息 左傳桓六年：「謂其畜之碩大蕃滋也。」杜注：「六畜既大而滋也。」莊子天下篇：「蕃息」，成玄英疏：「蕃滋生息。」按：此畜字指牛、羊等六畜言；即孟子萬章篇：「牛、羊茁壯長」也。

#### 【四】

魯定公八年，以孔子爲中都宰①，一年，四方皆則之②。由中都宰爲司空③，由司空爲司寇④。定公十年春，及齊平⑤。夏，齊大夫黎鉏⑥言於景公，曰：「魯用孔丘，其勢危齊。」乃使告魯爲好會⑦，魯定公且⑧以乘車好往⑨。孔子攝相事⑩，會齊侯於夾谷⑪。十四年，孔子年五十六，誅魯大夫亂政者少正卯⑫。與聞國政三月，粥羔豬者弗飾賈⑬；男女行者別於塗⑭；塗不拾遺；四方之客至乎邑者不求有司⑮，皆予之以歸⑯。

#### 【註釋】：

①中都宰 中都，地名。魯邑，在今山東汶上縣西。宰，官吏。

②皆則之 索隱曰：「皆取法則焉。」

③司空 官名。漢書百官公卿表：「禹作司空平水土。」即掌工程之官。

④司寇 官名。掌刑獄。即司法官。按：「司寇」上原有「大」字。孟子告子篇下：「孔子爲魯司寇。」

無「大」字。因據刪。

⑤及齊平 索隱曰：「及，與也；平，成也。」謂與齊和好，故云「平」。

⑥黎鉏 人名。

⑦好會 詩鄭風女曰鷄鳴：「知子之好之。」鄭玄箋：「謂與己和好。」猶今之「和平會議」或「友好談判」也。

⑧且 猶將也。

⑨好往 謂善意而往，不備武裝也。

⑩攝相事 攝，代也；兼也。左傳隱公元年：「不書即位，攝也。」毛奇齡曰：「周時無以「相」名官者，上文所云「相」，乃償相之相，非卿相之相。」毛說是也。按：孔子當時所負使命乃暫充隨從人員。猶今之出國參加國際會議代表團顧問之類。

⑪夾谷 地名。穀梁傳作類谷，在今山東萊蕪縣境內。

⑫少正卯 人名。孔子誅少正卯事不見於春秋經傳及論語、孟子、禮記諸書，但並見於家語、淮南子、說苑、荀子。荀子宥坐篇云：「孔子爲魯攝相，朝七日而誅少正卯。門人進問曰：『夫少正卯魯之聞人也，夫子爲政而始誅之，得無失乎？』」孔子曰：「居！吾語女其故：人有惡者五，而盜竊不與焉。一曰，心達而險；二曰，行辟而堅；三曰，言僞而辯；四曰，記醜而博；五曰，順非而澤。此五者，有一於人，則不免得君子之誅；而少正卯兼而有之。」……」

⑬粥羔豬者弗飾買 粥，同鬻，販賣。買，同價。飾買，謂抬高價；弗飾買，猶言「不二價」。按：家語相魯篇作：「鬻牛馬者不儲價，賣羊豬者不加飾。」又：飾，文飾也，矯飾外貌。所謂：「掛羊頭賣狗肉」，是

也。

⑭別於塗 塗，同途，道路。別於塗，乃分道而行；不同行也。

⑮有司 說文：「司，臣司於事外者也。」此指主管其事之小吏，猶今謂執事者。

⑯皆予之以歸 家語作：「皆如歸焉。」王肅注：「言如歸家無所之也。」按：猶云：「賓至如歸。」

### 【五】

已而去魯①，斥乎齊②，逐乎宋、衛③，困於陳、蔡之間④，於是反魯。——孔子之去魯，凡十四年而反乎魯。然魯終不能用孔子，孔子亦不求仕。

### 【註釋】：

①論語微子篇：「齊人歸女樂，季桓子受之，三日不朝，孔子行。」

②斥 漢書武帝紀：「無益於民者斥。」注：「謂棄逐之。」論語微子篇：「齊景公待孔子，曰：『若季氏，則吾不能。』以季、孟之間待之。曰：『吾老矣，不能用也。』孔子行。」

③孟子萬章篇：「孔子不悅於魯、衛，遭宋桓司馬，將要而殺之；是時孔子當厄。」

④論語衛靈公篇：「在陳絕糧，從者病，莫能興。」孟子萬章篇：「君子之厄於陳、蔡之間也，無上下之交也。」

⑤反魯 論語子罕篇：「子曰：『吾自衛反魯。』」按：此當爲魯哀公十四年。又：此段原在上文，因不相屬，今移此。

### 【六】



孔子之時，周室微而禮、樂廢，詩、書缺①。追迹②三代之禮，序書傳③；上紀唐、虞④之際，下至秦繆⑤，編次其事。故書傳、禮記⑥自孔氏。孔子語魯太師⑦，曰：「吾自衛反魯，然後樂正⑧，雅、頌各得其所。」古者詩三千餘篇，及至孔子，去其重，取可施於禮義，上采⑨契、后稷⑩，中述殷、周之盛，至幽、厲之缺，始於衽席⑪。故曰：「關雎之亂⑫，以爲風始；鹿鳴爲小雅始；文王爲大雅始；清廟爲頌始⑬。」三百五篇⑭，孔子皆弦歌之⑮，以求合韶、武⑯、雅、頌之音；禮、樂自此可得而述。孔子晚而喜易⑰，序彖、繫、象、說卦、文言⑱。讀易韋編⑲三絕⑲，曰：「假⑲我數年，若是，我於易則彬彬⑲矣。」

〔註釋〕：

①缺 說文：「器破也。」同闕，謂不全也。

②追迹 追述以前陳迹。論語八佾篇：「夏禮吾能言之，杞不足徵也；殷禮吾能言之，宋不足徵也；文獻不足故也。足，則吾能徵之矣。」

③序書傳 序通敘。說文：「叙，次第也。」亦「編次」之意。尚書爲古代所傳，故曰「書傳」。

④上紀唐虞 唐、虞卽堯、舜，指以堯典爲首篇。

⑤下至秦繆 秦繆卽秦繆公，指以秦誓爲末篇。

⑥禮記 書名。爲時人所記，故曰「禮記」。

⑦太師 樂官名。

⑧樂正 鄭玄注論語曰：「是時道衰樂廢，孔子來還乃正之。」按：猶云：「正樂」。

⑨采 同採。

⑩契后稷 契，殷之始祖。后稷，周之始祖。

⑪枉席 枉，說文：「衣衾也。」枉，同衿、襟。席，說文：「籍也。謂以席籍之於地也。」此指家庭內務，閨房之事言。

⑫亂 論語泰伯篇：「予有亂臣十人。」馬融注：「亂，治也。」按：論語八佾篇：「子曰：『關雎樂而不淫，哀而不傷。』」孔安國注：「樂不至淫，哀不至傷，言其和也。」是此當從反訓作「治」解。

⑬詩 詩經，書名。分爲風、雅、頌三部：風有十五國風，關雎爲國風之首篇，所以說「以爲風之始」。雅，分小雅、大雅，鹿鳴爲小雅之首篇，文王爲大雅之首篇。清廟爲頌之首篇。

⑭三百五篇 卽三百零五篇，爲詩經全部篇數。論語爲政篇：「子曰：『詩三百。』」乃約言之也。

⑮皆弦歌之 弦，皇侃本作「絃」。說文：「弦，弓弦也。」禮記樂記：「舜作五弦之琴以歌南風。」鄭注：「弦，琴瑟也。」論語陽貨篇：「聞弦歌之聲。」又：說文：「歌，詠也。」徐鍇注：「歌者長引其聲以誦之也。」又按：弦歌，當是和琴瑟而歌詠。此所謂「弦歌」乃指孔子將所刪存之三百五篇，皆自以琴瑟和調使與古樂相協，猶今之以樂譜校正歌曲。故下云：「以求合韶、武、雅、頌之音。」

⑯韶武 皆樂名。論語八佾篇：「子謂韶，盡美矣，又盡善也；謂武，盡美矣，未盡善也。」孔安國注：「韶，舜樂名；武，武王樂也。」

⑰易 書名，易經。

⑱序 序通敘。與上「序書傳」文序同。彖，爲彖辭，比卦辭爲詳，論一卦之大意。繫，爲繫辭，論全部易理。象，象辭，解釋爻辭之義；又有大象，明卦意吉凶及趨避之方向。說卦，述八卦之變化及代表之意義。文言，解釋並泛論每卦之大旨。按：文言現僅有乾、坤、二卦。

⑱章編 說文：「韋，相背也，从舛，□聲。可以束物。」廣韻：「韋，柔皮。」編，說文：「次簡也。」段玉裁注：「以絲次第竹簡而排列之曰『編』。」是此當是以皮爲帶而束之竹簡也。

⑳絕 斷也。

㉑假 借爲加。論語述而篇：「子曰：『加我數年，五、十以學易，可以無大過。』」按：「五」、「十」，謂「五年」或「十年」；方合「數年」之義。或謂此二字乃「卒」之譌。

㉒彬彬 說文：「彬，文質備也。」論語雍也篇：「文質彬彬，然後君子。」包咸注：「彬彬，文質相半之貌。」

【七】

魯哀公十四年①春，狩大野②，叔孫氏③車子鉏商④獲獸，以爲不祥。仲尼視之，曰：「麟也⑤！」取之。曰：「河不出圖，雉不出書⑥，吾已矣夫！」乃因史記⑦作春秋⑧，上至隱公，下訖哀公十四年，十二公⑨。據魯⑩，親周⑪，故殷⑫；運之三代⑬，約其文辭而指博⑭。至於爲春秋，筆則筆，削則削⑮，子夏之徒不能贊一辭⑯。弟子受春秋，孔子曰：「後世知丘者以春秋，而罪丘者亦以春秋⑰。」因成六藝⑱，以備王道⑲。孔子以詩、書、禮、樂教，弟子蓋三千焉⑳，身通六藝者七十有二人。

【註釋】：

①當西元前四八一年。

②狩大野 爾雅釋天：「冬獵爲狩。」大野，藪名。左傳哀公十四年杜注：「在高平鉅野縣東北大澤，是也。」

③叔孫氏 魯有三卿稱「三家」。論語八佾篇：「三家者以雍徹。」何晏注：「三家，謂仲孫、叔孫、季孫。」此叔孫氏當即魯三卿之一。論語子張篇有叔孫武叔。

④車子鉏商 索隱曰：「車子爲主車車士，微者之人也；人微故略其姓。」服虔曰：「鉏商，名也。」

⑤麟 卽麒麟。春秋哀公十四年經：「西狩獲麟。」杜注：「麟者仁獸，聖王之嘉瑞也。」說文：「麟，麒麟仁獸也。麕身，牛尾，一角。」又：「麕，牝也。」家語辯物解：「使人告孔子曰：『有麕而角者，何也？』」孔子往觀之，曰：「麟也。」服虔曰：「麟非時所常見，故怪之以爲不祥也。」按：近人或以爲長頸鹿。

⑥河圖雒書 河圖，圖名。論語子罕篇：「孔子曰：『河不出圖，吾已矣夫！』」孔安國注：「河圖，八卦是也。」鄭玄注尚書顧命曰：「河圖，圖出於河。」雒書，亦作洛書，易繫辭傳：「河出圖，洛出書，聖人則之。」則「洛書」，乃「書出於洛。」二者皆古代傳說之典籍，已不可考。

⑦史記 乃魯史官所記，孟子所謂「魯之春秋」。非司馬遷之「史記」或「太史公書」。

⑧春秋 此乃孔子據魯史而刪定之春秋，即現存之春秋經。有左氏、公羊、穀梁三傳。

⑨十二公 卽：隱、桓、莊、閔、僖、文、宣、成、襄、昭、定、哀是。

⑩據魯 春秋乃據魯史記而作之編年史，索隱曰：「言天子修春秋，以魯爲主；故云：『據魯』。」按：春秋用魯國紀年。

⑪親周 索隱曰：「時周雖微，而親周王者，以見天下之有宗主。」按：左傳隱公元年經：「元年春、王正月。」

杜注：「隱公之始年，周王之正月也。」此雖魯國紀年，仍記周王之正月，明以周爲正統也。所以論語八佾篇：「子曰：『周鑑於二代，郁郁乎文哉！吾從周。』」此卽親周之義。

⑫故殷 故，猶舊也。如易革卦：「革，去故也。」朱熹注論語：「周鑑於二代」云：「監，視也。二代，夏

、商也。言其視二代之禮而損益之。」按：方言：「監，察也。」韻會：「通作鑑、鑒。是監，猶借鑑；即以殷爲鑑戒。是故殷，卽以殷爲古而借鑑之也。又：列子黃帝篇：「吾生於陵而安於陵，故也。」故，有因義；所謂「周因於殷禮」，因殷之故也。

⑬運之三代 正義曰：「運夏殷周之事也。」按：論語爲政篇：「子曰：『殷因於夏禮，所損益可知也；其或繼周者，雖百世可知也。』」何晏注：「物類相召，勢數相生。其變有常，可預知也。故曰：『運之三代』。」亦卽「太史公自序」所謂：「夫春秋上明三王之道」是也。

⑭約 簡要也。禮記坊記：「君子約言。」孔穎達疏：「謂省其言也。」指，同旨，猶宗旨也。

⑮筆則筆削則削 筆，釋名：「述事而書之也。」削，玉篇：「刻治也。」增韻：「刮削也。」按：削，書刀也。古者未有紙筆，故以削刻字。此猶云：「可記者則記之，可刪者則刪之也。」

⑯贊 中庸：「贊天地之化育。」朱熹注：「贊，猶助也。」按：此謂孔子下筆謹嚴，門人無從置喙也。

⑰孟子滕文公篇：「孔子曰：『知我者其惟春秋乎！罪我其惟春秋乎！』」又云：「孔子作春秋而亂臣賊子懼。」劉熙曰：「知者，行堯、舜之道者也。罪者，在王公位見貶絕者。」

⑱因成六藝 原無「因」字，依文意增。六藝卽：詩、書、易、禮、樂、春秋。按：「成六藝」原在上文，此係總結孔子著述之事，故移此。

⑲以備王道 書洪範：「王道蕩蕩。」孔穎達疏：「王家所行之道。」六藝既成，則王者之道備矣。按：此句原在「成六藝」句上，因六藝成，王道始備；故移「六藝」下以結上文也。

⑳蓋 疑辭。「蓋三千焉」，猶云：「大概有三千人。」或「據說有三千人。」

明歲，孔子病，子貢請見。孔子方負杖逍遙①於門，曰：「賜！汝來何其晚也？」孔子因歎，歌曰：「泰山壞乎！梁柱摧乎！哲人萎②乎！」因以涕下。後七日卒。孔子年七十三，以魯哀公十六年③四月己丑④卒。哀公誄⑤之，曰：「旻天不弔⑥，不慙⑦遺一老，俾⑧屏⑨余一人以在位，瑱瑳⑩余在疚⑪！尼父，毋自律⑫！」

〔註 釋〕：

①逍遙 優游自得貌。

②萎 王肅曰：「萎，頓也。」

③當西元前四七九年。

④己丑 此處乃用干支紀日，謂四月己丑之日，當四月何日？未獲定論。

⑤誄（ㄌㄞˋ） 說文：「諡也。」釋名：「累也，累列其事而稱之也。」

⑥旻（ㄇㄧㄣˊ） 天不弔 旻，說文：「秋天也。」郭璞注爾雅云：「旻，猶慙也，慙萬物彫落。」弔，詩檜風：「中心弔兮」傳：「弔，傷也。」猶云：天不憐憫之意。

⑦慙（ㄇㄣˊ） 左傳哀十六年傳杜注：「慙，且也。」按：史記作「慙」，茲據左傳。又禮記檀弓篇文作：「天不遺耆老。」

⑧俾 左傳杜注：「使也。」

⑨屏 左傳杜注：「蔽也。」按：禮記檀弓篇作：「莫相予位焉。」鄭注：「莫，無也；相，佐也。」言孔子死無佐助我處位者。」論語堯曰篇：「屏四惡。」孔安國注：「屏，除也。」疑當作屏棄解。

⑩瑱（ㄊㄩㄢˋ） 玉篇：「單也。無所依也。」又：「憂思也。」

⑪疾 左傳杜注：「病也。」

⑫尼父母首律 父，讀上聲，尊稱之辭。如文王稱呂尚爲「尚父」，齊桓公稱管仲爲「仲父」。左傳杜注：「律，法也。言喪尼父無以自爲法。」王肅曰：「父，丈夫之顯稱。律，法也。言毋以自爲法也。」

【九】

孔子葬魯城北泗上①，弟子皆心喪②三年。三年心喪畢，相訣③而去，則哭，各復盡哀；或復留。惟子貢廬於冢上④，凡六年，然後去。弟子及魯人往從而家者百有餘室，因命曰：「孔里」

【註釋】：

①泗上 史記裴駢注引皇覽曰：「孔子冢去城一里。」按：家語終紀解作：「葬於魯城北泗水上。」有「水」字。

②心喪三年 「心喪」二字原作「服」。按：禮記檀弓篇：「事師無犯無隱，左右就養無方，服勤至死，心喪三年。」鄭玄注：「心喪戚如父而無服也。」檀弓又云：「孔子之喪，門人疑所服，子貢曰：『昔夫子之喪顏淵，若喪子而無服；喪子路，亦然。請喪夫子若喪父而無服。』」鄭玄注：「無服，不爲衰弔服而加麻；心喪三年。」是孔子之時喪制，弟子對師「無服」，只有「心喪」，此處不當云：「服三年。」家語終紀解亦不言「服」，僅云：「行心喪之禮。」「三子三年喪畢。」此云：「心喪三年」，下文「三年心喪畢」，正承此言也。因據各書紀載改。

③訣 索隱曰：「訣音決，別也。」

④廬於冢上 索隱曰：「家語無「上」字。且禮云：「適墓不登隴。」豈合「廬於冢上」乎？蓋「上」者亦邊

側之義。」按：家語作：「惟子貢廬於墓六年。」說文：「廬，寄也。」孟子滕文公篇：「子貢反，築室於場，獨居三年，然後歸。」則是「廬於家上」，即築室寄居於墓場也。

③從而家者 家語終記解云：「自後羣弟子及魯人處於墓如家者百有餘家。」按：此當是由守墓而逐漸遷往孔子墓地而定居之，因而成爲「孔里」。

## 【十】

孔子生鯉，字伯魚。伯魚年五十，先孔子死①。伯魚生伋，字子思，年六十二。子思作「中庸」②。

### 〔註釋〕：

①按：論語先進篇：「子曰：『鯉也死，有棺而無槨。』」足證伯魚先孔子而死。

②中庸 書名，爲「禮記」之一篇。宋代朱熹將「禮記」中另一篇「大學」與「論語」、「孟子」合編爲「四子書」，簡稱「四書」。禮記中庸孔頴達疏引鄭玄云：「中庸者，以其記中和之爲用也。庸，用也。孔子之孫子思、伋作之，以昭明聖祖之德。」按：中庸是否子思所作，現尙聚訟，未獲定論。（按：此傳係據司馬遷史記「孔子世家」改編而成。）



# 目次

自序·····	一
修訂序·····	一
修訂本再版自序·····	一
凡例·····	一
孔子略傳·····	一
一 勸學·····	一
二 立身·····	一五
三 孝悌·····	三三
四 交友·····	四三
五 處世·····	四九
六 爲政·····	六七
七 禮樂·····	一〇七
八 藝能·····	一三三

九 論道	一五三
一〇 崇德	一六一
一一 安仁	一六九
一二 信義	一九七
一三 觀人	二〇五
一四 品評	二三三
一五 隱逸	二六五
一六 施教	二八三
一七 自述	二九九
一八 行誼	三三一
一九 門人	三五—
二〇 傳授	三九五
二一 殘篇	四三三
附錄一	

論語成書年代及其傳授考略	一
--------------	---

附錄二

論語全文	一
------	---

# 論語章句新編

## 一 勸 學

按：說文：「勸，勉也。」爲政篇：「舉善而教不能則勸。」又：學，說文：「覺悟也。」本作「斂」。禮記學記篇：「君子如欲化民成俗，其必由學乎？玉不琢不成器，人不學不知道。」故朱熹曰：「學之爲言效也。……後覺者，必效先覺之所爲。」此篇所輯，皆孔子勉人爲學之事；因題：「勸學」。

【一】孔子曰：「生而知之者，上也；學而知之者，次也；困而學之，又其次也；困而不學，民斯爲下矣。」（季氏篇）

### 「註釋」

○孔子 按：孔丘也。魯，昌平鄉，陬邑人。馬融曰：「子者，男子之通稱。」白虎通號篇：「子者，丈夫之通稱。」皇侃曰：「子是有德之稱，古者稱師爲子也。」是：「子」當限於稱男性，則女性不可稱「子」。但公冶長篇：「以其子妻之，」以其兄之子妻之，「乃指其女及侄女。至雍也篇之「南子」，述而篇之「吳孟子」，俱爲人名，而非尊稱；故與此異。

○曰 說文：「曰，詞也；從口，乙聲，亦象口氣出也。」皇侃引說文曰：「開口吐舌，謂之爲曰。」按：此不見今本說文，但其義則甚明確；故下云：「開口談說之語。」按：「曰」，爲象形字。

○生 說文：「進也。象草木生出土上。」按：孟子告子篇：「生之謂性。」此即荀子正名篇：「生之所以然者，謂之性。」性惡篇：「不可學，不可事而在人者，謂之性。」告「生」、「性」通用。此「生」字乃指

與生俱來而「固有」之意。

④知 玉篇：「識也；覺也。」按：荀子王制篇：「草木有生而無知。」楊倞注：「知，謂性識。」墨子經上篇：「知，接也。」莊子庚桑楚篇：「知者，接也；知者，謨也。」成玄英疏：「夫交接前物，謀謨情事；故謂之知也。」是此當指知覺或知識言。

⑤上也 皇侃曰：「若生而自有知識者，此明是上智聖人；故云：『上』也。」按：此孔子將人之知能分爲四等：上，一也；次，二也；又其次，三也；下，四也。猶左傳襄公二十四年：「太上，有立德；其次，有立功；其次，有立言。」老子第十七章：「太上，不知有之；其次，親之譽之；其次，畏之侮之。」太上，猶言「至上」，其次，則每况愈下。如英文：Comparison.

Positive, Comparative, Superlative.

Small, Smaller, Smallest.

Beautiful, more beautiful, most beautiful.

但孔子却不以「上智」自比。述而篇：「子曰：『我非生而知之者，好古，敏以求之者也。』」是孔子自認「學而知之」者。

⑥困 孔安國曰：「困，謂有所不通也。」皇侃曰：「而困又不學，此是下愚之民也。」

參考資料提示：

①禮記中庸篇， ②論衡實知篇。

【二】子曰：「學而時習之，不亦悅乎？」（學而篇）

【註釋】

①子 按：尊稱其師「孔丘」也。

①而 皇侃曰：「而，猶因仍也。」

②時 王肅曰：「時者，學者以時誦習也。」皇侃曰：「日夜無替也。」是此「時」字乃副詞，猶「隨時」之「時」。如英文「Always」或「Constantly」。

④習 說文：「習，鳥數飛也。」朱熹曰：「學之不已，如鳥數飛。」程頤曰：「習，重習。」是「習」爲練習或實踐之義。如英文：「Exercise」或「Practice」。

⑤不亦 孟子滕文公篇：「不亦善乎。」趙岐注：「不亦者，亦也。」皇侃曰：「亦，猶重也。」按：此猶：「無寧，寧也。」

⑥悅 朱熹集註本作「說」。並云：「喜意也。」皇侃曰：「悅者，懷抱欣暢之謂也。」王肅曰：「誦習以時，學無廢業，所以爲悅懌也。」

參考資料提示：①爲政篇十一章，②述而篇第二章。

【三】子曰：「學而不思則罔①，思而不學則殆②。」（爲政篇）

### 〔註釋〕

①思 說文：「思，睿也。」按：猶徐幹中論修本篇：「睿莫大乎自慮」之義。故六書總要云：「釋理爲思。」

②罔 按：禮記少儀篇鄭玄注云：「罔，猶罔罔無知貌。」

③殆 說文：「危也。」釋文云：「依義當作怠。」包咸曰：「學不尋思其義，則罔然無所得。」何晏曰：「不學而思終卒不得，徒使人精神疲殆。」按：孟子告子篇：「心之官則思，思則得之；不思，則不得也。」朱熹曰：「不求諸心，故昏而無得。」

參考資料提示：①衛靈公篇三十一章，②子張篇第六章，③禮記中庸篇，④荀子勸學篇，⑤中論治

學篇，⑥述而篇二十章。

【四】子曰：「吾嘗①終②日不食，終夜不寢③，以思，無益；不如學也。」（衛靈公篇）

【註釋】

①嘗 按：猶曾也；史記五帝本紀：「余嘗西至崑崙。」

②終 皇侃曰：「終，猶竟也。」

③寢 皇侃曰：「寢，眠也。」

參考資料提示：①爲政篇十五章，②荀子勸學篇。

【五】子曰：「君子①食無求飽②，居無求安，敏③於事而慎④於言，就有道⑤而正⑥焉；可謂好⑦學也已矣⑧！」（學而篇）

【註釋】

①君子 按：白虎通號篇：「或稱『君子』者，道德之稱也，『君』之爲言羣也；『子』者，丈夫之通稱也。

「禮記哀公問篇：『『君子』也者，人之成名也。』莊子天下篇：『以仁爲恩，以義爲理，以禮爲行，以樂爲和，薰然慈仁，謂之『君子』。』論語衛靈公篇：『君子義以爲質，禮以行之，孫以出之，信以成之：『君子』哉！』論語書中孔子言『君子』者多，但無明確定義，惟有道德者可當之；猶俗所謂：『循規蹈矩』之人。

②飽 說文：「飽，馱也。」又：「馱，足也。」

③敏 說文：「敏，疾也。」孔安國曰：「敏，疾也。」按：公冶長篇：「敏而好學，」孔安國注：「敏者，識之疾也。」是敏於事，猶疾勤於事；即今人謂處理事件之迅速也。又里仁篇：「君子欲納於言，而敏於行；

「亦即此「敏於事，而慎於言。」

④慎 說文：「謹也。」

⑤有道 孔安國曰：「有道，有道德者。」

⑥正 說文：「正，是也。」孔安國曰：「正，謂問其是非。」皇侃曰：「就有道德之人決正之也。按：易乾

卦文言：「問以辨之也。」

⑦好 朱熹曰：「好，去聲。」皇侃曰：「好，謂心欲也。」按：楚辭、惜誦：「父信纔而不好。」王逸：「好，愛

也。」

⑧也已矣 按：語助辭也。  
參考資料提示：①雍也篇十一章，②陽貨篇第六章，③里仁篇二十四章，④荀子勸學篇，⑤衛靈公

篇三十二章。

【六】子曰：「學如不及，猶恐失之。」（泰伯篇）

【註釋】

①如 皇侃曰：「如，若也。」

②及 說文：「及，逮也。」

③何晏曰：「學自外入，至熟乃可長久；如不及，猶恐失之耳。」繆協曰：「如不及者，已及也；猶恐失者，

未失也。言能恐失，則不失；如不及，則能及也。」朱熹曰：「言人之爲學，既如有所不及矣，而其心猶疎

然；惟恐其或失之。」

參考資料提示：①學而篇第一章，②子張篇第五章，③大戴禮記曾子立事篇，④淮南子繆稱篇。

【七】子張曰：「學如不及，猶恐失之。」子曰：「多聞闕疑，慎言其餘，則寡尤；多見闕殆，慎行其餘

，則寡悔④。言寡尤，行寡悔，祿在其中矣⑤。」（爲政篇）

【註釋】

○子張 孔子弟子。按：史記仲尼弟子列傳：「顓孫師，陳人，字子張；少孔子四十八歲。」

○干祿 鄭玄云：「干，求也。祿，祿位也。」按：周官大宰，鄭玄注：「祿，猶今之月俸也。」與此稍異。

○闕疑 劉寶楠曰：「左傳昭二十年注：『闕，空也。其義有未明，未安於心者，闕空之也。』」按：孟子盡

心篇：「盡信書，則不如無書，吾於武城，取二三策而已矣。」春秋桓公五年穀梁傳曰：「春秋之義，信以傳信，疑以傳疑。」此即「闕疑」之義。

○尤 包咸曰：「尤，過也。疑則闕之，其餘不疑，猶慎言之；則少過也。」

○殆 說文：「危也。」

○包咸曰：「所見危者，闕而不行，則少悔也。」皇侃曰：「悔，恨也。」

○鄭玄曰：「言行如此，雖不得祿，得祿之道也。」

參考資料提示：①里仁篇十四章、二十四章，②大戴禮記曾子立事篇，③衛靈公篇三十二章。

【八】子曰：「吾猶及史○之闕文○也②：『有馬者，借人乘之。』今則亡○矣夫⑤！」（衛

靈公篇）

【註釋】

○史 皇侃曰：「史者，掌書之官也。」按：當並指史書、史記之類。

○闕文 包咸曰：「古之良史於書字有疑，則闕之；以待知者也。」皇侃曰：「古史爲書，若於字有不識者，則懸而闕之，以俟知者；不敢擅造爲者也。」



③皇侃曰：「孔子自云，已及見昔史有此時闕文也矣。」

④亡 皇侃曰：「亡，無也。」

⑤包咸曰：「有馬者不能調良，則借人使乘習之；孔子自謂及見其人如此，至今無有矣。言此者，以俗多穿鑿也。」包說恐非也。楊時曰：「『史闕文』、『馬借人』，此二事。『今亡矣夫』，悼時之益偷也。」朱熹引胡氏曰：「此章疑義，不可強解。」朱熹曰：「夫，音扶。」又曰：「愚謂，此必有爲而言；蓋雖細故，而時變之大者可知矣。」楊說近是，惟「史闕文」、「馬借人」，乃一事而非二事也。按：鄉黨篇：「朋友之饋，雖車馬，非祭肉，不拜。」足證古禮，朋友有以車馬相饋餉也。故公冶長篇：「子路曰：『願車馬、衣輕裘，與朋友共；敝之而無憾。』」則借馬與人，古有此風；至孔子之時已不多觀。子路尚有古風，以此爲難能；遂以言志也。則「有馬者，借人乘之。」乃史之闕文，孔子言此七字闕文，彼曾及見；今已亡佚，不可得見矣。蓋時人不以馬借人乘也。姑備此說，俟夫知者

參考資料提示：

①爲政篇十八章，

②漢書藝文志，

③許慎說文解字叙，

④後漢書徐防傳，

⑤春秋桓

公五年。

【九】子曰：「三年學，不至○於穀○；不易得也○。」（泰伯篇）

【註釋】

①至 朱熹曰：「『至』，疑當作『志』，爲學之久，而不求祿；如此之人，不易得也。」朱說是也。按：「志於穀」，猶「干祿」也。荀子正論篇：「是王者之至也。」楊倞注：「『至』當爲『志』。」疑古「至」、「志」通用。

②穀 孫綽曰：「穀，祿也。」按：釋文引鄭玄注云：「穀，祿也。」

②易 朱熹曰：「易，去聲。」楊時曰：「雖子張之賢，猶以干祿爲問；況其下者乎？然則三年學而不至於穀，宜不易得也。」

參考資料提示：

①爲政篇十八章，②憲問篇第一章。

【十】子曰：「蓋○有不知而作之者，我無是也○。多聞，擇其善者而從之；多見，而識○之；知之次也。○」（述而篇）

【註釋】

①蓋 按：疑詞。史記李斯傳：「蓋聞聖人遷徙無常。」又：孔子世家：「弟子蓋三千焉。」又：「適周，蓋見老子云。」

②包咸曰：「時人多有穿鑿妄作篇籍者，故云然。」皇侃曰：「孔子曰：我無是『不知而作』之事也。」

③識 朱熹曰：「音志，記也。」

④皇侃曰：「若因多所見，則識錄也。不云『擇善』者，與上互文，亦可從知也。」皇說是也。按：「而識之」上當有「擇其善者」四字，蓋上下相對成文也。原當作：「多見，擇其善者而識之。」

⑤孔安國曰：「如此，次於生知也。」

參考資料提示：

①說苑建本篇，②先進篇第一章，③子罕篇第三章，④季氏篇第九章，⑤述而篇第十章。

【十一】子曰：「古之學者爲己○，今之學者爲人○。」（憲問篇）

【註釋】

①孔安國曰：「爲己，履道而行之也。」朱熹曰：「爲，去聲。」

○孔安國曰：「爲人，徒能言之也。」

參考資料提示：

①荀子勸學篇，

②北堂書鈔引新序，

③後漢書桓榮傳論。

【十二】子曰：「溫故而知新，可以爲師矣。」（爲政篇）

【註釋】

○何晏曰：「溫，尋也。」按：禮記中庸篇：「溫故而知新，」鄭玄注：「溫，讀如燂溫之溫。謂故學之孰矣，後時習之；謂之溫。燂，音尋。」又：左傳哀公十二年：「若可尋也。」服虔注：「尋之言重也，溫也。」

○何晏曰：「尋，尋故者，又知新者；可以爲師也。」

參考資料提示：

①學而篇第一章，

②子張篇第五章，

③禮記學記篇。

【十三】子曰：「知之者，不如好之者；好之者，不如樂之者。」（雍也篇）

【註釋】

○知之 皇侃曰：「知之，謂知學問有益者也。」

○好之 皇侃曰：「好之，謂欲好學之爲好者也。」朱熹曰：「好，去聲。」按：下同。

○包咸曰：「學問，知之者，不如好之者篤。」

○樂 皇侃曰：「樂，謂歡樂之也。」朱熹曰：「樂，音洛。」

○包咸曰：「好之者，不如樂之者深也。」

參考資料提示：

①陽貨篇第八章，

②淮南子繆稱篇。

【十四】子張問：「十世，可知也？」子曰：「殷因於夏禮，所損益可知也；

周因於殷禮，所損益可知也；其或繼周者，雖百世可知也。」（爲政篇）

【註·釋】

①世 說文：「三十年爲一世。」朱熹曰：「王者易姓受命爲一世。」皇侃曰：「十世，謂十代也。」又太平御覽五百二十二引鄭玄注云：「世，謂易姓之世也。」按：此言改朝換代，當從朱說。

②可知也 陸德明釋文云：「一本作『可知乎』？」皇侃曰：「可得逆知以不乎？」朱熹曰：「子張問：自此以後，十世之事可前知乎？」

③殷 按：成湯既滅夏，以商爲國號；初都於毫，在今河南商丘西南。傳至盤庚，再遷都於殷，在今河南偃師西；並改國號曰殷。

④因 皇侃曰：「故世世相因，百代仍襲也。」按：任也，猶仍襲也。莊子德充符篇：「常因自然，」郭象注：「因任自然。」

⑤夏 按：禹受舜禪後之國號，都安邑。

⑥禮 太平御覽五百二十二引鄭玄注：「問其制度變易如何？」按：制，猶作也。度，法也。制度即禮也。馬融曰：「所因，謂三綱、五常也。」白虎通曰：「三綱者，何謂也？君、臣、父、子、夫、婦也。」皇侃曰：「五常，謂仁、義、禮、智、信也。」按：此「禮」字當指禮儀、禮節言也。

⑦損益 馬融曰：「所損益，謂文質三統也。」按：漢書杜周傳，欽對策曰：「殷因夏，尚質；周因於殷，尚文。」三統，指所奉正朔言。尚書大傳：「夏以孟春爲正，殷以季冬爲正，周以仲冬爲正。」

⑧周 按：武王克殷後之國號。釋名釋州國：「周地在岐山之陽，其山四周也。」是三代皆以所都地爲國號。

⑨繼 說文：「續也。」

⑩何晏曰：「物類相召，世數相生，其變有常；故可預知。」

參考資料提示：

①八佾篇十四章，

②漢書董仲舒傳，

③法言五百篇。

【十五】子曰：「夏禮，吾能言之，杞<sup>①</sup>不足徵<sup>②</sup>也；殷禮，吾能言之，宋<sup>③</sup>不足徵也；文<sup>④</sup>獻<sup>⑤</sup>不足故也。足，則吾能徵之矣<sup>⑥</sup>。」（八佾篇）

【註釋】

①杞 皇侃曰：「夏之後所封之國也。夏桀失國，周封其後東妻公於杞。」按：即今河南杞縣。

②徵 朱熹曰：「徵，證也。」廣韻：「徵，證也；明也。」按：禮記中庸篇：「雖善無徵，無徵不信。」鄭

玄注：「『徵』或爲『證』，所謂徵驗也。」

③宋 皇侃曰：「殷之後所封之國，周封微子於宋也。」按：在今河南商邱縣。

④文 皇侃曰：「文，文章。」朱熹曰：「典籍也。」

⑤獻 鄭玄曰：「獻，猶賢也。」

⑥朱熹曰：「言二代之禮，我能言之，而二國不足取以爲證；以其文、獻不足故也。文、獻若足，則我能取之以證吾言矣。」

參考資料提示：①禮記禮運篇，②又中庸篇。

【十六】子曰：「由<sup>①</sup>也<sup>②</sup>，女聞六言<sup>③</sup>、六蔽矣<sup>④</sup>乎？」對曰：「未也。」子曰<sup>⑤</sup>：「居<sup>⑥</sup>！

吾語<sup>⑦</sup>女：好仁<sup>⑧</sup>不好學，其蔽也愚<sup>⑨</sup>；好知<sup>⑩</sup>不好學，其蔽也蕩<sup>⑪</sup>；好信<sup>⑫</sup>不好學，其蔽也賊<sup>⑬</sup>；好直<sup>⑭</sup>不好學，其蔽也絞<sup>⑮</sup>；好勇<sup>⑯</sup>不好學，其蔽也亂<sup>⑰</sup>；好剛<sup>⑱</sup>不好學，其蔽也狂<sup>⑲</sup>。」（陽貨篇）

【註釋】

勸學

①由 按：人名，孔子弟子。姓仲，名由，字子路；亦稱季路。魯國卽人，少孔子九歲。

②女 朱熹曰：「女，晉汝。」按：「女」、「汝」通用字。

③六言 說文：「直言曰言。」按：論語中有一字爲「言」者，亦有數字爲「言」者。如爲政篇：「子曰：詩三百。一言以蔽之，曰：『思無邪。』」是此以三字爲一言。又子路篇：「定公問：一言而可以興邦，有諸？」孔子對曰：言不可以若是其幾也。人之言曰：「爲君難，爲臣不易。」如知爲君之難也，不幾乎一言而興邦乎？」是此以七字爲一言。朱熹曰：「六言，皆美德。」按：即下文：仁、知、信、直、勇、剛六者；此皆以一字爲一言也。

④六蔽 朱熹曰：「蔽。遮掩也。」按：廣雅釋詁：「蔽，障也。」荀子解蔽篇，楊倞注：「蔽者，言不能通明，滯於一隅；如有物壅蔽之也。」何晏曰：「六言，六蔽者，謂下六事：仁、知、信、直、勇、剛也。」按：此六事乃「六言」而非「六蔽」。六蔽者，乃「不好學」而致之後果；即：愚、蕩、賊、絞、亂、狂六事也。

⑤「子曰」二字原闕。依論語文例當有：茲依例臆補。

⑥居 孔安國曰：「子路起對，故使還坐。」按：說文：「居，處也。」

⑦語 朱熹曰：「語，去聲。」按：說文：「語，論也。」徐鍇曰：「語者，相應答。」

⑧仁 孔安國曰：「仁者，愛物。」按：顏淵篇：「樊遲問『仁？』子曰：『愛人。』」

⑨愚 孔安國曰：「不知所以裁之，則愚也。」

⑩知 朱熹曰：「知，去聲。」皇侃本作「智」。按：孟子告子篇：「是非之心，智之端也。」荀子正名篇：「知而有所合謂之智。」釋名：「智，知也；無所不知也。」顏淵篇：「樊遲問『知？』子曰：『知人。』」

④蕩 孔安國曰：「蕩，無所適守也。」按：書畢命篇：「以蕩陵德，」孔安國傳曰：「放蕩也。」

⑤信 皇侃曰：「信者，不欺爲用。」按：學而篇：「與朋友交，言而有信。」皇侃曰：「義主不欺，故云，必有信也。」陽貨篇：「信，則人任焉。」

⑥賊 朱熹曰：「賊，謂傷害於物也。」皇侃曰：「賊害其身也。」按：左傳僖公九年：「不僭不賊，」杜預注：「賊，傷害也。」

⑦直 說文：「直，正見也。」玉篇：「不曲也。」皇侃曰：「直者，不曲爲用。」

⑧絞 皇侃曰：「絞，猶刺也。好譏刺人之非。」按：泰伯篇：「直而無禮則絞。」馬融曰：「絞，絞刺也。」惟劉寶楠正義引鄭玄注云：「絞，急也。」朱熹曰：「絞，急切也。」亦通。

⑨勇 說文：「勇者，用也。」玉篇：「勇，果決也。」禮記聘義篇：「有義之謂勇敢。」

⑩亂 按：猶不治也。書周官：「制治於未亂。」老子六十四章：「治之於未亂。」泰伯篇：「勇而無禮則亂。」禮記仲尼燕居篇：「勇而不中禮謂之逆。」

⑪剛 說文：「彊斷也。」皇侃曰：「剛者無欲，不爲曲求也。」

⑫狂 朱熹曰：「狂，躁率也。」孔安國曰：「狂妄抵觸人也。」皇侃曰：「無迴避者也。」按：子路篇：「必也狂狷乎。」江熙曰：「狂者，知進而不知退。」

參考資料提示：

- ①漢書高后紀， ②子路篇十八章， ③淮南子汜論篇， ④泰伯篇第二章、第十章， ⑤陽貨篇二十三章。

【十七】子曰：「飽食終日，無所用心○，難矣哉○！不有博○、奕○者乎？爲之猶賢○乎已

①！」（陽貨篇）



【註釋】

①用心 馬融曰：「爲其無所據樂，善生淫慾也。」按：孟子告子篇：「心之官則思，思則得之；不思則不得也。」

②難矣哉 皇侃曰：「言難以爲處也。」

③博 皇侃曰：「博者，十二碁對而擲采者也。」朱熹曰：「博，局戲也。」古博經曰：「博法：二人相對坐向局，分爲十二道，兩頭當中名爲水。用碁十二枚，六白、六黑；又用魚二枚，置於水中；其擲采以瓊爲之。瓊憂方三寸，長寸五分，銳其頭，鑲刻瓊四面爲眼，亦名爲齒。二人互擲采行碁，碁到處即豎之，名爲餽碁；即入水中食魚，亦名牽魚。牽一魚獲二籌，翻一魚獲三籌；若已牽兩魚而不勝者，名曰被翻雙魚；彼家獲六籌爲大勝也。」按：猶今之雙陸。

④奕 皇侃曰：「奕，圍棋也。」

⑤賢 皇侃曰：「賢，猶勝也。」

⑥已 皇侃曰：「已，止也。」朱熹同皇侃說，恐非也。按：爾雅：「已，此也。」是此「已」字亦當作「此」解；謂博、奕猶勝於「飽食終日而不用心」者也。

參考資料提示：

- ①學而篇十四章，
- ②孟子滕文公篇，
- ③國語魯語，
- ④後漢書和熹鄧皇后紀，
- ⑤孟子告子篇，
- ⑥漢書王褒傳。



## 二 立

按：爲政篇：「三十而立。按：孟子離婁篇：『也。』易說卦：『立人之道，曰仁與義。』又說文：『身，躬也；象人之身。』爾不舍晝夜。……」疑「雅也篇：『己欲立，而立人。』孝經開宗明義章：『立身、行道，揚名於後世，佚久矣。』考論語孔子之『立身』題篇。

【一】子在川○上，「鳳兮鳳兮」，「使乎！逝者如斯夫」！不舍○晝夜○。（子罕篇）

### 〔註釋〕

○川 說文：「川，貫穿通流水也。」周禮冬官考工記：「凡天下之地，兩山之間必有川焉。」蔡邕月令章句曰：「衆流注海曰川。」

○水哉水哉 此四字原闕。按：孟子離婁篇：「徐子曰：『仲尼亟稱於水，曰：『水哉！水哉！』何取於水也？』」孟子曰：「原泉混混，不舍晝夜。……」疑徐子、孟子之言，均出於此。徐子明言：「水哉！水哉！」乃仲尼之語；論語此文脫佚久矣。考論語孔子之言，多用疊句，如：「禮云禮云」，「樂云樂云」，「歸與歸與」，「已而已而」，「鳳兮鳳兮」，「使乎使乎」，「時哉時哉」，「彼哉彼哉」，「觚哉觚哉」；則此處當有「水哉水哉」四字。因據孟子並文例補。

○包咸曰：「逝，往也。言凡往者，如川之流也。」皇侃曰：「孔子在川水之上，見川流迅邁，未嘗停止；故歎人年往去，亦復如此。向我非今我，故云：『逝者如斯夫』者也。斯，此也；夫，語助也。」按：皇侃本

「包咸曰」作「鄭玄曰」。

④舍 釋名釋宮室：「舍於中舍，息也。」朱熹曰：「舍，上聲。天地之化，往者過，來者續，無一息之停。」

⑤程頤曰：「天運而不已，日往則月來，寒往則暑來，水流而不息，物生而不窮，皆與道爲體。運乎晝夜，未嘗已也。是以君子法之，自強不息。」金履祥曰：「晝夜不息，謂曉、夕不息耳。」

參考資料提示：

①孟子離婁篇，

②荀子宥坐篇，

③春秋繁露山川頌。

【二】子曰：「南人①有言曰：『人而無恆②，不可以作巫③、醫④。』善夫⑤！」易曰⑥：「不恆其德，或承⑦之羞⑧。」不占⑨而已矣。」（子路篇）

【註釋】

①南人 孔安國曰：「南國之人也。」

②恆 說文：「恆，心之常也。」易恆卦象：「恆，久也。」朱熹曰：「恆，常久也。」

③巫 說文：「巫，祝也。女能事無形以舞降神者也。」按：周禮春官：「筮人掌三易，以辨九筮之名。一曰連山，二曰歸藏，三曰周易。九筮之名：一曰巫更；二曰巫咸；三曰巫式；四曰巫目；五曰巫比；六曰巫祠；七曰巫参；八曰巫环；以辨吉凶。」鄭玄注：「此九「巫」，讀皆當爲「筮」，字之誤也。」

鄭說是也。禮記緇衣篇：「子曰：南人有言曰：『人而無恆，不可以爲卜筮。』」古之遺言與？龜筮猶不能知，而况人乎？」金樓子立言篇引論語，亦作：「不可卜筮。」是「巫」當作「筮」爲是。又：周禮春官賈公彥疏引世本作篇：「巫咸作筮。」是作「巫」亦通。

④醫 說文：「醫，治病工也。」衛瓘曰：「言無恆之人，乃不可爲巫、醫；巫、醫則疑誤人也，而况其餘乎！」

⑤善夫 包咸曰：「善南人之言也。」

⑥易曰 「易曰」二字原闕。按：此引易恆卦九三爻辭，上當有此兩字。疑錯入下文，並誤爲「子曰」，致文氣不順；茲依義臆補。

⑦或 皇侃引「鄭玄曰：「或，常也。」老子曰：「湛兮似或存，」河上公注云：「或，常也。」

⑧承 說文：「承，奉也。」禮記禮運篇：「承天之祜，」孔穎達疏：「受天之福也。」按：此當作受解。

⑨羞 廣韻：「羞，恥也。」書兌命：「惟口起羞，」孔穎達疏：「惟口出令不善以起羞辱。」孔安國曰：「此易恆卦之辭也。言德無常，則羞辱承之也。」按：此爲恆卦九三爻辭。述而篇：「加我數年，五十以學易。」則此當係孔子引易之辭。疑「不恆其德，或承之羞」句上原有「易曰」二字，因缺壞又誤作「子曰」，於文複沓；茲刪去。

⑩占 說文：「占，視兆問也。」易繫辭傳：「以卜、筮者尚其占。」爾雅釋言邢昺疏：「占者，視兆而知吉凶也。」鄭玄曰：「易所以占吉凶；無恆之人，易所不占。」

參考資料提示：①易恆卦九三爻辭，②禮記緇衣篇。

【三】子曰：「譬①如爲山②，未成一簣③，止，吾止也④。譬如平地⑤，雖覆⑥一簣，進，吾往也⑦。」（子罕篇）

### 【註釋】

①譬 說文：「譬，諭也。」徐鍇曰：「猶匹也，匹而諭之也。」集韻：「譬，或作辟。」按：墨子小取篇：「辟也者，舉它物而以明之也。」（按：「它」，原作「也」；誤。）

②爲山 劉寶楠曰：「謂積土爲山。」

立身

③簣 包咸曰：「土簣也。」

④包咸曰：「此勸人進於道德也。爲山者，其功雖已多，未成一簣，而中道止者，我不以其前功多而善之也；見其志不遂，故不與也。」

⑤平地 按：平，猶治也。書大禹謨篇：「地平天成，」孔安國傳：「水土治曰平。」是此當指從凸處夷平或從凹處填平也。故馬融曰：「平地，將進加功。」

⑥覆 說文：「覆，蓋也。」

⑦馬融曰：「雖始覆一簣，我不以其見功少而薄之也；據其欲進而與之也。」

參考資料提示：

- ①荀子有坐篇， ②又勸學篇， ③孟子盡心篇， ④尚書旅獒篇， ⑤老子六十四章。

【四】子曰：「三軍可奪帥也，匹夫不可奪志也。」（子罕篇）

【註釋】

①三軍 周禮夏官序官：「凡制軍，萬有二千五百人爲軍，王六軍，大國三軍，次國二軍，小國一軍。」左傳襄公十一年：「將作三軍。」杜預注：「魯本無中軍，唯上、下二軍；皆屬於公。」按：此是指上、中、下三軍言。

②奪 集韻：「彊取也。」按：猶劫奪也。

③帥 左傳宣公十二年：「命爲軍帥。」孔穎達疏：「軍帥，軍之主帥。」按：廣韻：「將帥也。」孔安國曰：「三軍雖衆，人心不一；則其將帥可奪而取之。」

④匹夫 爾雅釋詁：「匹，合也。」皇侃曰：「謂爲匹夫者，言其賤；但夫婦相配匹而已也。」又云：「古人質，衣服短狹，二人衣裳唯共用一匹；故曰：匹夫、匹婦也。」按：此又一說。

⑤志 說文：「志者，心之所之也。」孟子公孫丑篇：「持其志。」又曰：「夫志，氣之帥也。」趙岐注：「志，心所念慮也。」孔安國曰：「匹夫雖微，苟守其志，不可得而奪也。」皇侃曰：「此明人能守志，雖獨夫亦不可奪。」

參考資料提示：

①禮記緇衣篇， ②又儒行篇， ③後漢書龐參橋玄傳。

【五】子曰：「歲寒①，然後②知松柏之後彫也③。」（子罕篇）

【註釋】

①歲寒 說文：「寒，凍也。」何晏曰：「大寒之歲。」按：皇侃疏：「譬如松柏衆木同在秋冬。」與何說異

②然後 王引之經傳釋詞云：「然後，而後也；乃也。」

③彫 皇侃本作凋。說文：「凋，半傷也。」何晏曰：「大寒之歲，衆木皆死，然後知松栢小傷彫也。平歲，

則衆木亦有不死者；故須歲寒而後別之。喻凡人處治世，亦能自修整，與君子同；在濁世，然後知君子之正不苟容也。」釋慧琳曰：「寒嚴霜降，知松栢之後凋；謂異凡木也。遭亂世，小人自變，君子不改其操也。」

謝良佐曰：「士窮見節義，世亂識忠臣；」是也。

參考資料提示：

①莊子讓王篇， ②莊子大畧篇， ③淮南子俶眞篇， ④史記伯夷列傳。

【六】子曰：「聖人①，吾不得而見之矣②！得見君子③者，斯④可矣⑤。善人，吾不得而見之矣！得見有恆者，斯可矣。亡⑥而爲有，虛⑦而爲盈⑧，約⑨而爲泰⑩；難乎有恆矣⑪！」（述而篇）

【註釋】

①聖人 莊子天下篇：「以天爲宗，以德爲本，以道爲門，兆於變化；謂之「聖人」。」按：述而篇：「子曰

：「我非生而知之者。」又：「子曰：『若聖與仁，則吾豈敢？』」子張篇：「子貢曰：『他人之賢者，丘陵也，猶可踰也；仲尼，日月也，無得而踰焉。』」是孔子不以「仁」與「聖」自居，不以「生而知之者」自況；是孔子以「生而知」爲「聖人」，故曰：「生而知之者，上也。」惟子罕篇：「太宰問於子貢曰：『夫子聖者與？何其多能也？』」子貢曰：「固天縱之將聖，又多能也。」則是孔子爲「聖人」，蓋始於子貢。朱熹曰：「聖人，神明不測之號。」

- ③何晏曰：「疾世無明君也。」皇侃曰：「孔子歎世無賢聖也，言吾已不能見世有聖人。」  
 ④君子 朱熹曰：「才德出衆之名。」按：莊子天下篇：「以仁爲恩，以義爲理，以禮爲行，以樂爲和，薰然慈仁；謂之『君子』。」

⑤斯爾雅釋詁：「斯，此也。」

⑥此下原有「子曰」二字。朱熹曰：「『子曰』字，疑衍文。」朱說是也。按：下文各句與上諸句，兩兩相對爲文，連成一氣；中加「子曰」，文氣中斷，反成蛇足；因其複贅，據朱說刪。

⑦皇侃曰：「亡，無也。」

⑧虛集韻：「空虛也。」

⑨盈說文：「盈，滿也。」

⑩約何晏曰：「儉約無憂。」按：里仁篇：「以約失之者鮮矣。」

⑪泰皇侃曰：「家貧約而外詐奢泰。」按：易序卦傳：「泰，通也。」

⑫孔安國：「難可名之爲常有也。」江熙曰：「言世人負情反實，逐波流遷，若影無持係索；此有恆難也。」

參考資料提示：

- ①荀子修身篇， ②又儒效篇， ③又哀公篇， ④韓詩外傳卷三， ⑤先進篇二十章，

⑥孟子盡心篇。

【七】子曰：「君子疾①沒世②而名③不稱④焉。」（衛靈公篇）

【註釋】

①疾 何晏曰：「疾，猶病也。」

②沒世 皇侃曰：「沒世，謂沒身以後也。」按：老子十六章：「沒身不殆。」「沒身」，猶「沒世」也。

③名 按：名譽也。易乾卦文言：「不易乎世，不成乎名。」孟子告子篇：「令聞廣譽施於身。」即此名也。

故孝經曰：「立身行道，揚名於後世。」里仁篇：「君子去仁，惡乎成名。」

④稱 稱同僞。說文：「僞，揚也。」廣雅釋訓：「僞，譽也。」江熙曰：「匠終年運斤，不能成器，匠者病

之；君子終年爲善，不能成名，亦君子病之也。」邢昺曰：「君子病終世而善名不稱也。」

參考資料提示：①里仁篇第五章，②史記孔子世家，③孝經開宗明義章，④韓詩外傳卷一，⑤法言

問神篇，⑥中論考僞篇。

【八】子曰：「後生①可畏②，焉③知來者④之不如也⑤？四十、五十而無聞焉，斯亦不足畏也已⑥！」（子罕篇）

【註釋】

①後生 何晏曰：「後生，謂年少也。」皇侃曰：「謂年少在己後生者也。」

②可畏 皇侃曰：「謂有才學，可心服者也。」

③焉 皇侃曰：「焉，安也。」

④來者 皇侃曰：「來者，未來事也。」

立身

⑤今皇侃曰：「今，謂我今師、徒也。後生既可畏，亦安知未來之人師、徒教化，不如我之今日乎？言不可誣也。」

⑥孫綽曰：「年在知命，蔑然無聞，不足畏也。」皇侃曰：「後生雖可畏，若年四十、五十而無聲譽聞達於世者，則此人亦不足可畏也。」按：大戴禮記曾子立事篇：「三十、四十之間而無藝，即無藝矣；五十而不可以善聞，則無聞矣。」

參考資料提示：①新序雜事五篇，②大戴禮記曾子立事篇。

【九】子曰：「年四十而見惡○焉，其終○也已○！」（陽貨篇）

【註釋】

○見惡 朱熹曰：「惡，去聲。」按：「好、惡」之「惡」

○終 朱熹曰：「則止於此而已。」

○鄭玄曰：「年在不惑而爲人所惡，終無善行也。」皇侃曰：「若年四十，已在不惑之時，猶爲衆人共所見憎惡者，則當終其一生無復有善理；故云：「其終也已」。」

參考資料提示：①子罕篇二十三章，②大戴禮記曾子立事篇。

【十】子曰：「我○三人行，必得○我師焉；擇其善者而從之，其不善者而改之○。」（述而篇）

【註釋】

○我 朱熹集註本無「我」字。按：釋文：「我三人行，」云：「一本無「我」字。」何晏曰：「言我三人行。」是何本原有「我」字也。

○得 朱熹集註本作「有」。並通。



③何晏曰：「言我三人行，本無賢愚，擇善從之，不善改之，故無常師也。」朱熹曰：「三人同行，其一我也，彼二人者，一善一惡；則我從其善而改其惡焉。是二人者，皆我師也。」尹焞曰：「見賢思齊，見不賢而內自省，則善惡皆我之師；進善其有窮乎！」按：以上三說並通。

參考資料提示：

①里仁篇十七章，

②子張篇二十二章，

③老子二十七章，

④呂氏春秋驕恣篇，

⑤國

語晉語七。

【一】子曰：「見賢①思齊②焉，見不賢而內自省③也。」（里仁篇）

【註釋】

①賢

說文：「賢，多才也。」玉篇：「有善行也。」

②齊

鄭玄曰：「齊，等也。」包咸曰：「思與賢者等。」皇侃曰：「言人若見賢者，當自思願修禪與之齊等也。」

也。」

③省

說文：「省，視也。」爾雅釋詁：「省，察也。」鄭玄曰：「省，察也。察已得無然也。」范寧曰：「

願探諸己，謂之內省也。」按：學而篇：「吾日三省吾身。」顏淵篇：「內省不疚。」

參考資料提示：

①孟子滕文公篇，

②又離婁篇，

③荀子修身篇，

④說苑雜言篇。

【二】子曰：「已矣乎①！吾未見、能見其過②而內自訟③者也。」（公冶長篇）

【註釋】

①已矣乎

皇侃曰：「已，止也。止矣乎者，歎此以下事久已無也。」朱熹曰：「恐其終不得見而歎之也。」

②過

書大禹謨篇：「有過無大，」孔安國傳：「過，誤。所犯雖大必有。」

③訟

包咸曰：「訟，猶責也。言人有過莫能自責者也。」

立身

參考資料提示：①禮記大學篇，②顏淵篇第四章。

【一三】子曰：「過而不改<sup>○</sup>，是謂過矣<sup>○</sup>。」（衛靈公篇）

〔註釋〕

○改 說文：「改，更也。」

○江熙曰：「一過客恕；又文，則成罪也。」

參考資料提示：①學而篇第八章，②韓詩外傳卷三，③左傳襄公七年，④易益卦象辭。

【一四】子曰：「德<sup>○</sup>之不脩<sup>○</sup>也，學之不講<sup>○</sup>也，聞義<sup>○</sup>不能徙<sup>○</sup>也，不善不能改也；是吾

憂<sup>○</sup>也。」（述而篇）

〔註釋〕

○德 說文：「外得於人，內得於己也。」廣韻：「德，德行也。」按：此指五常之德，兼仁、義、禮、智、信言也。先進篇：「德行：顏淵、閔子騫、冉伯牛、仲弓。」

○脩 按通修。說文：「修，飭也。」廣雅釋詁：「修，治也。」按：易乾卦九三象辭：「君子進德修業。」

○講 說文：「和解也。」徐鍇曰：「古人言講解，猶和解也。」皇侃曰：「所學經業，恆宜講說。使決了也，而世人不講也。」

○義 釋名：「義，宜也。裁制事物使各宜也。」按：禮記中庸篇：「義者，宜也。」

○徙 說文：「徙，趨也。」按：顏淵篇：「徙義崇德也。」包咸曰：「徙義，見義則徙意而從之。」

○憂 說文：「憂，愁也。」爾雅釋詁：「思也。」邢昺疏：「憂者，愁思也。」

參考資料提示：①易蹇卦象辭，②又兌卦象辭，③又益卦象辭，④後漢書獻帝紀，⑤顏淵篇第十章

⑥荀子大畧篇。

【一五】子曰：「法語①之言，能無從乎？改之爲貴②。異③與之言，能無悅④乎？釋⑤之爲貴⑥。悅而不釋，從而不改；吾末如之何也已矣⑦！」（子罕篇）

【註釋】

①法語 釋文：「語，於據反。謂告語之也。」朱熹曰：「法語者，正言之也。」

②孔安國曰：「人有過，以正道告之，口無不順從之；能必改，乃爲貴也矣。」

③異 馬融曰：「恭也。」皇侃曰：「遜也。」朱熹曰：「異言者，婉而導之也。」

④悅 原作「說」。皇侃本作「悅」。按：馬融注：「聞之無不悅也」是原當作「悅」，因據皇本改。

⑤釋 皇侃曰：「釋，尋續也。」朱熹曰：「釋，尋其緒也。」

⑥馬融曰：「謂恭異謹敬之言也。聞之無不悅者，能尋釋行之，乃爲貴也。」

⑦末 皇侃曰：「末，無也。」又曰：「不釋，不改，聖所不教；故孔子曰：『末如之何也！』」

參考資料提示：①顏淵篇二十三章，②大戴禮記曾子立事篇。

【一六】子曰：「奢①則不遜②，儉③則固④；與其不遜也，寧⑤固⑥。」（述而篇）

【註釋】

①奢 說文：「張也。」皇侃曰：「奢，奢侈也」

②遜 朱熹集註本作「孫」。云：「孫，去聲。一下同。皇侃曰：『不遜者，僭濫不恭之謂也。』」

③儉 說文：「約也。」皇侃曰：「儉，儉約也。」

④固 孔安國曰：「固，陋也。」

⑤寧 說文：「寧，願詞也。」徐鍇曰：「今人言寧可如此，是願如此也。」按：左傳襄公二十六年夏書曰：

「與其殺不辜，寧失不經。」

內孔安國曰：「俱失之也，奢不如儉，奢則僭上，儉則不及禮耳。」

參考資料提示：

①鹽鐵論通有篇，②說苑權謀篇，③漢書董仲舒傳，④八佾篇第四章，⑤禮記檀弓篇。

【一七】子曰：「以約①失②之者，鮮③矣。」（里仁篇）

【註釋】

①約 皇侃曰：「言以儉約自處。」謝良佐曰：「不侈然以自放之謂約。」

②失 說文：「縱也。一曰：錯也；過也；遺也。」

③鮮 皇侃曰：「鮮，少也。」按：禮記中庸篇：「民鮮能久矣。」鄭玄注：「鮮，罕也。」

④孔安國曰：「奢則驕佚招禍，儉約無憂患。」顏延之曰：「秉小居薄，衆之所與；執多處豐，物之所去也。」

按：武億經讀考異曰：「此凡兩讀：「以約」爲句，「失之者鮮矣」爲句；「以約失之者」爲句，「鮮矣」爲句。」並通。

「爲句。」並通。

參考資料提示：①大戴禮記曾子立事篇，②荀子王霸篇，③老子二十二章。

【一八】子曰：「如有周公①之才之美②，使驕③且吝④，其餘不足觀也已矣⑤！」（泰伯篇）

【註釋】

①周公 孔安國曰：「周公旦。」按：文王子，武王弟，成王叔，相成王。

②朱熹曰：「才美，謂智能技藝之美。」

③驕 朱熹曰：「驕，矜夸。」按：正字通：「驕，恣也；自矜也。」老子第九章：「富貴而驕。」二十四章：「自矜者不長。」

④吝 說文：「恨惜也。」朱熹：「吝，鄙吝也。」

⑤矣 朱熹集註本無「矣」字。王弼曰：「人之才美如周公，設使驕恣，其餘無可觀者。」

參考資料提示：①逸周書謏微篇，②韓詩外傳卷三。

【十九】子曰：「狂而不直①，侗②而不愿③，忞忞④而不信；吾不知之矣⑤！」（泰伯篇）

【註釋】

①孔安國曰：「狂者進取，宜直。」

②侗 孔安國曰：「未成器之人。」朱熹曰：「音通，無知貌。」按：莊子山木篇：「侗乎其無識。」釋文：

「侗，無知貌。」

③愿 鄭玄注：「愿，善也。」朱熹曰：「愿，謹厚貌。」

④忞忞 包咸曰：「忞忞，誠懇也。」朱熹曰：「忞忞，音空。」

⑤孔安國曰：「言皆與常度反，故我不知也。」

參考資料提示：①陽貨篇十六章，②荀子不苟篇。

【二十】子曰：「予欲無言①！」子貢曰：「子如不言，則小子②何述③焉？」子曰：「天④

何言哉！四時行焉，百物生焉；天何言哉⑤！」（陽貨篇）

【註釋】

①何晏曰：「言之爲益少，故欲無言也。」按：老子第五章：「多言數窮。」

立身

○小子 皇侃曰：「小子，弟子也。」按：陽貨篇：「小子何莫學夫詩？」包咸注：「小子，門人也。」

○何述 說文：「述，循也。」劉寶楠曰：「詩：『日月報我不述。』毛傳：『述，循也。』言弟子無所遵行也。」按：述而篇：「述而不作，」皇侃曰：「述者，傳於舊章也。」是述，猶傳也。

○天 鄭玄曰：「魯讀『天』爲『夫』，今從古。」按：禮記哀公問篇：「孔子曰：『無爲而物成，是天道也。』」下文：「四時行焉，百物生焉；」正指自然之「天」而言。作「天」是也。

○王弼曰：「寒暑代序，則不言之令，行乎四時；天豈諄諄者哉？」皇侃曰：「天亦不言，而四時遞行，百物互生；此豈天之有言使之然乎？故曰：『天何言哉。』」

參考資料提示：①禮記哀公問篇，②荀子天論篇。

【二一】子曰：「古者○言之不出，恥躬○之不逮○也。」（里仁篇）

【註釋】

○古者 皇侃本作「古之者」。

○躬 爾雅釋詁：「躬，身也。」

○逮 爾雅釋言：「逮，及也。」

○包咸曰：「古人之言不妄出口者，爲恥其身行之將不及也。」李充曰：「夫輕諾者必寡信，多易者必多難；是以古人難之也。」按：李充語出老子六十三章。

參考資料提示：①憲問篇二十章、二十七章，②顏淵篇第三章，③禮記雜記篇，④老子六十三章。

【二二】子曰：「君子欲訥○於言，而敏○於行。」（里仁篇）

【註釋】

○訥 說文：「訥，言難也。」廣雅釋詁：「訥，遲也。」包咸曰：「訥，遲鈍也。」

○敏 皇侃曰：「敏，疾速也。」

○行 朱熹曰：「行，去聲。」包咸曰：「言欲遲而行欲疾。」

參考資料提示：①學而篇十四章，②大戴禮記曾子立事篇。

【二三】子曰：「君子恥○其言之過○其行○。」（憲問篇）

【註釋】

○恥 朱熹曰：「恥者，不敢盡之意。」

○過 朱熹曰：「過者，欲有餘之辭。」

○行 朱熹曰：「行，去聲。」

參考資料提示：①里仁篇二十二章，②禮記表記篇，③又雜記篇。

【二四】子曰：「其言之不作○，則爲之也難○。」（憲問篇）

【註釋】

○作 說文：「作，慙也。」馬融曰：「作，慙也。」

○馬融曰：「內有其實，則言之不作；積其實者，爲之難也。」王弼曰：「情動於中而外形於言，情正實而後

言之不作。」

參考資料提示：①顏淵篇第三章，②老子六十三章。

【二五】子張問：「行○？」子曰：「言忠信，行○篤○敬；雖蠻貊○之邦○，行矣。言不

忠信，行○不篤敬；雖州、里○，行乎哉！立，則見其○參○，然於前也；在輿○，則見其倚○於

立身

衡也。夫然後行。」于張奮諸紳。(衛靈公篇)

【註釋】

○問行 朱熹曰：「猶『問達』之意也。」

○行 朱熹曰：「『篤行』之『行』，去聲。」

○篤 朱熹曰：「篤，厚也。」

○蠻貊 朱熹曰：「蠻，南蠻；貊，北狄。」

○邦 說文：「邦，國也。」

○行 朱熹曰：「『行不』之『行』，去聲。」

○州里 鄭玄曰：「萬二千五百家爲州，五家爲鄰，五鄰爲里。」

○行乎哉 鄭玄曰：「言不可行也。」

○其 朱熹曰：「其者，指『忠信篤敬』而言。」

○參然 朱熹集註本無「然」字。註云：「參，七兩反。讀如『毋往參焉』之『參』，言與我相參也。」按：

墨子經上篇：「參，直也。」說文：「直，正見也。」皇侃曰：「參，猶森也。」是森如森嚴之森，猶整肅也。

。包咸曰：「立則常想見參然在目前，」是也。顏淵篇：「出門如見大賓。」老子十五章：「儼兮其若客。」

○在與 皇侃曰：「如在車與之中。」說文：「車與也。」段玉裁註：「不言爲車而言爲與者，與爲人所居；

可得車名也。」

○倚 皇侃曰：「猶憑依也。」

○衡 包咸曰：「軛也。」皇侃曰：「車衡軛也。」劉寶楠曰：「衡之言橫也，謂橫於車前。……阮元車制



《考》：「長六尺四寸」是也。衡兩旁有曲木。又馬頭謂之軛。衡、軛本二物。」

《陶夫》朱熹曰：「夫，音扶。」

《陶書》說文：「書，箸也。」又序云：「箸於竹帛謂之書。」

《史神》孔安國曰：「紳，大帶也。」皇侃曰：「子張聞孔子之言可重，故書題於己衣之大帶；欲日夜存錄不忘也。」朱熹曰：「紳，大帶之垂者；書之欲其不忘也。」

參考資料提示：

①左傳襄公二十二年，

②荀子修身篇，

③史記仲尼弟子列傳，

④說苑敬慎篇。



### 三 孝 悌

按：爾雅釋訓：「順父母爲孝，善兄弟爲友。」說文：「悌，善兄弟。」是「孝友」即「孝悌」。釋文云：「弟」，本作「悌」。按悌、弟通用。今以「孝悌」名篇。

【一】子曰：「弟子①入則孝②，出則悌③，謹④而信⑤，汎⑥愛衆⑦而親⑧仁⑨；行有餘力⑩，則以⑪學文⑫。」（學而篇）

#### 【註釋】

①弟子 皇侃曰：「弟子，猶子弟也。」按：此與稱「門人」爲「弟子」稍異。

②孝 說文：「孝，善事父母者。」釋名釋言語：「孝，好也；愛好父母，如所悅好也。」按：墨子經上篇：「孝，利親也。」皇侃曰：「父母在閭門之內，故云入也。」

③悌 朱熹集註本作「弟」。皇侃曰：「兄長比之疏外，故云出也。」

④謹 說文：「慎也。」朱熹曰：「謹者，行之有常也。」

⑤信 說文：「誠也。」按：墨子經上篇：「信，言合於意也。」老子八十一章：「信言不美。」王弼注：「信者，如其實。」朱熹曰：「信者，言之有實也。」

⑥汎 皇侃曰：「汎，廣也。」

④朱熹曰：「衆，謂衆人。」皇侃曰：「君子尊賢容衆，故廣愛一切也。」

⑤親 朱熹曰：「親，近也。」

⑥仁 朱熹曰：「仁，謂仁者。」按：顏淵篇：「樊遲問「仁」？子曰：「愛人」。」墨子經上篇：「仁，體愛也。」

⑦餘力 朱熹曰：「餘力，猶言暇日。」

⑧以 朱熹曰：「以，用也。」

⑨文 馬融曰：「文者，古之遺文也。」朱熹曰：「文，謂詩、書六藝之文。」

參考資料提示：

- ①子罕篇十六章， ②禮記曲禮篇， ③先進篇十四章， ④老子六十三章， ⑤逸周書官人篇， ⑥大戴禮記曾子立事篇， ⑦孟子盡心篇。

【二】或○謂孔子，曰：「子奚○不爲政③？」子曰：「書云④：『孝乎！惟孝⑤！友⑥于兄弟，施於有政。』是亦爲政⑦，奚其爲爲政⑧？」（爲政篇）

【註釋】

○或 包咸曰：「或人。」

○奚 蒼頡篇：「奚，何也。」

③政 說文：「正也」。釋名：「政，正也；下所取正也。」按：顏淵篇：「孔子對曰：『政者，正也；子帥以正，孰不敢正？』」包咸曰：「或人以爲居位，乃是爲政。」

④書云 皇侃曰：「尚書。」說文：「後人……以「云」作「云曰」之「云」。」朱熹曰：「書，周書、君陳篇。」

⑤孝乎惟孝 皇侃本「乎」作「于」。包咸曰：「孝乎惟孝者」，美孝之辭也。」朱熹曰：「書云孝乎者，言書之言孝如此也。」是朱從「孝乎」斷句。按：書君陳篇：「王若曰：『君陳！惟爾令德孝恭。惟友於兄弟，克施有政。』」與此文異。疑論語此處所引，上有脫文：而「乎」字並係「恭」字之譌；致解者紛歧。孔安國傳曰：「言善父母者，必友於兄弟，能施有政令。」依孔傳，是亦當從「惟孝」斷句；而朱從「孝乎」二字斷句，非尚書之本文，殊與古人引書之例不合；且對兄弟不應稱「孝」，似不可從。

⑥友 包咸曰：「友於兄弟，善於兄弟也。」皇侃曰：「善兄弟爲友。」

⑦施 包咸曰：「施，行也。所行有政道，即是與爲政同耳。」

⑧朱熹曰：「何必居位，乃爲爲政乎？」

參考資料提示：①後漢書鄧傳傳，②白虎通五經篇，③尚書君陳篇。

【三】孟懿子問：「孝？」子曰：「無違。」樊遲問御，子曰告之，曰：「孟孫問『孝』於我；我對曰：『無違。』」樊遲曰：「何謂也？」子曰：「生，事之以禮；死，葬之以禮；祭之以禮。」（爲政篇）

### 【註釋】

①孟懿子 孔安國曰：「魯大夫仲孫何忌。懿，諡也。」朱熹曰：「孟孫，即仲孫也。」按：一作「無忌」。又：說文：「孟、長也。」此「仲孫」而稱「孟」。皇侃疏季氏篇：「三桓」云：「後『仲孫』改其氏稱『孟氏』，故多云『孟孫氏』。」劉寶楠曰：「魯孟氏爲桓公子，公子慶父之後，又稱仲孫者，慶父本居孟，其仲無人，得兼之也。」

①問孝 皇侃曰：「問於孔子爲孝之法也。」

②無違 說文：「違，離也。」皇侃曰：「言行孝者，每事須從，無所違逆也。」朱熹曰：「謂不背於理。」

③樊遲 鄭玄曰：「弟子樊須也。」按：字子遲，少孔子三十歲。魯人。

④御 說文：「御，使馬也。」皇侃曰：「御，御車也。謂樊遲時爲孔子御車也。」

⑤告 玉篇：「語也。」

⑥我 說文：「施身自謂也。」

⑦對 廣韻：「答也。」

⑧何謂也 皇侃曰：「樊遲亦曉「無違」之旨，故反問之「何謂也」？」

⑨事 按：猶奉也。禮記曲禮篇：「年長以倍，則父事之。」

⑩禮 說文：「禮也，履也。」釋名：「禮，體也；得其事體也。」按：此言禮儀之禮。

⑪祭 說文：「祭祀也。從示，右手持肉。」

參考資料提示：①孟子滕文公篇，②禮記祭統篇，③又祭義篇，④大戴禮記曾子本孝篇，⑤荀子禮

論篇。

【四】子曰：「父在①，觀②其志③；父沒④，觀其行⑤；三年無改⑥於父之道⑦，可謂孝矣。」

⑧（學而篇）

【註釋】

①在 說文：「在，存也。」

②觀 說文：「諦視也。」

③志 說文：「心之所之也。」毛詩序：「在心爲志。」皇侃曰：「志，謂在心未行也。」孔安國曰：「父在，子不得自專；故觀其志而已。」

④沒 說文：「沉也。」按：此作沒身，沒世，沒齒之沒；猶終也。

⑤行 朱熹曰：「行，去聲。」孔安國曰：「父沒，乃觀其行。」

⑥改 說文：「更也。」

⑦孔安國曰：「孝子在喪，哀慕猶若父存；無所改於父之道。」

⑧按：此章自「三年無改於父之道」至末重出於「里仁篇」。邢昺曰：「此章與學而篇同，當是重出。學而篇是孔注，此是鄭注本；或二處皆有。」皇侃疏引「或曰：『若父政善，則不改爲可；若父政惡，惡教傷民；寧可不改乎？』答曰：『本不論父政之善惡，自論孝子之心耳。若人君風政之惡，則家宰自行政；若卿大夫之心惡，則其家相邑宰自行事；無關於孝子也。』」尹焞曰：「如其道，雖終身無改可也；如其非道，何待三年？然則三年無改者，孝子之心有所不忍故也。」游酢曰：「三年無改，亦謂在所當改而可以未改者耳。」呂祖謙曰：「至於事之害理，父在固當諫而改之；苟以父沒之故而不改，是以存沒二其心也。」以上諸說，意俱未達。按：「三年無改於父之道」，必父道爲「善」乃可；若父道爲「不善」，生事尚須「幾諫」，况死後而又從之乎？考中庸、論語言道，皆指「善」言。如公冶長篇：「道不行，乘桴浮於海。」中庸：「道也者，不可須臾離也。」若言「不善」，必曰「無道」、「非道」或「違道」。「父在觀其志」，當即中庸：「孝者，善繼人之志。」禮記祭統篇：「養則觀其順也。」所謂「先意承志」也。「父沒觀其行」，即中庸：「夫事死如事生，事亡如事存。」「葬之以禮，祭之以禮」，即曾子所謂「慎終追遠」，是也。故曰：「孝之至也」。儒者親死服喪三年，陽貨篇：「夫三年之喪，天下之通喪也。」故曰：「三年無改於父之道」。

。「又疑「於」字原作「于」，蓋「事」字之缺壞而訛；原當作：「三年無改「事」父之道。」則其義自明矣。考子張篇：「曾子曰：吾聞諸夫子：「孟莊子之孝也，其他可能也；其不改父之臣與父之政，是難也」。」豈「不改父之臣與父之政」，即「無改於父之道」者與？姑備此說待考。

參考資料提示：

- ①禮記坊記篇， ②大戴禮記曾子本孝篇， ③漢書五行志， ④子張篇十七章， ⑤里仁篇十八章。

【五】孟武伯問：「孝？」子曰：「父母，唯○其疾之憂○。」（爲政篇）

【註釋】

○馬融曰：「武伯，懿子之子；仲孫處。武，諡也。」

○唯 按：「唯」同「惟」。呂氏春秋義疏篇，高誘注：「惟，獨也。」

○憂 說文：「愁也。」本作「惠」。馬融曰：「唯疾病然後使父母憂。」朱熹曰：「言父母愛子之心，無所不至，唯恐其有疾病；常以爲憂。」二說恐並非也；按：此爲「問孝」，當以子對父母之關切而言。禮記曲禮篇：「父母有疾，冠者不櫛，行不翔，言不惰，琴瑟不御，食肉不至變味，飲酒不至變貌，笑不至矧，怒不至詈；疾止復故。」孝經孝行章：「子曰：「孝子之事親也，病則致其憂」。」論衡問孔篇：「武伯善憂父母，故曰：「惟其疾之憂」。」淮南子說林訓：「憂父之疾者子，治之者醫。」高誘註：「論語曰：「父母唯其疾之憂。」故曰：「憂之者子」。」以上皆以人子憂父母之疾爲孝，是也。里仁篇：子曰：「父母之年不可不知也，一則以喜，一則以懼。」又：「子曰：「父母在，不遠遊；遊必有方」。」皆可證明此說。

參考資料提示：

- ①論衡問孔篇， ②孝經孝行篇， ③禮記曲禮篇， ④淮南子說林篇。

【六】子游問：「孝？」子曰：「今之孝者，是謂能養○；至於犬、馬，皆能有養；不敬○



，何以別④乎⑤？」（爲政篇）

【註釋】

①子游 孔安國曰：「子游，弟子；姓言，名偃。」按：家語云：「魯人，少孔子三十五歲。」史記仲尼弟子列傳作：「吳人，少孔子四十五歲。」與家語異。

②養 說文：「供養也。」朱熹曰：「養，去聲。謂飲食供奉也。」

③敬 說文：「肅也。」玉篇：「恭也；慎也。」

④別 說文：「分解也。」玉篇：「分別也。」

⑤包咸曰：「犬以守禦，馬以代勞，皆養人者。」一曰：「人之所養，乃至於犬、馬；不敬，則無以別。孟子曰：『食而不愛，豕畜之；愛而不敬，獸畜之也。』」包說非也。按：此指子對父母盡孝之事，謂徒以供養，而不敬，則與畜犬、馬何異？當以孟子之言爲正。

參考資料提示：①禮記坊記篇，②又祭義篇，③又內則篇，④孟子離婁篇，⑤又盡心篇。

【七】子夏問：「孝？」子曰：「色難①。有事②，弟子③四服④其勞⑤；有酒食⑥，先生⑦饌⑧；曾⑨是以爲孝乎⑩？」（爲政篇）

【註釋】

①子夏 按：孔子弟子；姓卜，名商。少孔子四十四歲。講學於西河，爲魏文侯師。

②色難 包咸曰：「謂承望父母顏色，乃爲難也。」顏延之曰：「夫氣色和，則情志通；善養親之志者，必先和其色；故曰難也。」皇侃曰：「色，謂父母顏色。」

③有事 皇侃曰：「有事，謂役使之事也。」

④弟子 皇侃曰：「弟子，謂爲人子弟者也。」

⑤服 爾雅釋詁：「服，事也。」皇侃曰：「服，謂執持也。」

⑥勞 說文：「勞，劇也。」爾雅釋詁：「勞，勤也。」皇侃曰：「勞，勞苦也。」

⑦食 朱熹曰：「音嗣。飯也。」

⑧先生 馬融曰：「先生，父兄也。」

⑨饌 馬融曰：「饌，飲食也。」

⑩曾 朱熹曰：「曾，猶嘗也。」

⑪馬融曰：「孔子喻子夏，曰：『服勞先食，汝謂此爲孝乎？未足爲孝也。承順父母顏色，乃是爲孝耳。』」

江熙引或曰：「勞役居前，酒食處後，是人子常事；未足稱孝也。」

參考資料提示：①禮記祭義篇，②又王制篇，③說苑建本篇，④大戴禮記曾子制言篇，⑤呂氏春秋

孝行覽。

【八】子曰：「事父母，幾諫①；見志不從②，又敬不違③；勞而不怨④。」（里仁篇）

【註釋】

①幾諫 包咸曰：「幾，微也。」說文：「諫，證也。」白虎通諫諍篇：「諫者，閒也；更也。是非相間，革

更其行也。」包咸曰：「當微諫，納善言於父母。」

②包咸曰：「見志者，見父母志有不從己諫之色。」

③皇侃本「敬」下有「而」字。包咸曰：「又當恭敬，不敢違父母意而遂己之諫也。」

④皇侃曰：「若諫又不從，或至十至百；則已不敢辭己之勞以怨於親也。」

參考資料提示：

- ①禮記祭義篇， ②又內則篇， ③又坊記篇， ④又曲禮篇， ⑤大戴禮記曾子立孝篇， ⑥又曾子事父母篇， ⑦荀子子道篇， ⑧孟子萬章篇。

【九】子曰：「父母之年○，不可不知○也；一則以喜○，一則以懼○。」（里仁篇）

【註釋】

○年 按：年齡也。左傳定公四年：「五叔無官，豈尚年哉。」

○知 皇侃曰：「爲人子者，必宜知父母之年多少也。」朱熹曰：「知，猶記憶也。」

○喜 爾雅釋詁：「喜，樂也。」玉篇：「悅也。」

○懼 說文：「恐也。」孔安國曰：「見其壽考則喜，見其衰老則懼也。」李充曰：「孝子之事親也，養則致其樂，病則致其憂；憂、樂之情深，則喜、懼之心篤。然則獻樂以排憂，進歡而去戚者，其惟父母之年乎？豈徒知年數而已哉！實其能稱年而致養也。是以唯孝子爲能達就養之方，盡將從之節；年盛則常怡，年衰則消息；喜於康豫，懼於失和；孝子之道備也。」

參考資料提示： ①大戴禮記曾子疾病篇， ②法言孝至篇。

【十】子曰：「父母在，不遠遊○；遊必有方○。」（里仁篇）

【註釋】

○遊 按：猶行也。詩板蕢：「遊，行也。」禮記曲禮篇：「遊毋倨。」

○方 鄭玄曰：「方，猶常也。」邢昺曰：「遊，必有常所。」朱熹曰：「遠遊，則去親遠而爲日久，定省曠

而音闕疏；不惟己之思親不置，亦恐親之念我不忘也。遊必有方，如己告云之東，則不敢更適西；欲親必知己之所在而無憂，召己則必至而無失也。」

參考資料提示：

①禮記曲禮篇， ②又玉藻篇。

## 四 交 友

按：交，猶友也。易繫辭傳：「上交不諂，下交不瀆。」友，說文：「同志爲友。」此篇言與朋友交接之道，因以：「交友」名篇。

【一】子曰：「有朋①自②遠③方④來⑤，不亦樂⑥乎⑦？」（學而篇）

【註釋】

①子曰 此二字原闕。按：上文原有「學而時習之，不亦悅乎」十一字，因移他篇。此下亦孔子之語，因補此一字，以明發言主體。

②朋 包咸曰：「同門曰『朋』。」皇侃曰：「同處師門曰『朋』，同執一志爲『友』。朋，猶黨也；共爲黨類在師門也。」

③自 廣雅釋詁：「自，從也。」

④遠 爾雅釋詁：「遠，遐也。」

⑤方 按：淮南子兵略訓：「方者，地也。」禮記表記篇註：「方，四方也。」

⑥來 爾雅釋詁：「來，至也。」

⑦樂 朱熹曰：「樂，音洛。」蒼頡篇：「樂，喜也。」

⑧江熙曰：「『君子以朋友講習』，『出其言善，則千里之外應之；遠人且至，况其近者乎？道同齊味，歡然適

交 友

願；所以樂也。」

參考資料提示：

- ①易兌卦象辭， ②禮記學記篇， ③孟子萬章篇， ④衛靈公篇第十章。

【一】孔子曰：「益者三友，損者三友：友直，友諒，友多聞，益矣；友便辟，友善柔，友便佞，損矣。」（季氏篇）

【註釋】

○孔子曰 按：論語諸篇多稱「子曰」，此季氏篇俱稱「孔子曰」，似據異本纂輯而成。

○益 廣韻：「益，增也；進也。」按：書大禹謨：「謙受益。」

○損 說文：「損，減也。」按：書大禹謨：「滿招損。」

○諒 說文：「諒，信也。」皇侃曰：「所友得有信之人也。」

○便辟 「辟」原作「僻」，皇侃本作「辟」。馬融曰：「便辟，巧避人所忌，以求容媚者也。」依馬註原當作「辟」，因據皇本改。皇侃曰：「謂語巧能避人所忌者，爲便辟也。」朱熹曰：「便，平聲。辟，婢亦反。」

便，習熟也。」

○善柔 馬融曰：「面柔也。」皇侃曰：「善柔，謂面從而背毀者也。」

○便佞 鄭玄曰：「便，辯也。謂佞而辯者也。」說文：「佞，巧調高材也。」皇侃曰：「便佞，謂辯而巧也。」朱熹曰：「便佞，謂習於口語而無聞見之實。」

參考資料提示：

- ①子罕篇二十五章， ②墨子所染篇， ③荀子勸學篇， ④說苑雜言篇， ⑤大戴禮記會

子疾病篇， ⑥後漢書爰延傳， ⑦漢書佞倖傳。

【三】子曰：「君子不重，則不威；學，則不固。主忠信，無友不如己者。」

過則勿<sup>⑨</sup>憚<sup>⑩</sup>改<sup>⑪</sup>。」（學而篇）

【註釋】

①朱熹曰：「重，厚重。」皇侃曰：「重爲輕根，靜爲躁本。」君子之體，不可輕薄也。」

②威 朱熹曰：「威，威嚴。」皇侃曰：「無威，則人不畏之也。」

③固 孔安國曰：「固，蔽也。」朱熹曰：「固，堅固也。輕乎外者，必不堅乎內；故不厚重，則無威嚴；而所學亦不堅固也。」何晏引曰：「不能堅固，識其義理也。」皇侃曰：「侃案：孔訓固爲蔽。蔽猶當也，言人既不能敢重，縱學亦不能當道理也。」朱說蓋本上二家說，恐非也。按：禮記學記篇：「君子如欲化民成俗，其必由學乎？玉不琢，不成器；人不學，不知道。」又曰：「雖有至道，弗學不知其善也。」陽貨篇：「六言、六蔽」，其「蔽」皆由於「不好學」；故曰：「學，則不蔽。」當以孔說爲正。

④主 鄭玄曰：「主，親也。」皇侃曰：「鄭心則言，當親於忠、信之人。」

⑤忠 說文：「敬也。」玉篇：「直也。」按：墨子經上篇：「忠，以爲利而強君也。」（按：「君」原作「低」，依孫詒讓說改。）

⑥信 墨子經上篇：「信，言合於意也。」學而篇：「言而有信。」皇侃疏：「主不欺，故云必有信也。」游酢曰：「學之道，必以忠、信爲主。」

⑦無 朱熹曰：「無，毋通。禁止辭也。」釋文：「毋，音無；本亦作無。」

⑧皇侃曰：「凡結交友，必令勝己；勝己則已日有所益之義。不得友不如己，友不如己，則已有日損；故云：『無友不如己者。』或問曰：『若人皆慕勝己爲友。則勝己者豈友我耶？』蔡謨曰：『本言同志爲友，此章所言，謂慕其志而思與之同；不謂自然同也。夫上同乎勝己，所以進也；下同乎不如己，所以退也。』

四賢上慕文王，故四友是四賢，上同心於文王；非文王下同四賢也。然則求友之道，固當見賢思齊，同志於勝己；所以進德修業，成天下之亶亶也。」今言敵則爲友，此直自論才同德等，而相親友；非夫子勸教之本旨也。若如所云，則直、諒、多聞之益，便辟、善柔之誠，奚所施也？」按：此仍指求「益友」而言，見賢思齊，要與善人交也。

⑨勿 皇侃曰：「勿，猶莫也。」朱熹曰：「勿，亦禁止之辭。」

⑩憚 鄭玄曰：「憚，難也。」朱熹曰：「憚，畏難也。」

⑪李充曰：「若友失其人，改之爲貴也。」皇侃曰：「友主切磋，若有過失者，當更相諫諍；莫難改也。」按：此文並見於子罕篇。何晏曰：「愼其所主，所友，有過務改；皆所以爲益者也。」按：此當指自己之過失言，而非交友之過也。

參考資料提示：

- ①左傳襄公三十一年， ②法言修身篇， ③中論治學篇， ④陽貨篇第八章， ⑤顏淵篇第十章， ⑥易乾卦文言， ⑦禮記禮器篇， ⑧說苑敬慎篇， ⑨又雜言篇， ⑩呂氏春秋驕姿篇， ⑪又觀世篇， ⑫易益卦象辭， ⑬衛靈公篇三十章， ⑭子張篇第八章、二十一章， ⑮大戴禮記曾子立事篇， ⑯又盛德篇。

【四】子貢問：「友？」子曰：「忠告①而以②善導③之，否④，則止；毋自辱⑤焉⑥！」

（顏淵篇）

【註釋】

①忠告 包咸曰：「忠告，以是非告之也。」皇侃曰：「朋友主切磋，若見有不善，當盡己忠心告語之。」

②以 朱熹集註本無「以」字。



③導 朱熹集註本作「道」。釋文：「道，導也。」包咸：「以善導之。」皇侃曰：「又以善事更相誘導也。」朱熹曰：「善其說以道之。」

④否 朱熹集註本作「不可」。皇侃曰：「否，謂彼不見從也。」按：作「不可」並通。

⑤辱 說文：「恥也」

⑥包咸曰：「不見從，則止；必言之，或見辱也。」皇侃曰：「若必更言之，已或反見辱也。」

參考資料提示：①里仁篇二十六章，②衛靈公篇第八章。

【五】子曰：「羣居終日，言不及義，好行小慧，難矣哉！」（衛靈公篇）

【註釋】

①羣居 說文：「羣，輩也。」又：「居，處也。」皇侃曰：「三人以上，爲羣居。」

②終日 按：自旦至暮時爲終日。老子二十三章：「驟雨不終日。」

③義 釋名：「義，宜也。裁制事物，使各宜也。」按：禮記中庸篇：「義者，宜也。」墨子經上篇：「義，

利也。」皇侃曰：「羣居共聚，有所談說；終於日、月，而未會及義之事也。」

④小慧 「慧」皇侃本作「惠」。通用。鄭玄曰：「小慧，謂小才知也。」朱熹曰：「好行小慧，則行險僥倖

之機熟。」

⑤難矣捉 鄭玄曰：「言終無成功也。」皇侃曰：「亦難爲成人也。」

參考資料提示：①禮記中庸篇，②易兌卦象辭。



## 五處世

按：玉篇：「處，居也。」易繫辭傳：「上古穴居而野處。」又：「其當殷周之末世。」又謂：「平世」、「亂世」，皆指時代或環境言。「處世」猶居此人世間與人相處也。因以名篇。

【一】子曰：「不患○人之不己知，患不知人也○。」（學而篇）

【註釋】

○患 說文：「患，憂也。」

○王肅曰：「但患己之無能知也。」李充曰：「凡人之情，多輕於知人，而怨人不知己；故抑引之教興乎此矣。」皇侃曰：「言不患人不知己，但患己不知人耳。」

參考資料提示：

①學而篇第一章，②憲問篇三十章，③衛靈公篇十九章，④里仁篇十四章。

【二】子曰：「不患人之不己知，患己無○能也○。」（憲問篇）

【註釋】

○無 邢昺本「無」作「不」。

○王肅曰：「徒患己之無能也。」皇侃曰：「言不患人之不知我之有才能也，正患無才能與人知也。」

參考資料提示：

①學而篇第一章、十六章，②里仁篇十四章，③衛靈公篇十九章

【三】子曰：「君子病○無○焉，不病人之不己知也○。」（衛靈公篇）

【註釋】

○病 皇侃曰：「病，猶患也。」

○包咸曰：「君子之人，但病無聖人之道，不病人不知己也。」皇侃曰：「君子之人，常患己無才能耳；不患己有才能而人不見知之也。」

參考資料提示：

①荀子非十二子篇，

②學而篇第一章、十六章，

③里仁篇三十章，

④憲問篇三十章。

【四】子曰：「不患無位○，患所以立○；不患莫○己知，求爲可知○也○。」（里仁篇）

【註釋】

○位 周官大宰八則：「四曰祿位。以馭其士。」鄭玄注：「爵次也。」按：此指爵位言。

○朱熹曰：「所以立，謂所以立乎其位者。」皇侃曰：「言何患無位，但患己才闇，無德處立於位耳。」

○莫 顏會：「莫，無也。」

○可知 朱熹曰：「謂可以見知之實。」

○包咸曰：「求善道而學行之，則人知己也。」

參考資料提示：

①莊子讓王篇，

②後漢書崔駰傳，

③三國志文帝紀注引獻帝傳，

④大戴禮記曾子制言篇，

⑤荀子勸學篇。

【五】子曰：「人不知而不愠○，不亦○君子乎○！」（學而篇）

【註釋】

○子曰 「子曰」二字原無。上原有：「子曰學而時習之不亦悅乎有朋自遠方來不亦樂乎」二十一字，已分別

移入他篇；故增此二字。

③慍 何晏曰：「慍，怒也。」

④不亦 皇侃曰：「亦，猶重也。」按：孟子滕文公上篇：「不亦善乎」，趙岐注：「不亦者，亦也。」

④何晏曰：「凡人有所不知，君子不慍之也。」李充曰：「君子忠恕，誨人不倦；何怒之有乎？」按：此與上文「學而時習」義不相屬，茲別爲一章；上並加「子曰」二字，以明孔子之言。

參考資料提示：

①禮記中庸篇， ②大戴禮記曾子立事篇， ③淮南子繆稱篇。

【六】子曰：「躬①自厚②，而薄責③於人；則遠④怨矣⑤。」（衛靈公篇）

【註釋】

①躬 皇侃曰：「躬，身也。」

②厚 玉篇：「不薄也；重也。」按：猶嚴也。

③責 說文：「責，求也。」

④遠 朱熹曰：「遠，去聲。」

⑤孔安國曰：「自責己厚，責人薄；所以遠怨咎也。」皇侃曰：「君子責己厚，小人責人厚。責人厚，則爲怨之府；責己厚，人不見怨；故云：『遠怨』。」

參考資料提示：

①孟子盡心篇， ②春秋繁露仁義法篇， ③呂氏春秋舉難篇， ④衛靈公篇二十一章，

⑤顏淵篇二十一章。

【七】子曰：「君子求①諸己，小人求諸人②。」（衛靈公篇）

【註釋】

處世

○求 皇侃曰：「求，責也。」

○何晏曰：「君子責己，小人責人也。」皇侃曰：「君子自責己德行之不足，不責人也；小人不自責己，而責人也。」

參考資料提示：

①禮記中庸篇，

②孟子公孫丑篇，

③荀子大略篇，

④說苑說叢篇，

⑤顏淵篇二十一

章。

【八】子曰：「攻○乎異端○，斯害也已矣○！」（爲政篇）

「註釋」

○攻 孫奕履齋示兒篇云：「攻，如攻人之攻。」

○異端 皇侃曰：「異端，謂雜書也。」范祖禹曰：「異端，非聖人之道，而別爲一端；如楊、墨是也。」按

：子張篇：「雖小道必有可觀者焉。」何晏注：「小道，謂異端。」皇侃曰：「小道，如今諸子書也。」

○斯害也已矣 皇侃曰：「斯害也已矣」者，爲害之深也。」何晏曰：「攻，治也。善道有統，故殊途而

同歸；異端不同歸者也。」皇侃又曰：「古人謂學爲治，故書史載人專經學問者，皆云治其書，治其經也。

異端，謂雜書也。言人若不學六籍正典，而雜學於諸子百家，此則爲害之深；故云：攻乎異端，斯害也已

矣！」何、皇二說並非也。范祖禹曰：「攻，專治也，故治木石金玉之工曰攻。」孫奕曰：「攻，如攻人之

攻；已，止也。攻其異端，使吾道明；則異端之害人者自止也。」按：孫謂：「攻，如攻人之攻；」是也。

其曰：「已，止也；」則非也。「也已矣」三字，今本多作「也已」，並爲句末助詞；論語書中其例甚夥。

如：「可謂好學也已，」「吾末如之何也已矣，」「斯亦不足畏也已，」「其終也已，」「可謂遠也已矣，」

「泰伯其可謂至德也已矣，」「其餘不足觀也已，」「周之德可謂至德也已矣，」「可謂好學也已，」「末

由也已，「不一而足」；以文例觀之，蓋無作「止」解者。是此「攻」字亦當如「小子鳴鼓而攻之」之「攻」。  
憲問篇：「子曰：『躬自厚而薄責於人，則遠怨矣。』」顏淵篇：「攻其惡，無攻人之惡；非修惡與？」禮記中庸篇：「正己而不求諸人，則無怨。」衛靈公篇：「子曰：『君子求諸己，小人求諸人。』」陽貨篇：「子曰：『有惡，惡稱人之惡者。』」疑孔子之意，不必攻訐異端；「見不賢而內自省」可也。易繫辭傳云：「天下同歸而殊塗，一致而百慮。」禮記中庸篇：「隱惡而揚善，執其兩端，用其中於民。」又云：「萬物並育而不相害，道並行而不相悖。」况孔之時，楊、墨未興；今以楊、墨爲「異端」，亦屬無據。「道不同，不相爲謀。」不爲已甚也。則何氏謂：「異端不同歸者」，亦失孔氏之旨。否則，結怨於人；故曰：「斯害也已矣！」舊注俱未達其旨，則孟軻闢楊、墨之說，殊失夫子「忠恕之道」矣。

參考資料提示：

①衛靈公篇十五章、二十一章，

②顏淵篇二十一章。

【九】孔子曰：「不知命①，無以爲君子也②；不知禮③，無以立也④；不知言⑤，無以知人也⑥。」（堯曰篇）

### 【註釋】

①命，孔安國曰：「命，謂窮、達之分也。」皇侃曰：「窮，謂貧賤；達，謂富貴。」又曰：「命，謂窮、通、夭、壽也。人生而有命，受之由天，故不可不知也。」按：此即學而篇：「五十而知天命」之「命」。  
②皇侃曰：「若不知而強求，則不成爲君子之德。」

③禮，說文：「禮，履也。」釋名：「禮，體也；得其事體也。」禮記樂記篇：「禮也者，天理之不可易者也。」又坊記篇：「禮者，因人之情而爲之節文也。」

④立，學而篇：「三十而立，」何晏曰：「有所成立也。」皇侃曰：「禮主恭、儉、莊、敬，爲立身之本；人

若不知禮，無以得立其身於世也。」

⑤ 知言 馬融曰：「聽言則別其是非也。」

⑥ 江熙曰：「不知言，則不能賞言；不能賞言，則不能量彼；猶綆短不可以測於深井，故無以知人也。」

參考資料提示：

① 韓詩外傳卷六， ② 漢書董仲舒傳， ③ 呂氏春秋知分篇， ④ 泰伯篇第八章， ⑤ 季氏

篇十三章， ⑥ 風俗通愆禮篇， ⑦ 易繫辭傳， ⑧ 孟子公孫丑篇。

【十】公伯寮①愬②子路於季孫③。子服景伯④以告⑤，曰：「夫子⑥固⑦有惑志⑧於公伯寮也，吾力猶能肆⑨諸市朝⑩。」子曰：「道之將行也與⑪，命也；道之將廢也與，命也；公伯寮其如命何⑫！」（憲問篇）

「註釋」

① 公伯寮 馬融曰：「伯寮，魯人；弟子也。」劉寶楠曰：「公伯，複姓；見廣韻。稱「伯寮」者，猶「冶長」、「馬遷」之比，弟子傳：「伯寮，字子周。」不云「魯人」。」

② 愬 馬融曰：「愬，譖也。」按：猶讒也。

③ 季孫 魯大夫，季孫氏；名肥。亦稱：「季康子」。皇侃曰：「子路時仕季氏，而伯寮讒季氏；令信譏譖子路也。」

④ 子服景伯 馬融曰：「魯大夫子服何忌也。」

⑤ 告 廣韻：「報也。告上曰告。」馬融曰：「告，告孔子也。」

⑥ 夫子 皇侃曰：「夫子者，季孫爲夫子也。」

⑦ 固 按：「故」之通借，本然之詞。



④惑志 朱熹曰：「言其有疑於寮之言也。」孔安國曰：「季孫信讒，恚子路也。」孔說非也。按：下文：「吾力猶能肆諸市朝，」鄭玄注：「吾勢能辨子路之無罪於季孫，使之誅伯寮而肆也。」苟季孫不疑伯寮，而深信其言恚子路，則子服景伯又何能爲子路辨之？並使季孫反而誅伯寮也。當以朱註爲是也。

⑤肆 鄭玄曰：「有罪既刑，陳其尸曰『肆』也。」皇侃曰：「肆者，殺而陳尸也。」又曰：「殷禮：殺大夫以上於朝，殺士於市；殺而猶陳曝其尸以示百姓，曰肆也。」

⑥鄭玄曰：「吾勢能辨子路之無罪於季孫，使之誅伯寮而『肆』也。」

⑦與 朱熹曰：「與，平聲。」按：下同。

⑧廢 說文：「屋傾也。」詩小雅：「廢爲殘賊。」釋文：「墮也。」

⑨皇侃曰：「孔子答景伯以子路無罪，言人死生有命，非伯寮之譖如何。言人之道德行於世者，此天之命也。又言人君道廢墜，不用於世者，此亦天之命也。子路之道，廢興由天之命耳；雖公伯寮之譖，其能違天命而興廢於子路耶！」

參考資料提示：①孟子萬章篇，②後漢書黨錮傳論。

【十一】子貢曰：「貧①而無諂②，富③而無驕④；何如？」子曰：「可也⑤。未若貧而樂⑥，富而好禮者也⑦。」（學而篇）

### 【註釋】

①貧 說文：「財分少也。」皇侃曰：「乏財曰貧。」

②諂 說文：「諛也。」范寧曰：「不以正道求人爲諂也。」皇侃曰：「非分橫求曰諂也。若有貧者，能不橫求。」

⑤富 說文：「備也；一曰厚也。」廣韻：「豐於財也。」皇侃曰：「積蓄財帛曰富。」

⑥驕 皇侃曰：「陵上慢下曰驕，富積者既得人所求，好生陵慢。」按：驕矜也。

⑦可也 孔安國曰：「未足多也。」范寧曰：「孔子以爲不驕、不詘，於道雖可，未及臧也。」

⑧樂 皇侃本「樂」下有「道」。鄭玄曰：「樂謂志於道，不以貧賤爲憂苦也。」按：依鄭注，是原無「道」字。按：「樂道」與「好禮」對文，亦通。孫綽曰：「顏氏之子，一簞一瓢，人不堪憂；回也不改其樂也。」

⑨皇侃曰：「富能不驕，乃是可嘉；未如恭敬好禮者也。」按：下原有：「子貢曰詩云如切如磋如琢如磨其斯之謂與子曰賜也始可與言詩已矣告諸往而知來者也」三十七字，因與上文義不相涉，故移他篇。

參考資料提示：①憲問篇第十章，②老子第九章，③述而篇十六章，④雍也篇十一章，⑤大戴禮記

衛將軍文子篇，⑥莊子讓王篇，⑦禮記坊記篇。

【十二】子曰：「貧而無怨難①，富而無驕易②。」（憲問篇）

【註釋】

①難 玉篇：「不易之稱也。」皇侃曰：「貧交困於飢寒，所以有怨；若能無怨者，則爲難矣。」江熙曰：「顏愿無怨，不可及也。」

②易 朱熹曰：「易，去聲。」按：不難也。皇侃曰：「富貴豐足，無所應怨；然應無驕，則爲易也。」江熙曰：「若子貢不驕，猶可能也。」

參考資料提示：①學而篇十五章，②晏子春秋雜下篇，③左傳定公十三年。

【十三】子曰：「富與貴①，是人之所欲②也；不以其道得之，不處③也④。貧與賤⑤，是人

之所惡⑥也；不以其道得之⑦，不去⑧也⑨。」（里仁篇）

【註釋】

① 貴 說文：「不賤也。」

② 欲 說文：「貪，欲也。」禮記曲禮篇：「欲不可從，」賈公彥疏：「心所愛爲欲。」

③ 處 按：通居。易繫辭傳：「上古穴居而野處。」老子三十八章：「大丈夫居其實，不居其華。」「居」本亦作「處」。

④ 孔安國曰：「不以其道得富貴，則仁者不處也。」朱熹曰：「不以其道得之，」謂不當得而得之。」按：此即述而篇：「不義而富且貴，於我如浮雲。」又：憲問篇：「邦無道穀，恥也。」泰伯篇：「邦無道，富且貴焉，恥也。」故云：「不處」也。

⑤ 賤 說文：「賈少也。」按：猶不貴也。

⑥ 惡 朱熹曰：「惡，去聲。」

⑦ 得之 楊伯峻曰：「『富與貴』可以說『得之』；『貧與賤』却不是人人想『得之』的。這裏也講『不以其道得之』，『得之』應改爲『去之』。」楊說未必是也。皇侃曰：「若依道理，則有道者宜富貴，無道者宜貧賤；則是理之常道也。今若有道而身反貧賤，此是不以其道得之也。」按：顏淵篇：「子夏曰：『死生有命，富貴在天』。」又堯曰篇：「不知命，無以爲君子也。」孔子以富貴貧賤皆由命定。如季氏篇「小人不知天命而不畏也。」既貧賤，則由於「天命」；若必欲「去之」，是違天命；故亦曰：「不以其道得之」，非謂「得貧賤」也。所以述而篇云：「富而可求也，雖執鞭之士，吾亦爲之；如不可求，從吾所好。」蓋因富「不可求」，乃「命」也。雖欲爲「執鞭之士」以求富；是「不以其道得之」也。然里仁篇又云：「士志於道，而恥惡衣惡食者，未足與議也。」衛靈公篇：「君子謀道不謀食。」又曰：「君子憂道不憂貧。」

則是「不以其道得之，不去也。」此不「不以其道得之」。猶云：「不由其道」也。倘從楊說，則「得」字必反訓爲「失」；如：「亂」之訓「治」，「祥」之訓「殛」；「不亦」之訓「亦」，「無寧」之訓「寧」。猶陽貨篇：「其未得之也，患得之。」何晏曰：「患得之者，患不得之也。」則亦無煩改字矣。蓋此「不以其道」「得」富貴，亦即「不以其道」「去」貧賤；文雖異而意實同，更鄭重言之也。

⑧皇侃曰：「時有否泰，運有通塞；雖所招非己分，而不違去我正道也。所以顏愿安貧，不更他方橫求也。」  
 ⑨也「也」字原闕。皇侃本、朱熹集註本並有「也」字。按：此係並行句，上句有「也」字，此亦當有；因據皇本增。又此下原有：「君子去仁惡乎成名君子無終食之間違仁造次必於是顚沛必於是」二十七字，因係言「仁」，故移他篇；別爲一章。

參考資料提示：

①論衡問孔篇，

②述而篇十六章，

③大戴禮記曾子制言篇，

④韓詩外傳卷二，

⑤荀

子大畧篇。

【十四】子曰：「富而可求也，雖執鞭之士①，吾亦爲之②；如不可求者，從③吾所好④。」  
 （述而篇）

【註釋】

①執鞭之士 按：周禮秋官：條狼氏掌執鞭以趨避，王出入則八人夾道。公則六人，侯、伯則四人，子、男則二人。朱熹曰：「執鞭，賤者之事。」繆協稱袁氏曰：「執鞭，君之御士；亦有祿位於朝也。」

②鄭玄曰：「富貴不可求而得者也，當修德以得之；若於道可求者，雖執鞭賤職我亦爲之矣。」皇侃曰：「孔子意云：夫富貴貧賤皆稟天之命，不可苟且求；若可求而得者，假令執賤職，而吾亦爲之則不辭矣。」朱熹曰：「有命焉，非求之可得也。」

③從 說文：「相聽也。」廣韻：「就也。」

④所好 朱熹曰：「好，去聲。」孔安國曰：「所好者，古人之道也。」皇侃曰：「既不可求，則當我性所好；我性所好者，古人之道也。言不可以非理求也。」

參考資料提示，

①韓詩外傳卷一，

②顏淵篇第五章，

③鹽鐵論貧富篇。

【十五】子曰：「篤信○好○學，守死善道○，危邦不入，亂邦不居○；天下○有道則見○，無道則隱○。邦有道，貧且賤焉，恥也○；邦無道，富且貴焉，恥也○。」（泰伯篇）

### 【註釋】

○篤信 爾雅釋詁：「篤，固也。」朱熹曰：「篤，厚而有力也。」按：子張篇：「信道不篤，」則「信」亦指「信道」言也。

○好 朱熹曰：「好，去聲。」

○包咸曰：「言行當常然也。」皇侃曰：「令篤厚於誠信而好先王之道也。寧爲善而死，不爲惡而生。」

○包咸曰：「危邦不入，謂始欲往也；亂邦不居，今欲去也。臣殺君，子殺父；亂也。危者，將亂之兆也。」

皇侃曰：「陳文子棄馬十乘而去，是亂邦不居也。」

○天下 朱熹曰：「天下，舉一世而言。」

○見 朱熹曰：「見，賢遍反。」皇侃曰：「見，謂出仕也。」

○隱 爾雅釋詁：「隱，微也。」郭璞注：「微，謂逃藏也。」皇侃曰：「若時王無道則隱，枕石漱流也。」

按，史記老子列傳：「不得其時，則蓬累而行。」

○皇侃曰：「國君有道，則宜運我才智，佐時出仕；宜始得富貴，而已獨賤；則是才德淺薄，不會明時；故爲

可恥也。」按：史記老子列傳：「且君子得其時則駕。」按：此「可以其道得之」也。

①江熙曰：「不枉道而事人，何以致無道寵；寵，所以恥也。」皇侃曰：「國君無道，而已出仕，招致富貴；則是己亦無道。得會惡逆之君，故亦爲可恥也。」按：此「不以其道得之」也。故衛靈公篇云：「君子哉！蘧伯玉。邦有道，則仕；邦無道，則可卷而懷之。」是也。

參考資料提示：

- ①春秋宣公十七年穀梁傳何休注，②漢書龔勝傳，③大戴禮記盛德篇，④申鑒政體篇，⑤說苑說叢篇，⑥衛靈公篇第七章，⑦史記蔡澤傳，⑧又老子傳，⑨憲問篇第一章，⑩中論爵祿篇。

【十六】憲○問：「恥？」子曰：「邦有道，穀○。邦無道，穀；恥也○。」（憲問篇）

【註釋】

○憲 皇侃曰：「憲者，弟子原憲也。」朱熹曰：「憲，原思也。」又朱引胡氏曰：「此篇疑原憲所記。」劉賈楠曰：「憲不稱氏，疑此篇即憲所記。」按：此與「子罕篇」稱「牢曰」例同。

○孔安國曰：「穀，祿也。邦有道，當食其祿也。」

○孔安國曰：「君無道，而在其朝食其祿；是恥辱也。」

參考資料提示：①泰伯篇十三章，②衛靈公篇第七章，③春秋宣公十七年穀梁傳何休注，④說苑說叢篇，⑤史記蔡澤傳，⑥中論爵祿篇。

【十七】子曰：「邦有道，危言危行○；邦無道，危行言遜○。」（憲問篇）

【註釋】

○危行 包咸曰：「危，厲也。邦有道，可以厲言行也。」朱熹曰：「行，去聲。」

③遜 朱熹集註本作「孫」。並云：「孫，去聲。」孔安國曰：「遜，順也。厲行，不隨俗；順言，以遠害也。」江熙曰：「仁者豈以歲寒虧貞松之高志，於其言語可以免害；知志愈深。」孔子曰：「諾，吾將仕矣。」此皆遜辭以遠害也。」

參考資料提示：

①里仁篇二十四章，

②衛靈公篇十八章，

③管子宙合篇，

④荀子臣道篇，

⑤春秋繁

露楚莊王篇。

【十八】孔子曰：「益者三樂①，損者三樂：樂節②禮樂③，樂道人之善，樂多賢友，益矣；樂驕樂④，樂佚遊⑤，樂宴樂⑥，損矣。」（季氏篇）

【註釋】

①三樂

朱熹曰：「樂，音洛。」按：喜樂也。

②樂節

朱熹曰：「樂，五教反。」按：愛好也。朱熹曰：「節，謂辨其制度聲容之節。」

③禮樂

朱熹曰：「樂，音岳。」按：即樂器之樂。何晏曰：「動靜得於禮樂之節。」皇侃曰：「謂心中所愛

樂，樂得於禮樂之節也。」

④樂驕樂

孔安國曰：「恃尊貴以自恣也。」皇侃曰：「心中所愛樂為驕傲以自樂也。」

⑤樂佚遊

王肅曰：「佚遊，出入不知節也。」皇侃曰：「心中所愛樂恣於自佚，恣而遨遊，不用節度也。」

⑥樂宴樂

孔安國曰：「宴樂，沈荒淫瀆也。」皇侃曰：「心中所愛樂，宴飲酖酗以為樂也。」

參考資料提示：

①漢書貢禹傳，

②禮記中庸篇，

③荀子不苟篇，

④中論貴驗篇，

⑤孟子萬章篇，

⑥又梁惠王篇，

⑦書皋陶謨篇，

⑧又無逸篇，

⑨漢書成帝紀。

【十九】孔子曰：「君子有三戒①：少②之時，血氣③未定，戒之在色④；及其壯⑤也，血氣

方剛，戒之在鬪⑥；及其老⑦也，血氣既衰⑧，戒之在得⑨。」（季氏篇）

【註釋】

①戒 說文：「警也」

②少 皇侃曰：「少，謂三十以前也。」

③血氣 朱熹曰：「血氣，形之所待以生者；血陰而氣陽也。」

④色 按：女色也；美色也。孟子萬章篇：「好色，人之所欲。」又梁惠王篇：「寡人好色。」皇侃曰：「爾

時血氣猶自薄少，不可過慾；過慾則爲自損，故戒之也。」

⑤壯 說文：「壯，大也。」皇侃曰：「壯，謂三十以上也。禮：三十壯而爲室，故不復戒色也。」

⑥鬪 皇侃本作「鬪」。說文：「兩士相對，兵杖在後；象鬥之形。」皇侃曰：「年齒已壯，血氣方剛。性力

雄猛者，無所與讓，好爲鬪爭；故戒之也。」

⑦老 皇侃曰：「老，謂年五十以上也。」

⑧衰 韻會：「弱也；耗也。」

⑨得 孔安國曰：「得，貪得。」皇侃曰：「年五十始衰，無復鬪爭之勢；而戒之在得也。老人好貪，故戒之

也。」

參考資料提示：①漢書杜欽傳，②荀子榮辱篇，③又臣道篇，④淮南子詮言篇。

【二十】孔子曰：「侍①於君子有三愆②：言未及之而言，謂之躁③；言及之而不言，謂之隱

④；未見顏色而言，謂之瞽⑤。」（季氏篇）



【註釋】

①侍 說文：「承也。」按：先進篇：「閔子騫侍側，」皇侃曰：「卑者在尊之側，曰侍。」

②愆 孔安國曰：「愆，過也。」皇侃曰：「卑侍於尊，有三事爲過失也。」

③躁 鄭玄曰：「躁，不安靜也。」皇侃曰：「侍君子之坐，君子言語，次第承之；未及抄次而言，此是輕動將躁者也。」

④隱 孔安國曰：「隱，慝。不盡情實也。」皇侃曰：「言語次第已應及其人，忽按：此下疑奪「對」字。」君子不肯出言；此是情心不盡，有所隱匿者也。」

⑤瞽 皇侃曰：「瞽者，盲人也。盲人，目不見人顏色。」周生烈曰：「未見君子顏色所趣向，而使逆先意語者，猶瞽者也。」

參考資料提示：①衛靈公篇第八章，②荀子勸學篇，③國語晉語。

【二十一】子曰：「可與言而不與言，失人①；不可與言而與之言，失言②。知③者不失人，亦不失言④。」（衛靈公篇）

【註釋】

①與 「與」下朱熹集註本有「之」字。

②失人 皇侃曰：「謂此人可與共言，而已不可與之言；則此人不復見顧，故是失於可言之人也。」

③失言 皇侃曰：「言與不可言之人共言，是失我之言者也。」

④知 朱熹曰：「知，去聲。」

⑤何晏曰：「所言皆是，皆無所失者也。」

參考資料提示：

- ① 憲問篇十三章， ② 孟子盡心篇， ③ 荀子大畧篇， ④ 管子形勢篇， ⑤ 說苑雜言篇， ⑥ 中論貴言篇。

【二十二】子曰：「不有祝鮀之佞，而有宋朝之美，難乎免於今之世矣。」（雍也篇）

〔註釋〕

① 不有 鄭玄曰：「言無也。」

② 祝鮀 說文：「祝，祭主贊詞者。」孔安國曰：「祝鮀，衛大夫名子魚也。」按：祝，乃宗廟之官；即「祝史」也。

③ 佞 孔安國曰：「佞，口才也。」皇侃曰：「祝鮀，能作佞也。」

④ 宋朝 孔安國曰：「宋朝，宋國之美人也；而善淫。」

⑤ 孔安國曰：「言當祝鮀之佞而反如宋朝之美，難矣免於今世之害也。」皇侃疏曰：「一本云：『反如宋朝之美也。』通者曰：佞與淫異，故云：『反』也。」又曰：「當於爾時，貴佞重淫，此二人並有其事；故得寵幸，而免患難。故孔子曰：『言若不有祝鮀佞，反宜有宋朝美。』若二者並無，則難免今世之患難。」范寧曰：「祝鮀以佞諂被寵於靈公，宋朝以美色見愛於南子；無道之世，竝以取容。孔子惡時民濁亂，唯佞色是尚；忠正之人，不容其身；故發『難乎』之談，將以激亂俗，亦欲發明君子全身遠害也。」

參考資料提示：

- ① 左傳定公四年， ② 又昭公二十年， ③ 又定公十四年。

【二十三】子曰：「唯女子與小人爲難養也：近之，則不遜；遠之，則怨。」（陽貨篇）

（陽貨篇）

【註釋】

①唯 按：猶獨也；但也。述而篇：「唯我與爾，有是夫。」

②女子 按：疑當指妾侍婢媵之類，非謂全般女性也。

③小人 朱熹曰：「此小人，亦謂僕隸下人也。」

④養 玉篇：「育也；畜也。」廣雅釋詁：「使也。」按：子路篇：「小人難事而易說也；說之雖不以道，說也。」

⑤遜 皇侃曰：「女子、小人，近之，則其承狎而不遜從也。」按：此所謂：習久翫生，近廟慢神者；是也。

⑥皇侃曰：「君子之交如水，亦相忘江湖。而女子、小人，人若遠之，則生怨恨。」

參考資料提示：①述而篇第三十七章，②子路篇二十五章，③國語楚語下。



## 六 爲 政

按：爲，猶治也。國語晉語：「疾不可爲也。」注：「爲，治也。」又：政，正也。周禮夏官司馬，鄭玄注：

「政，正也；政所以正不正者也。」「爲政」，猶從政以正人也；因以名篇。

【一】子曰：「爲政①以德②，譬③如北辰④，居其所，而衆星共之⑤。」（爲政篇）

【註釋】

①政 周禮夏官：「司馬掌邦政」，鄭玄注：「政，正也；政所以正不正者也。」

②德 郭象曰：「萬物皆得性，謂之德。夫爲政者奚事哉？得萬物之性，故云德而已也。」朱熹曰：「德之爲言得也，行道而有得於心也。」

③譬 說文：「譬，喻也。」按：同「辟」。墨子小取篇：「辟者也，舉它物以明之也。」

④北辰 皇侃曰：「北辰，北極，紫微星也。」按：爾雅釋天：「北極，謂之北辰。」

⑤共之 鄭玄曰：「德者無爲，譬猶北辰之不移，而衆星共之也。」朱熹曰：「共，讀拱，亦作拱；向也。居其所，不動也。言衆星四面旋繞而歸向之也。」

參考資料提示：

①孟子公孫丑上篇，

②又滕文公下篇，

③又梁惠王下篇，

④荀子儒效篇。

【二】子曰：「大哉！堯之爲君也。巍巍①乎！唯天爲大，唯堯則②之。蕩蕩③乎！民無能

名焉④。巍巍乎！其有成功也⑤。煥⑥乎！其有文章⑦。」（秦伯篇）

【註 釋】

①巍巍 何晏曰：「巍巍者，高大之稱也。」按：說文：「巍，高也。」方言同。

②則 孔安國曰：「則，法也。美堯能法天而行化也。」

③蕩蕩 包咸曰：「蕩蕩，廣遠之稱。」

④包咸曰：「言其佈德廣遠，民無能識其名焉。」王弼曰：「功成而不立其譽；罰加而不任其刑；百姓日用而

不知其所以然；夫又何可名也？」

⑤何晏曰：「功成化隆，高大巍巍。」

⑥煥 何晏曰：「煥，明也。」

⑦何晏曰：「其立文垂制，復著明也。」

參考資料提示：①孟子滕文公篇，②說苑至公篇，③論衡藝增篇，④春秋繁露奉本篇。

【三】子曰：「無爲而治者①，其舜也與②！夫③何爲哉？恭己④正南面⑤而已矣⑥。」（

衛靈公篇）

【註 釋】

①何晏曰：「言任官得其人，故無爲而治也。」

②與 朱熹曰：「與，平聲。」

③夫 朱熹曰：「夫，音扶。」

④恭己 朱熹曰：「恭己者，聖人敬德之容。」按：憲問篇：「修己以敬」，「修己以安人」，「修己以安百

姓」。

⑤南面 皇侃曰：「既垂拱而民自治，政所以自恭敬天位；正南面而已也。」按：易說卦傳：「聖人南面以聽天下。」莊子至樂篇：「雖南面王樂不能過也。」古者帝王之位南面，正南面，猶言正君位也。

⑥朱熹曰：「既無所爲，則人之所見如此而已。」

參考資料提示：

①春秋繁露楚莊王篇，

②漢書董仲舒傳，

③禮記中庸篇，

④呂氏春秋先己篇，

⑤大

戴禮記王言篇，

⑥新序雜事三篇，

⑦三國志吳志樓玄傳。

#### 【四】

子曰：「巍巍乎！舜、禹之有天下也○，而不與○焉○。」（泰伯篇）

〔註釋〕

○何晏曰：「美舜、禹也。言己不與求天下而得之也。」王弼曰：「逢時遇世，莫如舜、禹也。」

○不與 朱熹曰：「與，去聲。不與，猶言不關；言不以其位而樂也。」

○皇侃曰：「舜受堯禪而有天下，禹受舜禪而有天下；此二聖得時有天下，並非身所預求，而君自禪也。」

參考資料提示：

①衛靈公篇第五章，

②論衡語增篇。

#### 【五】

舜有臣五人○，而天下治○；（泰伯篇）唐○、虞○之際○於斯○爲盛○。（泰伯

篇）武王○曰：「予○有亂○臣十人○，（泰伯篇）有婦人焉，九人而已○。」（泰伯篇）孔子

曰：「才難○！不其然乎○？」（泰伯篇）

〔註釋〕

○五人 孔安國曰：「禹、稷、契、皋陶、伯益也。」

○治 朱熹曰：「治，去聲。」

爲政

③唐 孔安國曰：「唐，堯號也。」

④虞 孔安國曰：「虞，舜號也。」

⑤際 孔安國曰：「際，堯、舜交會之閒也。」

⑥斯 孔安國曰：「斯，此也。」

⑦按：「唐虞之際於斯爲盛」八字原在下文：「才難不其然乎」句下，「有婦人焉」句上。孔安國曰：「斯，此也；此於周也。言堯、舜交會之閒，比於此周；周最爲盛。」孔氏蓋爲曲說也。季彪曰：「今云：『唐、虞之際，於此爲盛。』言唐、虞之朝，盛於周室；周室雖隆，不及唐、虞，由來尙矣。故曰：『巍巍、蕩蕩，莫之能名。』今更謂唐、虞人士不及周室，反易舊義，更生殊說；無乃攻乎異端，有害於正訓乎？」季說近是也。審文意，「唐、虞之際於斯爲盛」，「斯」指舜也。言唐、虞之際，「舜有臣五人，而天下治」；故云：「於斯爲盛」也。況「唐、虞之際」，周德未興；何來「比於此周」？因依上、下文義移此「而天下治」句後。

⑧武王 皇侃曰：「武王，周發也。」

⑨予 皇侃曰：「予，我也。」

⑩亂 馬融曰：「亂，理也。」劉寶楠正義引鄭玄注曰：「亂，治也。」按：說文：「亂，治也。」疑唐人避諱，改「治」作「理」。老子「治大國」，唐寫本有作「理大國」者。

⑪十人 馬融曰：「理官者十人也。謂周公旦、召公奭、太公望、畢公、榮公、大顛、閎夭、散宜生、南宮适；其餘一人，謂文母也。」皇侃曰：「文母，文王之妻；是有辛氏之女太姒也。」

⑫此二句原在：「於斯爲盛」句下，「三分天下」句上。按：「於斯爲盛」，乃指「唐、虞之際」而言。「舜有臣五人」，自不應再言：「九人而已。」是此二句，乃武王之語，錯入下文。「有婦人焉，九人而已」，



正合「十人」之數；非指武王而何？因移此「亂臣十人」句後。孔安國曰：「尚有一婦人，其餘九人而已。」皇侃曰：「尚不滿十人；十人之中，有文母一婦人，爲十人之數。」

⑤才難 孔安國曰：「大才難得。」朱熹曰：「是才之難得也。」

⑥此句原在：「亂臣十人」句下，「唐、虞之際，於斯爲盛」句上。皇侃曰：「記者先列唐、周二國之臣數，而後書孔子之言於下也。」則「唐、虞之際，於斯爲盛；有婦人焉，九人而已。」不當爲孔子之言也。因移此「九人而已」句後，繼以孔子感歎之言；以結全章也。又：此下原有：「三分天下有其二以服事殷，周德其可謂至德也已矣」二十一字，朱熹引或曰：「宜斷「三分」以下，別以「孔子曰」起之，而自爲一章。」其說是也。今從或說移入他處，另立一章。孔安國曰：「大才難得，豈不然乎？」皇侃曰：「孔子歎曰：良才之難得，不其如此乎？」朱熹曰：「「才難」，蓋古語，而孔子然之也。」按：孔子所歎「才難」，意謂：唐、虞之際，以舜之盛，不過「五人」；武王雖有「亂臣十人」，然中有一婦人，不過「九人而已」；極言人才之難得見也。

參考資料提示：

①左傳昭公二十四年， ②又襄公二十八年， ③又成公二年， ④毛詩序， ⑤孟子滕文公上篇。

【六】子曰：「禹，吾無間○然矣○！菲○飲食○，而致孝乎鬼神○；惡衣食，而致美乎黻冕○；卑宮室，而盡力乎溝洫○。禹，吾無間然矣！」（泰伯篇）

【註釋】

○間 皇侃本、朱熹集註本並作「閒」。朱熹曰：「閒，罅隙也。」皇侃曰：「閒，猶非覲也。」

○孔安國曰：「孔子推禹功德之盛，言已不能復閒則其閒也。」皇侃曰：「孔子美禹之德美盛，而我不知何以

爲政

厝於非闕矣。」郭象曰：「仲尼不能閉，故曰：禹，吾無閒然矣！」朱熹曰：「謂指其罅隙而非議之也。」按：諸說並與孔說異；孔注恐非。

③菲 馬融曰：「菲，薄也。」

④皇侃曰：「禹自所飲食，甚自蠲薄。」

⑤馬融曰：「致孝乎鬼神，祭祀豐潔也。」按：對「神」而稱「孝」，疑祀「圖騰」(Totem)也。對「鬼」而稱「孝」，謂祭祖考也。

⑥黻冕 朱熹曰：「黻，蔽膝也；以葦爲之。冕，冠也。皆祭服也。」孔安國曰：「損其常服，以盛祭服也。」皇侃曰：「禹又自常衣服甚自蠲惡，而祭祀之服大華美也。」飲食供鬼、神，故云孝；祭服供自己身，故云美也。」

⑦溝洫 包咸曰：「方里爲井，井閒有溝；溝廣深四尺。十里爲城，城閒有洫；洫廣深八尺也。」皇侃曰：「溝洫，田土通水之用也。禹自所居，土階三尺，茅茨不翦；是卑宮室也。而通達畎畝，以利農田；是盡力溝洫也。」朱熹曰：「溝洫，田間水道；以正疆界，備旱潦者也。」

參考資料提示：①莊子天下篇，②禮記中庸篇，③說苑反質篇。

【七】子曰：「周○德，其可謂至德○也已矣○！」（泰伯篇）三○分天下有其二，以服事殷○焉○。」（泰伯篇）

【註釋】

○子曰 「子曰」二字原無。茲從上文分出，別爲一章；故增此二字。說詳下文。

○周 「周」字下朱熹集註本有「之」字，亦通。按：但六經「周德」二字多連言。如：左傳隱公十一年，「天

而既厭周德矣。」又宣公三年：「周德雖衰，天命未改。」僅易繫辭傳曰：「周之盛德耶？」

③至德 皇侃曰：「雖聖德之盛，猶服事惡逆之君；故可謂爲德之至極者也。」

④按：「周德其可謂至德也已矣」十字原在章末「以服事殷」句後。朱熹集註引或曰：「宜斷「三分」以下，別爲一章；以「孔子曰」起之，而自爲一章。」或說是也，但猶未盡。僉謂「三分天下」，不類起句之文；即加「孔子曰」，義亦晦昧。本篇首章：「子曰：泰伯其可謂至德也已矣！三以天下讓，民無得而稱焉。」依其文例，則「三分天下」二句，當在此句之下。原文作：「周德其可謂至德也已矣！三分天下有其二，以服事殷焉。」則文從字順矣。又十八章：「子曰：『巍巍乎！舜、禹之有天下也，而不與焉。』」文雖不同，而句法結構亦與此相類。崔適曰：「案：高誘注呂氏春秋古樂篇云：『論語曰，「文王爲西伯，三分天下有其二，以服事殷。」是高氏所見論語，「三分天下」句上，有「文王爲西伯」句也。』」崔說是也。倘必以「三分天下」起句，則上宜加：「子曰 文王爲西伯」七字。依包注亦有「文王爲西伯」之語。考左傳哀公四年：「文王帥殷之畔國以事紂，」即其事也。則此章全文亦可作：「子曰：「文王爲西伯，三分天下有其二，以服事殷；周德其可謂至德也已矣！」」

⑤三 皇侃本作「參」。並注云：「參，三也。」

⑥此段原在「周德」句上，今依文例移「也已矣」句下。

⑦焉 「焉」字原闕。茲依文例臆增。包咸曰：「殷紂淫亂，文王爲西伯而有聖德，天下之歸周者三分有二；而猶以服事殷。」皇侃曰：「天下有九州，文王爲雍州西伯，六州化屬文王；故云三分天下有二，猶服事於殷也。」

參考資料提示：

- ①逸周書太子晉篇， ②左傳襄公四年， ③周書程典解， ④呂氏春秋古樂篇， ⑤又行

論篇，<sup>④</sup>說苑反質篇。

【八】子曰：「魯<sup>①</sup>、衛<sup>②</sup>之政，兄、弟也<sup>③</sup>。」（子路篇）

【註釋】

①魯 包咸曰：「魯，周公之封。」

②衛 包咸曰：「衛，康叔之封也。」

③皇侃本無「也」字。包咸曰：「周公、康叔既爲兄弟，康叔睦於周公；其國之政亦如兄、弟也。」衛瓘曰：「言治、亂畧同也。」

參考資料提示：①史記孔子世家，②又魯世家，③又衛世家，④子路篇第九章。

【九】孔子曰：「祿之去公<sup>①</sup>室，五世矣<sup>②</sup>；政逮<sup>③</sup>於大夫，四世矣<sup>④</sup>；故夫<sup>⑤</sup>三桓<sup>⑥</sup>之子孫微矣<sup>⑦</sup>。」（季氏篇）

【註釋】

①公 皇侃曰：「公，君也。」

②鄭玄曰：「言此之時，魯定公之初也。魯自東門襄仲殺文公之子赤而立宣公，於是政在大夫；爵祿不從公出，至定公爲五世矣。」皇侃曰：「禮樂征伐自大夫出，五世希有不失。于時孔子見其數將爾，知季氏必亡；故發斯旨也。」

③逮 皇侃曰：「逮，及也。」

④鄭玄曰：「文子、武子、悼子、平子也。」

⑤夫 朱熹曰：「夫，晉扶。」

⑥三桓 孔安國曰：「三桓者，謂仲孫、叔孫、季孫也；三卿皆出桓公，故曰三桓也。」

⑦孔安國曰：「仲孫氏改其氏稱孟氏，至哀公皆衰也。」皇侃曰：「初三家皆蒙孟，至爾時並衰；故云微也。」

參考資料提示：

①左傳昭公二十五年， ②又昭公三十二年， ③又宣公十八年， ④又定公五年， ⑤又

定公八年，

⑥史記魯世家，

⑦春秋繁露玉杯篇，

⑧漢書劉向傳。

## 【十】

季氏○將伐顓臾○，冉有、季路見○於孔子；曰○：「季氏將有事○於顓臾。」孔子曰：「求！無乃爾○是過○與○？夫顓臾，昔者先王以爲東蒙主○，且在邦域之中矣○，是社稷之臣也○；何以伐爲○？」冉有曰：「夫子○欲之，吾二臣者皆不欲也○！」孔子曰：「求！周任○有言曰：『陳○力就列○，不能者止○。』危而不持，顓而不扶；則將焉○用彼相○矣○？且爾言過矣！虎、兕○出於柙○，龜、玉毀○於椁○中；是誰之過與○？」冉有曰：「今夫○顓臾固○而近於費○，今不取，後世必爲子孫○憂○。」孔子曰：「求！君子疾夫○舍○曰欲之○，而必更爲之辭○。丘也聞：有國○有家○者，不患寡而患不均○，不患貧而患不安○；蓋均無貧，和無寡，安無傾○。夫○如是○，故遠人不服，則修文德以來之○；既來之，則安之○。今由與求也相夫子，遠人不服，而不能來也；邦分○崩○離析○，而不能守也○；而謀動干○戈○於邦內○。吾恐季孫之憂，不在顓臾○，而在蕭牆○之內也○！」（季氏篇）

## 【註釋】

○季氏 皇侃曰：「季氏者，魯國上卿；豪強僭蓋者也。」

○顓臾 孔安國曰：「顓臾，必讎之後；風姓之國。本魯之附庸，當時臣屬魯；季氏貪其地，欲滅而有之。」

○見 朱熹曰：「見，賢遍反。」

④孔安國曰：「冉有與季路爲季氏臣，來告孔氏也。」朱熹曰：「按：左傳、史記，二子仕季氏不同時。」皇

侃曰：「此冉有告孔子之辭也。」

⑤有事 皇侃曰：「有事，謂有征伐之事也。」

⑥爾 皇侃曰：「爾，汝也。」

⑦過 皇侃曰：「罪過。」

⑧與 朱熹曰：「與，平聲。」孔安國曰：「冉求爲季氏宰，相其室，爲之聚斂；故孔子獨疑求教也。」皇侃

曰：「言是其教導季氏爲之也。」

⑨東蒙主 孔安國曰：「使主祭蒙山也。」皇侃曰：「言顓臾是昔先王聖人之所立，以主蒙山之祭；蒙山在

東，故云東蒙主也。」

⑩孔安國曰：「魯七百里之邦，顓臾爲附庸；在此域中也。」

⑪孔安國曰：「已屬魯爲社稷之臣。」皇侃曰：「國主社稷，顓臾既屬魯國；故是社稷之臣也。」鄭注詩云：

「諸侯不臣附庸。」而此云是社稷臣者，當爾時已臣屬魯故也。」

⑫孔安國曰：「何用滅之爲也。」

⑬夫子 皇侃曰：「夫子，指季氏也。」按：下同。

⑭孔安國曰：「歸咎於季氏也。」皇侃曰：「稱『吾二臣』，是冉有自謂及子路也。言我二臣皆不欲伐之

也。」

⑮周任 馬融曰：「周任，古之良史也。」朱熹曰：「任，平聲。」

⑯陳 朱熹曰：「陳，布也。」

④列 朱熹曰：「列，位也。」

⑤馬融曰：「言當陳其才力，度己所任，以就其位；不能則當止也。」皇侃曰：「周任有言曰：『人生事君，當先量後入；若計陳我才力所堪，乃後就其列次，治其職任耳。若自量才不堪，則當止而不爲也。』」按：先進篇：「以道事君，不可則止。」是也。

⑥焉 朱熹曰：「焉，於虔反。」

⑦相 朱熹曰：「相，去聲。」按：下同。

⑧包咸曰：「言輔相人者，當能持危，扶顛；若不能，何用相爲也？」

⑨咒 皇侃曰：「咒，如牛而色青。」朱熹曰：「咒，野牛也。」

⑩桺 馬融曰：「桺，檻也。」皇侃曰：「檻，貯於虎、咒之器也。」

⑪按：朱熹集註本此下有「於」字。

⑫積 馬融曰：「積，櫃也。」皇侃曰：「積，函也。貯龜、玉之匣也。」

⑬與 朱熹曰：「與，平聲。」馬融曰：「失毀非典守者之過耶？」皇侃曰：「汝爲人輔相，當主諫君失，若如爲人掌虎咒龜玉，若使虎、咒破檻而逸出，及龜、玉毀於函櫃之中，此是誰過？則豈非守檻函者過乎？」

⑭夫 朱熹曰：「夫，音扶。」

⑮固 馬融曰：「固，謂城郭完堅，兵甲利也。」

⑯費 馬融曰：「費，李氏之邑也。」皇侃曰：「費，李氏采邑名也。」

⑰子孫 皇侃曰：「子孫，李氏之子孫也。」

⑱皇侃曰：「冉有又言，顓臾既城郭堅，甲兵利，又與費邑相近；其勢力方彊，其及今日，猶可撲滅；若今日

不伐取，則其後世必伐於費；所以爲後世子孫之憂也。」

⑤疾夫 孔安國曰：「疾如汝之言也。」皇侃曰：「汝如此言，是君子之所疾也；故云君子「疾夫」也。」朱

熹曰：「夫，音扶。」

⑥舍 朱熹曰：「舍，上聲。」皇侃曰：「舍，猶除也。」

⑦欲之 朱熹曰：「欲之，謂貪其利。」皇侃曰：「冉有不道季氏貪欲濫伐，是「舍曰欲之」。」

⑧孔安國曰：「舍其貪利之說，而更作他辭；是所疾也。」皇侃曰：「假稱顓臾固近費，是而必爲之辭。」

⑨國 孔安國曰：「國，諸侯也。」

⑩家 孔安國曰：「家，卿大夫也。」

⑪孔安國曰：「不患土地人民之寡少，患政治之不均平也。」

⑫孔安國曰：「憂不能安民耳，民安則國富。」

⑬包咸曰：「政教均平，則不患貧矣；上下和同，不患寡矣；小大安寧，不傾危也。」皇侃曰：「上云：「不

患寡，患不均；不患貧，患不安。」則下應云：「均無寡，安無貧。」今云：「均無貧，和無寡。」又長

云：「安無傾」者，並相互爲義；由均、和，故安無傾也。」俞樾羣經平議曰：「上文：「不患寡而患不

均，不患貧而患不安。」當作：「不患貧而患不均，不患寡而患不安。」俞說非也。按：「安」與「貧」當

上、下相應爲文。「貧而無諂，」「貧而無怨，」「貧而樂；」即「安貧」也。不安貧，則「窮斯濫矣」。

當從皇說爲長。

⑭夫 朱熹曰：「夫，音扶。」

⑮如是 皇侃曰：「如是，猶如此也。」



皇侃曰：「若國家之政能如此安不傾者，若遠人猶不服化，則我廣修文德於朝，使彼慕德而來至也。」

皇侃曰：「遠方既至，則又用德澤安之。」

分 孔安國曰：「民有異心曰分。」

崩 孔安國曰：「欲去曰崩。」

離析 孔安國曰：「不可會聚曰離析。」朱熹曰：「分崩離析，謂四分公室，家臣離叛。」

皇侃曰：「不能守國也。」

干 孔安國曰：「干，楯也。」

戈 孔安國曰：「戈，戟也。」

皇侃曰：「唯知興動干、戈，以自伐邦國內地何也？」

皇侃曰：「言我之所思恐異於汝也：汝恐顯與而我恐季孫後世之憂，不在於顯與也。」

蕭牆 鄭玄曰：「蕭之言肅也。蕭牆，謂屏也。君臣相見之禮，至屏而加肅敬焉；是以謂之蕭牆。」

鄭玄曰：「後季氏之家臣陽虎果囚季桓子也。」皇侃曰：「臣朝君之位，在蕭牆之內也。今云季孫憂在蕭牆內，謂季孫之臣必作亂也。」按：所謂「內亂」者，是也。

參考資料提示：①左傳僖公二十一年，②又定公五年，③禮記內則篇，④後漢書楊震傳，⑤羣書治

要引桓範世要論諫爭篇，⑥春秋繁露度制篇，⑦鹽鐵論本議篇，⑧國語周語上，

⑨說苑指武篇，⑩韓詩外傳卷三。

【十一】子曰：「民可使由之，不可使知之。」（泰伯篇）

【註釋】

篇 政

○由之 何晏曰：「由，用也。可使用而不可使知者，百姓日用而不知也。」皇侃曰：「此明天道深遠，非人道所矧也。」張憑曰：「爲政以德，則各得其性；天下日用而不知，故曰：可使由之。」

○張憑曰：「若爲政以刑，則防民之爲奸，良知有防，而爲奸彌巧；故曰：不可使知之。」皇侃曰：「不可用刑，民知其術也。」朱熹曰：「民可使之由於是理之當然，而不能使之知其所以然也。」程頤曰：「聖人設教，非不欲人家喻而戶曉也；然不能使之知，但能使之由之爾。若曰聖人不使民知，則是後世「朝四暮三」之術也。豈聖人之心乎？」衆說並曲也。按：孟子盡心篇：「孟子曰：「行之而不著焉，習矣而不察焉；終身由之而不知其道者，衆矣。」又商君書更法篇：「語曰：「愚者闇於成事，知者見於未萌；民不可與慮始，而可與樂成。」此即「可使由之，不可使知之」之意。足證商鞅之時，民間已流行此謬；鞅既引此說，則未必爲法家言也。則孔子之出此言，後人固無用爲之曲諱也。」

參考資料提示：

①易繫辭傳上篇，

②孟子盡心上篇，

③商君書更法篇，

④呂氏春秋樂成篇。

【十二】

子曰：「上好禮，則民易使也。」（憲問篇）

【註釋】

○好

朱熹曰：「好，去聲。」

○易

朱熹曰：「易，去聲。」

○何晏曰：「民莫敢不敬，故易使也。」皇侃曰：「禮以敬爲主，君既好禮，則民莫敢不敬；故易使。」按：里仁篇：「能以禮讓爲國平，何有？」

參考資料提示：

①子路篇第四章，

②春秋繁露立元神篇。

【十三】

子曰：「導千乘①之國②：敬事而信③；節用④而愛人⑤；使民以時⑥。」（學而）

【註釋】

①導 馬融曰：「導者，謂爲之政教也。」包咸曰：「導，治也。」

②千乘之國 馬融曰：「司馬法：『六尺爲步，步百爲畝，畝百爲夫，夫三爲屋，屋三爲井，井十爲通，通十爲城；城出革車一乘。』然則千乘之賦，其地千城也；居地方三百一十六里有奇，唯公侯之封乃能容之；雖大國之賦亦不過是焉。」皇侃曰：「『司馬法』者，齊景公時司馬穰苴爲軍法也。」又曰：「千乘，大國也。天子萬乘，諸侯千乘。」朱熹曰：「乘，去聲。」

③包咸曰：「爲國者，舉事必敬慎；與民必誠信也。」

④節用 包咸曰：「節用者，不奢侈也。」

⑤包咸曰：「國以民爲本，故愛養之也。」

⑥包咸曰：「作使民必以其時，不妨奪農務也。」按：孟子梁惠王篇：「不違農時，而穀不可勝食也。」參考資料提示：

- ①荀子議兵篇， ②又君道篇， ③國語晉語， ④春秋繁露楚莊王篇， ⑤韓非子內儲說上七術篇， ⑥又外儲說左上篇， ⑦孟子梁惠王上篇， ⑧管子八觀篇， ⑨說苑政理篇， ⑩禮記中庸篇， ⑪大戴禮記曾子制言上篇， ⑫鹽鐵論備胡篇。

【十四】子曰「導之以政①，齊之以刑②；民免③而無耻④。導之以德⑤，齊之以禮⑥；有耻且格⑦。」（爲政篇）

【註釋】

①導 皇侃曰：「導，謂誘引也。」

爲政

①政 孔安國曰：「政，謂法教也。」郭象曰：「政者，立常制以正民者也。」皇侃曰：「政，謂法制也。謂誘引民用法制也。」

②齊 皇侃曰：「齊，謂齊整之也。」

③刑 皇侃曰：「刑，謂刑罰也。」馬融曰：「齊整之以刑罰也。」

④免 皇侃曰：「免，猶脫也。」孔安國曰：「苟免罪也。」

⑤恥 皇侃曰：「恥，恥辱也。爲政若以法制導民，以刑罰齊民；則民畏威苟且，百方巧避，求免脫罪辟，而不復知避恥；故無恥也。」

⑥德 包咸曰：「德，謂道德也。」皇侃曰：「謂引誘民以道德之事也。」

⑦皇侃曰：「以禮齊整之也。」

⑧格 何晏曰：「格，正也。」皇侃曰：「既導德，齊禮，故民服從而知愧恥；皆歸於正也。」沈驥士曰：「各體其情，則皆知恥而自正也。」

參考資料提示：①禮記緇衣篇，②孔叢子刑論篇，③荀子議兵篇，④史記酷吏傳。

【十五】子曰：「不在其位①，不謀②其政③。」曾子④曰：「君子思不出其位⑤。」（憲問篇）

【註釋】

①位 說文：「列中庭之左右曰位。」易繫辭傳：「聖人之大寶曰位。」按；衛靈公篇：「臧文仲，其竊位者與？」皇侃疏：「臧文仲居位。」又曰：「凡在位者，當助君舉賢才以共匡佐。」則此「位」，即「在位」，「居位」之義；指職位也。

①謀 說文：「慮難曰謀。」按：猶圖也。

②孔安國曰：「不越其職也。」又泰伯篇孔安國曰：「欲各專一於其職也。」皇侃曰：「誠人各專己職，不得濫謀圖他人之政也。」按：猶不越俎以代庖也。又：此文並見於泰伯篇，下後多一「也」字。朱熹曰：「重出。」是也。

③曾子 按：曾參也。

④袁宏曰：「不求分外。」皇侃曰：「君子思慮當已分內，不得出己之外而思他人事；思於分外，徒勞不可得。」程頤曰：「不在其位，則不任其事也。」按：禮記中庸篇：「君子素其位而行，不願乎其外。」又云：「在上位，不陵下；在下位，不援上。」可與此章相互發明。朱熹曰：「此艮卦之象辭也。」曾子蓋嘗稱之，記者因上章之語，而類記之也。」又按：「曾子」下疑脫「易曰」二字。易艮卦象辭作：「君子以思不出其位。」學而篇：「子貢曰：『貧而無詘，富而無驕；如何？』子曰：『可也；未若貧而樂，富而好禮者也。』子貢曰：『詩云：如切如磋，如琢如磨；其斯之謂與？』子曰：『賜也，始可與言詩已矣！告諸往而知來者。』」又八佾篇：「子夏問曰：『按：此下疑亦當有「詩云」二字。』巧笑倩兮，美目盼兮，素以爲絢兮。何謂也？』子曰：『繪事後素。』曰：『禮後乎？』子曰：『起予者商也！始可與言詩已矣！』」觀上二例，則此章全文，疑當作：「子曰：『不在其位，不謀其政。』曾子曰：『易曰：「君子思不出其位」子曰：「參也，始可與言易已矣！」』姑備比說，以待詳考。」

參考資料提示：

- ①易艮卦象辭，②禮記中庸篇，③莊子逍遙遊篇，④孟子離婁篇，⑤韓非子二柄篇，⑥說苑善說篇。

【十六】子曰：「事君，敬其事○而後其食○。」（衛靈公篇）

【註釋】

○事 皇侃曰：「國家之事，知無不爲；是敬其事也。」按：此「事」字與上文「事君」之「事」義異。上「事」字爲服事也。

○食 朱熹曰：「食，祿也。」孔安國曰：「先盡力而後食祿。」江熙曰：「恪居官次，以達其道；事居之意也。」按：顏淵篇：「先事後得。」禮記儒行篇：「先勞而後祿，」是也。

參考資料提示：

- ①顏淵篇二十一章， ②禮記儒行篇， ③春秋繁露仁義法篇。

【十七】

子曰：「鄙夫○可與事君也與○哉○？其未得之也，患得之○；既得之，患失之○；苟患失之，無所不至矣○！」（陽貨篇）

【註釋】

○鄙夫 朱熹曰：「鄙夫，庸惡陋劣之稱。」

○與 朱熹曰：「與，平聲。」

○孔安國曰：「言不可與事君也。」皇侃曰：「言凡鄙之人不可與之事君。」

○患得之 何晏曰：「患得之者，患不能得之也。」——楚俗言也。」皇侃曰：「言初未得事君之時，恒慙慙患己不能得事君也。」又曰：「楚之風俗，其言語如此也。呼「患不得」爲「患得之」也。」按：里仁篇：「貧

與賤，是人所惡也；不以其道得之，不去也。」與此章中之「不以其道得之，不去也」之文例相似。

○皇侃曰：「患失之，患不失之也。既得事君，而生厭心；故患己不遺失之也。」皇說恐非。按：皇氏泥於上

文「患得之」之何註，故有此解。夫鄙夫在欲「得」而「患失」；因「患失」，遂「無所不至。」其意甚明。老子十三章云：「何謂寵辱若驚？得之若驚，失之若驚；是謂寵辱若驚。」患得、患失，此所以爲鄙夫也。

⑤鄭玄曰：「所無不至者，言邪媚無所不爲也。」

參考資料提示：

①鹽鐵論論誹篇，②後漢書程璜傳，③荀子子道篇，④漢書翟方進傳，⑤又朱雲傳。

### 【十八】

定公問：「一言而可以興邦，有諸？」孔子對曰：「言不可以若是，其幾也。」

⑤！人之言曰：「爲君難，爲臣不易。」如④知爲君之難也，不幾乎一言而興邦乎？⑥曰：「一言而喪⑦邦，有諸？」孔子對曰：「言不可以若是其幾也！人之言曰：『予無樂⑧乎爲君，唯其言而樂莫予違也⑨。』如其善而莫之違也，不亦善乎！如不善而莫之違也，不幾乎一言而喪邦乎⑩？」（子路篇）

### 【註釋】

①定公 皇侃曰：「定公，魯公也。」

②諸 皇侃曰：「諸，之也。問孔子：有出一言而能興邦者不乎？」

③若是 皇侃曰：「若是者，猶如此也。」

④幾 王肅曰：「幾，近也。」朱熹曰：「幾，期也。詩曰：『如幾，如式。』言一言之間，未可如此而必期其效。」

⑤王肅曰：「以其大要，一言不能正興國也；有近一言可興國也。」

⑥易 朱熹曰：「易，去聲。當時有此言也。」按：此以「爲君難爲臣不易」七字，爲「一言」也。

⑦如 皇侃曰：「如，若也。」

⑧孔安國曰：「事不可以一言而成也；知如此，則可近也。」

⑨喪 朱熹曰：「喪，去聲。下同。」

④皇侃曰：「定公又問：有一言而令邦國即喪者不乎？」

⑤朱熹曰：「樂，晉洛。」

⑥孔安國曰：「言無樂於爲君，所樂者，唯樂其言之不見違也。」朱熹曰：「言他無所樂，惟樂此耳。」按：此又以「予無樂乎爲君唯其言而樂莫予違也」十五字，爲「一言」也。

⑦孔安國曰：「人君所言善，無違之者，則善也；其所言不善，而無敢違之者，則近一言而喪國也。」按：憲問篇孔子曰：「勿欺也，而犯之。」

參考資料提示：①韓非子難一篇，②淮南子齊俗篇，③說苑君道篇，④國語吳語。

# 【十九】

哀公①問曰：「何爲則民服②？」孔子對曰③：「舉直④錯⑤諸枉⑥，則民服⑦。」（爲政篇）

## 【註釋】

①哀公 包咸曰：「哀公，魯君之諡也。」朱熹曰：「名蔣。」

②皇侃曰：「哀公失德，民不服從，而公患之，故問孔子求民服之法也。」

③皇侃曰：「凡稱『子曰』，則是弟子所記；若稱『孔子』，則當時人非弟子所記。後爲弟子所撰，仍舊不復改易；故依先呼『孔子』也。」朱熹曰：「凡君問，皆稱『孔子對曰』者，尊君也。」按：其他答問，如

季康子、微生畝問，亦有稱「對曰」者。

④直 皇侃曰：「直，謂正直之人也。」

⑤錯 包咸曰：「錯，置也。」

⑥枉 皇侃曰：「枉，委曲邪佞之人也。」



⑦包咸曰：「舉用正直之人，廢置邪枉之人；則民服其上矣。」

⑧皇侃曰：「此舉哀公之政如此，故民不服也。」范寧曰：「哀公捨賢任佞，故仲尼發乎此言；欲使舉賢以服民也。」

參考資料提示：

①尚書堯典篇，②左傳文公八年，③又成公十八年。

【二十】葉公問：「政何如？」子曰：「近者悅，遠者來。」（子路篇）

【註釋】

○葉公 按：葉公子高也。

○皇侃曰：「葉公亦問孔子爲政之道？」

○江熙曰：「邊國之人，豪氣不除，物情不附；故以悅近諭之。」

○皇侃曰：「言爲政之道，若能使近民懽悅；則遠人來至也。」朱熹曰：「被其澤則說，聞其風則來。」按：禮記中庸篇：「子庶民，則百姓勸；來百工，則財用足；柔遠人，則四方歸之；懷諸侯，則天下畏之。」

參考資料提示：

①墨子耕柱篇，②韓非子難三篇，③禮記中庸篇。

【二十一】齊景公問「政」於孔子？孔子對曰：「君君，臣臣，父父，子子。」公曰：「善哉！信如君不君，臣不臣，父不父，子不子；雖有粟，吾豈得而食諸？」（顏淵篇）

【註釋】

○齊景公 朱熹曰：「齊景公，名杵臼。」按：齊君，景是諡號。史記齊世家：「崔杼弑莊公，立莊公異母弟杵臼；是爲景公。」

○皇侃曰：「君行君德，故云「君君」也；君德，謂惠也。臣當行臣禮，故云「臣臣」也；臣禮，謂忠也。父

爲政

爲父法，故云「父父」也；父法，謂慈也。子爲子道，故云「子子」也；子道謂孝也。」按：禮記大學篇：「爲人君，止於仁；爲人臣，止於敬；爲人父，止於慈；爲人子，止於孝。」又：易家人卦象辭云：「父父子子，兄兄，弟弟，夫夫，婦婦，而家道正。正家，而下定矣。」

③諸皇侃曰：「諸，之也。公又言：『國既方亂，我雖有粟米俸祿，我豈得食之乎？』」

參考資料提示：

①史記齊太公世家， ②又太史公自序， ③禮記大學篇， ④又哀公問篇， ⑤大戴禮記

哀公問於孔子篇， ⑥孟子離婁上篇， ⑦荀子君道篇 ⑧呂氏春秋處方篇， ⑨國語齊語

， ⑩左傳昭公三年， ⑪又昭公二十六年， ⑫又哀公五年。

【二十二】子曰：「其身正，不令而行；其身不正，雖令不從。」（子路篇）

【註釋】

①令 何晏曰：「令，教令也。」

②范寧曰：「上能正己以率物，則下不令而自從也。」皇侃曰：「如直形而影自直。」

③范寧曰：「上行理僻，而制下使正；猶立邪表責直影，猶東行求郢；而此終年不得也。」皇侃曰：「如曲表

而求直影，影終不直也。」

參考資料提示：

①禮記大學篇， ②呂氏春秋先己篇， ③淮南子主術篇， ④又繆稱篇， ⑤韓詩外傳卷

六， ⑥新序雜事一篇， ⑦後漢書第五倫傳， ⑧晏子春秋雜下篇。

【二十三】子曰：「苟正其身矣，於從政乎何有？不能正其身，如正人何！」（子路篇）

【註釋】

①苟 皇侃曰：「苟，誠也。」

①皇侃曰：「言誠能自正其身，則爲政不難；故曰何有？」

②江熙曰：「從政者，以正人爲事也；身不正，那能正人乎？」

參考資料提示：

①子路篇十三章，

②禮記哀公問篇，

③大戴禮記王言篇，

④孟子離婁下篇。

### 【二十四】

子路曰：「衛君○待○子○爲政○，子將奚○先○？」子曰：「必也正名○

乎！」子路曰：「有是哉！子之迂○也。奚其正？」子曰：「野○哉！由○也。君子於其所不知，蓋闕如也○。名不正，則言不順○；言不順，則事不成○；事不成，則禮、樂不興○；樂不興，則刑、罰不中○；刑、罰不中，則民無所措手足○。故君子名之必可言也，言之必可行也○；君子於其言無所苟而已矣○！」（子路篇）

### 【註釋】

○衛君 朱熹曰：「衛君，謂出公輒也。」

○待 說文：「候也。」

○子 皇侃曰：「子，孔子也。」按：下同。

○皇侃曰：「子路語孔子曰：衛國之君，欲待子共爲政化。」

○奚 皇侃曰：「奚，何也。」按：下同。

○包咸曰：「問往將何所先行也？」

○正名 馬融曰：「正百事之名也。」鄭玄曰：「正名，謂正書字也。古者曰名，今世曰字。」按：尹文子大

道上篇：「大道無形，稱器有名；名也者，正形者也。形正由名，則名不可差；故仲尼云：『必也正名乎？名不正，則言不順』也。」荀子正名篇：「名無固宜，約定俗成謂之宜。」

⑧迂 包咸曰：「迂，猶遠也。言孔子之言疏遠於事也。」

⑨野 孔安國曰：「野，猶不達也。」

⑩由也 皇侃曰：「由，子路名也。子路不曉正名之理也。」

⑪蓋闕如也 包咸曰：「君子於其所不知，當闕而勿據；今由不知正名之義，而謂之迂遠也。」按：此猶「闕疑」，「闕殆」之意。

⑫皇侃曰：「且夫名以召實，實以應名；名若倒錯不正，則當言語純辭；不得順序也。」按：猶指「鹿」爲「馬」也。

⑬事 皇侃曰：「事，謂國家所行之事。」

⑭皇侃曰：「若言不從順序，則政行觸事不成也。」

⑮興 皇侃曰：「興，猶行也。若國事多失，則禮、樂之教不通行也。」

⑯中 朱熹曰：「中，去聲。」包咸曰：「禮以安上，樂以移風；二者不行，則有淫刑、濫罰也。」

⑰措 皇侃曰：「措，猶置立也。」

⑱皇侃曰：「刑、罰既濫，故下民畏懼刑、罰之濫；所以跼天蹐地，不敢自安；是無所自措立手足也。」

⑲王肅曰：「所名之事，必可得而明言也；所言之事，必可得而遵行也。」

皇侃曰：「言必使可行，政於其言不得苟且而不正也。」按：此「苟」字作「苟且」解，與前章「苟正其身矣」之「苟」，注：「苟，誠也；」義異。

參考資料提示：

①史記孔子世家，②韓詩外傳卷五，③又卷六，④韓非子外儲說右下篇，⑤春秋繁

露玉英篇，⑥又深察名號篇，⑦尹文子大道上篇，⑧呂氏春秋審分覽，⑨春秋僖公

十六年穀梁傳，<sup>⑩</sup>後漢書梁統傳。

## 【二十五】

季康子<sup>①</sup>問「政」於孔子？孔子對曰：「政者，正也。子帥<sup>②</sup>而正，孰敢不正

③？」（顏淵篇）

### 【註釋】

①季康子 鄭玄曰：「季康子，魯上卿，諸臣之帥也。」

②帥 皇侃曰：「帥，猶先也。既爲上卿，故爲同朝諸臣之先也。」按：史記平津侯主父列傳贊引此文作：「子率而正。」荀子富國篇：「將率不能則兵弱。」楊倞注：「率，與帥同。」

③禮記哀公問篇：「公曰：『敢問，何謂爲政？』」孔子對曰：「政者正也。君爲正，則百姓從政矣。君之所爲，百姓之所從也。」又：大戴禮記王言篇：「上者，民之表也。表正，則何物不正？」按：孟子離婁下篇：「君仁莫不仁，君義莫不義。」子路篇：「其身正，不令而行。」是也。

參考資料提示：

①子路篇第六章、十三章， ②禮記哀公問篇， ③大戴禮記哀公問於孔子篇， ④又王言篇， ⑤孟子離婁下篇， ⑥左傳襄公二十一年， ⑦說苑反質篇。

## 【二十六】

季康子問「政」於孔子？曰：「如殺無道，以就<sup>①</sup>有道；何如<sup>②</sup>？」孔子對曰：

「子<sup>③</sup>爲政，焉<sup>④</sup>用殺<sup>⑤</sup>？子欲善，而民善矣<sup>⑥</sup>。君子<sup>⑦</sup>之德風，小人<sup>⑧</sup>之德草<sup>⑨</sup>；草尚<sup>⑩</sup>之風必偃<sup>⑪</sup>。」（顏淵篇）

### 【註釋】

①就 孔安國曰：「就，成也。」

②孔安國曰：「欲多殺以止奸也。」皇侃曰：「康子問孔子而言爲政，欲并殺無道之人，而成就爵祿有道者；

爲政

其事好不？故云何如也。」

③子 按：指季康子也。

④焉 朱熹曰：「焉，於虔反。」按：猶何也。

⑤皇侃曰：「孔子不許其殺也。言汝自爲政，爲政由汝；焉用多殺乎？」

⑥皇侃曰：「民有道、無道，終由於汝；汝若善，則民自善。」

⑦君子 皇侃曰：「君子，人君也。」

⑧小人 皇侃曰：「小人，民下也。」

⑨皇侃曰：「言人君所行，其德如風也；民下所行，其德猶草也。」

⑩尚 皇侃曰：「尚，猶加也。」

⑪偃 孔安國曰：「偃，仆也。加草以風，無不仆者；猶民之化於上也。」皇侃曰：「偃，臥也。言君如風，民如草；草上加風，則草必臥；東西隨風，猶民從君也。」

參考資料提示：

①孟子滕文公上篇，②漢書地理志，③又董仲舒傳。

【二十七】季康子①問：「使民敬、忠以②勸，如之何？」子曰：「臨③之以莊④，則敬⑤；孝慈，則忠⑥；舉善而教不能，則民勸⑦。」（爲政篇）

【註釋】

①季康子 孔安國曰：「魯卿季孫肥也。康，諡也。」

②以 按：以，猶與也。儀禮鄉射禮：「主人以賓揖。」

③臨 皇侃曰：「臨，謂以高視下也。」

④莊 包咸曰：「莊，嚴也。」

⑤包咸曰：「君臨民以嚴，則民敬其上。」

⑥包咸曰：「君能上孝於親，下慈於民；則民忠矣。」

⑦包咸曰：「舉用善人而教不能者，則民勸勉。」

參考資料提示：①禮記祭義篇，②荀子王制篇，③衛靈公篇三十三章，④顏淵篇二十一章。

【二十八】季康子患盜，問於孔子○？孔子對曰：「荀子○不欲○，雖賞之不竊○。」（顏淵篇）

【註釋】

○皇侃曰：「愚國內多偷盜，故問於孔子；求除盜之法也。」

○子 皇侃曰：「子，指季康子也。」

○欲 孔安國曰：「欲，多情欲也。」

④竊 皇侃曰：「竊，猶盜也。若你苟無欲，假令重賞於民，令民爲盜；則民亦不爲也。」孔安國曰：「言民化於上，不從其所令；從其所好也。」李充曰：「我無欲而民自朴者也。」按：老子第三章：「不貴難得之貨，使民不爲盜；不見可欲，使民心不亂。」

參考資料提示：①說苑貴德篇，②荀子正論篇，③又君子篇。

【二十九】顏淵問：「爲邦○？」子曰：「行夏之時○，乘殷之輅○，服周之冕○，樂則韶舞○。放鄭聲○，遠佞人○；鄭聲淫○，佞人殆○。」（衛靈公篇）

【註釋】

爲政

①爲邦 皇侃曰：「爲，猶治也。顏淵魯人，當時魯家禮亂；故問治魯國之法也。」

②皇侃曰：「行夏之時，謂用夏家時節以行事者也。三王所尚正朔、服色也雖異，而田獵、祭祀、播種並用夏時；夏時得天之正故也。」朱熹曰：「夏時，謂以斗柄初昏建寅之月爲歲首也。」

③輅 皇侃曰：「殷輅，木輅也。」馬融曰：「殷車曰大輅。左傳曰：大輅、越席也，昭其儉也。」

④冕 包咸曰：「冕，禮冠也。周之禮文而備也。取其莊纓翠耳，不任視、聽也。」

⑤韶舞 何晏曰：「韶，舜樂也。盡善盡美，故取之也。」皇侃曰：「韶舞，舜樂也。」

⑥放 朱熹曰：「放，謂禁絕之。」

⑦鄭聲 朱熹曰：「鄭聲，鄭國之音。」

⑧遠 朱熹曰：「遠，去聲。」

⑨佞人 皇侃曰：「佞人，惡人也。惡人壞亂邦家，故黜遠之也。」朱熹曰：「佞人，卑諂辨給之人。」

⑩皇侃曰：「按：樂記：鄭音好濫淫志。」

⑪殆 朱熹曰：「殆，危也。」孔安國曰：「鄭聲、佞人，亦俱能感人心與雅樂、賢人同，而使人淫亂、危殆；故當放遠之也。」

參考資料提示：①五行大義卷四，②逸周書周月解篇，③周易乾鑿度，④孔叢子雜訓篇，⑤周禮夏

官弁師，⑥禮記明堂位篇，⑦又樂記篇，⑧左傳襄公二十九年，⑨晏子春秋問上篇

，⑩白虎通誅伐篇，⑪又禮樂篇，⑫孟子盡心下篇，⑬淮南子人間篇，⑭魏文帝

典論嘉樂篇。

【三十】子貢問：「政○？」子曰：「足食○，足兵○；使民信之矣○。」子貢曰：「必



不得已而去，於斯二者何先⑦？」曰：「去兵⑧。」子貢曰：「必不得已而去，於斯二者何先⑨？」曰：「去食⑩。——自古皆有死，民不信不立⑪！」（顏淵篇）

「註釋」

①皇侃曰：「問爲政之法也。」

②皇侃曰：「食爲民本，故先須足食也。」

③皇侃曰：「時澆復須防衛，故次足兵也。」

④使皇侃本作「令」，朱熹集註本闕。

⑤皇侃曰：「雖有食、有兵，若君無信，則民衆離背；故必使民信之也。」

⑥不得已皇侃曰：「已，止也。」按：墨子大取篇：「害之中取小，「不得已也」。」

⑦皇侃曰：「子貢又語云：『已奉知治國必須食、兵、信三事，若假令被逼，必使除三事之一；而辭不得止，則三事先去者何耶？』」

⑧皇侃曰：「答曰：兵比二事爲劣，若事不獲已，則先去兵也。」

⑨皇侃曰：「子貢又問：雖餘食、信二事，若假令又被逼使去二事（按：下疑脫一「之」字。）一；則先去何者也？」

⑩皇侃曰：「孔子又答云：若復被逼去二中之一；則先去食。」

⑪孔安國曰：「死者，古今常道也，人皆有之；治邦不可失信也。」李充曰：「朝聞道，夕死」；孔子之所貴。「捨生取義」，孟軻之所尚。自古有不亡之道，而無不死之人；故有殺身非喪已，苟存非不亡已也。」皇侃曰：「孔子既答云：去食，又恐子貢致嫌，故更此爲解之也。言人若不食，乃必致死；雖然，自古迄

今，雖復食，亦未有一人不死者；是食與不食俱是有死也。而自古迄今，未有一國無信而國安立者。今推其  
二事，有死，自古而有；無信國立，自古而無。今寧從其有者，故爲云，去食也。」

參考資料提示：

①尚書洪範篇，②禮記王制篇，③春秋莊公二十八年公羊傳，④又襄公二十五年公羊

傳，⑤逸周書文傳篇，⑥又經匡篇，⑦又大匡解篇，⑧墨子七患篇，⑨孔叢子刑

論篇，⑩左傳襄公二十七年，⑪鹽鐵論險固篇，⑫說苑指武篇，⑬漢書藝文志，

⑭大戴禮記王言篇，⑮周禮地官均人。

### 【三十一】

子張問「政」於孔子？曰：「何如斯可以從政矣？」子曰：「尊○五美○，屏○

四惡○；斯可以從政矣。」子張曰：「何謂五美？」子曰：「君子惠而不費○，勞而不怨○，欲

而不貪○，泰而不驕○，威而不猛○。」子張曰：「何謂惠而不費？」子曰：「因民之所利而利

之，斯不亦惠而不費乎？」擇可勞而勞之，又誰怨？欲仁而得仁，又焉貪？君子無衆寡，無

小大，無敢慢；斯不亦泰而不驕乎？君子正其衣冠，尊其瞻視，儼然人望畏之；斯不亦

威而不猛乎？」子張曰：「何謂四惡？」子曰：「不教而殺，謂之虐；不戒視成，謂之暴

；慢令致期，謂之賊；猶之與人也，出內之吝，謂之有司。」（堯曰篇）

### 【註釋】

○尊 皇侃曰：「尊，崇重也。」

○屏 皇侃曰：「若欲從政，當尊崇於五事之美者也。」

○四惡 孔安國曰：「屏，除也。」

○皇侃曰：「又除於四事之惡者也。」

⑤皇侃曰：「若尊五，除四，則此可以從事也。」

⑥皇侃曰：「言爲政之道，能令民下荷於潤惠，而我無費損。」

⑦皇侃曰：「君使民勞苦，而民其心無怨。」

⑧皇侃曰：「君能遂己所欲，而非貪吝也。」

⑨皇侃曰：「君能恒寬泰，而不驕傲也。」

⑩皇侃曰：「君能有威嚴，而不猛厲傷物也。」

⑪王肅曰：「利民在政，無費於財也。」皇侃曰：「因民之所利而利之，謂民水居者，利在魚鹽蜃蛤；山居者，利於菓實材木；明君爲政，即而安之。不使水者居山，渚者居中原；是因民之所利而利之，而於君無所損費也。」按：依文義，此下當有「曰何謂勞而不怨」一句；蓋記者省畧之也。

⑫皇侃曰：「言凡使民之法，各有等差；擇其可勞役者而勞役之；則民各服其勞而不怨也。」邢昺曰：「使民以時，又誰怨哉？」按：此下依義亦當有：「曰何謂欲而不貪」一句；此蓋並省之也。

⑬江熙曰：「我欲仁，則仁至；非貪也。」皇侃曰：「欲有多塗，有欲財色之欲，有欲仁義之欲；欲仁義者爲廉，欲財色者爲貪。言人君當欲於仁義，使仁義事顯；不爲欲貪財色之貪。」邢昺曰：「我則欲仁，斯仁至矣！又安得爲貪乎？」按：依文義此下並當有：「曰何謂驕而不泰」一句；蓋並省文也。

⑭孔安國曰：「言君子不以寡小而慢之也。」殷仲堪曰：「君子處心以虛，接物以爲敬。不以衆寡異情，大小改意；無所敢慢，斯不驕也。」皇侃曰：「言不以我富財之衆，而陵彼之寡少也；又不得以我貴勢之大，加彼之小也；我雖衆大，而愈敬寡小；故無所敢慢也。能衆能大，是我之泰；不敢慢於寡小，是不驕也。」邢昺曰：「常人之情，敬衆大，而慢寡小；則君子不以寡小而慢之也。」按：依文義此下並當有：「曰何謂威

而不猛」一句；蓋並省之也。

④皇侃曰：「衣無撥，冠無免也。」

⑤皇侃曰：「瞻視無回邪也。」

⑥皇侃曰：「望之儼然，即之也溫，聽其言也厲；故服而畏之也。」

⑦皇侃曰：「望而畏之，是其威也；即之也溫，是不猛也。」

⑧皇侃曰：「已聞五美，更諮四惡也。」

⑨虐 說文：「殘也。」增韻：「苛也。」皇侃曰：「爲政之道，必先施教；教若不從，然後乃殺。若不先行

教而即用殺，則是酷虐之君也。」

⑩視成 馬融曰：「不宿戒而責目前成，爲視成也。」

⑪暴 皇侃曰：「暴，淺於虐也。爲君上見民不善，當宿戒語之；戒若不從，然後可責。若不先戒勸，而急卒就責目前視之取成；此是風化無漸，故爲暴卒之君也。」

⑫孔安國曰：「與民無信，而虛剋期也。」袁宏曰：「令之不明，而急期之也。」皇侃曰：「與民無信而虛期，期不申勅丁寧，是慢令致期也。期若不至而行誅罰，此是賊害之君也。」

⑬賊 按：猶害也。朱熹曰：「賊者，切害之意。」

⑭皇侃曰：「猶之與人，謂以物獻與彼人；必不得止者也。」朱熹曰：「猶之，猶言均之也；均之以物與人。」

⑮內 朱熹集註本作「納」。按：「內」，同「納」。

⑯吝 皇侃曰：「吝，難惜之也。猶會應與人，而其吝惜於出入之屬；故曰：出內之吝也。」

⑰有司 皇侃曰：「謂主典物者也，猶庫吏之屬也。庫吏雖有官物，而不得自由；故物應出入者，必有所諮

問；不敢擅易。人君若物與人而吝，即與庫吏無異；故云：謂之有司也。」

參考資料提示：

- ①中論法象篇，②孟子盡心上篇，③又梁惠王上篇，④荀子富國篇，⑤賈子修政語上篇，⑥禮記曲禮上篇，⑦說苑修文篇，⑧韓詩外傳卷三，⑨又卷五，⑩漢書董仲舒傳。

### 【三十二】

子張問：「政？」子曰：「居①之無倦②，行③之以忠④。」（顏淵篇）

【註釋】

①居 朱熹曰：「居，謂存諸心。」

②王肅曰：「言爲政之道，居之於身，無得懈倦。」朱熹曰：「無倦，則終始如一。」

③行 朱熹曰：「行，謂發於事。」

④王肅曰：「行之於民，必以忠信也。」朱熹曰：「以忠，則表裏如一。」按：衛靈公篇：「言忠信，行篤敬；雖蠻貊之邦，行矣。」

參考資料提示：①子路篇第一章，②衛靈公篇第六章。

### 【三十三】

子路問：「政？」子曰：「先之①，勞之②。」請益③。曰：「無倦④。」（子路篇）

子路篇

【註釋】

①皇侃曰：「問爲政之法也。」

②先之 皇侃曰：「先之，謂先行德信及於民也。」按：子路篇：「先有司。」

③勞之 皇侃曰：「勞之，謂使勞役也。」孔安國曰：「先導之以德，使民信之；然後勞之。」易曰：「悅以使

爲政

民，民忘其勞也。」按：子張篇：「子夏曰：『信而後勞其民。』」是也。朱熹引蘇氏曰：「凡民之行，以身先之；則不令而自行。凡民之事，以身勞之；則民雖勤不怨。」按：大戴禮記子張問入官篇：「欲政之速行也者，莫若以身先之也；故不先以身，雖行必鄰也。」堯曰篇：「子曰：『擇可勞而勞之，又誰怨？』」

④請益 孔安國曰：「子路嫌其少，故請益。」皇侃曰：「就孔子更求請益也。」

⑤無倦 孔安國曰：「無倦者，行此上事無倦；則可也。」

參考資料提示：

- ①大戴禮記子張問入官篇， ②新語無爲篇， ③晏子雜篇下， ④說苑政理篇， ⑤子路篇第二章， ⑥顏淵篇十四章， ⑦子張篇第十章， ⑧堯曰篇第二章。

### 【三十四】

子路問：「事君？」子曰：「勿欺○也，而犯○之○。」（憲問篇）

【註釋】

○欺 說文：「詐欺也。」

○犯 朱熹曰：「犯，謂犯顏諫爭。」

○孔安國曰：「事君之道，義不可欺；當能犯顏諫爭。」按：禮記檀弓篇：「事君，有犯而無隱；若隱，即爲欺矣。」

參考資料提示：

- ①禮記檀弓篇， ②晉書王沈傳， ③唐書于志寧傳。

### 【三十五】

仲弓爲季氏宰○。問：「政？」子曰：「先有司○，赦○小過○，舉賢○才○。」

曰：「焉○知賢才而舉之○？」曰：「舉爾所知；爾所不知，人其舍○諸○？」（子路篇）

【註釋】

①宰 劉賓楠曰：「宰者，大夫家臣及大夫邑長之通稱。」皇侃曰：「仲弓將往貲，爲季氏采邑之宰。」

②有司 皇侃曰：「有司，謂彼邑官職屬吏之徒也。」朱熹曰：「有司，衆職也。」王肅曰：「言爲政當先任有司，而後責其事。」按：此「先」字疑當如前章：「先之勞之」之「先」，言爲政對於有司而以身先之也。如顏淵篇所謂：「子帥以正，孰敢不正？」王說恐非。

③赦 說文：「置也；釋也。」廣韻：「赦宥也。」

④過 皇侃曰：「過，誤也。又當放赦民間小小過誤犯之罪者也。」朱熹曰：「過，失誤也。大者於事或有所害，不得不懲；小者赦之，則刑不濫；而人心悅矣。」

⑤賢 朱熹曰：「賢，有德者。」

⑥才 朱熹曰：「才，有能者。舉而用之，則有司得其人，而政益脩矣。」

⑦焉 皇侃曰：「焉，安也。」朱熹曰：「焉，於虔反。」

⑧朱熹曰：「仲弓慮無以盡知一時之賢才。」皇侃曰：「仲弓又諮曰：己識闇昧，豈辨得賢才而可舉也？」

⑨舍 朱熹曰：「舍，上聲。」按：猶釋也。同「捨」。

⑩諸 皇侃曰：「諸，之也。」孔安國曰：「汝所不知者，人將自舉之；各舉所知，則賢才無遺也。」范寧曰：「仲弓以非不欲舉賢才，識昧不知人也。孔子以所知者則舉之，爾不知者，他人自舉之；各舉所知，則賢才豈棄乎？」皇侃又曰：「但隨爾所知而舉之，爾所不知，他人舉之。」

參考資料提示：

- ①易解卦象辭， ②尚書舜典篇， ③大戴禮記子張問入官篇， ④尚書大傳， ⑤禮記大學篇， ⑥說苑政理篇， ⑦春秋昭公十九年穀梁傳， ⑧子路篇第一章， ⑨漢書東方朔傳， ⑩又劉向傳。

【三十六】子夏爲莒父○宰。問：「政？」子曰：「毋○欲速○，毋見小利○。欲速，則不達；見小利，則大事不成○。」（子路篇）

【註釋】

○莒父 鄭玄曰：「舊說：『莒父，魯下邑也。』」朱熹曰：「父，音甫。」

○毋 皇侃本作「無」。說文：「毋，止之也。」按：禮記曲禮篇：「毋不敬。」鄭玄注：「毋，止之辭。古人云毋，猶今人言莫也。」毋、無古通。

○皇侃曰：「言爲政之道，每當閑緩；不得倉卒求速成也。」

○皇侃曰：「政貴有恆，不得見小財利而曲法爲之。」

○孔安國曰：「事不可以速成，而欲其速，則不達矣。見小利，妨大事；則大事不成也。」

參考資料提示：

- ①子路篇第十章、十一章、二十九章，
- ②子張篇第十章，
- ③孟子離婁上篇，
- ④後漢書
- 朱浮傳，
- ⑤大戴禮記四代篇，
- ⑥呂氏春秋慎大覽權勳篇，
- ⑦淮南子泰族篇，
- ⑧韓非

子十過篇。

【三十七】子○適○衛，冉有僕○。子曰：「庶○矣哉○！」冉有曰：「既庶矣，又何加焉？」曰：「富之○。」曰：「既富矣，又何加焉？」曰：「教之○。」（子路篇）

【註釋】

○子 按：孔子也。

○適 皇侃曰：「適，往也。」

○僕 朱熹曰：「僕，御車也。」孔安國曰：「孔子之衛，冉有御也。」皇侃曰：「僕，御車也。孔子往衛，



冉子時爲孔子御車也。」

④庶 孔安國曰：「庶，衆也。」

⑤孔安國：「言衛民衆多也。」皇侃曰：「孔子歎衛人民之衆多也矣。」

⑥加 皇侃曰：「加，益也。」

⑦皇侃曰：「冉有言：其民既衆多，復何以滋之也？」

⑧皇侃曰：「孔子曰：宜益之以富。」

⑨皇侃曰：「冉子又問：既已富益，又復何以益之？」

⑩范寧曰：「衣、食足，當訓義方也。」皇侃曰：「既富而後可以教化之。」按：管子牧民篇：「倉廩實，則知禮節；衣食足，則知榮辱。」是也。

參考資料提示：①管子治國篇，②孟子梁惠王上篇，③又滕文公上篇，④說苑建本篇，⑤荀子大畧

篇，⑥申鑒政體篇，⑦鹽鐵論授時篇。

【三十八】

子之武城○，聞絃○歌之聲○。夫子莞爾○而笑，曰：「割雞焉用牛刀○？」子

游對曰：「昔者，偃也聞諸夫子曰：『君子學道○則愛人，小人學道則易使也○。』」子曰：「二三

子○！偃之言是也○，前言戲之耳○。」（陽貨篇）

【註釋】

○孔安國曰：「子游爲武城宰也。」皇侃曰：「時子游爲武城宰，而孔子往焉。」

○絃 朱熹曰：「絃，琴瑟也。」

○皇侃曰：「既入其邑，聞絃歌之聲也。」繆播曰：「子游宰小邑，能令民得其可絃歌以樂也。」一說云：「孔

爲政

子入武城，聞子游身自絃歌以教民也。」江熙曰：「小邑但當令足衣食教敬而已，反教歌詠先王之道也。」

④莞爾 何晏曰：「莞爾，小笑貌也。」

⑤牛刀 皇侃曰：「牛刀，大刀也。」孔安國曰：「言治小何須用大道也。」

⑥道 孔安國曰：「道，謂禮、樂也。」

⑦孔安國曰：「樂以和人，人和則易使也。」

⑧二三子 孔安國曰：「二三子，從行者也。」

⑨皇侃曰：「言子游之言所以用絃歌之化，是也。」

⑩孔安國曰：「戲以治小而用大道也。」

參考資料提示：①雍也篇十四章，②禮記文王世子篇。

【三十九】冉子退朝。子曰：「何晏也？」對曰：「有政。」子曰：「其一事也？如有政，雖不吾以，吾其與聞之。」（子路篇）

【註釋】

①退朝 周生烈曰：「謂罷朝於魯君也。」皇侃曰：「退朝，謂旦朝竟而還家；朝廷云『退也。』」

②晏 皇侃曰：「晏，晚也。」

③范曄曰：「冉求早朝晚退，故孔子疑而問之也。」

④政 馬融曰：「政者，有所改更匡政也。」

⑤其 按：「其」，猶「豈」也。雍也篇：「雖欲勿用，山川其舍諸？」「其」亦「豈」也。

⑥事 馬融曰：「事者，凡所行常事也。」朱熹曰：「事，家事。」

⑦皇侃曰：「孔子謂冉有所云：『有政』，非也。應是凡所行小事耳。」朱熹曰：「此必季氏之家事耳。」按：孔子既疑冉有所言「有政」非實，猜其必爲季氏之家事因而晚退；故問之曰：「豈事耶？」

⑧以 皇侃曰：「以，用也。」

⑨與 朱熹曰：「與，去聲。」按：猶參預也。


⑩馬融曰：「如有政，非常之事；我爲大夫，雖不見任用，必當與聞也。」皇侃曰：「言若必有政事，雖不吾既必應用；而吾既爲卿大夫，亦當必應參預聞之。今既不聞，則知汝所論非關政也。」朱熹曰：「若是國政，我嘗爲大夫，雖不見用，猶當與聞；今既不聞，則是非國政也。」

參考資料提示：

①國語魯語，

②左傳哀公十一年，

③學而篇第十章。



## 七 禮 樂

按：禮記樂記篇：「禮者，天理而爲之節文也。」說文：「禮，履也；所以事神致福也。」樂，說文：「五聲八音之總名。」馬融曰：「樂之所貴者，移風易俗；非謂鐘鼓而已也。」此言「禮、樂」不限於儀節、樂器，並制度而言也。本篇所輯，皆此類文字，因以題篇。

【一】子曰：「先進○於禮樂，野人○也；後進於禮樂，君子也。如用之，則吾從先進○。」

（先進篇）

【註釋】

○先進 何晏曰：「先進、後進，謂士先後輩也。」

○野人 何晏曰：「先進有古風，斯野人也。」朱熹曰：「野人，謂郊外之民；君子，謂賢士大夫。」

○包咸曰：「將移風易俗，歸之純素；先進猶近古風，故從之。」

參考資料提示：①孟子滕文公篇，②季氏篇第五章。

【二】子曰：「禮云！禮云！玉○、帛○二云乎哉？樂云！樂云！鐘、鼓云乎哉？」（陽貨篇）

（篇）

「註釋」

①玉 鄭玄曰：「玉，珪、璋之屬。」

②帛 鄭玄曰：「帛，束帛之屬。」

③鄭玄曰：「言禮非但崇此玉帛而已。所貴者，乃貴其安上治民也。」

④馬融曰：「樂之所貴者移風易俗，非謂鐘鼓而已也。」

參考資料提示：

①禮記樂記篇，

②又仲尼燕居篇，

③荀子大略篇，

④春秋繁露玉杯篇，

⑤漢書禮樂

志。

【三】孔子曰：「天下有道，則禮樂、征伐，自天子出①；天下無道，則禮樂，征伐，自諸侯出。自諸侯出，蓋十世希②不失矣③；自大夫出，五世希不失矣④；陪臣⑤執國命，三世希不失矣。天下有道，則政不在大夫⑥；天下有道，則庶人不議⑦。」（季氏篇）

「註釋」

①征 孟子盡心篇：「征者，上伐下也。」

②禮記中庸篇：「非天子不議禮，不制度。」

③希 孔安國曰：「希，少也。」

④孔安國曰：「周幽王爲犬戎所殺，平王東遷，周始微弱；諸侯自作禮樂，專行征伐。始於隱公，至於昭王十

世；失政，死於乾侯。」

⑤孔安國：「季文子初得政，至桓子五世，爲家臣陽虎所囚。」

⑥陪臣 馬融曰：「陪，重也。謂家臣。陽氏爲季氏臣，至虎三世而出奔齊。」

④朱熹曰：「言不得專政。」

⑤孔安國曰：「無所非議。」朱熹曰：「上無失政，則下無私議；非箝其口使不敢言也。」

參考資料提示：

①禮記中庸篇，

②孟子盡心下篇，

③白虎通誅伐篇，

④春秋宣公十一年，

⑤春秋繁

露楚莊王篇，

⑥春秋文公十四年，

⑦說苑君道篇，

⑧國語周語上，

⑨左傳襄公三十

一年。

【四】子曰：「居上不寬①，爲禮不敬②，臨喪不哀③；吾何以觀之哉④？」（八佾篇）

【註釋】

①皇侃曰：「爲君居上者寬以得衆，而當時居上者不寬也。」

②皇侃曰：「禮以敬爲主，而當時行禮者不敬也。」

③皇侃曰：「臨喪以哀爲主，而當時臨喪者不哀也。」

④皇侃曰：「此三條之事並爲乖禮，故孔子不欲觀。」朱熹曰：「居上，主於愛人，故以寬爲本；爲禮以敬爲

本；臨喪以哀爲本。既無其本，則以何者而觀其所行之得失哉？」

參考資料提示：

①陽貨篇第六章，

②大戴禮記子張官人篇，

③春秋繁露仁義法篇，

④說苑君道篇，

⑤呂氏春秋貴公篇，

⑥禮記曲禮上篇，

⑦左傳成公十五年，

⑧又襄公十九年，

⑨大

戴禮記曾子立事篇。

【五】子曰：「能以禮讓爲國，乎何有①？不能以禮讓爲國，如禮何②？」（里仁篇）

【註釋】

①爲皇侃曰：「爲，猶治也。」

禮樂

○何有 何晏曰：「何有者，言不難。」

○包咸曰：「如禮何者，言不能用禮。」按：禮記禮運篇：「故治國不以禮，猶無耜而耕也。」又荀子大畧篇：「禮者，政之輓也。爲政不以禮，政不行矣。」

參考資料提示：

①禮記經解篇， ②又仲尼燕居篇， ③又曲禮上篇， ④荀子彊國篇， ⑤禮記禮運篇，

⑥荀子大畧篇， ⑦晏子春秋外篇， ⑧說苑脩文篇。

【六】子曰：「恭而無禮則勞，慎而無禮則蕙，勇而無禮則亂，直而無禮則絞。」（泰伯

篇）

【註釋】

○蕙 何晏曰：「蕙，畏懼之貌。言慎而不以禮節之，則常畏懼。」

○絞 馬融曰：「絞，絞刺也。」鄭玄曰：「絞，急也。」朱熹曰：「絞，急切也。無禮則無節文，故有四弊。」按：陽貨篇：「好直不好學，其蔽也絞；好勇不好學，其蔽也亂。」

參考資料提示：

①禮記仲尼燕居篇， ②又曲禮上篇， ③顏淵篇第五章， ④學而篇十三章， ⑤禮記

表記篇， ⑥公冶長篇二十章， ⑦左傳宣公十五年， ⑧陽貨篇第八章、二十三章， ⑨

禮記仲尼燕居篇， ⑩子路篇十六章。

【七】林放問：「禮之本？」子曰：「大哉問！禮，與其奢③也，寧儉④；喪，與其易⑤也，寧戚⑥。」（八佾篇）

【註釋】

○林放 鄭玄曰：「林放，魯人。」



①大哉問 皇侃曰：「美其問而稱之大哉也。」

②奢 皇侃曰：「奢，奢侈也。」

③儉 皇侃曰：「儉，儉約也。」

④易 包咸曰：「易，和易也。」

⑤包咸曰：「言禮之本意失於奢，不如儉也。喪失於和易，不如哀戚也。」

參考資料提示：

①述而篇三十六章，

②左傳莊公二十四年，

③大戴禮記曾子立事篇，

④漢書五行志上

，

⑥禮記檀弓上篇，

⑦春秋成公二年，

⑧說苑建本篇。

【八】子張曰：「書○云：『高宗○諒陰○，三年不言○。』何謂也？」子曰：「何必高宗？

古之人皆然。君薨，百官總己○，以聽於冢宰○；三年○。」（憲問篇）

### 【註釋】

○書 按：尚書。

○高宗 孔安國曰：「殷之中興王武丁也。」

○諒陰 孔安國曰：「諒，信也。陰，猶默也。」劉賈補引伏生尚書大傳曰：「高宗有親喪，居廬三年。」又

引鄭玄注云：「諒闇，謂凶廬也。」朱熹曰：「諒陰，天子居喪之名；未詳其義。」按：「諒陰」，禮記作

「諒闇」。陽貨篇：「夫三年之喪，天下之通喪也。」

○禮記坊記篇：「高宗云三年，其惟不言。」鄭玄注：「三年不言，有父小乙喪之時也。」

○總己 馬融曰：「己，己百官也。」皇侃曰：「己，具己於百官，各自束己身也。」朱熹曰：「總己，謂總

攝己職。」按：似以朱說爲長。

⑥冢宰 朱熹曰：「冢宰，大宰也。百官聽於冢宰，故君得以三年不言也。」

⑦孔安國曰：「三年喪畢，然後王自聽政。」

參考資料提示：

①孟子萬章篇，

②尚書無逸篇，

③禮記檀弓下篇，

④又喪服四制篇，

⑤尚書大傳，

⑥白虎通爵篇。

【九】宰我問：「三年之喪，期○已久矣。君子三年不爲禮，禮必壞○；三年不爲樂，樂必崩○。舊穀既沒○，新穀既升○，鑽燧○改火○，期○可已矣？」子曰：「食夫稻，衣夫錦，於女安乎？」曰：「安。」子曰○：「女安則爲之！夫君子之居喪，食旨不甘，聞樂不樂，居處不安，故不爲也。今女安，則爲之！」宰我出，子曰：「予○之不仁也！子生三年，然後免於父母之懷○。夫三年之喪，天下之通喪也○。予也！有三年之愛於其父母乎○？」（陽貨篇）

【註釋】

○期 朱熹曰：「期，周年也。」

○壞 皇侃曰：「壞，是漸敗之名。」

○崩 皇侃曰：「崩，是墜失之稱也。」朱熹曰：「恐居喪不習而崩壞也。」

○沒 朱熹曰：「沒，盡也。」

○升 朱熹曰：「升，登也。」

○燧 朱熹曰：「燧，取火之木也。」

○改火 馬融曰：「一年之中，鑽火各異木；故曰：改火也。」朱熹曰：「改火者，春取榆、柳之火，夏取

棗、杏之火，夏季取桑、柘之火，秋取柞、櫟之火，冬取槐、檀之火；亦一年而周也。已，止也。言期年則天運一周，時物皆變；喪至此可止也。」按：榆、柳、棗、杏、桑、柘、柞、櫟、槐、檀，皆木名；爲四季取火之木也。

⑥子曰：此二字原闕。按：「女」上當有此二字，因此係孔子責我之語。上文並有此二字，茲依例補。孔安國曰：「旨，美也。責甚無仁恩於親，故再言女安則爲之。」

⑦予皇侃曰：「予，宰我之名也。」

⑧懷馬融曰：「子生未三歲，爲父母所懷抱。」

⑨孔安國曰：「自天子達於庶人。」

⑩孔安國曰：「言子之於父母，欲報之德，昊天罔極；而予有三年之愛乎？」

參考資料提示：

①史記封禪書，

②管子禁藏篇，

③周書月令篇，

④淮南子時則篇，

⑤禮記喪大記

⑥又曲禮下篇，

⑦又喪服大記篇，

⑧又問傳篇，

⑨又問喪篇，

⑩又三年問篇。

【十】子入大廟，每事問。或曰：「孰謂鄒人之子知禮乎？入大廟，每事問！」子聞之，曰：「是禮也。」（八佾篇）

【註釋】

①大廟 包咸曰：「大廟，周公廟，孔子仕魯，魯祭周公而助祭也。」

②鄒 孔安國曰：「鄒，孔子父叔梁紇所治邑也。」按：史記孔子世家：「孔子生魯昌平鄉陬邑。」是亦作「

陬」。在今山東曲阜縣。

③孔安國曰：「時人多言孔子知禮，或人以爲知禮者不當復問也。」

④孔安國曰：「雖知之，當復問；慎之至也。」按：鄉黨篇：「入大廟，每事問。」皇侃曰：「此是錄平生常行之事，故兩出也。」蓋係古禮制如此，故孔子云：「是禮也。」猶謂依禮而行，則當「每事問」也。

參考資料提示：

- ①春秋繁露郊事對篇，②禮記中庸篇，③泰伯篇第五章。

【十一】孔子謂：「季氏①，八佾②舞於庭；是可忍也，孰③不可忍也④！」（八佾篇）

【註釋】

①季氏 朱熹曰：「季氏，魯大夫季孫氏也。」按：即季桓子。

②八佾 馬融曰：「佾，列也。天子八佾，諸侯六，卿大夫四，士二。八人爲列，八八六十四人。」

③孰 馬融曰：「孰，誰也。」

④馬融曰：「魯以周公故，受王者禮樂，有八佾之舞。季桓子僭於其家廟舞之，故孔子譏之。」

參考資料提示：①春秋隱公五年，②左傳昭公二十五年，③白虎通禮樂篇，④毛詩傳。

【十二】陳①司敗②問：「昭公③知禮乎？」孔子曰：「知禮。」孔子退④。揖巫馬期⑤而進之，曰⑥：「吾聞君子不黨⑦，君子亦黨乎？君娶⑧於吳爲同姓⑨，謂之「吳孟子」⑩；君而知禮，孰不知禮？」巫馬期以告⑪。子曰：「丘也幸！苟有過，人必知之⑫。」（述而篇）

【註釋】

①陳 朱熹曰：「陳，國名。」

②司敗 孔安國曰：「司敗，官名也；陳大夫也。」朱熹曰：「即司寇也。」

③昭公 孔安國曰：「昭公，魯昭公也。」朱熹曰：「昭公，魯公；名稠。」

④皇侃曰：「答司敗竟，而退去。」

⑤巫馬期 孔安國曰：「巫馬期，弟子也；名施。」朱熹曰：「巫馬，姓；期，字。」

⑥皇侃曰：「揖者，古人欲相見前進皆揖之也。巫馬期，孔子弟子也。陳司敗知昭公無禮，故問。孔子答曰：「知禮。」而司敗心所不許，故孔子退而後，揖孔子弟子進之；欲與語也。」

⑦曰 皇侃曰：「司敗語巫馬期曰。」

⑧黨 孔安國曰：「相助匿非曰黨。」

⑨娶 皇侃本亦作「娶」。朱熹集註本作「取」。注：「取，七住反。」

孔安國曰：「魯、吳俱姬姓也。禮：同姓不婚；而君娶吳女。」

⑩吳孟子 孔安國曰：「當稱「吳姬」，諱曰：「孟子」也。」皇侃曰：「禮：稱婦人皆稱其國及姓，猶如「齊姜」、「秦嬴」之屬也。魯之娶吳，當謂爲「吳姬」；而昭公爲吳是同姓，故諱不得言「吳姬」，而謂「吳孟子」也。」

⑪孔安國曰：「以司敗之言告也。」皇侃曰：「巫馬期得司敗之語，還則具述之以告孔子也。」

⑫皇侃曰：「今司敗見非，而我受以爲過，則後人不謬；故我所以爲幸也。」孔安國曰：「諱國惡，禮也。聖人智深道弘，故受以爲過也。」

參考資料提示：①春秋昭公五年，②白虎通諫諍篇，③史記仲尼弟子傳，④衛靈公篇二十二章，⑤

禮記坊記篇，⑥又大傳篇，⑦春秋哀公十二年，⑧白虎通嫁娶篇，⑨公羊傳閔公元年，⑩荀子子道篇。

【十三】三家者①，以雍②徹。子曰：「詩云③：『相維辟公④』，天子穆穆⑤；奚取於三家之堂

⑤！」（八佾篇）

【註釋】

①三家 何晏曰：「三家，謂仲孫、叔孫、季孫。」

②雍 何晏曰：「雍，周頌臣工篇名。天子祭於宗廟，歌之以徹祭；今三家亦作此樂。」

③何晏曰：「雍，周頌臣工篇名。」按：此既係引詩，「相維辟公」上，當有「詩云」二字，因依例補。

④辟公 包咸曰：「辟公，謂諸侯及二王之後。」

⑤穆穆 包咸曰：「穆穆，天子之容貌。」

⑥包咸曰：「雍篇，歌此曲者，有諸侯及二王之後來助祭故也。三家，但家臣而已，何取此義而作之於堂邪？」

「按：劉寶楠曰：「二王後，謂夏後杞，殷後宋。天子大祭，同姓異姓諸侯皆來助祭；故統言辟公也。」

又：家臣，大夫稱家；故大夫之臣曰「家臣」。

參考資料提示：①毛詩序，②周禮春官樂師，③荀子正論篇，④淮南子主術篇。

【十四】季氏旅於泰山①。子謂冉有②，曰：「女不能救③與？」對曰：「不能。」子曰：

「嗚呼！曾謂泰山不如林放乎④？」（八佾篇）

【註釋】

①旅 馬融曰：「旅，祭名也。禮：諸侯祭山川在其封內者。今陪臣祭泰山，非禮也。」按：玉篇示部：「旅，力養切；祭名。」

②泰山 泰山爲五嶽之首；亦稱東嶽。在今山東省泰安縣北。

③冉有 馬融曰：「冉有，弟子冉求，時仕季氏。」

④救 馬融曰：「救，猶止也。」

⑤包咸曰：「神不事非禮。林放尙知問禮，泰山之神反不如林放耶？欲誣而祭之也。」按：泰山之神不能言語，又何從而拒季氏之祭乎？疑「泰山」二字乃「季氏」或「季孫」之誤，文當作：「曾謂季孫不如林放乎？」意謂季氏身爲大夫，尙不如林放之知禮也。

參考資料提示：

①禮記王制篇， ②又曲禮篇， ③又祭法篇。

【十五】子曰：「管仲○之器，小哉！○」或曰：「管仲儉乎○？」曰：「管氏有三歸○，官事不攝○，焉得儉○？」曰：「然則管仲知禮乎○？」曰：「邦君樹塞門○，管氏亦樹塞門；邦君爲兩國之好，有反坫○，管氏亦有反坫；管氏而知禮，孰不知禮○？」（八佾篇）

【註釋】

○管仲 史記管晏列傳：「管仲，夷吾者，潁上人也。」

○何晏曰：「言其器量小也。」

○包咸曰：「或人見孔子小之，以爲謂之太儉乎？」

○三歸 包咸曰：「三歸者，娶三姓女也。婦人謂嫁爲歸。」按：梁玉繩謂三歸「言其侈富。」此又一說。

○攝 包咸曰：「攝，猶兼也。禮：國君事大，官各有人；大夫並兼。今管仲家臣備職，非爲儉。」皇侃曰：「諸侯國大事多，故立官各（按：疑當作「設」）職，每人輒爲一官。若大夫則不得官官置人，但每人輒領數事。管仲是大夫而立官，各人不須兼攝；故云：「官事不攝」也。既女多、官廣，費用不少，則非儉者所爲；故云：「焉得儉」也。」按：列子楊朱篇：「管仲之相齊也，君淫亦淫，君奢亦奢。」

○包咸曰：「或人以儉問，故答以「安得儉」？」

○日字原闕。包咸曰：「或人問不儉，便謂爲「得知禮」。」按：「然則管仲知禮乎？」乃或人復問孔子之語

：依例在「然則」上當有「曰」字，因據補。

⑧樹塞門 鄭玄曰：「人君別內外，於門樹屏以蔽之。」

⑨反坫 鄭玄曰：「反坫，反爵之坫也。在兩楹之間，若與鄰國爲好會，其獻酢之禮更酌；酌畢，則各反爵於坫上。」皇侃曰：「初主人酌酒與賓曰『獻』，賓飲獻畢而酌與主人曰『酢』；主人飲酢畢又酌與賓曰『酬』。古者賓、主各杯，故云『更酌』也。」又曰：「坫者，築土爲之，形如土堆，在兩楹之間。飲酒行獻、酬之禮；更酌，酌畢，則各反其爵於坫上，故謂此堆爲『反坫』。大夫無此禮，而管仲亦僭爲之；故云：『亦有反坫』也。」

⑩鄭玄曰：「今管仲皆僭爲之，如是，是不知禮也。」

參考資料提示：

- ①孟子公孫丑上篇，②荀子王制篇，③又大畧篇，④春秋繁露精華篇，⑤新序雜事篇，⑥法言先知篇，⑦韓非子外儲說左下篇，⑧禮記雜記下篇，⑨又郊特牲篇。

【十六】定公問：「君使臣，臣事君，如之何？」孔子對曰：「君使臣以禮，臣事君以忠。」（八佾篇）

【註釋】

○定公 孔安國曰：「定公，魯君諡也。」皇侃曰：「定公，哀公父也。」朱熹曰：「名宋。」

○孔安國曰：「時臣失禮，定公患之，故問也。」皇侃曰：「問孔子求於『君使臣，臣事君』之禮法也。」

○皇侃曰：「孔子答，因斥定公也。言臣之從君，如草從風；故君能使臣得禮，則臣事君必盡忠也；君若無禮，則臣亦不忠也。」按：孟子離婁下篇：「君之視臣如手足，則臣視君如腹心；君之視臣如犬馬，則臣視君如國人；君之視臣如土芥，則臣視君如寇讎。」



參考資料提示：

①晏子春秋雜上篇，

②新序雜事一篇，

③春秋襄公五年，

④荀子臣道篇。

【十七】子曰：「事君盡禮，人以爲諂也。」（八佾篇）

【註釋】

○盡 廣韻：「竭也。」玉篇：「終也。」

○劉寶楠曰：「盡禮者，盡事君之禮；不敢有所違闕也。」

○諂 說文：「諛也。」

○孔安國曰：「時事君者多無禮，故以有禮者爲諂也。」皇侃曰：「當于爾時，臣皆諂佞阿黨；若見有能盡禮竭忠於君者，因共譏謂爲諂；故孔子明言以疾當時也。」

參考資料提示：

①說苑敬慎篇，

②八佾篇十八章。

【十八】子曰：「夷狄之有君，不如諸夏之亡也。」（八佾篇）

【註釋】

○夷狄 禮記王制篇：「東方曰夷。」又：「北方曰狄。」爾雅釋地：「九夷、八狄。」郭璞注：「九夷在東，八狄在北。」按：孟子梁惠王篇下：「東面而征，西夷怨；南面而征，北狄怨。」滕文公篇下同。惟盡心篇下作：「南面而征，北夷怨；東面而征，西夷怨。」不僅西方有夷，而北方亦有夷也。又：白虎通王者不臣篇云：「夷、狄者，與中國絕域異俗。」是夷、狄指未開化之民族言，固不必囿以方向也。

○諸夏 包咸曰：「諸夏，中國也。」皇侃曰：「夏，大也。中國禮大，故謂爲夏也。諸，之也；語助也。」

○亡 包咸曰：「亡，無也。」

○孫綽曰：「諸夏有時無君，道不都喪；夷、狄强者爲師，理同禽獸也。」釋惠暉曰：「有君無禮，不如禮」

無君也；刺季氏有君無禮也。」皇侃曰：「重中國，賤蠻夷也。言夷、狄雖有君主，而不及中國無君也。」程頤曰：「夷、狄且有君長，不如諸夏僭亂；反無上下之分也。」程說非也。按：憲問篇：「子曰：『管仲相桓公，霸諸侯，一匡天下；民到于今受其賜。微管仲，吾其被髮左衽矣。』」馬融曰：「微，無也。無管仲，則君不君，臣不臣；皆爲夷、狄也。」史記孔子世家云：「乃因史記，作春秋，上起隱公，下訖哀公十四年，十二公。據魯，親周，故殷；運之三代，約其文辭而指博。」八佾篇：「子曰：『周監於二代，郁郁乎文哉！吾從周。』」蓋尊王攘夷，乃春秋大義；故孔子慨乎言之也！

參考資料提示：

- ①春秋宣公十二年， ②春秋繁露竹林篇， ③又觀德篇， ④左傳哀公元年。

【十九】子曰：「周<sup>①</sup>監<sup>②</sup>於二代<sup>③</sup>，郁郁<sup>④</sup>乎文哉<sup>⑤</sup>！吾從周<sup>⑥</sup>！」（八佾篇）

【註釋】

①周 皇侃曰：「周，周代也。」

②監 孔安國曰：「監，視也。」

③二代 皇侃曰：「二代，夏、殷也。」朱熹曰：「二代，夏、商也。言其視二代之禮而損益之。」

④郁郁 皇侃曰：「郁郁，文章明著也。」朱熹曰：「郁郁，文盛貌。」

⑤皇侃曰：「言以周世比視於夏、殷，則周家文章最著明大備也。」

⑥孔安國曰：「言周文章備於二代，當從周也。」皇侃曰：「周既極備，爲教所須；故孔子欲從周也。」

參考資料提示：

- ①禮記檀弓篇， ②又坊記篇， ③漢書禮樂志。

【二十】子貢欲去告朔之餼羊<sup>①</sup>，子曰：「賜也！爾愛其羊，我愛其禮<sup>②</sup>。」（八佾篇）

【註釋】

○餼羊 鄭玄曰：「牲生日『餼』。禮：人君每月告朔於廟有祭，謂之朝享。魯自文公始不視朔，子貢見其禮廢，故欲去其羊。」朱熹曰：「月朔，則以特羊告廟。」

○包咸曰：「羊在，猶以識其禮；羊亡，禮遂廢。」

參考資料提示：①白虎通宗廟篇，②春秋文公十六年。

【二一】子曰：「麻冕，禮也；今也純，儉；吾從衆。拜下，禮也；今拜乎上，泰也；雖違衆，吾從下。」（子罕篇）

### 【註釋】

○冕 孔安國曰：「冕，緇布冠也。古者緇麻三十升布以爲之。」

○純 孔安國曰：「純，絲也。絲易成，故從儉。」朱熹曰：「緇布冠以三十升布爲之。升八十縷，則其經二千四百縷矣。細密難成，不如用絲之省約。」

○王肅曰：「臣之於君行禮者，下拜然後升成禮；時臣驕泰，故於上拜。今從下，禮之恭也。」朱熹曰：「臣與君行禮，當拜於堂下；君辭之，乃升成拜。泰，驕慢也。」

參考資料提示：①書顧命篇，②白虎通緇冕篇，③儀禮燕禮，④述而篇三十八章。

【二二】或問：「禘，之說？」子曰：「不知也。」知其說者之於天下也，其如示諸斯乎！「指其掌。」（八佾篇）

### 【註釋】

○禘 爾雅釋祭：「禘，大祭也。」皇侃曰：「五年之中別作三大祭。一名『禘』，一名『禘』，而先儒論之不同。……謂爲禘者，諦也；謂審諦昭穆也。」

①孔安國曰：「答以不知者，爲魯公諱也。」皇侃曰：「若依舊說而答之，則魯乖禮之事顯；若依魯而說之，則又乖正教；既欲爲魯諱，故云不知也。」

②示 朱熹曰：「示，與視同。」

③包咸曰：「孔子謂或人，言知禘禮之說者，於天下之事，如指示以掌中之物；言其易了也。」朱熹曰：「弟子記夫子言此而自指其掌，言其明且易也。」按：此與包說異。

參考資料提示：①禮記祭統篇，②又仲尼燕居篇，③又中庸篇，④又禮運篇。

【二三】子曰：「禘，自既灌而往者，吾不欲觀之矣。」（八佾篇）

【註釋】

①灌 孔安國曰：「灌者，酌鬱鬯，灌於太祖以降神也。」皇侃曰：「灌者，獻也。酌鬱鬯酒獻尸，灌地以求神也。」

②往 皇侃曰：「往，猶後也。」

③孔安國曰：「既灌之後，別尊卑，序昭穆；而魯爲逆祀，躋僖公亂昭穆；故不欲觀之矣。」皇侃曰：「躋，升也。僖公，閔公俱是莊公之子，僖庶子而年長，閔嫡而幼。莊公薨，而立閔公爲君，則僖爲臣事閔；閔薨，而僖立爲君；僖後雖爲君，而昔是經閔臣。至僖薨，列主應在閔下；而魯之宗人夏父弗忌，佞僖公之子文公云：「吾聞新鬼大，故鬼小。」故升僖於閔上，逆亂昭穆；故孔子不欲觀之也。」

參考資料提示：①禮記祭統篇，②又郊特牲篇。

【二四】哀公問：「社何於宰我？」宰我對曰：「夏后氏以松，殷人以柏，周人以栗；曰：使民戰栗也。」子聞之，曰：「成事不說，遂事不諫，既往不咎。」（八佾篇）

【註釋】

○哀公 皇侃曰：「魯公也。」

○社 皇侃曰：「社稷也。」按：魯論語「社」作「主」。

○宰我 皇侃曰：「孔子弟子，姓宰，名予；字子我也。」

○栗 說文作「𣎵」。云：「其實下垂，故從齒。」

○戰栗 栗，同慄。爾雅釋詁：「戰慄，懼也。」按：皇侃本「栗」下亦有「也」字；朱熹集註本無「也」

字。孔安國曰：「凡建邦立社，各以其土所宜之木。宰我不本其意，妄爲之說；因周用栗，便云：『使民戰栗也』。」皇侃曰：「曰者，謂也。宰我見哀公失德，民不畏服，無戰栗悚敬之心；今欲微諷哀公，使改德修行；故因於答三木竟，而又矯周樹用栗之義也。」

○包咸曰：「事已成，不可復說解也。」

○包咸曰：「事已遂，不可復諫止也。」

○包咸曰：「事既往，不可復追非咎也。孔子非宰賈，故歷言三者，欲使慎其後也。」

參考資料提示：

①周禮大司徒，

②淮南子齊俗篇，

③白虎通社稷篇，

④尚書逸篇，

⑤又宗廟篇。

【二五】王孫賈○問曰：「與其媚○於奧○，寧媚於竈○，何謂也？」子曰：「不然，獲○罪

○於天○，無所禱○也。」（八佾篇）

【註釋】

○王孫賈 孔安國曰：「衛大夫也。」皇侃曰：「周靈王之孫。」

○媚 說文：「媚，說也。」猶諂也；壘也。皇侃曰：「媚，趣向也。」

③與 說文：「與，宛也。室之西南隅。」孔安國曰：「與，內也；以喻近臣。」

④竈 皇侃曰：「竈，謂人家爲飲食之處也。」孔安國曰：「竈，喻執政也。賈者，執政者也，欲使孔子求昵之；故微以世俗之言感動之也。」

⑤獲 廣雅釋詁：「獲，得也。」

⑥罪 說文：「犯法也。」墨子經上篇：「罪，犯禁也。」

⑦天 孔安國曰：「天以喻君也。孔子距之，曰：如獲罪於天，無所禱於衆神也。」爾雅釋詁：「天，君也。」

「左傳宣公四年：「君，天也。」按：春秋繁露郊祭篇：「天者，百神之大君也；事天不備，雖百神，猶無益也。」似當以舊說爲正。

⑧禱 說文：「告事求福也。」周官大祝：「五曰禱。」是禱亦祭名。

參考資料提示：①春秋繁露郊語篇，②爲政篇二十四章。

【二六】子曰：「非其鬼而祭之，諂也。」（爲政篇）

【註釋】

①鬼 鄭玄曰：「人神曰鬼。」按：列子天瑞篇：「鬼，歸也；歸其真宅。」又曰：「死也者，德之微也；古者謂死人爲歸人。」

②諂 皇侃曰：「諂，橫求也。」

③鄭玄曰：「非其祖考而祭之，是諂以求福也。」

參考資料提示：

①禮記曲禮下篇，②左傳僖公十年，③又僖公三十一年，④春秋成公六年，⑤又定公元年。

【二七】季路問：「事鬼神？」子曰：「未能事人，焉能事鬼？」曰：「敢問死？」曰：「未知生，焉知死？」（先進篇）

【註釋】

○陳羣曰：「鬼神及死事難明，語之無益，故不答也。」

○皇侃曰：「周、孔之教，唯說現在；不明過去未來。」又曰：「亦不答之也。言汝尚未知即見生之事難明，又焉能豫問知死沒也？」

參考資料提示：① 鹽鐵論論鄒篇，② 說苑辨物篇。

【二八】樊遲問：「知？」子曰：「務民之義，敬鬼、神而遠之；可謂知矣。」

（雍也篇）

【註釋】

○樊遲 孔子弟子，姓樊，名須；字子遲。魯人，少孔子三十六歲。

○知 皇侃本作「智」。朱熹曰：「知，去聲。」按：下同。

○王肅曰：「務所以化導民之義也。」皇侃曰：「若欲爲智，當務在化導民之義也。」

○遠 朱熹曰：「遠，去聲。」

○包咸曰：「敬鬼神而不瀆也。」皇侃曰：「鬼神不可慢，故曰敬鬼神也；可敬不可近，故宜遠之也。」

參考資料提示：① 左傳僖公十九年，② 禮記表記篇，③ 禮記檀弓上篇，④ 國語楚語。

【二九】祭如在，祭神如神在。子曰：「吾不與。」（八佾篇）

【註釋】

禮樂

①孔安國曰：「言事死如事生也。」

②孔安國曰：「謂祭百神也。」

③與 朱熹曰：「與，去聲。」集韻：「音豫，參與也。」

④包咸曰：「孔子或出或病，而不自親祭，使攝者爲之；故不致敬於心，與不祭同也。」

參考資料提示：①禮記玉藻篇，②又祭義篇，③又禮器篇，④春秋繁露祭義篇。

【三十】子疾病①，子路請禱②。子曰：「有諸③？」子路對曰：『有之。』誄④曰：「禱爾于上下神祇⑤。」子曰：「丘之禱之⑥久矣⑦。」（述而篇）

【註釋】

①病 皇侃曰：「疾甚曰病，孔子疾甚也。」日本竹添光鴻曰：「釋文云：『子疾，一本云，子疾病。』是定

本無「病」字也。集解於子罕篇始釋「病」，則此有「病」字非。後漢書方術傳引作「孔子有疾」，亦無

「病」字。」

②禱 包咸曰：「禱，禱請於鬼神也。」

③皇侃曰：「諸，之也。孔子言死生有命，不欲有禱；故反問子路有此禱請之事乎？心不許也。」周生烈曰：

「言有此禱請鬼神之事乎？」

④誄 孔安國曰：「誄，禱篇名也。」皇侃曰：「古舊禱天地之誄辭。」又曰：「誄者，謂如今行狀也。誄之

言累也，人生有德行，死而累列其行之跡爲誄也。」按：當從孔說。

⑤朱熹曰：「上、下，謂天、地；天曰神，地曰祇。」

⑥之 皇侃本亦有「之」字。按：朱熹集註本無此一字。



④孔安國曰：「孔子素行合於神明，故曰：『丘禱之久矣』。」皇侃曰：「子路既不達孔子意，而引舊禱天地之誅，孔子不欲非也。故云，我之禱已久，今則不復須也。」樂肇曰：「不謂上下神祇非所宜也。在禮：天子祭天地，諸侯祈山川，大夫奉宗廟；此禮祀典之常也。然則『禱爾于上下神祇』，乃天子禱天地之辭也。子路以聖人動應天命，欲假禮祈福二靈；孔子不許，直言絕之也。」按：述而篇：「子不語怪力亂神。」雍也篇：「敬鬼神而遠之。」八佾篇：「獲罪於天，無所禱也。」顏淵篇：「死生有命，富貴在天。」足見孔子不禱鬼神以祈求福也。至於祭祀在「敬」，故曰：「敬鬼神；」此屬於禮制，非謂鬼神可以因祈禱而福祐於人也。故曰：「祭如在，祭神如神在。」

參考資料提示：

①論衡感虛篇，②八佾篇十三章。

（三一）子疾病○，子路使門人爲臣○。病間○，曰：「久矣哉！由之行詐也○。無臣而爲有臣○，吾誰欺？欺天乎○？且予與其死於臣之手也，無寧○死於二三子○之手乎○？且予縱不得大葬○，予死於道路乎○？」（子罕篇）

【註釋】

○病 包咸曰：「疾甚曰病也。」

○鄭玄曰：「孔子嘗爲大夫，故子路欲弟子行其臣之禮也。」朱熹曰：「夫子時已去位，無家臣；子路欲以家臣治其喪，其意實尊聖人，而未知所以尊之也。」

○間 孔安國曰：「病少差曰間也。」

○孔安國曰：「子路有是心非唯今日也。」皇侃曰：「言子路有此行詐之心非復一日。」

○皇侃曰：「無臣而爲有，是所以行詐也。」

⑨朱熹曰：「言我之不當有家臣，人皆知之；不可欺也。而爲有臣，則是欺天而已。人而欺天，莫大之罪；引以自歸；其責子路深矣。」

⑩無寧 馬融曰：「無寧，寧也。」

⑪二三子 馬融曰：「二三子，門人也。」

⑫馬融曰：「就使我有臣而死其手，我寧死弟子之手乎也？」

⑬大葬 孔安國曰：「大葬，君臣禮葬也。」

⑭馬融曰：「就使我不得以君臣之禮葬，有二三子在，我寧當憂棄於道路乎？」皇侃曰：「我豈復被棄擲於道路乎？」

參考資料提示：①論衡感類篇，②述而篇三十五章。

【三二】顏淵死，顏路○請子之車，以爲之槨○。子曰：「才不才○，亦各言其子也。鯉○也死，有棺而無槨；吾不徒行，以爲之槨；以吾從大夫之後○，不可徒行也○。」（先進篇）

【註釋】

①顏路 孔安國曰：「顏路，顏淵父也。」朱熹曰：「路，名無繇，少孔子六歲；孔子始教而受學焉。」

②「以爲之槨」四字原闕。皇侃本有。朱熹作「槨」。曰：「槨，外棺也。家貧，欲請孔子之車，實以作槨。」

③皇侃曰：「才，謂顏淵也；不才，謂鯉也。」

④鯉 孔安國曰：「鯉，孔子之子伯魚也。」

⑤此下原有「以吾」二字。按：朱熹集註本無此二字，是也。疑涉上「以吾」二字衍，今從朱本刪。

⑥孔安國曰：「孔子時爲大夫，言從大夫之後，不可以徒行；謙辭也。」

參考資料提示：①史記仲尼弟子傳，②禮記王制篇。

【三三】顏淵死，門人欲厚葬之。子曰：「不可！」門人厚葬之。子曰：「回也，視予猶父也；予不得視猶子也，非我也，夫二三子也！」（先進篇）

【註釋】

○何晏曰：「禮，貧富各有宜，顏淵家貧而門人欲厚葬之，故不聽也。」王弼曰：「有財死則有禮，無財則已焉。既而備禮，則近厚葬矣；故云：孔子不聽也。」范寧曰：「厚葬非禮，故不許也。」

○范寧曰：「門人欲厚葬，何也？緣回父有厚葬之意，故欲遂門人之深情也。」

○非 皇侃曰：「非是我意也。」

○馬融曰：「言回自有父，父意欲聽門人厚葬之，我不得制止也。非其厚葬，故云爾。」范寧曰：「言回雖以父事我，我則不得以子遇回；雖曰師徒，義輕天屬，今父欲厚葬，豈得制止？言厚葬非我之教，出乎門人之意耳。此以抑門人而救世弊也。」

參考資料提示：

①禮記檀弓上篇，②國語晉語，③呂氏春秋勸學篇。

【三四】師冕一見，及階；子曰：「階也。」及席，子曰：「席也。」皆坐。子告之，曰：「某人在斯！某在斯！」師冕出。子張問曰：「與師言之道與？」子曰：「然。固相師之道也。」（衛靈公篇）

【註釋】

○師冕 孔安國曰：「師，樂人；盲者也。冕，名也。」

○見 皇侃曰：「見，來見孔子也。」朱熹曰：「見，賢遍反。」

③及階 皇侃曰：「及，至也。階，孔子家堂階也。」

④皇侃曰：「孔子語之曰：階也。使之知而登之也。」

⑤皇侃曰：「冕已升階，至孔子堂上席也。」

⑥皇侃曰：「孔子又語之曰：至席。令其登席而坐。」

⑦皆坐 皇侃曰：「皆，俱也。孔子見瞽者必起，師既起，則弟子又隨而起；冕至席已坐，故孔子亦坐，弟子並坐。」

⑧某 皇侃曰：「某，席中某人也。」

⑨孔安國曰：「歷告以座中人姓字及所在處也。」皇侃曰：「冕無目，不識座上人；故孔子歷告以座上之姓名也。既多人，故再曰：『某在斯』也。隨人百十，每一一告之；云：子張在此，子貢在此也。」

⑩皇侃曰：「見孔子事畢，而出去也。」

⑪與 按：讀如字。猶相與也。

⑫道 皇侃曰：「道，猶禮也。」

⑬與 朱熹曰：「與，平聲。」皇侃曰：「向與師冕言之，是禮不與也？」按：此疑辭。與上「與」字義異。

⑭相 馬融曰：「相，導也。」

⑮皇侃曰：「冕無目，故主人宜爲之導相；所以歷告之也。」

參考資料提示：①子罕篇第十章，②禮記少儀篇。

【三五】子曰：「觚○不觚○，觚哉！觚哉！」（雅也篇）

【註釋】

①觚 馬融曰：「觚，禮器也；一升曰爵，三升曰觚也。」朱熹曰：「觚，音孤。稜也。或曰：「酒器。」或曰：「木簡。」皆器之有稜者也。」

②王肅曰：「當時沈緬于酒，故曰：「觚不觚。」言不知禮也。」皇侃曰：「觚失其禮，故曰：「觚不觚。」猶言君臣不君臣耳。」朱熹曰：「「不觚」者，蓋當時失其制而不爲稜也。」朱說是也。按：此指禮制言也。③何晏曰：「「觚哉！觚哉！」言非觚也。」褚仲都曰：「作觚而不用觚法，觚終不成。」朱熹曰：「言不得爲觚也。」

參考資料提示：①顏淵篇十一章，②子路篇第三章。

【三六】子曰：「人而不仁，如禮何！人而不仁，如樂何！」（八佾篇）

「註釋」

①皇侃曰：「此章亦爲季氏出也。」按：「人」，當指季氏言。下同。

②包咸曰：「言人而不仁，必不能行禮樂也。」江熙曰：「所貴禮樂者，以可安上治民，移風易俗也。然其人存則興，其人亡則廢；而不仁之人居得興之地，而無能興之道，則仁者之屬無所施之；故歎之而已。」皇侃曰：「季氏僭濫王者禮樂，其既不仁，則奈此禮樂何乎！」

參考資料提示：①禮記禮器篇，②又仲尼燕居篇，③又中庸篇。



## 八藝能

按：「藝」，韻會：「音藝，才能也。」能，說文：「熊屬，足似鹿，能獸堅中，故稱賢能。」周禮地官

鄉大夫：「能者」。鄭玄注：「能者，有道藝者。」賈公彥疏：「道藝，謂六藝。」按：「六藝」有

二說：①周禮地官保氏：謂：「禮、樂、射、御、書、數也。」②史記滑稽列傳：「六藝於治一也：

禮以節人，樂以發和，書以道事，詩以達意，易以神化，春秋以義。」指：易、書、詩、禮、樂、春

秋。此言才能、伎藝，包括二者。所輯內容俱屬此類；因以「藝能」題篇。

【一】大宰○問於子貢○，曰：「夫子聖○者與○？何其多能也○！」子貢曰：「固○天縱○

之將聖○，又多能也○。」子聞之，曰：「大宰知我者乎？吾少也賤，故多能鄙事。君子多乎哉？

不多也○。」（子罕篇）

### 【註釋】

○大宰 朱熹曰：「大，音泰。」孔安國曰：「大宰，大夫官名也。或吳或宋，未可分也。」

○子貢 孔子弟子。姓端木，名賜；字子貢。衛人，少孔子三十一歲。

○聖 朱熹曰：「大宰蓋以多能爲聖也。」

○與 朱熹曰：「與，平聲。疑辭。」

⑤孔安國曰：「疑孔子多能於小藝也。」

⑥固 皇侃「固，故也。」

⑦縱 朱熹曰：「縱，猶肆也。言不爲限量也。」

⑧將 朱熹曰：「將，殆也。謙若不敢知之辭。」皇侃曰：「將，大也。」按：謂「孔子大聖」也。此又說。

⑨孔安國曰：「言天固縱之大聖之德，又使多能也。」

⑩包咸曰：「我少小貧賤，故多能爲鄙人之事；君子固不當多也。」皇侃曰：「故多能爲鄙鄙之事。」

參考資料提示：①國語魯語下，②論衡明虛篇，③淮南子主術篇，④論衡實知篇。

【一】牢①曰：「子云：『吾不試②，故藝③。』」（子罕篇）

【註釋】

①牢 鄭玄曰：「牢，弟子子牢也。」按：牢，姓琴，名牢，字子開；一字子張。衛人。

②試 鄭玄曰：「試，用也。言孔子自云：『我不見用。』」

③鄭玄曰：「故多能伎藝也。」皇侃曰：「子牢述孔子言，緣我不被時用，故得多學伎藝也。」

參考資料提示：①述而篇第六章，②子罕篇第六章。

【三】子曰：「加①我數年，五、十②以學易③；可以無大過矣④。」（述而篇）

【註釋】

①加 說文：「加，語相增加也。」按：史記孔子世家引作「假」，風俗通義窮通篇引論語亦作「假」；是「加」、「假」，古當通用。



○五十 朱熹曰：「劉聘君（名勉之，字致中。）見元城劉忠定公（名安世，字器之。）自言：『嘗讀他論，「加」作「假」，「五十」作「卒」。蓋「加」、「假」聲相近而誤讀；「卒」與「五十」字相似，而誤分也。』愚按此章之言，史記作：「假我數年，若是我於易則彬彬矣。」「加」正作「假」，而無「五十」字。蓋是時孔子年已幾七十矣，五十字誤，無疑也。」金履祥曰：「篆文「五」字與「卒」字其中皆有交互之形，以故致誤。史記此章作：「假我數年，如是，我於易則彬彬矣。」「玩其辭意，則「五十」當是「吾」字。」皇侃曰：「此孔子重易，故欲令學者加功於此書也。當孔子爾時，年已四十五、六，故云：「加我數年，五十而學易也。所以必五十而學易者，人年五十，是知命之年也。易有大演之數五十，是窮理盡性之書；故五十而學易也。」日本竹添光鴻曰：「正文「加我數年，五十以學易。」則其爲五十以前語，明白無疑。集注云：「加作假，」此說非也。加者，積而成數也。此與五十有五章體例同。五十有五章，皆追溯以前；此章乃豫期以後也。」按：衆說並晦。爲政篇：「吾十有五，而志於學。」則孔子固不必待年五十而始學。又云：「四十而不惑，五十而知天命。」五十之年，既已過「不惑」，又「知天命」；此時自「無大過」，更何須申言：「學易，可以無大過矣乎？疑「五十」二字，當讀「五、十」，謂「五年」或「十年」；「五年」、「十年」，正明上文：「數年」之義。其意如云：予我以五年或十年之時間，用以讀易也。姑備此說，以質高明。

○易 釋文：「學易，如字。魯讀「易」爲「亦」，今從古。」按：魯論非也。史記孔子世家已言：「我於易則彬彬矣。」倘讀「易」作「亦」，則其文當作：「我於「亦」則彬彬矣。」將成何說耶？又：「易乃「周易」之易；亦即六藝之一。」

○何晏曰：「易窮理盡性，以至於命，年五十而知天命；以知命之年讀至命之書，故可以無大過也。」王弼曰：「易以幾神爲教，顏淵庶幾，有過而改；然則窮神研幾，可以無過。明易道深妙，戒過明訓，微言精粹，熟

習然後存義也。」

參考資料提示：①史記孔子世家，②易繫辭上傳，③公冶長篇二十章。

【四】子曰：「詩三百，一言以蔽之，曰：『思無邪』。」（爲政篇）

【註釋】

○詩 皇侃曰：「詩，即今之『毛詩』也。」按：即六藝之「詩」，今之詩經也。

○三百 孔安國曰：「篇之大數也。」皇侃曰：「詩有三百五篇，此舉其全數也。」朱熹曰：「詩，三百十一篇，言三百者，舉大數也。」按：史記孔子世家：「三百五篇，孔子皆弦歌之，以求合韶、武、雅、頌之音。」

○蔽 包咸曰：「蔽，猶當也。」朱熹曰：「蔽，猶蓋也。一言足以盡蓋其義。」

○思無邪 包咸曰：「歸於正也。」皇侃曰：「詩雖三百篇之多，六義之廣，而唯用『思無邪』之一言，以當三百篇之理也。」衛瑾曰：「不曰『思正』，而曰『思無邪』，明正無所思邪；邪去則合於正也。」程子曰：「『思無邪』者，誠也。」

參考資料提示：①詩關雎序，②史記屈原傳。

【五】子曰：「關雎，樂而不淫，哀而不傷。」（八佾篇）

【註釋】

○關雎 皇侃曰：「關雎者，即毛詩之初篇也。」朱熹曰：「關雎，周南國風，詩之首篇也。」

○樂 朱熹曰：「樂，音洛。」按：喜悅也。

○淫 猶過也。書大禹謨：「罔淫于樂。」左傳襄公二十九年：「遷而不淫。」杜預注：「過、蕩也。」朱熹

曰：「淫者，樂之過而失其正者也。」皇侃曰：「關雎樂得淑女以配君子，是共爲政風之美耳；非爲淫也。」江熙曰：「樂在得淑女，疑於爲色，所樂者德；故有樂而無淫也。」

④傷 說文：「創也。」李充曰：「哀窮窶，思賢才，而無傷害之心；是哀而不傷也。」孔安國曰：「樂而不淫，哀而不至傷；言其和也。」鄭玄曰：「樂得淑女以爲君子之好仇，不爲淫其色也；寤寐思之，哀世失婦之道，不得此人；不爲滅傷其愛也。」

參考資料提示：

①毛詩序， ②荀子大畧篇。

【六】子曰：「誦詩三百，授之以政，不達；使於四方，不能專對；雖多，亦奚以爲？」（子路篇）

【註釋】

①誦 皇侃曰：「不用文，背文而念；曰誦。亦曰：『口讀曰誦。』」

②授 說文：「予也。」

③皇侃曰：「詩有六義，國風、二雅，並是爲政之法；今授政與此誦詩之人。」袁宏曰：「詩有三百篇，是以爲政者也。」

④不達 皇侃曰：「達，猶曉也；不能曉解也。」

⑤使 朱熹曰：「使，去聲。」按：奉使命之稱，猶使者之使。

⑥專 何晏曰：「專，猶獨也。」

⑦對 袁宏曰：「古人使賦詩而答對。」皇侃曰：「孔子語鯉曰：『不學詩，無以言。』又曰：『可以羣，可以怨；近之事父，遠之事君；多識於鳥獸草木之名者。』今使此誦詩之人聘問鄰國，而不能專獨應對也。」

④雖多 皇侃曰：「雖復誦詠之多。」

⑤奚 皇侃曰：「奚，何也。」

⑥皇侃曰：「誦詩宜曉政，而今不達；又應專對，而今不能；雖復誦詠之多，亦何所爲用哉？」

參考資料提示：①左傳襄公二十七年，②又昭公七年，③又文公四年，④又襄公四年，⑤韓詩外傳

卷八。

【七】子曰：「小子○何莫○學夫○詩？詩可以興④，可以觀⑤，可以羣⑥，可以怨⑦；邇⑧之事父，遠之事君⑨；多識於鳥獸草木之名⑩。」（陽貨篇）

【註釋】

①小子 包咸曰：「小子，門人也。」

②莫 皇侃曰：「莫，無也。」

③夫 皇侃曰：「夫，語助也。」按：音扶。

④興 孔安國曰：「興，引譬連類也。」皇侃曰：「興，謂譬喻也。言若能學詩，詩可令人能爲譬喻也。」

⑤觀 鄭玄曰：「觀，觀風俗之盛衰也。」皇侃曰：「詩有諸國之風，風俗盛衰，可以觀覽而知之也。」

⑥羣 孔安國曰：「羣居相切磋也。」皇侃曰：「詩有如切如磋，如琢如磨。」是朋友之道，可以羣居也。」

⑦怨 孔安國曰：「怨，刺上政也。」皇侃曰：「詩可以怨刺諷諫之法，言之者無罪，聞之者足戒；故可以怨也。」

也。」

⑧邇 孔安國曰：「邇，近也。」

⑨江熙曰：「言事父與君，以有其道也。」皇侃曰：「詩有凱風、白華，相戒以養；是有近事父之道也。又：

「雅、頌，君、臣之法，是遠事君之道也。」

①皇侃曰：「關雎、鵲巢，是有鳥也；騶虞、狼跋，是有獸也；采芣、葛覃，是有草也；甘棠、核樸，是有木也。詩並載其名，學詩者，則多識之也。」

參考資料提示：

①泰伯篇第八章，②說苑奉使篇，③左傳襄公二十九年，④又襄公二十七年，⑤孟子告子下篇，⑥史記屈原傳，⑦毛詩關雎序。

【八】子謂伯魚○，曰：「女○爲○周南○召南○矣乎○？人而不爲周南、召南，其猶正牆面○而立也與○？」（陽貨篇）

【註釋】

○伯魚 皇侃曰：「伯魚，孔子之子也。」孔安國曰：「鯉，孔子之子，伯魚也。」按：名鯉，先孔子死。先進篇：「子曰：鯉也死，有棺而無槨。」

○女 朱熹曰：「女，音汝。」按：皇侃本作「汝」。女、汝通用。

○爲 皇侃曰：「爲，猶學也。」

○周南召南 朱熹曰：「周南、召南，詩首篇名；所言皆修身齊家之事。按：「召」原作「邵」。今據「詩經」改。皇侃曰：「周南，關雎以下詩也；邵南、鵲巢以下詩也。」

○皇侃曰：「孔子見伯魚而謂之曰：『汝已曾學周、邵二南之詩乎？』」

○牆面 皇侃曰：「牆面，面向牆也。」

○與 朱熹曰：「與，平聲。言即其至近之地，而一物無所見；一步不可行。」馬融曰：「周南、召南、國風之始，得淑女以配君子；三綱之首，王教之端。故人而不爲，如向牆而立也。」

參考資料提示：①毛詩關雎序，②左傳襄公二十九年。

【九】陳亢問於伯魚，曰：「子亦有異聞乎？」對曰：「未也。嘗獨立，鯉趨而過庭；曰：『學詩乎？』對曰：『未也。』曰：『不學詩，無以言。』鯉退而學詩。又獨立，鯉趨而過庭；曰：『學禮乎？』對曰：『未也。』曰：『不學禮，無以立。』鯉退而學禮。聞斯二者矣。」陳亢退而喜，曰：「問一得三：聞詩，聞禮；又聞君子之遠其子也。」（季氏篇）

【註釋】

○陳亢 皇侃曰：「陳亢，即子禽。」按：子張篇：「陳子禽謂子貢曰，」皇侃曰：「此子禽非必陳亢，當是同姓名之子禽也。」皇說恐非也。

○子 皇侃曰：「呼伯魚爲子也。」按：猶汝也。

○馬融曰：「以爲伯魚孔子之子，所聞當有異也。」

○獨立 孔安國曰：「獨立，謂孔子也。」皇侃曰：「言孔子嘗獨立，左右無人也。」按：「嘗獨立」上省去主詞，當係子爲父諱，不稱其名字也。

○趨 說文：「走也。」釋名：「疾行曰趨。趨，赴也；赴所至也。」

○過庭 皇侃曰：「而已趨從中庭過。」

○曰 「曰」字原闕。依例當有「曰」字，按：此係孔子語，因補此字；使問答分明也。

○皇侃曰：「言詩有比興、答對、酬酢，人若不學詩，則無以與人言語也。」

○皇侃曰：「伯魚得孔子之旨，故退還已舍而學詩也。」

⑩曰「日」字原闕。茲依前文例補。

⑪皇侃曰：「禮是恭、儉、莊、敬，立身之本。有禮則安，無禮則危；若不學禮，則無以自立身也。」

⑫者矣。「者」字原闕。皇侃本有。按：有「者」字義長，因據皇本補。又：朱熹集註本無「矣」字。

⑬皇侃曰：「陳亢得伯魚答己二事，故退而歡喜也。」

⑭皇侃曰：「言我問異聞一事，而今得聞三事也。伯魚二也；又君子遠其子三也。伯魚是孔子之子，一生之中唯知聞二事；即是君子不獨親子，故相疎遠；是陳亢今得聞君子遠於其子也。」范寧曰：「孟子曰：『君子不教子，何也？勢不行也。教者必以正，以正不行，繼之以忿；繼之以忿，則反夷矣。父子相夷，惡也。』」參考資料提示：①子路篇第五章，②漢書藝文志，③王通中說立命篇，④陽貨篇第十章，⑤泰伯篇

第八章，⑥堯曰篇第三章，⑦說苑建本篇，⑧白虎通五行篇。

【十】子夏問曰：「詩云：『巧笑倩兮，美目盼兮。』素以爲絢兮。」何謂也？  
子曰：「繪事後素。」曰：「禮後乎？」子曰：「起予者商也！始可與言詩已矣。」

（八條篇）

### 【註釋】

①詩云「詩云」二字原闕。按：古籍引經多明出處，茲依例補此二字。

②巧笑 皇侃曰：「巧笑，笑之美者也。」

③倩 馬融曰：「倩，笑貌。」皇侃曰：「言人可憐，則笑巧而貌倩倩然也。」

④盼 馬融曰：「盼，動目貌。」皇侃曰：「言人可憐，則目美而貌盼盼然也。」

⑤素 皇侃曰：「素，白也。」按：下同。

④絢 馬融曰：「絢，文貌也。」皇侃曰：「謂用白色以分間五采，使成文章也。」

⑤馬融曰：「此上二句在衛風·碩人二章，其下一句逸也。」皇侃曰：「此是衛風·碩人，衛人閔莊姜之詩。

莊姜有容、有禮，衛侯不好德而不答，故衛人閔之也。」

⑥皇侃曰：「子夏讀詩，不達此語；故云：「何謂？」以問孔子也。」

⑦繪 鄭玄曰：「繪，畫文也。」皇侃曰：「畫之成文，謂之爲繪也。」

⑧鄭玄曰：「凡畫繪，先布衆采，然後以素分其間以成其文；喻美女雖有倩、盼、美質，亦須禮以成也。」

⑨孔安國曰：「孔子言「繪事後素」，子夏聞而解，知以素喻禮；故曰：「禮後乎」？」

⑩起予 皇侃曰：「起，發也。」包咸曰：「予，我也。」皇侃又曰：「以起發我談。」朱熹曰：「言能起發

我之志意。」按：猶啓示也。

⑪包咸曰：「孔子言子夏能發明我意，可與共言詩已矣。」

參考資料提示：①詩·衛風·碩人，②韓詩外傳卷三。

【一一】子在齊，聞韶樂①；三月，不知肉味②。曰：「不圖③爲④樂之至於斯⑤也。」（

述而篇）

【註釋】

①樂 朱熹集註本無「樂」字。周生烈曰：「聞習「韶樂」之盛美。」按：依周生注，當有「樂」字。皇侃曰：「韶者，舜樂名也。」

②周生烈曰：「孔子在齊，聞習韶樂之盛美；故忽於肉味也。」朱熹曰：「史記：「三月」上有「學之」二字。「不知肉味」，蓋心一於是，而不及乎他也。」



③圖 皇侃曰：「圖，猶謀慮也。」

④爲 王肅曰：「爲，作也。」皇侃曰：「爲，猶作奏也。」

⑤斯 皇侃曰：「斯，此也。」

⑥王肅曰：「不圖作韶樂至於此；此，齊也。」皇侃曰：「孔子至齊，聞齊君奏於韶樂之盛，而心爲傷痛，故口忘肉味，至於一時乃止也。三月一時也。何以然也？齊是無道之君，而蓋奏聖王之樂，器存人乖；所以可傷慨也。」范祖禹曰：「韶盡美，又盡善，樂之無以加此也。故學之三月，不知肉味；而歎美之如此。此誠之至，感之深也。」朱熹曰：「不意舜之作樂，至如此之美，則有極其情文之備；而不覺其歎息之深也。」范、朱二氏說與王、皇說並異。劉賡楠曰：「『不知肉味』，猶言『發憤忘食』也。說文：「味，滋味也。圖，畫計難也。」「不圖者，非計度所及也。」按：史記孔子世家：「魯亂，孔子適齊，……與齊太師語樂，聞韶音，三月不知肉味；齊人稱之。」又述而篇：「發憤忘食，樂以忘憂，不知老之將至。」則是孔子以韶樂盡美盡善，樂而不厭；馴致忘其肉味。「斯」字，蓋指「不知肉味」而言，非謂「舜之作樂」，「更非指齊國言也。」

參考資料提示：

①八佾篇二十五章，

②史記孔子世家，

③漢書禮樂志，

④說苑修文篇，

⑤太平御

覽八十一引樂動聲儀。

【一】子謂：「韶○盡美矣，又盡善也○。」謂：「武○盡美矣，未盡善也○。」（八佾

篇）

【註釋】

○韶 孔安國曰：「韶，舜樂名也。」

樂能

③孔安國曰：「謂以聖德受禪，故曰盡善也。」皇侃曰：「美者，堪合當時之稱也；善者，理事不惡之名也。」

「朱熹曰：『美者，聲容之盛；善者，美之實也。』」

④武 孔安國曰：「武，武王樂也。」

⑤孔安國曰：「以征伐取天下，故曰未盡善也。」皇侃曰：「以臣伐君，於事理不善。」

參考資料提示：

- ①述而篇十四章， ②衛靈公篇十一章， ③白虎通禮樂篇， ④左傳襄公二十九年， ⑤泰伯篇二十章。

【一三】子曰：「師摯○之始○，關雎之亂○，洋洋乎○！盈耳哉○！」（泰伯篇）

【註釋】

○師摯 鄭玄曰：「師摯，魯太師之名也。」朱熹曰：「摯，音至。」

○始 鄭玄曰：「始，猶首也。」

○亂 朱熹曰：「亂，樂之卒章也。史記曰：『關雎之亂，以爲風始。』按：爾雅釋詁：『亂，治也。』說

文：『亂，治也。』鄭玄曰：『周道既衰微，鄭、衛之音作，正樂廢而失節；魯太師摯識關雎之聲而首理其

亂者。」

○洋洋 皇侃曰：「洋洋，聲盛也。」朱熹曰：「美盛也。」

○鄭玄曰：「聽而美也。」皇侃曰：「使聲盛盈於耳聽也。」朱熹曰：「孔子自衛反魯而正樂，適師摯在官之

初；故樂之美盛如此。」

參考資料提示：

- ①微子篇第九章， ②八佾篇二十章。

【一四】子語○魯大師○樂○，曰：「樂其可知也已○。始作，翕○如也；從○之，純如也，

皦⑦如也，繹⑧如也；以成⑨。」（八佾篇）

【註釋】

①語 朱熹曰：「語，去聲。告也。」

②大師 何晏曰：「大師，樂官名。」

③皇侃曰：「魯國禮、樂崩壞，正音不存；故孔子見魯之樂師而語，使其知正樂之法。」

④也已 「也已」原作「已也」。皇侃本作「也已」。並云：「此下並是所語可知之聲也。」按：「已也」無義，疑係倒誤；今從皇本改正。

⑤翕 皇侃曰：「翕，習也。」何晏曰：「言五音始奏，翕如盛也。」

⑥從 何晏曰：「從，讀曰縱也。言五音既發放縱盡，其聲純純如和諧也。」皇侃曰：「言不離析散逸也。」

⑦皦 何晏曰：「言其音節分明也。」皇侃曰：「其音節又明亮皎皎也。」

⑧繹 皇侃曰：「繹，尋續也。言聲尋續而不斷絕也。」

⑨皇侃本「成」下有「矣」字。何晏曰：「縱之以純如，皦如，繹如；言樂始於翕如而成於三者。」皇侃曰：「奏樂如此，則是正音一成也。」

參考資料提示：①微子篇第九章，②泰伯篇十五章。

【十五】樊遲請學稼①。子曰：「吾不如老農。」請學爲圃②。子曰：「吾不如老圃。」樊遲出。子曰：「小人哉！樊遲也。」上好禮，則民莫敢不敬；上好義，則民莫敢不服；上好信，則民莫敢不用情③；夫④如是⑤，則四方之民襁⑥負其子而至矣⑦。焉⑧用稼⑨？」（子路篇）

【註釋】

國能

①稼 馬融曰：「樹五穀曰稼。」按：下同。皇侃曰：「樊遲請於孔子，求學種五穀之術也。」

②農 皇侃曰：「農者，濃也；是耕田之人也。」

③圃 馬融曰：「樹菜蔬曰圃。」按：下同。

④小人 朱熹曰：「小人，謂細民。孟子所謂小人之事者也。」皇侃曰：「小人，是貪利者也。」

⑤皇侃曰：「孔子呼名罵之，君子喻於義，小人喻於利；樊遲在孔子之門，不請學仁義忠信之道，而學求利之術；故云：小人也。」

⑥情 孔安國曰：「情，情實也。言民化其上，各以情實應也。」李充曰：「用情，猶盡忠也。行禮不以求

敬，而民自敬；好義不以服民，而民自服；施信不以結心，而民自盡信；言民之從上，猶影之隨形也。」

⑦夫 皇侃曰：「夫，發語端也。」朱熹曰：「夫，音扶。」

⑧是 皇侃曰：「是，此也。」

⑨襁 包咸曰：「負者以器曰襁也。」皇侃曰：「負子以器曰襁。襁者，以竹爲之；或云以布爲之；今蠻、夷

猶以布帛裹兒負之背也。」朱熹曰：「襁，織縷爲之；以約小兒於背者。」

⑩李充曰：「負子以器，言化之所惑，不召而自來。」皇侃：「言君上若好行上三事，夫得如此，四方之民，

大小歸化；故竝器負其子而來至也。」

⑪焉 皇侃曰：「焉，猶何也。」

⑫包咸曰：「禮、義與信，足以成德；何用學稼以教民乎？」朱熹曰：「禮、義、信，大人之事也。」皇侃曰

：「行此三事，而四方自歸；則何用學稼乎？」

參考資料提示：

①呂氏春秋具備篇，

②淮南子道德篇，

③荀子王霸篇，

④韓非子外儲說左下篇。

【一六】子曰：「君子無所爭<sup>①</sup>，必也射<sup>②</sup>乎<sup>③</sup>？揖<sup>④</sup>讓而升<sup>⑤</sup>，下而飲<sup>⑥</sup>；其爭也君子<sup>⑦</sup>。」（八佾篇）

【註釋】

①爭 廣韻：「競也。」皇侃曰：「言君子恆謙卑自牧，退讓明禮。」

②射 說文：「弓弩發於身而中於遠也。」按：此指六藝：禮、樂、射、御、書、數之射。

③孔安國曰：「言於射而後有爭也。」皇侃曰：「言雖他事無爭，而於射有爭。」顏延之曰：「射許有爭，故可以觀無爭也。」

④揖 說文：「手著臂曰揖。」六書故：「拱手上下左右之以相禮也。」

⑤升 劉賈楠曰：「升者，登之借字。說文：「登，上車也。」引申爲凡進上之義。升是由階至堂。」按：詩小雅：「如日之升。」先進篇：「由也升堂矣，未入於室也。」可證。

⑥王肅曰：「射於堂，升及下皆揖讓而相飲也。」皇侃本從「下」字斷句，並疏云：「射儀云：禮：初主人揖賓而進，交讓而升堂；及射竟，勝負已決；下堂，猶揖讓不忘禮。故云：「揖讓而升下」也。」又曰：「禮云：「君使士射，不能則辭以疾，」懸弧之義也。而不如者亦跪受酒，而云：「賜灌。灌，猶飲也；言賜飲者，服而爲敬辭也。」朱熹曰：「飲，去聲。揖讓而升者，大射之禮，耦進三揖而後升堂也。下而飲，謂射畢揖降，以俟衆耦皆降；勝者乃揖不勝者，升取觶立飲也。」按：二說並通，今從朱說斷句。

⑦馬融曰：「多算飲少算，君子之所爭也。」皇侃曰：「算，猶籌也。射者比結朋黨，各有算數，每中則以算表之；若中多則算多，故云多算也；中少則算少，故云少算也。凡情得勝則自爲矜貴，今射雖多算，當猶自酌酒以飲少算，不敢自高；是君子之爭也。」

參考資料提示：

① 衛靈公篇二十二章，

② 荀子堯問篇，

③ 儀禮大射儀。

【一七】子曰：「射不主皮<sup>○</sup>，爲<sup>○</sup>力不同科<sup>○</sup>；古之道也<sup>○</sup>。」（八佾篇）

【註釋】

○皮 朱熹曰：「皮，革也。布侯而棲革於其中以爲的；所謂鵠也。」馬融曰：「射有五善：一曰和志，體和也；二曰和容，有容儀也；三曰主皮，能中質也；四曰和頌，合雅、頌；五曰興武，與舞同也。天子有三侯：以熊、虎、豹皮爲之，言射者不但以中皮爲善，亦兼取之和容也。」皇侃曰：「張布爲柵，而用獸皮佔其中央，必射之取中央，故謂主皮也。」

○爲力 馬融曰：「爲力，爲力役之事也。」朱熹曰：「爲，去聲。」

○科 皇侃曰：「科，品也。」朱熹曰：「科，等也。」馬融曰：「亦有上、中、下設三科焉；故曰不同科也。」

○皇侃曰：「射不主皮，及爲力不同科二事；皆是古有道之時法也。」

參考資料提示：① 儀禮鄉射禮，② 八佾篇第七章。

【一八】達巷黨人<sup>○</sup>曰：「大<sup>○</sup>哉！孔子。博學<sup>○</sup>而無所成名<sup>○</sup>！」子聞之，謂門弟子，曰<sup>○</sup>

：「吾何執<sup>○</sup>？執御<sup>○</sup>乎？執射乎？吾執御矣<sup>○</sup>！」（子罕篇）

【註釋】

○達巷黨人 鄭玄曰：「達巷者，黨名也。五百家爲黨。此黨之人。」朱熹曰：「其人姓名不得。」日本竹添

光鴻曰：「亦猶「互鄉童子」，「闕黨童子」也。」

○皇侃曰：「孔子道大，故曰：大哉也。」江熙曰：「言其彌貫六流，不可以一藝取名焉；故曰大也。」

○博 皇侃曰：「博，廣也。」

④鄭玄曰：「美孔子博學道藝，不成一名而已。」王弼曰：「譬猶和樂出乎八音乎，然八音非其名也。」皇侃曰：「言大哉孔子廣學，道藝周備，不可一一而稱；故云無所成名也。猶如堯德蕩蕩，民無能名也。」朱熹曰：「蓋美其學之博，而惜其不成一藝之名也。」

⑤皇侃曰：「孔子聞達巷人美己，故呼弟子而語之也。」

⑥朱熹曰：「執，專執也。」

⑦御 皇侃曰：「御，御車者也。」

⑧鄭玄曰：「聞人美之，承以謙也。吾執御者，欲名六藝之卑也。」皇侃曰：「六藝：一曰五禮；二曰六樂；三曰五射；四曰五馭；五曰六書；六曰九數也。今云執御，御比禮、樂、射爲卑也。」朱熹曰：「射、御皆一藝，而御爲人僕，所執尤卑；言欲使我何所執以成名乎？然則吾將執御矣。聞人譽己，承之謙也。」

參考資料提示：①泰伯篇第十九章，②衛靈公篇二十章，③里仁篇第五章。

【一九】子釣而不網，弋不射宿。（述而篇）

〔註釋〕

①釣 說文：「釣，鉤魚也。」孔安國曰：「釣者，一竿釣也。」皇侃曰：「釣者，一竿屬一鉤而取魚也。」

②網 孔安國曰：「網者，爲大綱以橫絕流，以繳繫釣；羅屬著網也。」皇侃曰：「網者，作大綱，橫遮於廣水，而羅列多鉤，著之以取魚也。」

③弋 孔安國曰：「弋，繳射也。」皇侃曰：「一云：『古人以細繩係丸而彈，謂爲繳射也。』一云：『取一杖，長一二尺計，以長繩係此杖，而橫擣以取鳥；謂爲繳射也。』……鄭玄曰：『則繳射，是細繩係箭而射也。』朱熹曰：「弋，以生絲繫矢而射也。」

④射 朱熹曰：「射，食亦反。」

⑤宿 孔安國曰：「宿；宿鳥也。」皇侃曰：「宿者，夜栖宿之鳥也。孔子亦繳射，唯白日用事，而不及夜射栖宿之鳥也。」孫綽曰：「殺理不可頓去，故禁綱而存釣也。」繆協曰：「將令物生有路，人殺有節；所以易其生而難其殺也。」

參考資料提示：①賈子禮篇，②禮記中庸篇。

【二十】子與人歌而善①，必使反②之；而後和③之。（述而篇）

【註釋】

①善 日本竹添光鴻曰：「只是音節之善。」

②反 皇侃曰：「反，猶重也。」朱熹曰：「反，復也。」

③和 朱熹曰：「和，去聲。」衛瓘曰：「禮無不答，歌以和相答也。」

④何晏曰：「樂其善，故使重歌而後自和之也。」皇侃曰：「此明孔子重於正音也。孔子與人共歌，若彼人歌善，合於雅、頌者，則孔子欲重聞其音曲；故必使重歌也。重歌既竟，欣之無已；故孔子又自歌以答和之也。」

參考資料提示：①陽貨篇第四章、第二十章，②述而篇第九章。

【二十一】孺悲①欲見孔子②，孔子辭③以疾④。將命者⑤出戶⑥，取瑟而歌；使之聞之⑦。

（陽貨篇）

【註釋】

①孺悲 何晏曰：「魯人也。」朱熹曰：「嘗學士喪禮於孔子。」按：此見禮記雜記篇。



①皇侃曰：「使人召孔子，欲與孔子相見也。」

②辭 通辭。說文：「辭，不受也。」

③何晏曰：「孔子不欲見，故辭以疾。」皇侃曰：「孔子不欲應孺悲之召；故辭云：有疾不堪也。」

④將命者 皇侃曰：「謂孺悲所使之人也。」

⑤出戶 皇侃曰：「謂受孔子疾辭畢，而出孔子之戶以去也。」

⑥何晏曰：「爲其將命者不知己，故歌，令將命者悟；所以令孺悲思也。」皇侃曰：「孺悲使者去裁出戶，而孔子取瑟以歌；欲使孺悲使者聞之也。所以然者，若辭唯有疾而不往，恐孺悲問疾差又召己不止也。故取瑟而歌，使使者聞之，知孔子辭疾非實疾；以還白孺悲，令孺悲知，故不來耳，非爲疾不來也。」

參考資料提示：①禮記雜記下篇，②孟子告子下篇。

【三】子曰：「辭①，達②而已矣③。」（衛靈公篇）

### 【註釋】

①辭 說文：「訟辭也。」集韻：「晉詞，辭說也。」日本竹添光鴻曰：「公羊傳：『大夫出使，受命不受辭。』此辭即專對之辭，使人之應答言語是也。」

②達 玉篇：「通也。」

③孔安國曰：「凡事莫過於實足也，辭達則足矣；不煩文豔之辭也。」皇侃曰：「言語之法，使辭足宜達其事而已；不須美奇其言以過事實也。」

參考資料提示：①儀禮聘禮篇，②禮記曲禮篇，③孔叢子嘉言篇。

【三】子曰：「吾自衛①反於魯②，然後樂正③；雅、頌各得其所④。」（子罕篇）

「註釋」

○衛 周武王封弟康叔於衛，在今河北省。

○鄭玄曰：「反魯，魯哀公十一年冬也。」朱熹集註本「魯」上無「於」字。按：「反」，通「返」。

○鄭玄曰：「是時道衰，樂廢；孔子來還，乃正之也。」朱熹曰：「是時周禮在魯，然詩、樂亦頗殘缺失次。」

孔子周流四方，參互考訂，以知其說；晚知道終不行，故歸而正之。」

○皇侃曰：「孔子以魯哀公十一年從衛還魯，而刪詩、書，定禮、樂；故樂音得正。樂音得正，所以雅、頌之詩各得其本所也。雅、頌是詩義之美者，美者既正，則其餘正亦可知也。」

參考資料提示：

①史記孔子世家，

②漢書禮樂志。

## 九論道

按：說文：「論，議也。」廣韻：「說也。」道，說文：「所行道也。」爾雅釋宮：「一達謂之道。」按：猶路也。韓非子解老篇：「道者，萬物之所由也。」禮記中庸篇：「率性之謂道。」朱熹曰：「道者，事物當然之理。」蓋假道路之道，爲人當行之理。故雍也篇云：「何莫由斯道也。」輯有關言道之文，因以題篇。

【一】子曰：「朝①聞道，夕②死可矣③。」（里仁篇）

### 【註釋】

①朝 爾雅釋詁：「朝，早也。」說文：「朝，旦也。」

②夕 說文：「夕，莫也。」

③何晏曰：「言將至死，不聞世之有道也。」皇侃曰：「歎世無道，故言設使朝聞世有道，則夕死無恨矣。」

樂肇曰：「道所以濟民，聖人存身，爲行道也。濟民以道，非爲濟身也。故云，誠令道朝聞於世，雖夕死可也。傷道不行，且明已憂世，不爲身也。」程頤曰：「言人不可以不知道，苟得聞道，雖死可也。」朱熹曰：「道者，事物當然之理；苟得聞之，則生順死安，無復遺恨矣。朝、夕所以甚言其時之近也。」按：何晏、皇侃、樂肇三家說與程、朱並異，但以後者之說爲長。

參考資料提示：

①新序雜事一篇，

②漢書夏侯勝傳。

【二】子曰：「誰能出不由戶①，何莫②由斯③道④也⑤？」（雍也篇）

【註釋】

①戶 說文：「半門曰戶。」玄應一切經音義：「一扇曰戶，兩戶曰門。」

②莫 皇侃曰：「莫，無也。」

③斯 皇侃曰：「斯，此也。」

④道 皇侃曰：「道，先王之道也。」

⑤孔安國曰：「言人之立身成功當由道，譬猶人出入要當從戶也。」范寧曰：「人咸知由戶而行，莫知由學

而成。」皇侃曰：「孔子爲譬以示解時惑也。言人之在室，出入由戶而通，亦如在世由道理而生；人皆知出室由戶，而未知在世由道。」朱熹曰：「言人不能出不由戶，何故乃不由此道耶？怪而歎之之辭。」洪興

祖曰：「人知出必由戶，而不知行必由道；非道遠人，人自遠爾。」

參考資料提示：①易繫辭上傳，②禮記中庸篇，③孟子盡心上篇。

【三】子曰：「齊①一變②，至於魯③；魯一變，至於道④。」（雍也篇）

【註釋】

①齊 按：國名。太公封於營丘之地，爲齊國。

②變 說文：「更也。」

③魯 按：國名。周公封於曲阜之地，爲魯國。

④包咸曰：「言齊、魯有太公、周公之餘化也。太公大賢，周公聖人，今其政教雖衰，若有明君興之者，齊可使如魯；魯可使如大道行之時也。」皇侃曰：「末世二國：齊有景公之昏闇，魯有定公之寡德；然其國猶有望、

且之遺風；故禮記云：「孔子云，吾捨魯何適耶？」明魯猶勝餘國也。今孔子歎其君之並惡，故有此言也。」  
參考資料提示：①說苑政理篇，②淮南子齊俗篇，③左傳閔公元年，④禮記禮運篇，⑤又明堂位篇。

【四】子曰：「人能弘道，非道弘人。」（衛靈公篇）

【註釋】

○弘 爾雅釋詁：「弘，大也。」朱熹曰：「弘，廓而大之也。」

○何晏曰：「材大者，道隨大；材小者，道隨小；故不能弘人也。」皇侃曰：「道者，通物之妙也。通物之法，本通於可通，不通於不可通。」蔡謨曰：「道者，寂然不動，行之由人，人可適道，故曰『人能弘道』也；道不適人，故曰『非道弘人』也。」

參考資料提示：①漢書禮樂志，②又董仲舒傳。

【五】子曰：「可與共學，未可與適道；可與適道，未可與立；可與立，未可與權。」  
詩曰：「唐棣之華，偏其反；豈不爾思，室是遠而。」未之思也，何遠之有？」（子罕篇）

【註釋】

○可與 朱熹曰：「可與者，言其可與共爲此事也。」

○適 何晏曰：「適，之也。」

○何晏曰：「雖學，或得異端，未必能之道也。」

○何晏曰：「雖能之道，未必能以有所成立也。」

○權 王弼曰：「權者，道之變。」皇侃曰：「權者，反常而合於道者也。自非通變達理，則所不能。」何晏

曰：「雖能有所立，未必能權其輕重之輕也。」張憑曰：「此言學者漸進階級之次耳。始志於學，求發其蒙，而未嘗所適也；既向方矣，而信道未篤，則所立未固也；又既固，又未達變通之權也。」

④詩曰「詩曰」二字原闕。何晏曰：「逸詩也。」疑此二字脫佚，誤入下文「未之思也」句上，校者不察，遂改爲「子曰」。而「詩」字又漫漶不可辨；依文當有，茲臆補之。

⑤唐棣 何晏曰：「唐棣，移也。」朱熹曰：「唐棣，郁李也。」按：爾雅釋木：「唐棣，移也。」郭璞注：「似白楊，江東呼爲夫移。」李時珍本草綱目云：「唐棣乃扶移、白楊之類；非郁李也。」按：一名「移楊」，薔薇科植物，葉橢圓，有鋸齒；花白色，短穗狀，五瓣，細而長。雄蕊比花瓣爲多，果實成熟爲紫色，如小豆。

⑥華 皇侃曰：「華，花也。」按：華，花古通。

⑦偏 朱熹曰：「『偏』，晉書作『翩』。」

⑧反 朱熹曰：「『反』，亦當與『翻』同。言華之動搖也。」

⑨而 朱熹曰：「而，語助也。」何晏曰：「華反而後合。」皇侃曰：「夫樹木之花皆先合而後開，唐棣之花則先開而後合。譬如正道則行之有次，而權之爲用，先反後至於大順；故云：『偏其反而。』偏者，明唯其道偏與常反也。」

⑩何晏曰：「賦此詩，以言權道反而後至於大順也。思其人而不得見者，其室遠也；以言思權而不得見者，其道遠也。」又此下原有「子曰」二字，疑係上文「詩曰」二字缺壞而誤附於此。章首既有「子曰」，此不宜重複；茲依文義刪去。

⑪何晏曰：「夫思者，當思其反；反是不思，所以爲遠也。能思其反，何遠之有？言權可知，唯不知思耳。思

之有次序，斯可知矣。」按：爲政篇：「學而不思則罔。」孟子告子篇：「心之官則思，思，則得之；不思，則不得也。」是其義矣。

參考資料提示：

①爲政篇十五章，②穀梁傳隱公元年，③春秋桓公十一年，④孟子離婁上篇，⑤春秋繁露玉英篇，⑥又竹林篇，⑦韓詩外傳卷二，⑧淮南子汜論篇，⑨中論智行篇。

【六】子曰：「君子謀○道不謀食，耕○也，餒○在其中矣；學也，祿在其中矣。君子憂道不憂貧○。」（衛靈公篇）

【註釋】

○謀 皇侃曰：「謀，猶圖也。」

○耕 說文：「耕，犁也。古者井田，故從井。」

○餒 鄭玄曰：「餒，餓也。」

○鄭玄曰：「言人雖念耕而不學，故飢餓；學則得祿，雖不耕而不飢；勸人學也。」江熙曰：「遑遑求仁義，常患不能化民者，大人之意也；遑遑求財利，常恐匱乏者，小人之意也。慮匱乏，故勤耕；恐道闕，故勤學。耕者未必無餓，學亦未必得祿；祿在其中，恆有之勢，是未必君子。但存大遺細，故憂道不憂貧也。」

參考資料提示：

①潛夫論讀學篇，②又釋難篇，③國語晉語八。

【七】子曰：「士志○於道，而恥惡衣惡食者，未足與議○也○。」（里仁篇）

【註釋】

○志 說文：「志者，心之所之也。」

○議 說文：「議，語也。」廣雅釋詁：「言也。」

論道

③皇侃曰：「若欲志於道，而恥惡衣惡食者，此是無志之人；故不足與共謀議於道也。」李充曰：「夫貴形骸之內者，則忘其形骸之外矣。是以昔之有道者、有爲者，乃使家人忘其貧，王公忘其榮；而況於衣食乎？」

參考資料提示

①子罕篇二十七章，

②孟子告子上篇。

【八】子曰：「道不同①，不相爲②謀③。」（衛靈公篇）

【註釋】

①不同 朱熹曰：「不同，如善、惡，邪、正之類。」（里仁篇）

②爲 朱熹曰：「爲，去聲。」

③皇侃曰：「人爲之事，必須先謀。若道同者共謀，則精審不誤；若道不同，而與共謀，則方圓義鑿枘，事不成也。」

參考資料提示：

①史記伯夷傳，

②又老莊申韓傳，

③漢書楊惲傳。

【九】子曰：「參乎①！吾道②一以貫③之④。」曾子曰：「唯⑤。」子曰，門人⑥問曰：「何謂也？」曾子曰：「夫子之道：忠、恕⑦而已矣⑧。」

【註釋】

①參乎 按：參，人名。姓曾，名參；字子與。魯南武城人，孔子弟子。史記仲尼弟子列傳云：「少孔子四十歲。」朱熹曰：「參，所金反。『參乎』者，呼曾子之名而告之。」

②道 皇侃曰：「道者，孔子之道也。」

③貫 王弼曰：「貫，猶統也。」皇侃曰：「譬如以繩穿物，有貫統也。」朱熹曰：「貫，通也。」

④王弼曰：「夫事有歸，理有會；故得其歸，事雖殷大，可以一名舉；總其會，理雖博，可以至約窮也。譬猶



以君御民，執一統衆之道也。」

⑤唯 說文：「唯，諾也。」孔安國曰：「直曉不問，故答曰：『唯』也。」朱熹曰：「唯，上聲。應之速而無疑者也。」按：老子：「唯之與阿，」河上公注：「同爲應、對。」是「唯」爲應聲也。

⑥門人 皇侃曰：「門人，曾子弟子也。」

⑦忠恕 說文：「忠，敬也。」玉篇：「忠，直也。」說文：「恕，仁也。」說文長箋：「如心爲恕；會意。」皇侃曰：「忠，謂盡中心也；恕，謂付我以度人也。」朱熹曰：「盡己之謂忠；推己之謂恕。」

⑧而已矣 朱熹曰：「『而已矣』者，竭盡而無餘之辭也。」皇侃曰：「言孔子之道，更無他法；故忠、恕之心，以己測物，則萬物之理皆可窮驗也。」王弼曰：「忠者，情之盡也；恕者，反情以同物者也。未有反諸其身而不得物之情，未有能全其恕而不盡理之極也。能盡理極，則無物不統；極不可二，故謂之一也。推身統物，窮類適盡；一言可以終身行者，其唯恕也。」

參考資料提示：①衛靈公篇第三章、二十四章，②禮記中庸篇，③荀子法行篇，④韓詩外傳卷三。

【十】子曰：「賜也！女○以予爲多學而識○之者與○？」對曰：「然○！非與○？」曰：「非也！予一以貫之○。」（衛靈公篇）

### 【註釋】

○賜 按：孔子弟子，子貢名。

○女 朱熹曰：「女，音汝。」按：女、汝通。

○識 朱熹曰：「識，音志。」按：猶知也。述而篇：「多見而識之，知之次也。」

○與 朱熹曰：「與，平聲。」

### 論道

⑤然 孔安國曰：「然者，謂多學而識之也。」皇侃曰：「然，如此也。」

⑥非與 孔安國曰：「問今不然耶？」皇侃曰：「與，不定之辭也。」朱熹曰：「子貢方信而忽疑。」

⑦何晏曰：「善有元，事有會；天下殊塗而同歸，百慮而一致。知其元，則衆善舉矣；故不待多學，一以知之也。」

參考資料提示：①述而篇二十八章，②里仁篇十三章，③禮記中庸篇。

【一一】子貢問曰：「有一言①而可以終身②行③之者乎④？」子曰：「其「恕」⑤乎！己所不欲，勿施⑥於人⑦。」（衛靈公篇）

【註釋】

①一言 按：此以一字爲一言；即「恕」也。爲政篇：「詩三百，一言以蔽之；曰：『思無邪』。」此以三字爲一言也。又子路篇：「一言可以興邦有諸？」下文：「人之言曰：『爲君難，爲臣不易』。」此又以數字爲一言也。

②終身 按：猶一生也。

③行 皇侃曰：「奉行。」按：猶身體力行之行。

④皇侃曰：「問求善事，欲以終身奉行之也。」

⑤皇侃曰：「此是可終身行之一言也。『恕』，謂內付己心，外以處物；言人在世，當終身行於「恕」也。」

⑥施 增韻：「用也；加也。」

⑦何晏曰：「言己之所惡，勿加施於人。」皇侃曰：「此釋「恕」事也。夫事非己所欲者，不可施與人也。既己所不欲，亦必人所不欲也。」

參考資料提示：①春秋繁露俞序篇，

②顏淵篇第二章，

③禮記大學篇。

## 十 崇 德

按：爾雅釋詁：「崇，重也。」說文：「德」作「惠」，云：「外得於人，內得於己也。」韓非子解老篇：「德者，內也；得者，外也。」管子心術篇：「德者，得也。」蓋內得於心，則外乃有所得。所謂：「誠於中，形於外也。」引申而爲修己之德性。故廣韻云：「德，德行也。」集韻云：「德行之得也。」崇德，猶言貴德；因以題篇。

【一】子曰：「德○不孤○，必有鄰○。」（里仁篇）

【註釋】

○德 廣韻：「德行也。」

○朱熹曰：「德不孤立。」

○朱熹曰：「鄰，猶親也。」何晏曰：「方以類聚，同志相求，故必有鄰；是以不孤也。」皇侃曰：「言人有德者，此人非孤；然而必有善鄰里故也。」按：何、皇二說，正、反並通。

參考資料提示：

①大戴禮記曾子立事篇， ②荀子不苟篇， ③韓詩外傳卷一， ④鹽鐵論論諄篇。

【二】子曰：「驥○，不稱○其力，稱其德○也○。」（憲問篇）

【註釋】

○驥 朱熹曰：「驥，善馬之名。」按：莊子秋水篇釋文：「驥，千里馬也。」皇侃曰：「驥者，馬之上善也。」

○稱 按：言也，贊揚也。禮記表記篇：「君子稱之善則爵之。」江熙曰：「伯樂曰：『驥有力而不稱。』」  
 ○德 鄭玄曰：「德者，調良之德也。」按：太平御覽四百三引鄭玄注云：「驥，古之善馬。德者，謂有五御之威儀。」淮南子覽冥訓：「上車馭馬爲整齊而歛諧。」高誘注：「歛諧，馬容；體足調諧也。」

○尹 傳曰：「驥雖有力，其稱在德；人有才而無德，則亦奚足尚哉？」

參考資料提示：①憲問篇第五章，②荀子富國篇。

【三】子曰：「中○庸○之爲德也，其至○矣乎！民鮮○久矣。」（雍也篇）

【註釋】

○中 皇侃曰：「中，中和也。」朱熹曰：「中者，無過不及之名也。」程子曰：「不偏之謂中。」

○庸 何晏曰：「庸，常也。」朱熹曰：「庸，平常也。」程子曰：「不易之謂庸。」按：莊子齊物論篇：

「庸也者，用也；用也者，通也；通也者，得也。」

○至 朱熹曰：「至，極也。」

○鮮 朱熹曰：「鮮，上聲。」皇侃曰：「鮮，少也。」

○何晏曰：「中和可常行之德也。世亂，先王之道廢，民鮮能行此道久矣；非適今也。」皇侃曰：「其理甚至善，而民少有行此者已久，言可歎之深也。」按：是則孔子以「忠恕」爲「道」，「中庸」爲「德」。

參考資料提示：①禮記中庸篇，②荀子不苟篇，③易經文言。

【四】子曰：「君子懷○德，小人懷○土。」（里仁篇）

【註釋】

○孔安國曰：「懷，安也。」朱熹曰：「懷，思念也。」

○孔安國曰：「重遷也。」朱熹曰：「懷德，謂存其固有之善；懷土，謂溺其所處之安。」

參考資料提示：①憲問篇第二章，②禮記曲禮上篇，③說苑脩文篇，④淮南子脩務篇。

【五】子曰：「有德者，不必有言○；有言者，不必有德○。」（憲問篇）

【註釋】

○何晏曰：「德不可以備中，故必有言也。」李充曰：「德音高合，發爲明訓，聲滿天下，若出全者；有德之言也。」按：必有上脫一「不」字。里仁篇：「子曰：『君子欲訥於言，而敏於行。』」陽貨篇：「子欲

無言。」又曰：「天何言哉！四時行焉，百物生焉。天何言哉！」正謂：「有德者，不必有言。」恰與下文：「有言者，不必有德。」相對互明；茲以意增。

○李充曰：「甘辭利口，似是而非者，佞巧之言也；敷陳成敗，合連縱橫者，說客之言也；凌誇之談，多方論者，辯士之言也。」皇侃曰：「人必多言，故不必有德也。」

參考資料提示：①學而篇第三章，②陽貨篇十七章，③荀子非相篇。

【六】子曰：「已矣乎○！吾未見好○德如好色○者也○。」（衛靈公篇）

【註釋】

○已矣乎 皇侃本無「乎」字。疏云：「既先云『已矣』，明久已不見也。」

○好 朱熹曰：「好，去聲。」按：猶喜悅也。

○色 按：美色，女色也。孟子萬章篇：「好色，人之所欲。」禮記中庸篇：「如好好色。」孟子梁惠王篇：

「寡人有疾，寡人好色。」

四何晏曰：「疾時人薄於德而厚於色，故以發此言也。」按：此文並見於子罕篇，但無：「已矣乎」三字。皇侃曰：「疾時色興德廢，故起斯歎也。」

參考資料提示：

- ①子罕篇十八章，②禮記大學篇，③史記孔子世家，④後漢書宋弘傳。

【七】子曰：「由○！知德者鮮○矣○。」（衛靈公篇）

【註釋】

○由 皇侃曰：「由，子路也。」

○鮮 朱熹曰：「鮮，上聲。」按：禮記中庸篇：「民鮮能久矣。」鄭玄注：「鮮，罕也。」

○王肅曰：「君子固窮，而子路慍見；故謂之少於知德者也。」皇侃曰：「呼子路語之云：夫知德之人難得，故爲少也。」按：此言「知德」，疑指「中庸」之德言。雍也篇：「中庸之爲德也，其至矣乎！民鮮久矣。」義正同此，王說恐非。

參考資料提示：

- ①雍也篇二十九章，②子罕篇十八章，③禮記中庸篇。

【八】子曰：「鄉原○，德之賊○也○！」（陽貨篇）

【註釋】

○鄉原 皇侃曰：「鄉，鄉里也。原，原本也。」朱熹曰：「鄉者，鄙俗之意。「原」與「愿」同。荀子「原慝」，註讀作「愿」；是也。鄉愿，鄉人之愿者也。」

○賊 按：猶害也。

○周生烈曰：「所至之鄉，輒原其人情而爲己意以待之；是賊亂德者也。」一曰：「鄉，向也；古字同。謂人

不能剛毅，而見人輒原其趣向，容媚而合之；言此所以賊德也。」按：孟子盡心篇：「言不顧行，行不顧言。」又曰：「闢然媚於世也者，是鄉原也。」

參考資料提示：

①衛靈公篇二十七章，

②孟子盡心下篇。

【九】子曰：「道一聽而塗一說三，德之棄四也五。」（陽貨篇）

〔註釋〕

○道 皇侃曰：「道，道路也。」

○塗 皇侃曰：「塗，亦道路也。」

○馬融曰：「聞之於道路，則傳而說之也。」

○棄 說文：「棄，捐也。」

⑤江熙曰：「今之學者，不爲己者也。況乎道聽者哉？逐末愈甚，棄德彌深也。」按：荀子勸學篇：「小人之學也，入乎耳，出乎口；口耳之間則四寸耳，曷足以美七尺之軀哉？」

參考資料提示：

①荀子勸學篇，

②里仁篇二十四章。

【十】子曰：「巧一言亂德一，小不忍三則亂大謀四。」（衛靈公篇）

〔註釋〕

○巧 說文：「巧，技也。」廣韻：「僞也。」

○孔安國曰：「巧言利口，則亂德義。」皇侃曰：「辭達而已，不須巧辨；巧辨文多，更於德爲亂之也。」朱熹曰：「巧言，變亂是非；聽之使人喪其所守。」

○忍 說文：「忍，能也。」徐鍇曰：「能，音耐。」

④皇侃曰：「人須容忍，則大事乃成；若不能忍小，則大事之謀亂也。」朱熹曰：「小不忍，如婦人之仁，匹夫之勇，皆是。」

參考資料提示：

- ①中論嚴辨篇，②韓非子外儲說左上篇，③顏淵篇二十一章，④大戴禮記武王踐阼篇，⑤國語周語中，⑥左傳成公七年，⑦說苑建本篇，⑧逸周書命訓篇，⑨毛詩鄭風序，⑩新序雜事五篇。

【一一】子張問：「崇德、辨惑？」子曰：「主忠信，徙義③；崇德也④。愛之欲其生，惡之欲其死；既欲其生，又欲其死；是惑也⑤。」（顏淵篇）

【註釋】

①辨 包咸曰：「辨，別也。」

②皇侃曰：「問求崇重有德，辨別疑惑之法也。」

③徙義 包咸曰：「徙義，見義則徙意而從之。」朱熹曰：「主忠信，則本立；徙義，則日新。」

④皇侃曰：「言若能復以忠信為主，又若見義事則徙意從之；此二條是崇德之法也。」

⑤惡 朱熹曰：「惡，去聲。」

⑥包咸曰：「愛、惡當有常，一欲生之，一欲死之；是心惑也。」按：此下原有：「誠不以富亦祇以異」八字。鄭玄曰：「此詩小雅也。」程頤曰：「此錯簡，當在第十六篇：『齊景公有馬千駟』之上；因此下有『齊景公』字而誤也。」程說是也。此與上文意不相屬，因移他章。

參考資料提示：

- ①易益卦象傳，②述而篇第三章，③禮記檀弓下篇，④漢書王尊傳。

【一二】樊遲從遊於舞雩之下，曰：「敢問：崇德、脩慝③、辨惑？」子曰：「善哉問



④！先事後得⑤，非崇德與⑥？攻⑦其惡，無攻人之惡；非脩惡與⑧？一朝之忿⑨，忘其身以及其親；非惑與⑩？」（顏淵篇）

【註釋】

① 雩 爾雅釋訓：「舞號，雩也。」郭璞注：「雩之祭，舞者吁嗟以求雨也。」禮記月令篇：「仲夏大雩。」玉篇：「雩，請雨祭也。」按：雩，乃古禱之祭名。荀子天論篇：「雩而雨，猶不雩而雨也。」

② 包咸曰：「舞雩之處有壇墠樹木，故其下可游也。」皇侃曰：「孔子往游其壇樹之下，而弟子樊遲從之。」

③ 脩惡 孔安國曰：「脩，治也。惡，惡也。治惡爲善也。」

④ 皇侃曰：「先美其問之善也。」

⑤ 孔安國曰：「先勞於事，然後得報也。」皇侃曰：「先事，謂先爲勤勞之事；後得，謂後得祿位。」

⑥ 與 朱熹曰：「與，平聲。」按下同。范寧曰：「物莫不避勞而處逸，今以勞事爲先，得事爲後；所以崇德也。」

⑦ 攻 皇侃曰：「攻，治也。」按：此「攻」字當如先進篇：「小子鳴鼓而攻之」之「攻」。說文：「攻，擊也。」鄭玄曰：「聲其罪以責也。」又趙岐註孟子離婁篇下云：「以聲伐其罪責讓之，」故下文「無攻人之惡」，即是爲政篇：「攻乎異端斯害也已」之意。蓋攻訐他人，必然招怨；則不足以言「脩惡」矣。

⑧ 皇侃曰：「言人但自治己身之惡，改之爲善，而不須知他人惡事；若能如此，豈非脩惡與？」

⑨ 忿 說文：「忿，悁也。」玉篇：「恨也；怒也。」

⑩ 皇侃曰：「君子有九思，忿則思難。故若人觸威者，則思後有患難，不敢遂肆我忿，以傷害於彼也。若遂肆忿，忘於我身；又災禍及己親，此則已爲惑。故宜明辨，知而不爲也。」

參考資料提示：① 雍也篇二十二章，② 大戴禮記曾子立事篇，③ 春秋繁露仁義法篇，④ 說苑政理篇，

⑤又說叢篇，⑥季氏篇第十章。

【一三】或曰：「以德①報怨②，何如③？」子曰：「何以報德④？以直報怨，以德報德⑤。」

（憲問篇）

「註釋」

①德 何晏曰：「德，恩惠之德也。」

②怨 說文：「怨，恚也。」廣韻：「恨也。」增韻：「仇也；讎也。」

③朱熹曰：「或人所稱，今見老子書。」按：老子六十三章作：「報怨以德。」

④皇侃曰：「或人問孔子，曰：『彼與此有怨，而此人欲行德以報彼怨；其事理何如也？』」

⑤皇侃曰：「孔子不許也。言彼有怨，而以德報彼；設彼有德於此，則又何以報之也？」

⑥皇侃曰：「我宜用直道報之。若與我有德者，我以備德報之也。所以不以德報怨者，若行怨而德報者，則天下皆行怨以要德報之；如此者，是取怨之道也。」

參考資料提示：

①老子七十九章，②禮記表記篇，③公冶長篇二十五章，④禮記曲禮上篇，⑤又檀

弓上篇，⑥又表記篇，⑦呂氏春秋察微篇，⑧淮南子道應篇，⑨又齊俗篇，⑩說

苑政理篇。

## 十一 安 仁

按：說文：「安，靜也。」玉篇：「定也。」孟子盡心篇：「仁者，愛人。」又：「仁者，無不愛也。」墨子經上篇：「仁，體愛也。」如：父子之愛，夫婦之愛，兄弟之愛；而仁則兼而備之矣。故國語周語云：「博愛於人爲仁。」說苑修文篇：「積愛爲仁，」韓愈曰：「博愛之謂仁。」並是也。又：禮記大學篇：「知止而後有定。」又：「爲人君止於仁。」則安，猶居也。孟子云：「居仁由義。」「安仁」猶「居仁」也。因以題篇。

【一】顏淵問：「仁？」子曰：「克己復禮，爲仁。」一日克己復禮，天下歸仁焉。爲仁由己，而由人乎哉？顏淵曰：「請問其目？」子曰：「非禮勿視，非禮勿聽，非禮勿言，非禮勿動。」顏淵曰：「回雖不敏，請事斯語矣！」（顏淵篇）

### 【註釋】

○克 皇侃曰：「克，猶約也。」范寧云：「克，責也。」朱熹曰：「克，勝也。」法言問神篇：「勝己之私謂之克。」按：克，同剋；通克。

○己 朱熹曰：「己，謂身之私欲也。」馬融曰：「克己，約身也。」

○復 孔安國曰：「復，反也。」

④孔安國曰：「身能反禮，則爲仁矣。」皇侃曰：「言若能自約儉己身，返反於禮中，則爲仁也。」范寧曰：「復禮，謂責克己失禮也。非仁者則不能責己復禮；故能自責己復禮則爲仁矣。」按：范說畧異。

⑤歸 朱熹曰：「歸，與也。」按：歸，猶附也。孟子梁惠王篇：「民歸之，如水之就下。」老子二十二章：「誠全而歸之。」

⑥馬融曰：「一日猶見歸，況終身乎？」皇侃曰：「言人君若能一日克己復禮，則天下之民咸歸於仁君也。」

⑦孔安國曰：「行善在己，不在人者也。」范寧曰：「言爲仁在我，豈俟彼爲仁耶？」

⑧包咸曰：「知其必有條目，故請問之也。」

⑨鄭玄曰：「此四者，尅己復禮之目也。」皇侃曰：「既每用禮，所以是復禮也。」

⑩敏 皇侃曰：「敏，達也。」

⑪事 皇侃曰：「事，猶用也。」朱熹曰：「事，如事事之事。」按：猶服膺也。

⑫王肅曰：「敬事此語，必行之。」

參考資料提示：①左傳昭公十二年，②後漢書梁節王暢傳，③述而篇三十章，④禮記中庸篇，⑤

又樂記篇，⑥國語周語下，⑦春秋繁露天道施篇，⑧荀子勸學篇，⑨韓詩外傳卷

十。

【二】仲弓問：「仁？」子曰：「出門如見大賓①，使民如承②大祭③；己所不欲，勿施於人④；在邦⑤無怨，在家⑥無怨⑦。」仲弓曰：「雍雖不敏，請事斯語矣！」（顏淵篇）

【註釋】

①仲弓 孔子弟子。姓冉，名雍；字仲弓。魯人，伯牛之宗族；少孔子二十九歲。

②大賓 范寧曰：「大賓，君臣嘉會也。」

③承 說文：「承，奉也；受也。」

④大祭 范寧曰：「大祭，國祭也。」皇侃曰：「大祭，祭郊廟也。」孔安國曰：「爲仁之道，莫尚乎敬也。」

范寧曰：「仁者舉動使民，事如此也。」傳：曰季言：「出門如賓，承事如祭；仁之則也。」皇侃曰：「言若行出門，恆起恭敬，如見大賓；見大賓，必起敬也。又若使民力役，亦恆用心敬之；如承事大祭。」

⑤皇侃曰：「恕已及物，則爲仁也。先二事明敬，後一事明恕；恕、敬二事乃爲仁也。」

⑥在邦 包咸曰：「在邦，爲諸侯也。」

⑦在家 包咸曰：「在家，爲卿大夫也。」

⑧皇侃曰：「三事並足，故爲民人所懷；無復相怨者也。」

參考資料提示：①左傳僖公三十三年，②衛靈公篇二十四章，③禮記中庸篇，④公冶長篇十二章，

⑤禮記大學篇，⑥又祭統篇，⑦孟子離婁上篇，⑧韓詩外傳卷三。

【三】樊遲問：「仁？」子曰：「愛人。」問：「知？」子曰：「知人。」樊遲未達

④。子曰：「舉直錯⑤諸枉⑥，能使枉者直⑦。」樊遲退，見子夏；曰：「嚮⑧也，吾見於夫子而

問：「知⑨？」子曰：「舉直錯諸枉，能使枉者直；」何謂也？」子夏曰：「富⑩哉！言乎⑪。舜

有天下，選於衆，舉皋陶⑫；不仁者遠⑬矣。湯有天下，選於衆，舉伊尹；不仁者遠矣⑭。」（顏

淵篇）

【註釋】

安 仁

①愛人 皇侃曰：「仁以惻隱濟衆，故曰：愛人也。」

②知 皇侃本作「智」。朱熹曰：「知，去聲。」

③知人 皇侃曰：「能知人者則爲智也。」

④達 皇侃曰：「達，猶曉也。己曉愛人之言，而未曉知人之旨也。」

⑤錯 皇侃曰：「錯，廢也。」

⑥枉 皇侃曰：「枉，邪也。」

⑦包咸曰：「舉正直之人用之，廢置邪枉之人；則皆化爲直也。」

⑧嚮 朱熹本作鄉。並註：「鄉，去聲。」按：曩時也。

⑨知 皇侃本作「智」。按：讀去聲。

⑩富 孔安國曰：「富，盛也。」

⑪皇侃曰：「子夏得問而曉孔子語，故先美之也；云孔子之言甚盛。」朱熹曰：「歎其所包者廣。」

⑫陶 朱熹曰：「陶，音遙。」

⑬遠 蔡謨曰：「遠，去也。」

⑭孔安國曰：「言舜、湯有天下，選擇於衆，舉皋陶、伊尹；則不仁者遠矣，仁者至矣。」

參考資料提示：

- ①大戴禮記王言篇， ②荀子子道篇， ③又儒效篇， ④淮南子泰族篇， ⑤春秋繁露仁義法篇， ⑥左傳宣公十六年。

【四】樊遲問：「仁？」子曰：「居處恭，執事敬，與人忠；雖之夷狄，不可棄也。」

⑤。「（子路篇）」

【註釋】

○皇侃曰：「居，謂常居；恆以恭遜爲用也。燕居溫溫，是也。」

○皇侃曰：「謂行禮執事時，禮主於敬也。」

○皇侃曰：「謂交接朋友時，宜盡忠；不相欺。」

○四之 說文：「之，出也。」按：猶往也。孟子告子篇：「先生將何之？」

○五包咸曰：「雖之夷、狄無禮義之處，猶不可棄去而不行也。」江熙曰：「恭、敬、忠，君子任性而行己；所以爲仁也。本不爲外物，故以夷、狄不可棄而不行也。」

參考資料提示：①衛靈公篇第六章，②八佾篇第五章。

【五】樊遲問：「仁？」子曰：「仁者，先難而後獲；可謂仁矣。」（雍也篇）

【註釋】

○「樊遲」二字原闕。因此上原有：「問知子曰務民之義敬鬼神而遠之可謂知矣」十九字移入「禮樂篇」，此文亦係樊遲之問，因補此二字；以明發問之人也。

○獲 皇侃曰：「獲，得也。」

○孔安國曰：「先勞苦乃後得功，此所以爲仁也。」范寧曰：「艱難之事，則爲物先；獲功之事，而處物後；則爲仁矣。」按：此即「先事後得」之義也。

參考資料提示：①顏淵篇二十一章，②晏子春秋問下篇。

【六】子張問「仁」於孔子？孔子曰：「能行五者於天下，爲仁矣。」曰：「請問之？」曰：「恭、寬、信、敏、惠：恭，則不侮；寬，則得衆；信，則人任焉；敏，則有功；

惠，則足以使人<sup>⑨</sup>。」（陽貨篇）

【註釋】

①皇侃曰：「言若能行五事於天下，則可謂之爲仁人也。」

②曰「曰」字原闕。按：此下乃子張再問之語，當有「曰」字；茲依例補之。

③皇侃曰：「子張不曉五者之事，故反請問其目也。」

④孔安國曰：「不見侮慢也。」江熙曰：「自敬者，人亦敬己也。」皇侃曰：「言人君行己能恭，則人以敬

己；不敢見輕侮也。」

⑤皇侃曰：「人君所行寬弘，則衆附歸之；故得衆也。」

⑥任朱熹曰：「任，倚仗也。」

⑦皇侃曰：「人君立言必信，則爲人物所委任也。」

⑧孔安國曰：「應事疾，則多成功也。」皇侃曰：「人君行事不懈而能進疾，則事以成而多功也。」

⑨江熙曰：「有恩惠則民忘勞也。」皇侃曰：「人君有恩惠加民，民則以不憚勞役也。」

參考資料提示：

①孟子離婁上篇，

②呂氏春秋愛士篇，

③說苑尊賢篇，

④後漢書王昌劉永等傳論，

⑤韓非子說林下篇，

⑥書皋陶謨篇，

⑦尹文子大道篇，

⑧左傳宣公二年。

【七】司馬牛問：「仁？」子曰：「仁者，其言也訥。」曰：「其言也訥，斯可謂之仁已矣乎？」子曰：「爲<sup>①</sup>之難，言之得無訥乎<sup>②</sup>？」（顏淵篇）

【註釋】

①司馬牛孔安國曰：「牛，宋人。弟子司馬犁也。」皇侃曰：「司馬牛，是桓魋弟也。」按：史記孔子世



家：「司馬耕，字子牛；宋人。」不作「子犁」。又：顏淵篇：「司馬牛憂曰：『人皆有兄弟，我獨亡。』」則不得謂爲「桓魋弟」矣。子犁恐另有其人。

① 詗 孔安國曰：「詗，難也。」朱熹曰：「詗，音及；忍也。」皇侃曰：「古者言之不出，恐行之不逮；故仁者必不易出言。」王弼曰：「情發於言，志淺則言疏，思深則言詗也。」按：此另一解。

② 爲 皇侃曰：「爲，猶行也。」

③ 孔安國曰：「行仁難，言仁亦不得不難矣。」皇侃曰：「凡行事不易，則言語豈得妄出而不難乎？」

參考資料提示：①史記仲尼弟子傳，②里仁篇二十二章，③憲問篇二十七章，④禮記中庸篇。

【八】子貢曰：「如有博①施②於民，而能濟衆；何如？可謂仁乎？」③子曰：「何事於仁？必也聖乎④！堯、舜其猶病⑤諸⑥。夫⑦仁者：己欲立，而立人；己欲達，而達人⑧。能近取譬⑨，可謂仁之方⑩也已⑪。」（雍也篇）

### 【註釋】

① 博 朱熹曰：「博，廣也。」

② 施 朱熹曰：「施，去聲。」

③ 皇侃曰：「可得爲仁人否乎？」

④ 乎 朱熹曰：「乎者，疑而未定之辭。」皇侃曰：「何事是仁乎？乃是聖人之行也。」

⑤ 病 皇侃曰：「病，猶患也。」朱熹曰：「病，心有所不足也。」

⑥ 孔安國曰：「若能廣施恩惠，濟民於患難；堯、舜至聖，猶病其難也。」

⑦ 夫 朱熹曰：「夫，音扶。」

安 仁

⑧皇侃曰：「言己若自立、自達，則必先立、達他人；則是有仁之者也。」

⑨譬 朱熹曰：「譬，喻也。」

⑩方 孔安國曰：「方，道也。」朱熹曰：「方，術也。」

⑪孔安國曰：「但能近取譬於己，皆恕；己所不欲而勿施人也。」皇侃曰：「能近取譬諸身，遠取諸物；己所不欲，勿施於人；能如此者，可謂爲仁之方也。」

參考資料提示：①述而篇三十四章，②禮記中庸篇，③孟子萬章上篇，④新語術事篇。

【九】子貢問：「爲仁○？」子曰：「工○欲善其事，必先利其器○。居是○邦也，事其大夫之賢者，友其士之仁者○。」（衛靈公篇）子貢曰：「詩○云：『如切如磋，如琢如磨○。』其斯之謂與○？」子曰：「賜也，始可與言詩已矣○；告諸○往而知來者○。」（學而篇）

【註釋】

○爲仁 皇侃曰：「問爲仁之法也。」

○工 皇侃曰：「工，巧師也。」

○器 皇侃曰：「器，斧斤之屬也。言巧師雖藝若輪般，而作器不利，則巧事不成；如欲其所作事善，必先磨利其器也。」孔安國曰：「言工以利器爲用。」

○是 皇侃曰：「是，猶此也。」

○孔安國曰：「人以賢友爲助也。」皇侃曰：「言人雖有賢才美質，而居住此國，若不事賢，不友於仁，則其行不成；如工器之不利也。必欲行成，當事此國大夫之賢者；又友此國士之仁者也。大夫貴，故云事；士賤，故云友也。大夫言賢，士云仁；互言之也。」朱熹曰：「賢，以事言；仁，以德言。夫子嘗謂：『子貢

悅不若己者。」故以是告之，欲其有所嚴憚切磋；以成其德也。」

⑤詩 朱熹曰：「詩，衛風，淇澳之篇。」

⑥皇侃曰：「引詩以證之也。」爾雅云：「治骨曰切，治象曰磋，治玉曰琢，治石曰磨。」言骨、象、玉、石四物，須切磋乃得成器。」朱熹曰：「言治骨角者，既切之而復磋之；治玉石者，既琢之而復磨之；治之已精，而益求其精也。」

⑦與 朱熹曰：「與，平聲。」皇侃曰：「其此之謂不乎？以諮孔子也。」

⑧孔安國曰：「子貢知引詩以成孔子義，善取類；故然之。」皇侃曰：「子貢既知引詩結成孔子之義，故孔子美之。云：『始可與言詩也。』言始可者，明知之始於此也。」按：公治長篇；「子貢曰：『賜也，聞一而知二。』」

⑨諸 孔安國曰：「諸，之也。」

⑩朱熹曰：「往者，其所已言者；來者，其所未言也。」按：此段原係「學而篇」文，原接「未若貧而樂，富而好禮者也」句下。切磋琢磨，與富貴樂禮何涉？而舊注自孔安國以下，鄭玄、孫綽、江熙、皇侃乃至朱熹俱無異見；真可謂膠柱鼓瑟矣。詩淇澳篇：「有匪君子，如切如磋，如琢如磨。」鄭玄注：「匪，文章貌。治骨曰切，象曰磋，玉曰琢，石曰磨；道其學而成也。聽其規諫以自修，如玉石之見琢磨。」此正與事賢、交友相應。蓋取善輔仁，皆資朋友；故上云：「事其大夫之賢者，友其士之仁者。」故禮記大學篇云：「如切如磋者，道學也；如琢如磨者，自修也。」荀子大略篇：「詩曰：『如切如磋，如琢如磨』；謂學問也。」且上文云：「工欲善其事，必先利其器。」尤與切、磋、琢、磨相對應也。疑係此處脫簡；因移接於此。

參考資料提示：

①大戴禮記曾子制言下篇，

②荀子哀公篇，

③說苑政理篇，

④華陽國志言李固，

⑥爾雅釋器，⑦禮記大學篇，⑧荀子大略篇，⑨公治長篇第九章。

【十】子曰：「君子①篤②於親，則民興③於仁④；故舊⑤不遺⑥，則民不偷。」（泰伯篇）

【註釋】

○子曰「子曰」二字原闕。上原有：「子曰恭而無禮則勞慎而無禮則蕙勇而無禮則亂直而無禮則絞」二十六字，因與此文不相應，已移「禮樂篇」；此章亦係孔子之言，因補此二字，以明發言主體。

○君子 皇侃曰：「君子，人君也。」朱熹曰：「君子，謂在上之人也。」

○篤 皇侃曰：「篤，厚也。」

○興 包咸曰：「興，起也。」

○皇侃曰：「人君若自於親屬篤厚，則民下化之；皆競興起仁恩也。」孝悌也者，其爲仁之本與」也。」

○故舊 皇侃曰：「故舊，謂朋友也。」

○包咸曰：「不遺忘故舊，行之美者也。」按：微子篇：「故舊無大故，則不棄也。」

○偷 皇侃曰：「偷，薄也。人君富貴而不遺忘昔舊朋友，則下民效之；不爲薄行也。」

參考資料提示：①學而篇第九章，②毛詩小雅序，③微子篇第十章，④荀子宥坐篇。

【十一】宰我問曰：「仁者，雖告之曰：『井有人①焉，』其從②之也③？」子曰：「何爲其然也④！君子可逝⑤也，不可陷⑥也⑦；可欺⑧也，不可罔⑨也⑩。」（雍也篇）

【註釋】

○人「人」原作「仁」。朱熹引劉聘君曰：「『有仁』之『仁』，當作『人』。」劉說是也，如謂「仁人」則救之，豈對「常人」而可坐視不救乎？因據改。按：「仁」、「人」通用，不改亦通。

①從 朱熹曰：「從，謂隨之於井而救之也。」

②孔安國曰：「宰我以爲：仁者，必濟人於患難；故問：「有仁人墮井，將自投下從而出之否乎？」欲極觀仁人憂樂之所至也。」

③李充曰：「言何至如此。」皇侃曰：「孔子距之，故云：「何爲其然也」。」

④逝 包咸曰：「逝，往也。」朱熹曰：「逝，謂使之往救。」

⑤陷 皇侃曰：「陷，沒也。」朱熹曰：「陷，謂陷之於井。」

⑥包咸曰：「言君子可使往視之耳，不肯自投救之也。」皇侃曰：「言仁者雖復救濟，若審有人墮井，當爲方計出之；豈容自投從之？」

⑦欺 皇侃曰：「欺者，謂遙相語也。」朱熹曰：「欺，謂誑之以理之所有。」

⑧罔 皇侃曰：「罔者，謂面相誣也。」朱熹曰：「罔，謂昧之以理之所無。」按：猶俗所謂：「當面扯謊，」是也。

⑨馬融曰：「可欺者，可使往也；不可罔者，不可得誣罔令自投下也。」朱熹曰：「蓋身在井上，乃可以救井中之人；若從之於井，則不復能救之矣。此理甚明，人所易曉。仁者雖切於救人，而不私其身；然不應如此之愚也。」

參考資料提示：①孟子萬章上篇，②後漢書安帝紀。

【十二】孟武伯問：「子路仁乎？」子曰：「不知也。」又問。子曰：「由也，千乘之國，可使治其賦也；不知其仁也。」曰：「求也何如？」子曰：「求也，千室之邑，百乘之家，可使爲之宰也；不知其仁也。」曰：「赤也何如？」子曰：「赤也，束帶立於朝

，可使與賓客<sup>⑤</sup>言也<sup>⑥</sup>；不知其仁也。」（公冶長篇）

【註釋】

①孔安國曰：「仁道至大，不可全名也。」范寧曰：「仁道弘遠，仲由未能有之；又不欲指言無仁，非獎誘之教；故託云「不知也」。」

②范寧曰：「武伯意有未慍，或以仲尼有隱；故再問也。」

③乘 朱熹曰：「乘，去聲。」按：古以四馬共駕一車，因謂四匹爲乘。

④賦 孔安國曰：「賦，兵賦也。」朱熹曰：「古者以田賦出兵，故謂爲賦。春秋傳所謂：「番索敵賦，」是也。」

⑤皇侃曰：「言子路才勇，可使治大國之兵賦；仕爲諸侯之臣也。」

⑥曰「曰」字原闕。此下乃孟武伯復問之語，當有「曰」字，茲依例補之。

⑦皇侃曰：「孟武伯又問孔子弟子冉求，其有仁不在乎？」

⑧宰 孔安國曰：「宰，家臣。」

⑨孔安國曰：「千室之邑，卿大夫之邑也，卿大夫稱家；諸侯千乘，卿大夫故曰百乘也。」皇侃曰：「百乘之家，三公采地也。言求才堪爲千室百乘之邑宰也。」

⑩曰「曰」字原闕。按：此下係孟武伯再問之語，當有「曰」字；茲依例補之。

⑪皇侃曰：「武伯又問弟子公西華有仁在乎？」

⑫束帶，范寧曰：「束帶，整朝服也。」

⑬賓客 范寧曰：「賓客，鄰國諸侯來相聘享也。」

③馬融曰：「赤，弟子公西華也。有容儀，可使爲行人也。」皇侃曰：「可使對賓客言語也。」

考參資料提示：①先進篇二十六章，②雍也篇第八章、二十三章。

【十三】子曰：「里①仁爲美②，擇不處③仁；焉④得知⑤？」（里仁篇）

【註釋】

①里 鄭玄曰：「里者，民之所居也。」皇侃曰：「里者，鄰里也。」按：五家爲鄰，五鄰爲里。

②鄭玄曰：「居於仁者之里，是爲善也。」

③處 朱熹曰：「處，上聲。」

④焉 朱熹曰：「焉，於虔反。」按：猶安也。

⑤知 皇侃本作「智」。朱熹曰：「知，去聲。」鄭玄曰：「求善居而不處仁者之里，不得爲有智也。」沈驥士曰：「言所居之里尙以仁地爲美，况擇身所處而不處仁道，安得智乎？」

參考資料提示：①孟子公孫丑上篇，②荀子大略篇，③又勸學篇，④列女傳母儀篇。

【十四】子曰：「知①者，樂②水③；仁④者，樂⑤山⑥。知者，動⑦；仁者，靜⑧。知者，樂⑨；仁者，壽⑩。」（雍也篇）

【註釋】

①知 皇侃本作「智」。按：下並同，疏云：「智者，識用之義也。」朱熹曰：「知，去聲。」

②樂 朱熹曰：「樂，五教反。喜好也。」皇侃曰：「樂者，貪樂之稱也。」

③水 皇侃曰：「水者，流動不息之物也。」朱熹曰：「知者達於事理，而周流無滯，有似於水；故樂水。」

④仁 皇侃曰：「仁者，惻隱之義。」

⑤樂 朱熹曰：「樂，五教反。」

⑥山 皇侃曰：「山者，不動之物也。」朱熹曰：「仁者安於義理，而厚重不遷，有似於山；故樂山。」

⑦包咸曰：「自進，故動也。」

⑧靜 孔安國曰：「無欲，故靜也。」

⑨樂 皇侃曰：「樂，懽也。」鄭玄曰：「智者自役，得其志；故樂之也。」

⑩包咸曰：「性靜，故壽考也。」

參考資料提示：①韓詩外傳卷三，②尚書大傳，③春秋繁露循天之道篇，④申鑒俗嫌篇，⑤中論天

壽篇。

【十五】子曰：「知①者不惑②，仁者不憂③，勇者不懼④。」（子罕篇）

〔註釋〕

①知 皇侃本作「智」。按：讀去聲。

②包咸曰：「不惑亂也。」孫綽曰：「智能辨物，故不惑也。」

③孔安國曰：「不憂患也。」孫綽曰：「安於仁，不改其樂；故無憂也。」皇侃曰：「憂，患也。內省不疚，

故無憂患。」

④繆協曰：「見義而為不畏強禦，故不懼也。」

參考資料提示：①漢書傳不疑傳，②後漢書神異傳，③孟子公孫丑上篇，④憲問篇二十八章，⑤申

鑒雜言下篇。

【十六】子曰：「仁者，必有勇①；勇者，不必有仁②。」（憲問篇）



【註釋】

○「子曰」二字原闕。按：此上原有：「子曰有德者必有言有言者不必有德」十五字，已移入「崇德篇」。此下亦孔子之言，故補「子曰」二字；以明發言主體。

○皇侃曰：「殺身成仁，故必有勇也。」殷仲堪曰：「誠愛無私，仁之理也。見危授命，若身手之相救焉；存道忘生，斯爲仁矣。」

○皇侃曰：「暴虎馮河，不必有仁也。」李充曰：「陸行而不避虎兕，獵夫之勇也；水行不避蛟龍者，漁父之勇也；鋒刃交於前，視死若生者，烈士之勇也。知窮之有命，知通之有時；臨大難而不懼者，仁者之勇也。」參考資料提示：①老子六十七章，②荀子性惡篇，③又榮辱篇，④淮南子說林篇，⑤新序義勇篇。

【十七】子曰：「君子而不仁者，有矣夫！○！未有小人而仁者也○！」（憲問篇）

【註釋】

①夫 朱熹曰：「夫，音扶。」孔安國曰：「雖曰君子，猶未能備也。」袁宏曰：「此君子無定名也。利仁，慕爲仁者不能盡體仁；時有不仁一迹也。」皇侃曰：「此謂賢人已下不仁之君子也。未能圓足，時有不仁。如管氏有三歸，官事不攝；後則一匡天下，九合諸侯；是長也。」

②袁宏曰：「小人性不及仁道，故不能及仁事者也。」皇侃曰：「小人併爲惡事，未能有行民善達於仁道。」王弼曰：「假君子以甚小人之辭，君子無不仁也。」

參考資料提示：①子路篇二十三章，②衛靈公篇二十一章。

【十八】子曰：「不仁者，不可以久處約○；不可以長處樂○。仁者，安仁○；知○者，利仁○。」（里仁篇）

⑤。」「（里仁篇）

【註釋】

①約 皇侃曰：「約，猶貧困也。夫君子處貧愈久，德行無變。若不仁之人，久居約則必斯濫爲盜。」孔安國曰：「久困則爲非也。」

②樂 皇侃曰：「樂，富貴也。君子富貴愈久，愈好禮不倦；若不仁之人，久處富貴，必爲驕溢也。」孔安國曰：「必驕佚也。」朱熹曰：「樂，音洛。」

③包咸曰：「唯性仁者，自然體之；故安仁也。」

④知 「知」原作「智」。朱熹本作「知」，云：「知，去聲。」王肅曰：「知仁爲美，故利而行之也。」按：依王注是原文亦當作「知」；因據改。

參考資料提示：①衛靈公篇第二章，②禮記坊記篇，③又表記篇，④又中庸篇，⑤孟子梁惠王上

篇，⑥荀子不苟篇，⑦史記滑稽傳集解引，⑧大戴禮記曾子立事篇。

【十九】子曰：「知①及之②，仁不能守之③；雖得之，必失之④。知及之，仁能守之；不

莊以蒞⑤之，則民不敬⑥。知及之，仁能守之，莊以蒞之；動之以禮⑦，未善也⑧。」（衛靈

公篇）

【註釋】

①知 皇侃本作「智」。朱熹曰：「知，去聲。」按：下二「知」字並同。

②皇侃曰：「謂人有智識，得及官位者。」

③皇侃曰：「雖謀智能及，不及能用仁守官位。」

④包咸曰：「智能及治其官，而仁不能守；雖得之，必失之也。」皇侃曰：「祿位雖由智而得爲之，無仁以持

守之；必失祿位也。」

⑤蒞 朱熹集註本作「涖」。皇侃曰：「蒞，臨也。」按：蒞、蒞古通用。下同。

⑥包咸曰：「不嚴以臨之，則民不敬從其上也。」

⑦王肅曰：「動必以禮，然後善也。」皇侃曰：「未盡善也。」李充曰：「夫智及以得，其失也蕩；仁守以靜，其失也寬；莊蒞以威，其失也猛；故必須禮，然後和之。以禮制智，則精而不蕩；以禮輔仁，則溫而不寬；以禮御莊，則威而不猛；故安上治民，莫善於禮也。」顏特進曰：「智以通其變，仁以安其性，莊以安其慢，禮以安其情；化民之善，必備此四者也。」按：所謂：「克己復禮爲仁」也。

參考資料提示：①後漢書劉梁傳，②又班固傳論，③爲政篇二十章，④左傳襄公三十一年，⑤荀子王

霸篇。

【二十】子曰：「苟①志②於仁矣，無惡③也④。」（里仁篇）「君子去仁，惡乎⑤成名⑥？君子無終食⑦之間⑧違仁⑨；造次⑩必於是，顛沛⑪必於是⑫。」（里仁篇）

### 【註釋】

①孔安國曰：「苟，誠也。」

②志 朱熹曰：「志者，心之所之也。」

③惡 朱熹曰：「惡，如字。」

④孔安國曰：「言誠能志於仁者，則其餘無惡也。」朱熹曰：「其誠心存於仁，則必無爲惡之事矣。」

⑤惡乎 皇侃曰：「惡乎，猶於何也。」朱熹曰：「惡，平聲。」

⑥孔安國曰：「惡乎成名者，不得成名爲君子也。」朱熹曰：「言君子所以爲君子，以其仁也。」

安 仁

⑦終食 皇侃曰：「食閒也。」朱熹曰：「終食者，一飯之頃。」

⑧間 皇侃本作「閒」。按：閒、間通用字。

⑨皇侃曰：「仁既不可去，故雖復飲食之閒，亦必心無違離於仁也。」

⑩造次 馬融曰：「造次，急遽也。」朱熹曰：「造次，急遽苟且之時。」

⑪顛沛 馬融曰：「顛沛，僵仆也。」朱熹曰：「顛沛，傾覆流離之際。」

⑫馬融曰：「雖急遽、僵仆，不違於仁也。」皇侃曰：「言雖復身有急遽之時，亦必心存於仁也；雖身致僵仆，亦必心不違仁也。」按：此章在「君子去仁」上原有：「子曰富與貴是人之所欲也不以道得之不處也貧與賤是人之所惡也不以其道得之不去也」三十七字，與上章及下文之義俱不相屬。疑因上文有「不去也」三字，校者不察，以下文有「去仁」二字，誤而連接之也。此節言：「造次必於是，顛沛必於是。」正明：「志於仁」之義；因移「處世篇」內，獨自成章。

參考資料提示：①春秋繁露玉英篇，②荀子大畧篇，③後漢書郭泰傳，④春秋僖公二十二年，⑤又僖公三十三年穀梁傳。

【二十一】子曰：「唯○仁者，能好○人；能惡○人。」（里仁篇）

【註釋】

○唯 朱熹本作「惟」。曰：「惟之爲言獨也。」按：唯、惟通用字。

○好 朱熹曰：「好，去聲。」

○惡 朱熹曰：「惡，去聲。」

④孔安國曰：「唯仁者，能審人之好、惡也。」繆播曰：「仁者，人之極也，能審好、惡之表也；故可以定

好、惡。若未免好、惡之境，何足以明物哉？」

參考資料提示：

①禮記大學篇，②後漢書孝明八王傳注引東觀漢記，

③禮記緇衣篇，

④衛靈公篇二十

八章，⑤子路篇二十四章。

【二十二】子曰：「我未見好○仁者，惡○不仁者○；好仁者，無以尚○之○；惡不仁者，其爲仁矣○，不使不仁者加乎其身○。有能一日用其力於仁○矣乎？我未見力不足者也○；蓋○有之○乎，我未之見也○。」（里仁篇）

〔註釋〕

○好 朱熹曰：「好，去聲。」

○惡 朱熹曰：「惡，去聲。」

○范寧曰：「世衰道喪，人無廉恥；見仁者既不好之，見不仁者亦不惡之；好仁、惡不仁，我未觀其人也。」  
皇侃曰：「言我未見有一人見他人行仁而好之者也；我亦不見一人雖不能自行仁者，若見他人不仁而已憎惡之者。」

○尚 皇侃曰：「尚，猶加勝也。」

○孔安國曰：「難復加也。」李充曰：「所好唯仁，無物以尚之也。」朱熹曰：「天下之物，無以加之。」

○皇侃曰：「若知惡憎於不仁者，其人即是仁。」

○孔安國曰：「言惡不仁者，能使不仁者不加非義於己；不如好仁者，無以尚之爲優也。」李充曰：「不仁，仁之賊也。奚不惡不仁哉？惡其害仁也。是以爲惜仁人之篤者，不使不仁人加乎仁者之身；然後仁道無適而不申，不仁者無往而不屈也。」

⑧按：「仁」字下皇侃本有「者」字。

⑨孔安國曰：「言人無能一日用其力脩仁者耳，我未見欲爲仁者而力不足者也。」皇侃曰：「歎世無有一日能行仁者也。言人何意不行仁乎？若有一日行仁而力不足者，我未見有此人也。言只故不行耳，若行之，則力必足也。」

⑩蓋 朱熹曰：「蓋，疑辭也。」

⑪有之 朱熹曰：「有之，謂有用力而力不足者。」

⑫孔安國曰：「謙不欲盡誣時人，言不能爲仁；故云，能爲仁有耳，其我未見也。」皇侃曰：「世中蓋亦有一日行仁者，特是自未嘗聞見耳。」

參考資料提示：①里仁篇第三章，②禮記表記篇，③又大學篇。

【二十三】孔子曰：「民①之過②也，各於其黨③；觀過，斯知仁矣④。」（里仁篇）

【註釋】

①民 朱熹集註本作「人」。

②過 皇侃曰：「猶失也。」

③黨 孔安國曰：「黨，黨類也。」皇侃曰：「人之有失，各有黨。小人不能爲君子之行，則非小人之失也。猶如耕夫不能耕，乃是其失；若不能書，則非耕夫之失也。若責之，當就其輩類責之也。」

④孔安國曰：「小人不能爲君子之行，非小人之過也；當恕而無責之。觀過，使賢、愚各當其所，則爲仁也。」皇侃曰：「若觀人之過，能隨類而責，不求備一人；則知此觀過之人有仁心人也。若是非類而責，是不仁

人。」殷仲堪曰：「言人之過失，各由於性類之不同；直者以改邪爲義，失之於寡恕；仁者以惻隱爲誠，過在於容非。是以與仁同過，其仁可知；觀過之義，將在於斯。」按：殷說畧異。各於其黨以觀過，無非明一「恕」字耳；故孔子答仲弓以「己所不欲，勿施於人」爲「仁」也。

參考資料提示：

- ①禮記表記篇， ②漢書外戚孝昭上官后傳， ③後漢書吳祐傳， ④韓非子說林上篇， ⑤又外儲說左下篇。

【二十四】子曰：「好<sup>①</sup>勇，疾<sup>②</sup>貧，亂也<sup>③</sup>。人而不仁，疾之已甚；亂也<sup>④</sup>。」（泰伯篇）

【註釋】

①好 朱熹曰：「好，去聲。」

②包咸曰：「好勇之人而患疾已貧賤者，必將爲亂也。」繆協曰：「好勇則剛武，疾貧則多怨；以多怨之人習於武事，是使之爲亂也。」朱熹曰：「好勇而不安分，則必作亂。」按：陽貨篇：「君子有勇而無義爲亂；小人有勇而無義爲盜。」

③孔安國曰：「疾惡大甚，亦使其爲亂也。」鄭玄曰：「不仁人疾之太甚；是使之爲亂也。」朱熹曰：「不仁之人，而使之無所容；則必致亂。」按：俗所謂：「逼上梁山」。

參考資料提示：

- ①泰伯篇第二章， ②大戴禮記曾子立事篇， ③後漢書郭泰傳， ④荀子臣道篇， ⑤韓非子說林下篇。

【二十五】子曰：「回<sup>①</sup>也，三月不違仁<sup>②</sup>；其餘<sup>③</sup>，則日、月至焉而已矣<sup>④</sup>。」（雍也篇）

【註釋】

①回 按：顏回也。

安 仁

①何晏曰：「唯回移時而不變也。」皇侃曰：「仁是行盛，非體仁則不能；不能者心必違之。能不違者，唯顏回耳。既不違，則應終身；而止舉三月者，三月一時，爲天氣一變；一變尙能行之，則他時能可知也。」朱熹曰：「三月，言其久。」

②其餘 皇侃曰：「其餘，謂他弟子也。」

③何晏曰：「言餘人暫有至仁時。」皇侃曰：「爲仁並不能一時，或至一日，或至一月；故云：日月至焉而已矣。」

參考資料提示：①先進篇第三章，②顏淵篇第一章。

【二十六】原憲曰：「克①、伐②、怨③、欲④、不行焉，可以爲仁矣⑤？」子曰：「可以爲難矣，仁，則吾不知也⑥。」（憲問篇）

【註釋】

①按：「原憲曰」三字原闕。此上原有：「憲問耻子曰邦有道穀邦無道穀耻也」十五字，下文乃原憲復問之語，皇侃曰：「原憲又問。」朱熹曰：「此亦原憲以其所能而問也。」依例當有「曰」字。茲已將上章移入「處世篇」，故在此臆補此三字，以明發問之人也。又：原憲，亦稱原思；字子思，孔子弟子。孔子家語曰：「宋人，少孔子三十六歲。」鄭玄曰：「魯人。」

②克 原作「剋」。按：同尅；又通克。茲依皇侃本改。馬融曰：「尅，好勝人也。」皇侃曰：「克，勝也；謂性好凌人也。」

③伐 馬融曰：「伐，自伐其功也。」皇侃曰：「伐，謂有功而自稱。」朱熹曰：「伐，自矜。」

④怨 馬融曰：「怨，忌小怨（按：疑當作小忌怨）。」皇侃曰：「怨，謂小小忌怨。」朱熹曰：「怨，忿恨。」



⑤欲 馬融曰：「欲，貪欲也。」

⑥皇侃曰：「原憲又問：若人能不行此四事，可以得爲仁也？」

⑦包咸曰：「此四者，行之難者；未足以爲仁也。」皇侃曰：「孔子不許。能不行前四事，則爲難耳；謂爲仁則非吾所知也。」

參考資料提示：①憲問篇第十章，②中論修本篇。

【二十七】子曰：「剛①、毅②、木③、訥④，近仁⑤。」（子路篇）

【註釋】

①剛 王肅曰：「剛，無欲也。」

②毅 王肅曰：「毅，果敢也。」

③木 王肅曰：「木，質樸也。」

④訥 王肅曰：「訥，遲鈍也。」

⑤王肅曰：「有此四者，近於仁也。」皇侃曰：「言此四事，與仁相似；故云：近仁。剛者，性無求欲，仁者靜，故剛者近仁也。毅者，性果敢；仁者必有勇，周窮濟急，殺身成仁；故毅者近仁也。木者，質樸；仁者不尚華飾，故木者近仁也。訥者，言語遲鈍；仁者慎言，故訥者近仁也。」

參考資料提示：①禮記中庸篇，②漢書周勃傳，③後漢書吳漢傳。

【二十八】子曰：「仁，遠乎哉①？我欲仁，斯②仁至矣③！」（述而篇）

【註釋】

①皇侃曰：「問言：仁道遠乎也？言其不遠也。」

安 仁

○斯 皇侃曰：「斯，此也。」

○包咸曰：「仁道不遠，行之則是至也。」江熙曰：「復禮一日，天下歸仁，是仁至近也。」程頤曰：「爲仁由己，欲之則至；何遠之有？」

參考資料提示：①顏淵篇第一章，②里仁篇第六章。

【二十九】子曰：「志士①、仁人②，無求生而害仁；有殺身以成仁③。」（衛靈公篇）

【註釋】

○志士 皇侃曰：「謂心有善志之士。」朱熹曰：「志士，有志之士。」

○仁人 皇侃曰：「能行仁之人。」朱熹曰：「仁人，則成德之人也。」

○孔安國曰：「死而後成仁，則志士、仁人不愛其身也。」繆播曰：「仁居理足，本無危亡；然賢而圖變，變則理窮，窮則任分，所以有殺身之義；故比干割心。孔子曰：『殷有三仁也』。」皇侃曰：「既志善行仁，恆欲救物；故不自我求生，以害於仁恩之理也。若殺身而仁事可成也，則志士、仁人必殺身爲之。」

參考資料提示：①大戴禮記曾子制言上篇，②孟子告子上篇，③荀子正名篇，④呂氏春秋貴生篇。

【三十】子曰：「當仁①，不讓於師②。」（衛靈公篇）

【註釋】

○當仁 朱熹曰：「當仁，以仁爲己任也。」

○孔安國曰：「當行仁之事，不復讓於師；行仁急也。」張憑曰：「先人後己，外身愛物，履謙處卑，所以爲仁；非不好讓，此道非所以讓也。」朱熹曰：「以仁爲己任，雖師亦無所遜；言當勇往而必爲也。」按：此所謂：「仁者，必有勇」也。

參考資料提示：①春秋繁露竹林篇，②里仁篇第四章。

【三一】子曰：「民之於仁也，甚①於水火②；水火吾見蹈③而死者矣，未見蹈仁而死者也。」（衛靈公篇）

【註釋】

①甚 皇侃曰：「甚，猶勝也。」

②水火 皇融曰：「水、火與仁，皆民所仰而生者也；仁最爲甚也。」

③蹈 皇侃曰：「履蹈。」

④馬融曰：「蹈水火或時殺人，蹈仁未嘗殺仁者也。」皇侃曰：「水火乃能治民人，民人若誤履蹈之，則必殺人；仁是恩愛政行之，故宜爲美；若誤履蹈之，則未嘗殺人。」王弼曰：「民之遠於仁，甚於遠水火也；見有蹈水火死者，未嘗見蹈仁死者也。」按：此言愚人有因一朝之憤蹈水火而戕死者，未聞「殺身成仁」，「舍生取義」而蹈仁而死者也。此蓋歎仁人之難見也。此章可與同篇：「已矣乎！吾未見好德如好色者也」一章參證；當以王說爲長。

參考資料提示：①衛靈公篇第九章，②孟子盡心上篇。

【三二】子曰：「如有王者①，必世②而後仁③。」（子路篇）

【註釋】

①王者 皇侃曰：「王者，謂聖人爲天子也。」朱熹曰：「王者，謂聖人受命而興也。」按：孟子公孫丑上篇：「以德行仁者王。」

②世 孔安國曰：「三十年曰世。」按：說文：「三十年爲一世。」

安仁

③孔安國曰：「如有受命王者，必三十年仁政乃成也。」樂摩曰：「習亂俗，雖畏法刑而外必猶未能化也；必待世變人改，生習治道，然後仁化成也。刑措成、康，化隆文、景；由亂民之世易，殷、秦之俗遠也。」皇侃曰：「聖人化速，故三十年而政乃大成；必須世者，舊被惡化之民已盡，新生之民得三十年，則所稟聖化易成。」

參考資料提示：①孟子公孫丑上篇，②漢書食貨志，③後漢書祭彤傳。

【三三】子曰：「巧言①、令色②，鮮③矣④仁⑤！」（學而篇）

【註釋】

①巧言 包咸曰：「巧言，好其言語。」皇侃曰：「巧言者，便辟其言語也。」

②令色 包咸曰：「令色，善其顏色。」皇侃曰：「令色者，柔善其顏色也。」

③鮮 皇侃曰：「鮮，少也。」

④按：皇侃本「矣」字下有「有」字。

⑤包咸曰：「皆欲令人悅之，少能有仁也。」王肅曰：「巧言無實，令色無質。」皇侃曰：「此人本無善言美色，而虛假爲之；則少有仁者也。」張憑曰：「仁者，人之性也。性有厚薄，故體足者難耳。巧言、令色之人，於仁性爲少，非爲都無其分也；故曰鮮矣有仁。」按：此又一說也。依張注，「矣」下當有「有」字。

參考資料提示：①逸周書官人篇，②又武紀篇，③公冶長篇二十五章，④大戴禮記曾子立事篇，⑤

衛靈公篇二十七章，⑥呂氏春秋離謂篇，⑦漢書公孫弘傳，⑧三國志魏志劉曄傳，

⑨禮記表記篇，⑩孟子滕文公下篇。

【三四】子曰：「巧言、令色、足恭①，左丘明②恥之；丘③亦恥之。匿④怨而友其人⑤，左

丘明恥之，丘亦恥之。Ⓐ（公治長篇）

【註釋】

Ⓐ足恭 孔安國曰：「足恭，便僻之貌也。」繆協曰：「足恭者，以恭足於人意，而不合於禮度，斯皆適人之適而曲媚於物也。」朱熹曰：「足，過也。」

Ⓑ左丘明 孔安國曰：「左丘明，魯大史也。」皇侃曰：「左丘，受春秋於仲尼者也。」

Ⓒ丘 按：孔子名。

Ⓓ匿 說文：「匿，亡也。」皇侃曰：「匿，藏也。」

Ⓔ孔安國曰：「內心相怨，而外詐親也。」范寧曰：「藏怨於心，詐親於形外。」

Ⓕ范寧曰：「藏怨於心，詐親於形外。」揚子法言曰：「友而不心，面友也；」亦丘明所耻。」皇侃曰：「故凡有可耻之事，而仲尼皆從之爲耻也。」

參考資料提示： ①學而篇第三章、十三章， ②大戴禮記曾子立事篇， ③衛靈公篇二十七章。



## 十二信義

按：集韻：「信，慤也。不疑也；不差爽也。」墨子經上篇：「信，言合於意也。」信，猶謂言、行一致也。禮記中庸篇：「言顧行，行顧言。」是也。說文：「義，己之儀容也。」釋名：「義，宜也。裁制事物，使各宜也。」又：禮記中庸篇：「義者，宜也。」茲篇所輯，皆言「信、義」，因以題篇。

【一】子曰：「人而無信，不知其可也。」大車①無輓②，小車③無軌④；其何以行之哉⑤？」  
(爲政篇)

### 【註釋】

①孔安國曰：「言人而無信，其餘終無可也。」皇侃曰：「言人若無信，雖有他才，終爲不可。」

②大車 包咸曰：「大車，牛車。」皇侃曰：「牛能引重，故曰大車也。」朱熹曰：「大車，謂平地任載之車。」

③輓 包咸曰：「輓者，轅端橫木以縛柅者也。」朱熹曰：「輓，五兮反。」

④小車 包咸曰：「小車，駟馬車也。」皇侃曰：「馬所載輕，故曰小車也。」朱熹曰：「小車，謂田車、兵車、乘車。」

⑤軌 包咸曰：「軌，轅端上曲拘衡者也。」朱熹曰：「軌，音月。轅端上曲，鈎衡以駕馬者。」  
⑥任彥升曰：「車待輓、軌而行，猶人須信以立也。」皇侃曰：「此爲無信設譬也。言人以信得立，如大、小

車之由於輓、軌以得行也。若車無輓、軌，則車何以得行哉？」

參考資料提示：

- ①韓非子說林下篇， ②新序節士篇， ③韓非子外儲說左上篇， ④韓詩外傳卷九。

【二】子曰：「不逆○詐○，不億○不信○；抑○亦先覺者○？是賢乎○！」（憲問篇）

【註釋】

○逆 皇侃曰：「逆者，迎也。」朱熹曰：「逆，未至而迎之也。」

○詐 朱熹曰：「詐，謂人欺己。」按：「詐，詐僞也。」

○億 皇侃本作「億」。李充曰：「億，音憶。」皇侃曰：「億，億必也。」朱熹曰：「億，未見而意之也。」

○不信 朱熹曰：「不信，謂人疑己。」李充曰：「物有似真而僞，亦有似僞而真者；信僞則懼及僞人，詐濫

則懼及真人；寧信詐，則爲教之弘也。」皇侃曰：「事必須驗，不得億必懸期人不信。」

○抑 朱熹曰：「抑，反語辭。」

○李充曰：「夫至覺忘覺，不爲覺以爲先覺；先覺雖覺，同逆詐之不覺也。」

○孔安國曰：「先覺人情者，是寧能爲賢乎？」顏特進曰：「能無此者，雖未窮明理，而抑亦先覺之次也。」

參考資料提示： ①大戴禮記曾子立事篇， ②後漢書郭躬傳， ③說苑權謀篇， ④荀子非相篇。

【三】子曰：「惡○紫之奪朱也○；惡鄭聲○之亂雅樂○也；惡利口○之覆○邦○家○也。」

○。（陽貨篇）

【註釋】

○惡 朱熹曰：「惡，去聲。」按：下同。

○孔安國曰：「朱正色，紫閒色之好者；惡其邪好而奪正色也。」



③鄭聲 皇侃曰：「鄭聲者，鄭國之音也；其音淫也。」

④雅樂 朱熹曰：「雅，正也。」皇侃曰：「雅樂者，其聲正也。」

⑤包咸曰：「鄭聲淫，聲之哀者；惡其奪雅樂也。」

⑥利口 皇侃曰：「利口，辯佞之口也。」

⑦覆 朱熹曰：「覆，傾敗也。」

⑧邦 皇侃曰：「邦，諸侯也。」

⑨家 皇侃曰：「家，卿大夫也。」

⑩孔安國曰：「利口之人，多言少實；苟能悅媚時君，傾覆其國家也。」

參考資料提示：

①孟子盡心下篇，

②尹文子大道下篇，

③漢書蒯通傳贊，

④荀子大略篇，

⑤呂氏春

秋疑似篇。

【四】子曰：「君子之於天下也，無適①也，無莫②也；義之與比③。」（里仁篇）

### 〔註釋〕

①適 范寧曰：「適，猶厚也。」謝良佐曰：「適，可也。」朱熹曰：「適，專主也。春秋傳曰：『吾誰適從。』是也。」

②莫 范寧曰：「莫，猶薄也。」謝良佐曰：「莫，不可也。」朱熹曰：「莫，不肯也。」

③比 朱熹曰：「比，必二反；從也。」范寧曰：「比，親也。君子與人無有偏頗厚薄，唯仁義是親也。」何晏曰：「言君子之於天下，無適、無莫，無所貪慕也；唯義之所在也。」

參考資料提示：

①孟子離婁下篇，

②韓詩外傳卷七，

③微子篇第八章，

④孟子公孫丑上篇。

【五】子路曰：「君子尚○勇○乎？」子曰：「君子義以爲上，君子有勇而無義爲亂；小人

有勇而無義爲盜⑤。」（陽貨篇）

【註釋】

○朱熹曰：「尚，上之也。」

○勇 說文：「氣也。一曰健也。」按：子罕篇：「勇者不懼。」

○袁宏曰：「見世尚須勇，故謂可尚乎？」皇侃曰：「子路既有勇，常言勇可崇尚；故問於孔子。」

○皇侃曰：「孔子答曰：『君子唯所尚於義以爲上也。君子既尚義，若無義必作亂也。』」按：憲問篇：「君

子而不仁者，有矣夫？」

○皇侃曰：「異於君子，不敢作亂；乃爲盜竊而已。」

參考資料提示：①子罕篇二十九章，②泰伯篇第二章，③陽貨篇第八章，④禮記聘義篇，⑤荀子榮辱篇，⑥漢書地理志。

【六】子曰○：「見義不爲，無勇也○。」（爲政篇）

【註釋】

○「子曰」二字原闕。此句上原有：「子曰非其鬼而祭之諂也」十字，已移於「禮樂篇」。此下文亦爲孔子所

言，因補此二字；以明孔子之言也。

○孔安國曰：「義者，所宜爲也；而不能爲，是無勇也。」皇侃曰：「見所宜爲之事而不爲，是無勇敢也。」

參考資料提示：①禮記聘義篇，②左傳襄公二十五年，③史記管晏列傳贊，④列女傳續傳。

【七】子曰：「君子喻○於義，小人喻於利○。」（里仁篇）

【註釋】

○喻 孔安國曰：「喻，猶曉也。」

○朱熹曰：「義者，天理之所宜；利者，人情之所欲。」范寧曰：「棄貨利而曉仁義，則爲君子；曉貨利而棄仁義，則爲小人也。」

參考資料提示：①孟子盡心上篇，②漢書董仲舒傳，③淮南子繆稱篇。

【八】子曰：「放○於利而行○，多怨○。」（里仁篇）

【註釋】

○放 孔安國曰：「放，依也。」朱熹曰：「放，上聲。」

○孔安國曰：「每事依利而行者也。」

○孔安國曰：「取怨之道也。」皇侃曰：「若依利而行者，則爲怨府。」按：墨子經上篇：「義，利也。」易乾卦文言：「利者，義之和也。」又曰：「利物足以和義。」是義、利相須之意。孟子梁惠王篇：「未有義而後其君者也。」有其君，即利也。又曰：「苟爲後義而先利，不奪不鑒。」此即「放於利而行」也。孔子之意，義、利常兼，應先義而後利，不可先利而後義；故顏淵篇云：「先事後得。」雍也篇云：「先難而後獲」也。

參考資料提示：①國語周語上，②又楚語下，③呂氏春秋無義篇。

【九】子曰：「人之生也直○；罔○之生也，幸○而免○。」（雍也篇）

【註釋】

○馬融曰：「言人之所以生於世而自終者，以其正直之道也。」李充曰：「人生之道，唯其身直乎？」

②問 皇侃曰：「罔，謂爲邪曲罔者也。」程頤曰：「罔，不直也。」

③幸 皇侃曰：「應死而生曰幸。」

④包咸曰：「誣罔正直之道而亦生，是幸而免也。」皇侃曰：「生即由直，若有誣罔之人亦得生世者，是獲幸而免死耳。」李充曰：「失平生之道者，則勦之死地矣；必或免之，善由於幸耳。故君子無幸而有不幸，小人有幸而無不幸也。」

參考資料提示：①泰伯篇第二章，②列子力命篇，③漢紀六高后紀荀悅論。

【十】子曰：「吾之於人也○，誰毀○？誰譽○？如有可○譽者，其有所試○矣○。斯民也○，三代○之所以直道而行也○。」（衛靈公篇）

【註釋】

○也 按：皇侃本無此「也」字。

○毀 朱熹曰：「毀者，稱人之惡而損其真。」

○譽 朱熹曰：「譽，平聲。譽者，揚人之善而過其實。」皇侃曰：「孔子言：我之於世，平等如一；無有憎愛毀譽之心。」

○可 按：朱熹集註本作「所」。

○試 說文：「試，用也。」按：易無妄卦九五象辭：「無妄之藥不可試也。」釋文：「試驗。一曰用也。」包咸曰：「所譽輒試以事，不空譽而已矣。」皇侃曰：「我乃無毀譽，若民人百姓有相稱譽者，則我亦不虛信而美之；其必以事試之也。」

○斯民也 皇侃曰：「謂若此善民也。」朱熹曰：「斯民者，今此之人也。」郭象曰：「無心而付之天下者，

直道也；有心而使天下從己者，曲法。故直道而行者，毀譽不出於區區之身，善與不善，信之百姓；故曰：「吾之於人，誰毀？誰譽？如有所譽，必試之斯民也。」按：依郭注，則「斯民也」三字，當連上讀；但下不當隔一「矣」字，而「矣」字亦當作「之」乃可。疑郭氏所見本如此，其義亦較長。

⑧三代 馬融曰：「三代，夏、殷、周也。」

⑨馬融曰：「用民如無所阿私，所以云：直道而行也。」皇侃曰：「言養民如此無私毀譽者，是三代聖王治天下，用直道而行之時也。」

參考資料提示：

①漢書藝文志，

②又薛宣傳，

③賈子大政下篇，

④漢書景帝紀贊，

⑤論衡率性篇，

⑥又非韓篇。

【十一】葉公○語○孔子，曰：「吾黨有直躬○者，其父攘○羊，而子證○之○。」孔子曰：「吾黨之直者異於是○，父爲○子隱○，子爲父隱；直在其中矣○。」（子路篇）

### 【註釋】

○葉公 按：葉公子高。墨子耕柱篇、韓非子難三篇並云：「葉公子高問政於仲尼。」

○語 朱熹曰：「語，去聲。」

○直躬 孔安國曰：「直躬，直身而行也。」皇侃曰：「躬，猶身也。言無所邪曲也。葉公稱己鄉黨中有直躬之人，欲自矜誇於孔子也。」

○攘 周生烈曰：「有因而盜曰攘。」皇侃曰：「謂他人物來己家而藏隱取之，謂之攘也。」按：孟子滕文公下篇：「今有人日攘其鄰之雞者。」趙岐注：「攘，取也；取自來之物也。」按：淮南子汜論訓：「直躬其父攘羊。」高誘注：「凡六畜自來而取之，曰攘。」

⑤ 證 說文：「證，告也。」

⑥ 皇侃曰：「其父盜羊，而子告失羊主；證明道父之盜也。」按：韓非子五蠹篇：「楚之有直躬，其父竊羊，而謁之吏。」呂氏春秋當務篇：「楚有直躬者，其父竊羊，而謁之上；上執而將誅。」此先秦二書皆言告之官府；皇氏謂：「告失羊主，」此說恐非也。

⑦ 皇侃曰：「拒於葉公，故云：吾黨中有直行者，則異於證父之盜者爲直也。」

⑧ 爲 朱熹曰：「爲，去聲。」

⑨ 樊光曰：「父爲子隱者，欲求子孝也。父必先爲慈，家風由父；故先稱父。」

⑩ 范寧曰：「夫所謂直者，以不失其道也。若父子不相隱諱，則傷教破義，長不孝之風焉；以爲直哉？故相隱乃可爲直耳。」皇侃曰：「孔子舉所異者，言爲風政者，以孝悌爲主。父子天性，率由自然；至情宜應相隱，若隱惜則自不爲非。故云：「直在其中矣。」若不知相隱，則人倫之義盡矣。」

參考資料提示：

- ① 韓非子五蠹篇，
- ② 呂氏春秋仲冬紀當務篇，
- ③ 白虎通諫諍篇，
- ④ 春秋文公十五年，
- ⑤ 漢書東平思王傳，
- ⑥ 韓詩外傳卷四，
- ⑦ 又卷二，
- ⑧ 孟子盡心上篇，
- ⑨ 淮南子汜論篇。

## 十三 觀 人

按：說文：「觀，諦視也。」此即學而篇：「父在觀其志，父沒觀其行」之「觀」。此篇觀人志行，所謂：「聽其言，而觀其行。」因以「觀人」名篇。

【一】子曰：「君子道者三，一，我二無能焉三：仁者，不憂；知四者，不惑；勇者，不懼。」  
子貢曰：「夫子自道也五。」（憲問篇）

### 【註釋】

①皇侃曰：「言君子所行之道有三。」按：即下文：仁、知、勇也。又：依子罕篇，此下文十二字疑當作：「知者不惑，仁者不憂，勇者不懼。」

②我 皇侃曰：「我者，孔子自言也。」

③皇侃曰：「夫子自謙，我不能行其一也。」朱熹曰：「自責以勉人也。」

④知 皇侃本作「智」。朱熹曰：「知，去聲。」

⑤江熙曰：「子貢識其天真，故曰：『夫子自道也。』」皇侃曰：「孔子自道說也。」

參考資料提示：①述而篇十九章，②為政篇第四章，③易繫辭上傳，④莊子秋水篇。

【二】司馬牛問：「君子①？」子曰：「君子不憂不懼②。」曰：「不憂不懼，斯可謂君子已乎？」子曰：「內省③不疚④，夫⑤何憂何懼⑥！」（顏淵篇）

【註釋】

○孔安國曰：「牛兄桓魋將爲亂，牛自宋來學，常憂懼。」皇侃曰：「問行君子之道也。」按：同篇：「司馬牛憂曰：『人皆有兄弟，我獨亡。』則牛似非桓魋弟也。」

○皇侃曰：「答曰：君子坦蕩蕩，故不憂懼也。」

○內省 皇侃曰：「內省，謂反自視己心也。」

○疚 包咸曰：「疚，病也。」

○夫 朱熹曰：「夫，晉扶。」

○包咸曰：「內省無罪惡，無所可憂懼也。」

參考資料提示： ①子罕篇二十九章， ②禮記中庸篇。

【三】孔子曰：「君子有三畏①：畏天命②，畏大人③，畏聖人之言④；小人不知天命而不畏也⑤，狎⑥大人⑦，侮⑧聖人之言⑨。」（季氏篇）

【註釋】

○畏 皇侃曰：「心服曰畏。君子所畏有三事也。」朱熹曰：「畏者，嚴憚之意也。」

○天命 何晏曰：「順吉逆凶，天之命也。」皇侃曰：「天命，謂作善，降百祥；作不善，降百殃。」朱熹曰：「天命者，天所賦之正理也。」按：此與舊說異。



③大人 何晏曰：「大人，即聖人；與天地合其德也。」

④何晏曰：「深遠不可易，則聖人之言也。」皇侃曰：「聖人之言，謂五經典籍，聖人遺文也。」

⑤何晏曰：「恢疏，故不知畏也。」皇侃曰：「既小人與君子反，並不畏君子之所畏者也。小人見天道恢疏，而不信從吉逆凶；故不畏之而造爲惡逆也。」

⑥狎 爾雅釋詁：「狎，習也。」按：猶輕慢；有習久翫生之意。

⑦何晏曰：「直而不肆，故狎之也。」江熙曰：「小人不懼德，故媒慢也。」皇侃曰：「見大人含容，故褻狎；慢而不敬也。」

⑧朱熹曰：「侮，戲玩也。」

⑨何晏曰：「不可小知，故侮之也。」江熙曰：「以典籍爲妄作也。」皇侃曰：「謂經籍爲虛妄，故輕侮之也。」

參考資料提示：

①春秋繁露郊語篇，

②又楚莊王篇，

③又順命篇，

④禮記中庸篇，

⑤論衡實知篇。

【四】孔子曰：「君子有九思①：視思明②，聽思聰③，色思溫④，貌思恭⑤，言思忠⑥，事思敬⑦，疑思問⑧，忿思難⑨，見得思義⑩。」（季氏篇）

### 【註釋】

①皇侃曰：「言君子所宜思之事，其條有九也。」

②皇侃曰：「一也，若目瞻視萬事，不得孟浪；唯思分明也。」朱熹曰：「視無所蔽，則明無不見。」

③皇侃曰：「二也，若耳聽萬理，不得落漠；唯思聰了也。」朱熹曰：「聽無所壅，則聰無不聞。」

④溫 李充曰：「靜容謂之和，柔暢謂之溫也。」皇侃曰：「三也，若顏色平常，不得嚴切；唯思溫和也。」

朱熹曰：「色，見於面者。」

⑤李充曰：「動容謂之貌，謙接謂之恭也。」皇侃曰：「四也，若容貌接物，不得違逆；唯思遜恭也。」朱熹曰：「貌，舉身而言。」

○皇侃曰：「五也，若有所言語，不得虛僞；唯思盡於忠心也。」

⑦皇侃曰：「六也，凡行事不得傲慢，唯思於敬也。故曲禮曰：無不敬。」

⑧皇侃曰：「七也，心有所疑，不得輒自斷決；當思諮問於事有識者也。」朱熹曰：「思問，則疑不蓄。」

○皇侃曰：「八也，彼有違理之事來觸於我，我必忿怒於彼；雖然不得乘此忿心以報於彼，當思於忽有急難也。一朝之忿忘其身。」朱熹曰：「難，去聲。思難，則忿必懲。」

④江熙曰：「義然後取。」皇侃曰：「九也，不義而富且貴，於我如浮雲。若見己應有所得，當思其義取也。」

「朱熹曰：『思義，則得不苟。』」按：禮記曲禮篇：「臨財無苟得。」是也。

參考資料提示：

① 孟子告子上篇， ② 書洪範篇， ③ 泰伯篇第四章。 ④ 述而篇三十八章， ⑤ 子張篇第一章、第九章， ⑥ 衛靈公篇第六章， ⑦ 尚書仲虺之誥篇， ⑧ 荀子大略篇， ⑨ 淮南子主

術篇，  
⑩說苑建本篇，  
⑪又說叢篇，  
⑫韓非子說林上篇，  
⑬大戴禮記曾子立事篇。  
⑭顏淵篇二十一章，  
⑮易損卦象傳，  
⑯憲問篇十二章。

【五】子路問：「君子○？」子曰：「脩己以敬人○。」曰：「如斯而已乎？」曰：「脩己以

安人③。」「曰：「如斯而已乎？」曰：「脩己以安百姓。」「曰：「如斯而已乎？」曰：「如斯而已乎？」曰：「脩己以

安百姓，堯、舜其猶病<sup>⑤</sup>諸<sup>⑥</sup>！」（憲問篇）

「註釋」

○皇侃曰：「問爲君子之法也。」

○孔安國曰：「敬其身也。」皇侃曰：「身正則民從，故君子自修己身以自正也。」按：依注，皆指己身言，不當有「人」字。然雍也篇：「居敬而行簡。」孔安國曰：「居身敬肅。」皇侃曰：「言人若居身以敬。」顏淵篇：「君子敬而無失。」皇侃曰：「君子自敬己身。」又荀子天論篇：「君子敬其在己者。」「皆脩己以敬」之義；則「人」字當刪。但下文：「脩己以安人。」「脩己以安百姓。」並先推己而後及人，與此相對爲文，於義本自可通。

③人 孔安國曰：「人，謂朋友、九族也。」

④「曰如斯而已乎」七字原闕。按：此「修己以安百姓，修己以安百姓」二語重疊，無義。皇侃引衛瓘曰：「此難事，而子路狹掠之；再云：『如斯而已乎？』」故云：「過此則堯、舜所病也。」據此，疑衛氏所見本，在上：「修己以安百姓」句下，當有「曰：『如斯而已乎？』」六字。此即「子路狹掠之，再云如斯而已乎」之意。「此事難」即指「修己以安百姓」言也。故下文並當有「曰」字，接云：「修己以安百姓，堯、舜其猶病諸！」所以塞子路之問，故子路不再質問之也。因據衛注補。

⑤病 孔安國曰：「病，猶難也。」

⑥諸 皇侃曰：「諸，之也。堯、舜之至聖，猶患此事難，故云病諸也。」

參考資料提示：①論衡宣漢篇，②大戴禮記曾子立事篇，③禮記玉藻篇，④又檀弓上篇，⑤又曲禮上篇，⑥又王制篇。

【六】子貢曰：「君子亦有惡乎？」子曰：「有惡。惡稱人之惡者①，惡居下流②而訕③上者④，惡勇而無禮者⑤，惡果敢而窒⑥者⑦。」曰：「賜也亦有惡也⑧。惡徼⑨以爲智⑩者⑪，惡」

不遜⑤以爲勇者⑥，惡訐⑦以爲直者⑧。」（陽貨篇）

〔註釋〕

①惡 朱熹曰：「惡，去聲。下同。」皇侃曰：「惡，謂憎疾也。」

②惡者 朱熹曰：「唯「惡者」之「惡」如字。」包咸曰：「好稱人之惡，所以爲惡也。」皇侃曰：「『惡』掩惡揚善，故憎人稱揚他人之惡事者也。」

③流 按：「流」字疑衍。鹽鐵論：「大夫曰：『文學居下而訕上』。」馮登府異文考證云：「白氏六帖兩引俱無「流」字。」

④訕 孔安國曰：「訕，謗毀也。」朱熹曰：「訕，所諫反。」

⑤皇侃曰：「憎惡爲人臣下而毀謗其君上者也。故禮記云：『君臣之禮，有諫而無訕；』是也。」

⑥皇侃曰：「『勇而無禮則亂，』故君子亦憎惡之也。」

⑦窒 馬融曰：「窒，窒塞也。」朱熹曰：「窒，不通也。」

⑧皇侃曰：「憎好爲果敢而窒人道理者也。」

⑨也 朱熹集註本作「乎」。按作「也」，是也。此肯定語，不應作「乎」。皇侃曰：「子貢聞孔子說『有惡』已竟，故云：『賜亦有所憎惡也』。」江熙曰：「己亦有所賤惡也。」

⑩微 孔安國曰：「微，抄也。」朱熹曰：「微，古堯反。伺察也。」

⑪智 朱熹集註本作「知」。並云：「知，去聲。」

⑫孔安國曰：「惡抄人之意以爲己有也。」皇侃曰：「若抄他人之意以爲己有，則子貢所憎惡也。」

⑬遜 朱熹集註本作「孫」。按：孫、遜，通用。

⑤皇侃曰：「勇須遜從，若不遜而勇者，子貢所憎惡也。」

⑥許 包咸曰：「許，謂攻發人之陰私也。」皇侃曰：「許，謂面發人之陰私也。」朱熹曰：「許，居謁反。」

⑦皇侃曰：「人生爲直，當自己不犯觸他人；則乃是善。若對面發人隱私欲成己直者，亦子貢所憎惡也。」

參考資料提示：

①顏淵篇二十一章， ②孟子離婁下篇， ③禮記少儀篇， ④泰伯篇第二章， ⑤中論辯  
辨篇。

【七】子曰：「君子易①事而難悅②也③，悅之不以道，不悅也；及其使人也，器之④。小人難事而易悅也，悅之不以道，悅也；及其使人也，求備⑤焉也⑥。」（子路篇）

「註釋」

①易 朱熹曰：「易，去聲。」

②悅 皇侃本、朱熹集註本並作「說」。朱熹曰：「說，音悅。」按：喜悅也。

③孔安國曰：「不責備於一人，故易事也。」皇侃曰：「君子忠恕，故易事也；照見物理，不可欺詐，故難悅也。」

④器之 孔安國曰：「度才而任官也。」朱熹曰：「器之，謂隨其材器而使之也。」

⑤備 按：猶足也；全也。易繫辭傳：「易之爲書也，廣大悉備。」

⑥皇侃曰：「此解難事也。不測度他人器量，而過分責人；故難事也。」按：微子篇：「無求備於一人。」

參考資料提示：

①荀子不苟篇， ②又大畧篇， ③說苑雜言篇， ④淮南子主術篇， ⑤又人閒篇， ⑥

微子篇第十章。

【八】子曰：「君子上<sup>①</sup>達<sup>②</sup>，小人下<sup>③</sup>達<sup>④</sup>。」（憲問篇）

【註釋】

①上 何晏曰：「本，爲上。」

②皇侃曰：「上達者，達於仁義也。」朱熹曰：「君子循天理，故日進乎高明。」

③下 何晏曰：「末，爲下也。」

④皇侃曰：「下達，謂達於財利。」朱熹曰：「小人徇人欲，故日究乎汙下。」

參考資料提示： ①憲問篇三十五章， ②淮南子繆稱篇。

【九】子曰：「君子坦<sup>①</sup>蕩蕩<sup>②</sup>，小人長戚戚<sup>③</sup>。」（述而篇）

【註釋】

①坦 朱熹曰：「坦，平也。」

②鄭玄曰：「坦蕩蕩，寬廣貌也。」皇侃曰：「心貌寬曠，無所憂患也；君子內省不疚故也。」

③鄭玄曰：「長戚戚，多憂懼貌也。」皇侃曰：「恆憂懼也。小人好爲罪過，故恆懷憂懼也。」江熙曰：「君

子坦爾夷任，蕩然無私；小人馳競於榮利，耿介於得失；故長爲愁府也。」

參考資料提示： ①泰伯篇十九章， ②荀子子道篇。

【十】子曰：「君子和<sup>①</sup>而不同<sup>②</sup>，小人同而不同<sup>③</sup>。」（子路篇）

【註釋】

①和 皇侃曰：「和，謂心不爭也。」朱熹曰：「和者，無乖戾之心。」

①同 朱熹曰：「同者，有阿比之意。」何晏曰：「君子心和，然所見各異；故曰不同。」皇侃曰：「不同，謂立志各異也。君子之人，千萬千萬，其心如一；而所習立之志業不同也。」

②何晏曰：「小人所嗜好者同，然各爭其利；故曰不和也。」皇侃曰：「小人為惡如一，故云同也；好鬥爭，故云不和也。」

參考資料提示：

①左傳昭公二十年， ②國語鄭語， ③申鑒雜言上篇， ④韓非子內儲說上七術篇。

【十一】子曰：「君子周○而不比○，小人比而不周○。」（爲政篇）

【註釋】

○周 孔安國曰：「忠信爲周。」朱熹曰：「周，普遍也。」

○比 孔安國曰：「阿黨爲比也。」朱熹曰：「比，偏黨也。」皇侃曰：「君子常以忠信爲心，而無相阿黨也。」

○皇侃曰：「小人唯更相阿黨，而並不忠信也。」孫綽曰：「理備，故稱周；無私，故不比也。」

參考資料提示： ①左傳昭公六年， ②又昭公十四年， ③又昭公二十七年。

【十二】子曰：「君子泰而不驕○，小人驕而不泰○。」（子路篇）

【註釋】

○何晏曰：「君子自縱泰，似驕而不驕。」皇侃曰：「君子坦蕩蕩，心貌怡平；是泰而不驕慢也。」朱熹曰：

「君子循理，故安舒而不矜肆。」

○何晏曰：「小人拘忌，而實自驕矜也。」皇侃曰：「小人性好輕凌，而心恆戚戚；是驕而不泰也。」朱熹曰：

「小人逞欲，故反是。」

參考資料提示：

①學而篇十五章， ②憲問篇第十章， ③堯曰篇第二章。

【十三】子曰：「君子矜而不爭，羣而不黨。」（衛靈公篇）

【註釋】

○矜 包咸曰：「矜，矜莊也。」朱熹曰：「莊以持己曰矜。」

○江熙曰：「君子不使其身悅焉，若非終日自敬而已；不與人爭勝之也。」按：八佾篇：「君子無所爭。」

○黨 孔安國曰：「黨，助也。君子雖衆，不相私助；義之與比也。」江熙曰：「君子以道相聚，聚則爲羣；

羣則似黨。羣居所以切磋成德，非於私也。」

參考資料提示：

①八佾篇第七章， ②荀子堯問篇， ③述而篇三十一章， ④國語晉語六， ⑤又晉語五

， ⑥說苑至公篇。

【十四】子曰：「君子懷刑，小人懷惠。」（里仁篇）

【註釋】

○子曰 「子曰」二字原無。因上有「子曰君子懷德小人懷土」十字移入「崇德篇」，此下仍係孔子之言；故增此二字。

○懷 孔安國曰：「懷，安也。」按：說文：「懷，思念也。」爾雅釋詁：「懷，思也。」

○刑 皇侃曰：「刑，法也。」孔安國曰：「安於法也。」李充曰：「齊之以刑，則民惠利矣。夫以刑制物者，刑勝則民離；以利望上者，利極則生叛也。」

○惠 包咸曰：「惠，恩惠也。」皇侃曰：「惠，恩惠利人也。小人不安法，唯知安利惠也。」

參考資料提示： ①陽貨篇第六章， ②後漢書李固傳固奏記。

【十五】子曰：「君子不器。」（爲政篇）不可小知，而可大受也；小人不可大受，而可小



知也③。「(衛靈公篇)

〔註釋〕

①不器 說文：「器，皿也。」包咸曰：「器者，各周其用；至於君子無所不施也。」熊埭曰：「用有定施，故舟、車殊功也。」皇侃曰：「明君子之人不守一業也。器者，給用之物也；猶如舟可汎於海，不可登山；車可陸行，不可濟海。君子當才業周普，不得如器之守一也。」朱熹曰：「非特爲一材一藝而已。」按：禮記學記篇：「大道不器，」鄭玄注：「聖人之道，不如器施於一物。」蓋大道無所不容，無所不包；言其量之大也。故八佾篇：「子曰：『管仲之器小哉！』」何晏曰：「言其器量小也。」是量小爲器，量大則不器也。又疑此下尙有脫文。

②何晏曰：「君子之道深遠，不可以小了知；而可大受也。」張憑曰：「謂之君子，必有大成之量；不必能爲小善也。故宜推誠闇信，虛以將受之；不可求備，責以細行也。」

③何晏曰：「小人之道淺近，可以小了知；而不可大受也。」按：此章自「不可小知」以下至章末，具係「衛靈公篇」之文。此上原有「子曰君子」四字。依張憑注：「謂之君子，必有大成之量；」即是「君子不器」之義。疑此章原文，在「君子」下並「不可」上脫去「不器」二字，而別本在「君子不器」下，又脫以下之文；校者未審，遂分作兩章矣。今刪去此四字，並移此「君子不器」之後，併爲一章；使上下文義，得連成一氣也。

參考資料提示：①禮記學記篇，②憲問篇十一章，③後漢書劉梁傳。

【十六】子曰：「君子成○人之美○，不成人之惡○；小人反是○。」(顏淵篇)

，「註釋」

觀人

①成 朱熹曰：「成者，誘掖獎勵以成其事也。」

②皇侃曰：「美與己同，故成之也。」

③皇侃曰：「惡與己異，故不成之也。」

④皇侃曰：「惡與己同，故成之也；美與己異，故不成之也；故與君子反。」

參考資料提示：①禮記中庸篇，②春秋隱公元年。

【十七】子曰：「君子義①以爲質②，禮以行之③，孫④以出之⑤，信以成之；君子哉⑥！」

（衛靈公篇）

【註釋】

①義 皇侃曰：「義，宜也。」朱熹曰：「義者，制事之本。」

②質 皇侃曰：「質，本也。」朱熹曰：「質，質幹。」鄭玄曰：「義以爲質，謂操行也。」

③ 皇侃曰：「行之皆須合禮也。」

④孫 皇侃本作「遜」。朱熹曰：「孫，去聲。」

⑤鄭玄曰：「遜以出之，謂言語也。」皇侃曰：「言出之必使遜順也。」

⑥皇侃曰：「如上義，可謂爲君子之行也。」

參考資料提示：①里仁篇十六章，②憲問篇十二章，③爲政篇二十二章。

【十八】子曰：「君子博①學於文，約②之以禮；亦可以弗③畔④矣夫⑤。」（雍也篇）

【註釋】

①博 皇侃曰：「博，廣也。」

①約 皇侃曰：「約，束也。」朱熹曰：「約，要也。」

②弗 按：「弗」通「不」。

③畔 皇侃曰：「畔，違也；背也。」鄭玄曰：「弗畔，不違道也。」

④夫 朱熹曰：「夫，音扶。」皇侃曰：「言君子廣學六籍之文，又用禮自約束；能如此者，亦可得不違背於道理也。」按：此章文又見於顏淵篇，但上無「君子」二字。

參考資料提示：

- ①呂氏春秋用衆篇， ②說苑建本篇， ③子罕篇十一章， ④漢紀卷二十五成帝紀荀悅論， ⑤後漢書范升傳， ⑥法言吾子篇， ⑦申鑒時事篇。

【十九】子曰：「君子不以言舉人，不以人廢言。」（衛靈公篇）

【註釋】

①包咸曰：「有言者不必有德，故不可以言舉人也。」

②邢昺注疏本引王肅曰：「不可以無德而發善言。」皇侃曰：「文不可以彼人之卑賤，而廢其美言而不用也。」李充曰：「詢于薊莢，不恥下問也。」

參考資料提示：①書舜典篇， ②管子明法解， ③詩大雅板章， ④淮南子主術篇， ⑤左傳僖公三十一年， ⑥又成公五年。

【二十】子貢問：「君子？」子曰：「先行其言，而後從之。」（爲政篇）

【註釋】

①皇侃曰：「問施何德行而可謂爲君子乎？」

②孔安國曰：「疾小人多言，而行之不周也。」皇侃曰：「答云：君子先行其言而後必行，行以副所言；是

行從言也。若言而不行，則爲辭費；君子所恥也。」

參考資料提示：①禮記坊記篇，②又緇衣篇，③大戴禮記曾子立事篇，④說苑雜言篇。

【二十一】子曰：「論篤①是與②，君子③者乎？色莊④者乎⑤？」（先進篇）

【註釋】

①論篤 何晏曰：「論篤者，謂口無擇言。」皇侃曰：「篤，厚也。」

②與 朱熹曰：「與，如字。」皇侃曰：「言善人有所論說，必出篤厚謹敬之辭也。」按：與，猶許也。

③君子 何晏曰：「君子者，謂身無鄙行也。」

④色莊 何晏曰：「不惡而嚴；以遠小人也。」皇侃曰：「威而不猛也。」

⑤何晏曰：「言此三者，皆可以爲善人也。」朱熹曰：「言但以其言論篤實而與之，則未知其爲君子者乎？爲

色莊者乎？言不可以言貌取人也。」按：依朱說，則「色莊」二字當如：「色取人而行違」之意。似以朱說爲長。

參考資料提示：①爲政篇二十章，②顏淵篇二十章，③陽貨篇第十章，④衛靈公篇三十三章。

【二十二】子曰：「君子貞①而不諒②；（衛靈公篇）色厲③而內荏④，譬諸小人，其猶穿⑤

窬⑥之盜也與⑦？」（陽貨篇）

【註釋】

①貞 孔安國曰：「貞，正也。君子之人，正其道耳。」朱熹曰：「貞，正而固也。」

②諒 孔安國曰：「諒，信也。言不必有信也。」皇侃曰：「不必存於小信，自經於溝瀆也。」又引一云：「君子道無不正，不能使人信之也。」按：荀子非十二子篇：「能爲可信，不能使人必信己。」即是此義，言

君子自守貞固，不必使人信；故憲問篇云：「豈若匹夫、匹婦之爲諒也！」又：疑此下尙有脫文。

③厲 皇侃曰：「厲，矜正也。」朱熹曰：「厲，威嚴也。」說文：「厲，嚴也。」

④在 孔安國曰：「在，柔也。謂外自矜厲，而內柔佞者也。」朱熹曰：「在，柔弱也。」

⑤穿 孔安國曰：「穿，穿壁也。」

⑥窬 孔安國曰：「窬，窬牆也。」皇侃曰：「窬，竇也。」

⑦與 朱熹曰：「與，平聲。」皇侃曰：「言其譬如小人爲偷盜之時也。小人爲盜，或穿人屋壁，或踰人垣牆；當此之時，外形恆欲進爲取物，而心恆畏人，常懷退走之路；是形進心退也。內外相乖，如色外矜正而心內柔佞者也。」按：此章自「色厲內荏」至章末，俱係「陽貨篇」文；並有「子曰」二字。此節只論「小人」，而不及「君子」。依全書例，「君子」、「小人」常相對爲文，並先言「君子」，後言「小人」；或只言「君子」，不及「小人」。惟子路篇：「子曰：小人哉！樊須也。」此非論「小人」、「君子」，乃直責樊遲之言。又子張篇：「子夏曰：『小人之過也必文。』」此乃子夏之言，非孔子之言；並疑上亦有脫文。易履卦九五象辭：「九五，夬履貞厲。」王弼注：「得位處尊，以剛決正。」是厲，亦具剛正之義。此「色厲而內荏」，猶言外剛而內柔，而上文：「貞而不諒」，則是外順而內固。上、下兩節正、反互相發明，且上節只論「君子」，而不及「小人」。疑即係此處之脫簡，誤入他篇；校者照例加以「子曰」二字，遂分作二章。茲刪去「子曰」二字，並移此「貞而不諒」句下，合成一章。

參考資料提示：①左傳昭公三年，②漢書王貢兩龔鮑傳，③淮南子汜論篇，④說苑脩文篇。

【二十三】子曰：「質①勝②文③則野④，文勝質則史⑤；文、質彬彬⑥，然後君子⑦。」

雍也篇)

【註釋】

①質 皇侃曰：「質，實也。」

②勝 皇侃曰：「勝，多也。」

③文 皇侃曰：「文，華也。」

④野 包咸曰：「野，如野人；言鄙畧也。」皇侃曰：「野人鄙畧，大樸也。言若實多而文飾少，則如野人。」

「

⑤史 包咸曰：「史者，文多而質少也。」皇侃曰：「史，記書史也。史書多虛華無實，妄語欺詐；言人若爲事，多飾少實；則如書史也。」

⑥彬彬 包咸曰：「彬彬，文、質相半之貌也。」朱熹曰：「彬彬，猶斑斑；物相雜而適均之貌。」

⑦皇侃曰：「若文與質等半，則爲會時之君子也。」

參考資料提示：①顏淵篇第八章，②賈子容經篇，③淮南子繆稱篇。

【二十四】子貢問曰：「何如斯可謂之士矣？」子曰：「行己有恥①，使②於四方，不辱君命

③；可謂士矣。」曰：「敢問：其次④？」曰：「宗族稱孝焉，鄉黨稱悌焉⑤。」曰：「敢問：其

次⑥？」曰：「言必信，行⑦必果⑧；硜硜⑨然小人⑩哉！抑⑪亦可以爲次矣⑫。」曰：「今之從

政者，何如？」曰：「噫⑬！斗筭⑭之人，何足算⑮也⑯？」（子路篇）

【註釋】

○有恥 孔安國曰：「有恥，有所不爲也。」李充曰：「爲人臣，則恥其君不如堯、舜；處濁世，則恥獨不爲君子；將出言，則恥躬之不逮。」

○使 朱熹曰：「使，去聲。」

○李充曰：「古之良使者，受命不受辭；事有權宜，則與時消息；排患釋難，解紛挫銳者，可謂良也。」皇侃曰：「君號令出使於四方之國，則必使稱當，不使君命之見凌辱也。」

○皇侃曰：「子貢聞士之上者，故敢更問士之次者。」

○皇侃曰：「孝是事父母，爲近；悌是事兄長，爲遠。宗族爲近，近故稱孝；鄉黨爲遠，故稱悌也。」繆協曰：「雖孝稱於宗族，悌及於鄉黨；而孝或爲未優，使於四方，猶未能備；故爲次者也。」按：「其次」，猶言士之次者也。

○皇侃曰：「子貢又問求次於士者也。」按：此「其次」，猶云：「又其次」也。比「宗族稱孝」，「鄉黨稱悌」者爲下也。

○行 朱熹曰：「行，去聲。」

○果 朱熹曰：「果，必行也。」鄭玄曰：「行必果，所欲行，必敢爲之。」

○硜硜 鄭玄曰：「硜硜者，小人之貌也。」皇侃曰：「硜硜，堅正難移之貌也。」朱熹曰：「硜，小石之堅確者。」

○小人 朱熹曰：「小人，言其識量之淺狹也。」

○抑 皇侃曰：「抑，語助也。凡事欲強使相關，亦多云「抑」也。」

○鄭玄曰：「抑亦其次，言可以爲次也。」皇侃曰：「言此小行，亦強可爲之次也。」按：其意如云：強可爲

「宗族稱孝」，「鄉黨稱悌」者之次也。

③噫 鄭玄曰：「噫，心不平之聲也。」

④箝 鄭玄曰：「箝，竹器。容斗二升者也。」

⑤算 鄭玄曰：「算，數也。」

⑥皇侃曰：「言今之小人，器量如斗箝之器耳；何足數也！」

參考資料提示：①孟子盡心上篇，②又離婁下篇，③大戴禮記曾子制言上篇，④韓詩外傳卷八。

【二十五】子路問曰：「何如斯可謂士矣？」子曰：「切切偲偲①，怡怡②如也；可謂士矣。朋友切切偲偲③，兄弟怡怡如也④。」（子路篇）

【註釋】

①馬融曰：「切切偲偲，相切責之貌。」皇侃曰：「切切偲偲，相切磋之貌也。」朱熹引胡氏曰：「切切，懇到也；偲偲，詳勉也。」

②怡怡 馬融曰：「怡怡，和順之貌也。」皇侃曰：「怡怡，和從之貌也。」

③皇侃曰：「若是朋友，義在相益；故須切偲也。」

④皇侃曰：「兄弟骨肉，理在和順；故須怡怡也。」按：「朋友切切偲偲兄弟怡怡如也」十二字，於文複贅，疑係古注混入正文。

參考資料提示：①子張篇第一章，②憲問篇第三章，③大戴禮記曾子立事篇。

【二十六】子張問：「士①何如斯可謂之達②矣？」子曰：「何哉！爾所謂達者？」子張對曰



：「在邦必聞，在家必聞③。」子曰：「是聞也，非達也④。夫達者，質直而好義⑤，察言而觀色，慮以下人⑥；在邦必達，在家必達⑦。夫聞者，色取仁而行⑧達，居之不疑⑨；在邦必聞，在家必聞⑩。」（顏淵篇）

【註釋】

①士 皇侃曰：「士，通謂丈夫也。」

②達 皇侃曰：「達，謂身命通達也。」朱熹曰：「達者，德孚於人，而行無不得之謂。」

③馬融曰：「言之所在，皆能有名譽也。」朱熹曰：「言名譽著聞也。」

④繆協曰：「聞者，達之名；達者，聞之實。而殉爲名者衆，體實者寡；故利名者飾僞，敦實者歸真；是以名分於聞而道隔於達也。」朱熹曰：「聞與達相似而不同，乃誠、僞之所以分。」

⑤皇侃曰：「言夫達者，質性正直，而所好者義也。」

⑥馬融曰：「常有謙退之志，察言語，見顏色，知其所欲；其念慮常欲以下人也。」

⑦馬融曰：「謙尊而光，卑而不可踰也。」皇侃曰：「在邦，謂仕諸侯也；在家，謂仕卿大夫也。」

⑧行 朱熹曰：「行，去聲。」

⑨馬融曰：「此言佞人也。佞人，假仁者之色，行之則達；安居其僞而不自疑也。」

⑩馬融曰：「佞人黨多也。」繆協曰：「世亂則佞人多，黨盛則多聞；斯所謂歎衰運，疾弊俗。」皇侃曰：「佞人黨多，故所在必聞也。」

參考資料提示：①季氏篇第六章，②說苑尊賢篇，③大戴禮記曾子制言上篇，④又曾子立事篇，⑤

莊子徐无鬼篇，⑥先進篇二十一章，⑦漢書王莽傳贊。

【二十七】子曰：「士而懷居①，不足以爲士矣②。」（憲問篇）

【註釋】

①懷居 皇侃曰：「懷居，猶居求安也。」朱熹曰：「居，謂意所便安處也。」

②何晏曰：「士當志道，不求安；而懷其居，非士也。」

參考資料提示：①里仁篇十一章，②左傳僖公二十三年，③禮記射義篇。

【二十八】子張問：「善人①之道②？」子曰：「不踐③迹④，亦不入於室⑤。」（先進篇）

【註釋】

①善人 朱熹曰：「善人，質美而未學者也。」皇侃曰：「此問善人，非聖人也。」

②皇侃曰：「問其道云何而可謂爲善人也？」

③踐 孔安國曰：「踐，循也。」

④迹 皇侃曰：「迹，舊迹也。」

⑤孔安國曰：「言善人不但循追舊迹而已，亦多少能創業；然亦不能入於聖人之奧室也。」殷仲堪曰：「夫善者，淳穆之性，體之自然；雖不擬步往迹，不能入闢奧室。」按：先進篇：「由也升堂矣，未入於室也。」

頗同此意。

參考資料提示：①述而篇二十六章，②堯曰篇第一章，③子路篇十一章，④雍也篇十四章。

【二十九】子曰：「善人①爲邦②百年，亦可以勝殘③、去殺④矣⑤。」誠⑥哉！是言也⑦

。（子路篇）

「註釋」

①善人 袁宏曰：「善人，謂體善德賢人也。」皇侃曰：「善人，賢人也。」

②爲邦 皇侃曰：「爲者，治也。爲邦，謂爲諸侯也，」

③勝殘 王肅曰：「勝殘者，勝殘暴之人；使不爲惡也。」朱熹曰：「勝，平聲。」

④去殺 王肅曰：「去殺者，不用刑殺也。」

⑤皇侃曰：「言賢人爲諸侯已百年，則殘暴不起；所以刑辟無用。」孔安國曰：「古有此言。」

⑥誠 皇侃曰：「誠，信也。」

⑦皇侃曰：「古舊有此語，故孔子稱而美信之。」

參考資料提示：①漢書刑法志，②漢紀二十三元帝紀論。

【三十】子曰：「善人教民七年①，亦可以即戎②矣③。」（子路篇）以④不教民戰，是謂棄之⑤。」（子路篇）

「註釋」

①江熙曰：「子曰：『苟有用我者，朞月而已可也；三年有成。』善人之教，不逮機理，倍於聖人，亦可有成；六年之外，民可用也。」皇侃曰：「夫教民，三年一考，九歲三考；三考黜陟幽明，待其成者，九年則正可也。今日七年者，是兩考已竟，新入三考之初也。」

②即戎 包咸曰：「即戎，就兵；可以攻戰也。」朱熹曰：「戎，兵也。」

③繆協曰：「亦以可即戎，未盡善義也。」皇侃曰：「若有可急，不暇待九年；則七年考亦可。『亦可』者，未全好之名。」

④以 朱熹曰：「以，用也。」按：此上原有「子曰」二字，疑係衍文。此上、下二章本係相屬，義亦一貫；多此二字文氣反而中斷，茲依上下文語氣刪。

⑤馬融曰：「言用不習民，使之攻戰必破敗；是謂棄之也。」江熙曰：「善人教民如斯，乃可即戎；況不及善人，而馳驅不習之民戰，以肉餒虎，徒棄而已。」皇侃曰：「民命可重，故孔子慎戰；所以教至七年，猶曰：『亦可』。若不經教戰而使之戰，是謂棄擲民也。」釋惠琳曰：「德教不及於民，而令就戰；民無不死也。必致破敗，故曰棄也。」按：此與上各家說異，但「明恥教戰」之義，亦自可通。

參考資料提示：

- ①漢書刑法志， ②春秋桓公六年， ③又僖公二十三年， ④孟子告子下篇， ⑤申鑒時事篇。

【三十一】子路問：「成人①？」子曰：「若臧武仲②之知③，公綽④之不欲⑤，卞莊子⑥之勇，冉求之藝；文之以禮樂⑦，亦可以爲成人矣。」曰⑧：「今之成人者何必然？見利思義⑨，見危授命⑩，久要⑪不忘平生⑫之言⑬；亦可以爲成人矣⑭。」（憲問篇）

【註釋】

①成人 朱熹曰：「成人，猶言全人。」

②臧武仲 馬融曰：「魯大夫臧孫紇也。」

③知 皇侃本作「智」。朱熹曰：「知，去聲。」

④公綽 馬融曰：「魯大夫孟公綽也。」按：諸人並稱姓氏，此上疑奪一「孟」字。

⑤不欲 皇侃曰：「不欲，不貪欲。」

⑥卞莊子 周生烈曰：「卞邑大夫也。」朱熹曰：「莊子，魯卞邑大夫。」

⑦孔安國曰：「加之以禮樂文成也。」皇侃曰：「言備有上四人之才智，又須加禮樂以文飾之也。」  
⑧曰皇侃曰：「曰者。亦不必然也。」是皇疏以「曰」字爲孔子再答之語也。按朱熹集注引：「胡氏曰：『今之成人』」以下，乃子路之言。」金履祥曰：「此段語意，明是子路之言。」劉賁楠正義曰：「文選曹植實躬詩注、沈約別范安成詩注，引此文；『曰』上有『子』字，蓋夫子移時復語也。集註引胡說，獨以爲子路言；於義似較長。」按：胡說是也。此章乃問答體，上爲孔子答語，下當係子路復言也。

⑨馬融曰：「義然後取，不苟得也。」按：禮記曲禮篇云：「臨財無苟得」也。

⑩皇侃曰：「若見其君之危，則當授命竭身；不苟免也。」按：禮記曲禮篇云：「臨難無苟免」也。

⑪久要 孔安國曰：「久要，舊約也。」朱熹曰：「要，平聲。」

⑫平生 孔安國曰：「平生，猶少時也。」皇侃曰：「平生者，少年時也。」朱熹曰：「平生，平日也。」

⑬皇侃曰：「言成人平生期約，雖久至今，不得忘少時之言。」

⑭皇侃曰：「言如見利思義，竭身致命，至老不忘平生之言；則亦可得爲今之成人也。」

參考資料提示：①左傳襄公二十二年，②又襄公二十三年，③荀子大略篇，④韓詩外傳卷十，⑤雍

也篇第八章，⑥說苑辨物篇，⑦新序節士篇，⑧莊子讓王篇，⑨子張篇第一章。

⑩禮記曲禮篇，⑪後漢書朱暉傳。

【三十二】子張問：「明？」子曰：「浸潤○之譖○，膚受○之愬○，不行焉；可謂明也已矣。浸潤之譖，膚受之愬，不行焉；可謂遠也已矣。」（顏淵篇）

【註釋】

顯人

○浸潤 皇侃曰：「浸潤，猶漸漬也。」朱熹曰：「浸潤，如水之浸灌滋潤；漸漬而不驟也。」

○譖 皇侃曰：「譖，讒謗也。」朱熹曰：「讒，毀人之行也。」鄭玄曰：「譖人之言，如水之浸潤；以漸成人之禍也。」

○膚受 皇侃曰：「膚者，人肉皮上之薄縹也。」朱熹曰：「膚受，謂肌膚所受；利害切身。」朱說恐非也。按：「膚受」與「浸潤」相對爲文，皆言輕微積漸之意。皇侃曰：「如人皮膚之受塵垢，當時不覺；久久方覩不淨。」是也。易坤卦文言：「履霜，堅冰至。」言其積漸也。

○愬 皇侃曰：「愬者，相訴訟讒也。」朱熹曰：「愬，愬己之冤也。」馬融曰：「膚受之愬，皮膚外語；非其內實也。」

○馬融曰：「無此二者，非但爲明，其德行高遠，人莫能及也。」孫綽曰：「問明而及遠者，其有高旨乎？夫賴明察以勝讒，猶火發滅之以水；雖消災有方，亦已殆矣。若遠而絕之，則佞根立拔，鑑巧無迹，而遠體默全。故知二辭雖同，而後喻彌深；微顯之義，其在茲乎！」按：此與馬說稍異。

參考資料指示：①逸周書諡法解，②憲問篇三十六章。

【三十三】子曰：「古○者，民有三疾○；今○也，或是之亡○也○。古之狂也肆○，今之狂也蕩○；古之矜○也廉○，今之矜也忿戾○；古之愚也直○，今之愚也許而已矣○。」（陽貨篇）

〔註釋〕

○古 皇侃曰：「古，謂淳時也。」

○疾 皇侃曰：「疾，謂病也。其事有三條，在下文也。」

○今 皇侃曰：「今，謂澆時也。」

④亡 皇侃曰：「亡，無也。」朱熹曰：「亡，與無通。」

⑤包咸曰：「言古者民疾與今時異也。」江熙曰：「今之民無古之疾，而疾過之也。」

⑥肆 包咸曰：「肆，極意敢言之也。」

⑦蕩 孔安國曰：「蕩，無所據也。」皇侃曰：「蕩，猶動也。」

⑧矜 皇侃曰：「矜，莊也。」

⑨廉 皇侃曰：「廉，隅也。」馬融曰：「有廉隅也。」李充曰：「矜厲其行，向廉潔也。」

⑩忿戾 孔安國曰：「惡，理多怒。」李充曰：「矜善上人，物所以不與；則反之者至矣。故怒以戾與忿激也。」

⑪直 皇侃曰：「古之愚者，不用其智，不知俯仰，病在直情徑行；故云直也。」

⑫皇侃曰：「今之世，愚不識可否，唯欲欺詐自利者也。」

參考資料提示：①後漢書李雲傳，②公冶長篇二十二章，③孟子盡心下篇。

【三十四】子曰：「不得中行①而與②之，必也狂、狷乎③！狂者，進取④；狷者，有所不爲⑤也⑥。」（子路篇）

【註釋】

①中行 包咸曰：「中行，行能得其中者也。」朱熹曰：「行，道也。」按：孟子盡心下篇：「中行」作「中道」。

②與 說文：「與，黨與也。」皇侃曰：「謂共處於世乎？」日本竹添光鴻曰：「與者，「可與共學，未可與適道，可與立，未可與權」之「與」也。」

③包咸曰：「言不得中行，則欲得狂、狷也。」皇侃曰：「既不得中道而與之，而得與此二人亦好。」按：此乃不得已而求其次也。

④包咸曰：「狂者，進取於善道。」皇侃曰：「狂，謂應直進而不退也。」

⑤包咸曰：「狷者，守節無爲。」皇侃曰：「狷，謂應退而不進者也。」

⑥江熙曰：「狂者，知進而不知退；狷者，知取而不知與。狷者，急狹，能有所不爲；皆不中道也。然率其天真，不爲僞也。」

參考資料提示：①孟子盡心下篇，②又離婁下篇，③後漢書獨行傳。

【三十五】子貢問曰：「鄉人皆好①之，何如②？」子曰：「未可也③。」曰④：「鄉人皆惡⑤之，何如⑥？」子曰：「未可也。不如鄉人之善者好之，其不善者惡之⑦。」（子路篇）

【註釋】

①好 朱熹曰：「好，去聲。」

②皇侃曰：「設有一人爲鄉人所崇好，則此人如何？」

③皇侃曰：「孔子不許，故云：未可也。」

④曰 「曰」字原闕。皇侃曰：「又問曰，」是此下乃子貢復問之語，其上當有「曰」字，以明與孔子對答；

茲依文例補。

⑤惡 朱熹曰：「惡，去聲。」

⑥皇侃曰：「既云皆好爲未可，故更問：設其鄉之人皆共憎惡此人，則何如？」

⑦孔安國曰：「善人善己，惡人惡己；是善善明，惡惡著也。」皇侃曰：「言若此人爲鄉人善者所好，又爲不



善所惡；如此，則是善人，乃可信也。」

參考資料提示：

①論衡定賢篇，②衛靈公篇二十八章，③里仁篇第三章。

【三十六】子曰：「衆惡①之，必察焉②；衆好③之，必察焉④。」（衛靈公篇）

【註釋】

①惡 朱熹曰：「惡，去聲。」

②皇侃曰：「設有一人，爲衆所憎惡者，必當察其德；不可從衆雷同而惡之也。所以然者，此人或特立不羣，爲衆所共陷害；故必察之也。」

③好 朱熹曰：「好，去聲。」

④皇侃曰：「又設有一人，爲衆所好愛者，亦當必察；不可隨衆而崇重之也。所以然者，或此人行惡，爲羣惡所黨愛；故亦必察也。」王肅曰：「或衆阿黨比周，或其人特立不羣；故好、惡不可不察也。」衛理曰：「賢人不與俗爭，則莫不好愛也；俗人與時同好，亦則見好也。凶邪害善，則莫不惡之；行高志遠，與俗違忤，俗亦惡之；皆不可不察也。」按：里仁篇：「唯仁者能好人，能惡人。」又：疑此章當去「子曰」二字，並移接於此上章「不如鄉人之善好之其不善者惡之」句後。

參考資料提示：

①子路篇二十四章，②孟子梁惠王下篇，③又離婁下篇，④管子明法解，⑤潛夫論

潛歎篇，⑥風俗通正失篇。

【三十七】子曰：「視①其②所以③，觀④其所由⑤，察⑥其所安⑦；人焉廋⑧九哉！人焉廋⑨哉！」（爲政篇）

哉①！」（爲政篇）

【註釋】

觀人

①皇侃曰：「視，直視也。」

②其 皇侃曰：「其，其彼人也。」

③以 何晏曰：「以，用也。言視其所行用也。」朱熹曰：「以，爲也。爲善者，爲君子；爲惡者，爲小人。」

④觀 皇侃曰：「觀，廣瞻也。」朱熹曰：「觀，比視爲詳矣。」按：說文：「觀，諦視也。」

⑤由 何晏曰：「由，經也。言觀其所經從也。」朱熹曰：「或曰：『由，行也。』」

⑥察 皇侃曰：「察，謂心懷忖測之也。」朱熹曰：「察，則又加詳矣。」按：說文：「察，覆審也。」

⑦安 皇侃曰：「安，謂意氣歸向之也。」又曰：「見於貌者，當審察以知之也。然在用言視，由言觀，安言察者；各有以也。」朱熹曰：「安，所樂也。」

⑧焉 皇侃曰：「焉，安也。」

⑨度 孔安國曰：「度，匿也。」

⑩孔安國曰：「言觀人之終始，安有所匿其情也。」江熙曰：「言人誠難知，以三者取之，近可識也。」皇侃曰：「此章明觀知於人之法也。」

參考資料提示：①大戴禮記文王官人篇，②孟子離婁上篇，③逸周書官人篇，④荀子君道篇。

## 十四 品 評

按：說文：「品，衆庶也。」國語鄭語：「以品處庶類者也。」猶區別也。又博雅：「評，平也；議也。」增韻：「品論也。」此篇所輯，皆評隲人物；定其差品及文質。因以「品評」名篇。

【一】子曰：「晉文公①，譎②而不正③；齊桓公④，正而不譎⑤。」（憲問篇）

〔註釋〕

○晉文公 皇侃曰：「晉文公，是晉獻公之子重耳也。」

○譎 鄭玄曰：「譎，詐也。」皇侃曰：「譎，詭詐也。」

○鄭玄曰：「謂召於天子而使諸侯朝之。」仲尼曰：「以臣召君，不可以訓；」故書曰：「天王狩於河陽。」是譎而不正也。」

○齊桓公 朱熹曰：「名小白。」

○馬融曰：「伐楚以公義，責包茅之貢不入，問昭王南征不還；是正而不譎也。」

參考資料提示：①春秋僖公二十八年，②左傳僖公二十七年，③春秋文公三年，④又僖公四年，⑤

又僖公七年，⑥又僖公九年。

【二】子曰：「衛靈公之無道久①也。」康子②曰：「夫③如是，奚④而不喪⑤？」孔子曰：「仲叔圉⑥治賓客；祝鮀治宗廟；王孫賈治軍旅；夫如是，奚其喪⑦？」（憲問篇）

【註釋】

①久「久」字原闕。皇侃本有此一字。按：有「久」字義長；因據補。

②康子 皇侃曰：「康子，魯季康子也。」按：「康子」上疑脫一「季」字。

③夫 朱熹曰：「夫，音扶。」皇侃曰：「夫，指衛靈公也。」

④奚 皇侃曰：「奚，何也。」

⑤喪 朱熹曰：「喪，去聲。失位也。」皇侃曰：「喪，亡也。夫無道者，必須喪傾邦；靈公奚無道行意不喪亡其國乎？」

⑥仲叔圉 朱熹曰：「仲叔圉，即孔文子也。」

⑦孔安國曰：「言君雖無道，所任者各當其才；何爲當亡乎？」皇侃曰：「言靈公無道，邦國不喪之由也；有此三臣各掌其政也。」

參考資料提示：①說苑尊賢篇，②呂氏春秋分職篇，③莊子則陽篇。

【三】齊景公有馬千駟①，死之日，民無德②而稱焉③；伯夷、叔齊④餓于首陽⑤之下，民到于今稱之⑥。「（季氏篇）子曰：『詩云⑦：『誠不以富，亦祇⑧以異⑨；』（顏淵篇）其斯⑩之⑪謂與⑫？』（季氏篇）」

【註釋】

①千駟 孔安國曰：「千駟，四千匹也。」皇侃曰：「四千匹馬也。」朱熹曰：「駟，四馬也。」

①德 原作「得」，朱熹集註本作「德」。劉寶楠正義曰：「阮氏元校勘記云：『德』、『得』雖通，此處自當作『德』。王注、邢疏皆以「斯」字指「德」言，若改爲「得」，頗乖文字。今案：皇侃云：『生時無德而多馬。』又云：『言多馬而無德。』是皇本亦作「德」。」阮說是也，疑此校者傳會泰伯篇「民無得而稱焉」句而誤也。按：是篇云：「泰伯其可謂至德也已矣。三以天下讓，民無得而稱焉。」何晏曰：「其讓隱，故民家無得而稱言之者；所以爲至德也。」錢謂「民無得而稱焉」，猶言：「民無能名焉」也。此如作「得」，則是比齊景公於泰伯矣。茲據朱本改。

②皇侃曰：「生時無德而多馬，一死則身名俱消；故民無所稱譽也。」

③伯夷叔齊 皇侃曰：「夷、齊是孤竹君之二子也，兄弟讓國，遂入隱于首陽之山。武王伐紂，夷、齊扣武王馬，諫曰：「爲臣伐君，豈得忠乎？橫尸不葬，豈得孝乎？」武王左右欲殺之，太公曰：「此孤竹君之子，兄弟讓國；大王不能制也。隱於首陽山，合方立義，不可殺；是賢人，即止也。」夷、齊反首陽山，責身不食周粟；唯食草木而已。」

④首陽 馬融曰：「首陽山，在河東蒲坂縣；華山之北，河曲之中也。」

⑤王肅曰：「此所謂以德爲稱者也。」皇侃曰：「雖無馬而餓死，而民到孔子之時，相傳猶揄揚愈盛也。」

⑥子曰詩云 按：此四字原闕。茲據古籍文例補；說詳下文。

⑦祗 鄭玄曰：「祗，適也。」

⑧鄭玄曰：「此詩小雅也。言此行誠不可以致富，適以是爲異耳。」皇侃曰：「誠不足以致富，而只以爲異事之行耳。」按：此八字原係顏淵篇之文。在「愛之欲其生，惡之欲其死；既欲其生，又欲其死；是惑也。」諸句之下，義不相涉。程頤曰：「此錯簡，當在第十六篇：『齊景公有馬千駟』之上；因此下文有「齊景」

公」字而誤也。」在「其斯之謂與」句下，朱熹註曰：「程子以爲第十二篇錯簡：「誠不以富亦祇以異」，當在此章之首。今詳文勢，似當在此句之上；言人之所稱，不在於富，而在於異也。愚謂此說近是，而章首當有「孔子曰」字，蓋闕文耳。大抵此書後十篇多闕誤。」程、朱說近是也，然而未盡。考古人評論人物，多引經典以證事；其例數見不鮮。茲舉其類似者如下：

(一)作「其此之謂乎」者：

(1) 左傳隱公元年：「肸聞之：「國將亡，必多制。」其此之謂乎？」

(2) 左傳成公七年：「詩曰：「不予吳天，亂靡有定。」其此之謂乎？」

(3) 禮記中庸篇：「詩曰：「既明且哲，以保其身。」其此之謂與？」

(4) 禮記學記篇：「兌命曰：「念終始，典於學。」其此之謂乎？」

(5) 又：「兌命曰：「學學半」其此之謂乎？」

(6) 又：「記曰：「蛾子時術之。」其此之謂乎？」

(7) 又：「記曰：「凡學，官先事，士先志。」其此之謂乎？」

(8) 又：「兌命曰：「敬孫務時敏，厥脩乃來。」其此之謂乎？」

(二)作「其是之謂乎」者：

(1) 左傳隱公元年：「詩曰：「孝子不匱，永錫爾類。」其是之謂乎？」

(2) 又：三年：「商頌曰：「殷受命咸宜，百祿是荷。」其是之謂乎？」

(3) 又：四年：「大義滅親。」其是之謂乎？」

(4) 又：「襄公四年：「君子曰：「所謂：「多行無禮，必自及也。」其是之謂乎？」

(5) 又：十三年：書曰：「一人有慶，兆民賴之；其寧惟永。」其是之謂乎？

(6) 又：二十四年：「晉主盟，爲范氏。」其是之謂乎？

(7) 又：昭公三年：詩曰：「君子如祉，亂庶遄已。」其是之謂乎？

(8) 又：四年：詩曰：「人而無禮，胡不遄死。」其是之謂乎？

(9) 又：八年：詩曰：「哀哉不能言，匪舌是出，唯躬是瘁；哿矣能言，巧言如流，俾躬處休。」其是之謂乎？

(10) 又：十年：詩曰：「不自我先，不自我後。」其是之謂乎？

(11) 又：十六年：詩曰：「宗周既滅，靡所止戾；大夫離居，莫之我肄。」其是之謂乎？

(12) 又：哀公十八年：夏書曰：「官占唯能蔽志，昆命于元龜。」其是之謂乎？

(三) 作「其斯之謂與」者：

(1) 穀梁傳僖公二年：宮之奇諫曰：語曰：「唇亡而齒寒。」其斯之謂與？

(2) 又：昭公四年：孔子曰：「懷惡而討，雖死不服。」其斯之謂與？

(3) 學而篇：詩云：「如切如磋，如琢如磨。」其斯之謂與？

依上各例觀之，則當如朱說，此八字應在「其斯之謂與」句上；蓋舉小雅之詩，以證景公與夷、齊之異行也。否則，中無此詩，則本事既已明白直叙；「其斯之謂與」一語，又何所取喻乎？因依朱說，移此句上。又：論語全書無「此」字。皇侃曰：「斯，此也。」「是」猶「此」也。如子路篇：「誠哉是言也」之「是」。至於「與」，亦作「歟」，與「乎」字俱爲語末助詞；可以互用。所以：「其此之謂乎」，「其是之謂乎」，「其此之謂與」，「其斯之謂與」四者，意義無異。上引諸例，不問詩、書、禮、記乃至古諺，必在「其斯之

謂與「句」上，且上每有「詩曰」、「書云」、「記曰」等語標示出處。因此八字出自「小雅」，故在其上補入「詩云」二字；又上再補「子曰」二字，以明此下之文，乃孔子引詩以證之也。此外，「異」字當如微子篇：「我則異於是」之「異」。言夷、齊不可致富如景公之有馬千駟，而以異行，行義而餓死首陽；猶云：異於爲富，而民有德而稱之也。

⑩斯 皇侃曰：「斯，此也。」

⑪之「之」字原闕。皇侃本、朱熹集註本並有。依上文引書各例，當有此字；因據補正。

⑫與 朱熹曰：「與，平聲。」皇侃曰：「其此之謂也。」按：此句原在「民至于今稱之」句下，因中補入顏淵篇移來錯簡八字；故逕接於此「亦祇以異」句後，以結全章也。

參考資料提示：①左傳哀公八年，②史記伯夷列傳，③詩小雅篇。

【四】子謂：「子產○有君子之道四焉○：其行己也恭○，其事上也敬○，其養民也惠○，其使民也義○。」（公治長篇）

【註釋】

○子產 孔安國曰：「子產，鄭大夫公孫僑也。」

○皇侃曰：「言子產有四德，並是君子之道也。」

○恭 朱熹曰：「恭，謙遜也。」

○事上 皇侃曰：「事君親及凡在己上者。」

○敬 朱熹曰：「敬，謹恪也。」

○惠 朱熹曰：「惠，愛利也。」皇侃曰：「言其養民皆用恩惠也。故孔子謂爲「古之遺愛」也。」



⑦義 皇侃曰：「義，宜也。使民不奪農務，各得所宜也。」  
參考資料提示：①左傳襄公二十六年，②又襄公三十一年，③又昭公十二年，④呂氏春秋下賢篇，

⑤後漢書陳寵傳注引新序。

【五】或問：「子產○？」子曰：「惠人也○。」問：「子西○？」曰：「彼哉！彼哉！」  
問：「管仲？」曰：「人也○。奪伯氏駢邑三百○，飯○蔬○食，沒○齒○無怨言○。」（憲問篇）

### 〔註釋〕

○皇侃曰：「或人問於孔子，鄭之子產，德行於民何如？」按：依「賜也何如？」「點爾何如？」例之，「子產」後疑當補「何如」二字。下文「子西」、「管仲」之後，亦當如是。

○孔安國曰：「惠，愛也。子產，古之遺愛也。」

○子西 馬融曰：「子西，鄭大夫。或曰：楚令尹子西也。」皇侃曰：「子西，鄭之公孫夏，或云：楚令尹子西。」朱熹曰：「子西，楚公子申，能遜楚國，立昭王，而改紀其政；亦賢大夫也。」是朱確定爲楚令尹子西也。

○彼哉彼哉 馬融曰：「言無足稱也。」按：猶云：「他不過如此」也。

○人也 鄭玄曰：「猶詩所謂『伊人』也。」皇侃曰：「今云管仲人也，是美管仲也。」朱熹曰：「人也，猶言此人也。」按：「人也」上疑脫一字，然不知所出。

○伯氏 孔安國曰：「伯氏，齊大夫。」皇侃曰：「伯氏，名偃。」

○駢邑 孔安國曰：「駢邑，地名也。」皇侃曰：「駢邑者，伯氏所食采邑也。」

⑧飯 皇侃曰：「飯，猶食也。」

⑨蔬 皇侃曰：「蔬，猶羹也。」

⑩沒 皇侃曰：「沒，終也。」

⑪齒 皇侃曰：「齒，年也。」

⑫孔安國曰：「伯氏食邑三百家，管仲奪之；使至蔬食，而沒齒無怨言；以當其理故也。」皇侃曰：「伯氏食邑時，家資豐足；奪邑之後，至死而貧。但食鹽糲，不敢有怨言也。所以然者，明管仲奪之當理；故不怨也。」

參考資料提示：

- ①禮記仲尼燕居篇， ②左傳昭公二十年， ③又昭公二十六年， ④又哀公十六年， ⑤

說苑貴德篇。

【六】子曰：「爲命①：裨諲②草創之③；世叔④討⑤論⑥之⑦；行人⑧子羽⑨修飾⑩之⑪；東里⑫子產⑬潤色⑭之⑮。」（憲問篇）

【註釋】

①爲命 皇侃曰：「爲，作也；命，君命也。此謂鄭國之事，作盟會之書也。」

②裨諲 孔安國曰：「裨諲，鄭大夫名也。」

③孔安國曰：「謀於野則獲，謀於國則否。鄭國將有諸侯之事，則使乘車以適野而謀作盟會之辭也。」朱熹曰：「草，畧也；創，造也。謂造爲草藁也。」按：朱說固通，但恐非古義。

④世叔 馬融曰：「世叔，鄭大夫游吉也。」朱熹曰：「春秋傳作子太叔。」

⑤討 馬融曰：「討，治也。」朱熹曰：「討，尋究也。」

⑥論 朱熹曰：「論，講議也。」

⑦馬融曰：「裨諲既造謀，世叔復治而論之；詳而審之也。」

⑧行人 馬融曰：「行人，掌使之官也。」

⑨子羽 馬融曰：「公孫揮也。」

⑩修飾 朱熹曰：「修飾，謂增損之。」

⑪皇侃曰：「不能始創，又不能討治；但能取前人所創者更唯彫修飾之。」

⑫東里 馬融曰：「子產居東里，因以爲號也。」朱熹曰：「東里，地名；子產所居也。」按：列子仲尼篇：

「鄭之圃澤多賢，東里多才。」即此東里也。

⑬子產 皇侃曰：「公孫僑，名亦曰國僑；字子產。」按：子產鄭相。史記仲尼弟子列傳：「孔子之所嚴

事，……於鄭子產。」是子產爲孔子所敬重之人也。

⑭潤色 皇侃曰：「子產才學過超前三賢，加添潤色周旋盟會之辭也。」朱熹曰：「潤色，謂加以文采也。」

⑮馬融曰：「更此四賢而成，故鮮有敗事也。」

參考資料提示：①左傳襄公二十六年，②又襄公三十一年。

【七】子曰：「晏平仲①，善與人交②；久而敬之③。」（公冶長篇）

【註釋】

①晏平仲 周生烈曰：「齊大夫也。晏姓，平諡；名嬰也。」

②皇侃曰：「言晏平仲與人結交有善也。」

③皇侃曰：「凡人交易絕，而平仲交久而人愈敬之也。」孫綽曰：「交有傾蓋如舊，亦有白髮如新；隆始者

易，克終者難。敦厚不渝，其道可久，所以難也；故仲尼表焉。」

參考資料提示：①史記管晏列傳，②又張耳陳餘列傳，③漢書蕭育傳，④後漢書王丹傳。

【八】子貢曰：「管仲非仁者與？」桓公殺公子糾，不能死；又相之。子曰：「管仲相桓公，霸諸侯，一匡天下；民到于今受其賜。微管仲，吾其被髮左衽矣！豈若匹夫、匹婦之爲諒也？自經於溝瀆而人莫之知也！」（憲問篇）

【註釋】

○與 朱熹曰：「與，平聲。」

○相 朱熹曰：「相去聲。」按：下同。

⑦皇侃曰：「此舉管仲非仁之迹，言管仲是子糾之相，而桓公是子糾之賊；管仲既不爲子糾致命殺讎，而更相桓公，非爲仁也。」朱熹曰：「子貢意，不死猶可，相之則已甚矣。」

④霸 朱熹曰：「霸，與伯同；長也。」

⑤皇侃曰：「使輔天子，合諸侯。」

⑥匡 馬融曰：「匡，正也。」

⑦馬融曰：「天子微弱，桓公率諸侯以尊周室；一正天下也。」朱熹曰：「尊周室，攘夷、狄，皆所以正天下也。」

⑧賜 皇侃曰：「賜，猶恩惠也。于時夷、狄侵迫中華，得管仲匡霸桓公，今不爲夷、狄所侵；皆由管仲之恩賜也。」王弼曰：「于時戎、狄交侵，亡邢滅衛，管仲攘戎狄而封之；南服楚師，北伐山戎；而中國不移。」何晏曰：「謂不被髮左衽之惠也。」

⑧微 馬融曰：「微，無也。」

⑨被髮 皇侃曰：「被髮，不結也。」

⑩左衽 皇侃曰：「左衽，衣前從右向左也。」朱熹曰：「衽，衣衽也。」按：皇侃本「衽」作「衽」。

⑪馬融曰：「無管仲，則君不君，臣不臣；皆爲夷狄也。」皇侃曰：「孔子言若無管仲，則今我亦爲夷狄。」

朱熹曰：「被髮、左衽，夷狄之俗也。」

⑫匹夫匹婦 皇侃引白虎通云：「匹夫、匹婦，謂庶人也。」

⑬諒 皇侃曰：「諒，信也。匹夫、匹婦無大德而守於小信，則其宜也。」

⑭經 王肅曰：「經，經死於溝瀆之中也。」皇侃引或曰：「自經，自縊也。」

⑮王肅曰：「管仲、召忽之於公子糾，君臣之義未正成；故死之未足深嘉，不死未足多非。死事既難，亦在於過厚；故仲尼但美管仲之功，亦不言召忽之不當死也。」皇侃曰：「溝瀆小處，非宜死之處也；君子直而不諒，事存濟時、濟世；豈執小信，自死於溝瀆，而世莫知者乎？喻管仲存於大業，不爲召忽守小信。」朱熹曰：「莫之知，人不知也。」後漢書引此文，「莫」字上有「人」字。」按：孟子梁惠上篇：「仲尼之徒，無道桓、文之事者。」荀子仲尼篇：「仲尼之門人，五尺之豎子言羞稱乎五伯；是何也？曰：然。彼誠可羞稱也。齊桓，五伯之盛者也。前事則殺兄而爭國，內行則姑姊妹之不嫁者七人；閭門之內，般樂奢汰，以齊之分，奉之而不足。外事則詐邾莒，并國三十五；其行事也，若是其險汙淫汰，彼固曷足稱乎大君子之門哉！」又曰：「仲尼之門人，五尺之豎子，言羞稱乎五伯；是何也？曰：然。彼非本政教也，非致隆高也，非綦文理也，非服人心也！」以上數章，孔子亟稱桓公、管仲，豈孔子「稱」之，而門人反「羞稱」之耶？參考資料提示：①呂氏春秋貴信篇，②新序雜事四篇，③春秋僖公四年，④漢書韋玄成傳，⑤衛靈

公篇三十七章，⑥中論智行篇。

【九】子路曰：「桓公①殺公子糾②，召忽死之③；管仲不死④。曰⑤：未仁乎⑥？」子  
曰：「桓公九⑦合諸侯，不以兵車⑧；管仲之力也⑨。如其仁！如其仁⑩！」（憲問篇）

【註釋】

①桓公 皇侃曰：「桓公，是齊僖公之庶子；名小白也。」

②公子糾 皇侃曰：「子糾是小白之庶兄；桓公與子糾爭國而殺子糾也。」

③孔安國曰：「齊襄公立無常。鮑叔牙曰：『君使民慢，亂將作矣。』奉公子小白出奔莒，襄公從弟公孫無知殺襄公；管夷吾、召忽奉公子糾出奔魯。齊人殺無知，魯伐齊，納子糾。小白自莒先入，是爲桓公，乃殺子糾；召忽死也。」皇侃曰：「召忽是子糾之傳，子糾被殺，故召忽赴敵而死也。」

④皇侃曰：「管仲亦是子糾輔相，召忽既死，管仲猶生；故曰不死。」

⑤曰 皇侃曰：「曰者，謂也。」

⑥皇侃曰：「是時人物議者皆謂管仲不死，是不仁之人也；管仲非唯不死，亦迴復輔相桓公；故爲無仁恩也。」

⑦九 朱熹曰：「『九』，春秋傳作『糾』，督也。古字通用。」

⑧不以兵車，言不假威力也。」

⑨皇侃曰：「說管仲有仁之迹。齊桓公爲霸主，遂經九過盟會諸侯；不用兵車而能辨也。不用兵車而諸侯九合，管仲之力也。」按：依皇說，「九」乃數字：作「九次」解也。

⑩孔安國曰：「誰如管仲之仁矣！」皇侃曰：「再言之者，深美其仁也。」

參考資料提示：

①春秋莊公九年，②國語齊語，③穀梁傳莊公二十七年。

【十】子曰：「直哉！史魚①。邦有道，如矢；邦無道，如矢②。君子哉！蘧伯玉③。邦有道，則仕；邦無道，則可卷④而懷⑤也⑥。」（衛靈公篇）

【註釋】

①史魚 孔安國曰：「衛大夫史鱣也。」朱熹曰：「史，官名。」皇侃曰：「美史魚之行正直也。」

②孔安國曰：「有道、無道，行直如矢不曲也。」皇侃曰：「證其爲直譬箭矢也。性唯直而不曲，言史魚之德恆直如箭；不以國有道、無道爲變曲也。」朱熹曰：「史魚自以不能進賢、退不肖，既死猶以尸諫；故夫子稱其直。」

③皇侃曰：「美蘧瑗也。進退隨時，合時之變；故曰君子哉也。」

④卷 朱熹曰：「卷，收也。」

⑤懷 朱熹曰：「懷，藏也。」包咸曰：「卷而懷，謂不與時政柔順，不忤於人也。」

⑥也 「也」字皇侃本、朱熹集註本並作「之」，並通。皇侃曰：「國若有道，則肆其聰明以佐時也；國若無道，則韜光匿智而懷藏以避世之害也。」

參考資料提示：①韓詩外傳卷七，②說苑雜言篇，③後漢書張謐傳，④春秋襄公十四年，⑤又襄公

二十六年，⑥尸子勸學篇。

【十一】子曰：「孟公綽①爲趙、魏②老③，則優④；不可以爲滕、薛⑤大夫也⑥。」（憲問篇）

【註釋】

①孟公綽 孔安國曰：「公綽，魯大夫也。」

①趙魏 孔安國曰：「趙、魏皆晉卿也。」

②老 孔安國曰：「家臣稱老。」皇侃曰：「老者，采邑之室老也。」

③優 皇侃曰：「優，猶寬閑也。公綽性靜寡欲，若爲采邑之臣，則寬緩有餘裕也。」

④滕薛 孔安國曰：「滕、薛小國。」

⑤孔安國曰：「大夫職煩，故不可爲也。」皇侃曰：「滕、薛皆小國，職煩；公綽不能爲大夫也。」

參考資料提示：①憲問篇十二章，②史記仲尼弟子列傳，③漢書薛宣傳，④後漢書韋彪傳，⑤牟子

理惑論。

【十二】蘧伯玉○使○人於孔子○，孔子與之坐而問焉○；曰：「夫子○何爲○？」對曰：「夫子欲寡其過而未能也○。」使者出，子曰：「使乎！使乎！」（憲問篇）

【註釋】

○蘧伯玉 孔安國曰：「伯玉，衛大夫蘧瑗也。」

○使 朱熹曰：「使，去聲。下同。」

○皇侃曰：「使人往孔子處。」

○皇侃曰：「孔子與伯玉之使者坐而問也。」

○夫子 皇侃曰：「孔子指伯玉爲夫子。」

○皇侃曰：「問使者，汝家夫子何所爲耶？」

○何晏曰：「言夫子欲寡其過，而未能無過也。」

○陳羣曰：「再言『使乎』，善之也；言使得其人也。」皇侃曰：「孔子美使者之爲美，故再言『使乎』者，



言伯玉所使爲得其人也。」

參考資料提示：

①史記仲尼弟子列傳，

②淮南子原道篇，

③莊子則陽篇，

④穀梁傳襄公二十九年。

【十三】南宮适①問於孔子，曰：「羿②善射，羿③盪④舟⑤，俱不得其死然⑥；禹⑦、稷⑧躬稼⑨，而有天下⑩。」夫子不答。南宮适出，子曰：「君子⑪哉！若人⑫。尙德哉！若人。」（憲問篇）

### 「註釋」

①南宮适 孔安國曰：「适，南宮敬叔；魯大夫也。」皇侃曰：「姓南宮，名适；字敬叔。」又曰：「此南宮适，非周有士之南宮适也。」朱熹曰：「南宮适，即南容也。」

②羿 孔安國曰：「羿，有窮之君也；篡夏后相之位。」皇侃引淮南子曰：「堯時有十日並出，草木燋枯；堯命羿射之，中其九日；日中鳥皆死焉。」按：此當係古代神話。

③羿 孔安國：「篡夏后相之位，其臣寒浞殺之；因其室而生羿。」又曰：「爲夏后少康所殺也。」

④盪 皇侃曰：「盪，推也。」

⑤舟 皇侃曰：「舟，船也。」孔安國曰：「羿多力，能陸地行舟。」

⑥然 按：「然」，同「焉」。孔安國曰：「此二子者，皆不得以壽終也。」

⑦禹 皇侃曰：「禹，夏禹。禹帝姓姒，名文命；黃帝玄孫鯀之子也。」

⑧稷 皇侃曰：「稷，后稷；事舜百穀也。」

⑨躬稼 馬融曰：「稷播殖百穀，故曰躬稼也。」皇侃曰：「躬稼，播種也。」按：躬，猶身也。

⑩馬融曰：「禹及其身，稷及後世；皆王也。」皇侃曰：「有天下，謂爲天子也。」

⑤ 君子 孔安國曰：「賤不義而貴有德，故曰君子也。」

⑥ 若人 皇侃曰：「若人，如此人也。」又曰：「君子，尚德，如此人也。」

參考資料提示：① 左傳襄公四年，② 孟子滕文公上篇，③ 史記周本紀。

【十四】原壤○夷○俟○。子曰：「幼而不遜悌；長○而無述焉○；老而不死；是爲賊○！」以杖叩○其脛○。（憲問篇）

【註釋】

○原壤 馬融曰：「原壤，魯人；孔子故舊也。」皇侃曰：「原壤者，方外之聖人也。不拘禮教，與孔子爲朋友。」朱熹曰：「原壤，孔子之故人，母死而歌；蓋老氏之流，自放於禮法之外者。」

○夷 馬融曰：「夷，踞也。」

○俟 馬融曰：「俟，待也。踞待孔子也。」皇侃曰：「壤聞孔子之來，而夷踞豎膝以待孔子之來也。」

○長 朱熹曰：「長，上聲。」

○皇侃曰：「言壤少而不以遜悌自居；至於年長，猶自放肆；無所效述也。」

○賊 何晏曰：「賊，謂賊害也。」皇侃曰：「言壤年已老而未死，行不敬之事；所以賊害於德也。」

○叩 孔安國曰：「叩，擊也。」

○脛 孔安國曰：「脛，腳脛也。」皇侃曰：「膝上曰股，膝下曰脛。孔子歷數言既竟，又以杖叩擊原壤之脛；令其脛而不夷踞也。」朱熹曰：「脛，足背也。孔子既責之，而因以所曳之杖，微擊其脛；若使勿踞然。」

參考資料提示：① 大戴禮記曾子立事篇，② 學而篇第二章。

【十五】子曰：「臧文仲<sup>①</sup>，居蔡<sup>②</sup>，山節<sup>③</sup>，藻稅<sup>④</sup>；何如<sup>⑤</sup>？其<sup>⑥</sup>知<sup>⑦</sup>也<sup>⑧</sup>？」（公冶長篇）

【註釋】

①臧文仲 包咸曰：「臧文仲，魯大夫臧孫臣也。文，諡也。」

②居蔡 包咸曰：「蔡，國君之守龜。出蔡地，因以爲名焉。長尺有二寸，居蔡，僭也。」皇侃曰：「居，猶畜也；蔡，大龜也。禮：唯諸侯以上，得畜大龜；以卜國之吉凶。大夫以下，不得畜之。文仲是魯大夫，而畜龜；是僭人君禮也。」

③山節 包咸曰：「節者，榑也；刻鏤爲山也。」皇侃曰：「山節者，刻柱頭露節爲山；如今栱斗也。」

④藻稅 包咸曰：「稅者，梁上楹也；畫爲藻文，言其奢侈也。」皇侃曰：「藻稅者，畫梁上侏儒柱爲藻文也。人君居室無此禮，而文仲爲之；故爲奢也。」朱熹曰：「藻，水草名。稅，梁上短柱也。」

⑤何如 疑問形容詞也。莊子人間世篇：「何如德之衰也？」成玄英疏：「何如，猶如何也。」按：論語全書用「何如」發問者頗多，計有二種用法；茲分列於後：

（一）用「何如」於句首者：

（1）何如斯可謂之士矣？（子路篇）

（2）何如斯可謂之達矣？（顏淵篇）

（3）何如斯可以從政矣？（堯曰篇）

（4）何如斯可謂之士矣？（子路篇）

（二）用於句末者：

（1）今之從政者何如？（子路篇）

- (2) 鄉人皆好之何如？(子路篇)
- (3) 鄉人皆惡之何如？(子路篇)
- (4) 舊令尹之政必以告新令尹何如？(公治長篇)
- (5) 違之何如？(公治長篇)
- (6) 貧而無諂富而無驕何如？(學而篇)
- (7) 求爾何如？(先進篇)
- (8) 赤爾何如？(先進篇)
- (9) 點爾何如？(先進篇)
- (10) 夫三子者之言何如？(先進篇)
- (11) 求也何如？(先進篇)
- (12) 赤也何如？(先進篇)
- (13) 賜也何如？(公治長篇)
- (14) 以德報怨何如？(憲問篇)
- (15) 如能博施於民而能濟衆何如？(雍也篇)

依全書用「何如」例，即知此二字當於白話：「怎麼樣？」凡是用起首者，則係發問「未然」之事；用於句末者，則是發問「已然」之事。「何如斯可謂之士矣？」「何如斯可以從政矣？」皆問「未然」之事；「今之從政者何如？」「貧而無諂，富而無驕何如？」皆問「已然」之事。此「居蔡，山節，藻梲」皆指臧文仲已行之事，猶如八佾篇：「邦君樹塞門，管仲亦樹塞門；邦君爲兩君之好有反玷，管仲亦有反玷。」亦皆已行

之事。故此「何如」二字，依文例應連上讀；即表示問文仲既有此三事，爲是、爲非？或爲知、爲不知也？不過此章文字乃自問自答，非一問一答也。其意猶云：臧文仲有此居蔡、山節、藻梲三種僭禮之事；則其人爲何如人耶？至於朱熹集註謂：「蓋爲藏龜之室，而刻山於節，畫藻於梲也。」說近傳會。夫蔡雖大龜，長不過一尺二寸；豈必爲畫棟彫梁以居之耶？

⑥其按：猶「豈」也。書盤庚：「若火之燎於原，不可鄉邇；其猶可撲滅？」雅也篇：「雖欲勿用，山川其舍諸？」

⑦知皇侃本作「智」。朱熹曰：「知，去聲。」

⑧也按：語末助詞，表疑問。如：易同人卦象辭：「出門同人，又誰咎也？」爲政篇：「子張問：十世可知也？」舊說此三字連上讀作：「何如其知也。」孔安國曰：「非時人謂以爲知也。」皇侃曰：「時人皆謂文仲是有智之人，故孔子出其僭奢之事而譏時人也。」孔、皇二說並非也。按：「何如其知也？」依義猶云：「臧文仲之知爲如何也？」猶堯曰篇：「何如斯可以從政矣？」子路篇：「何如斯可謂之士矣？」乃發問之詞，並無譏誹他人之意，義不可解。今以「何如」二字連上讀，此三字則指文仲言；謂其所爲僭奢之事，「豈知也？」猶云：文仲豈知者之人耶？此三事又豈知者之所爲耶？則不致有疑義矣。此蓋孔子對門人評論臧文仲爲人，而自問自答之也。

參考資料提示：①左傳文公二年，②禮記明堂位篇。

【十六】子曰：「臧文仲①，其竊位②者與③？知柳下惠④之賢而不與立⑤也⑥。」（衛靈公篇）

〔註釋〕

①臧文仲皇侃曰：「臧文仲，魯大夫也。」

①竊位 皇侃曰：「竊，盜也。」朱熹曰：「竊位，言不稱其位，而有愧於心；如盜得而陰據之也。」

②與 朱熹曰：「與，平聲。」皇侃曰：「臧文仲雖居位，居位不當，與盜位者同；故云竊位者與？」

③柳下惠 孔安國曰：「柳下惠，展禽也。」朱熹曰：「魯大夫，展獲，字禽；食邑柳下。諡曰惠。」

④與立 朱熹曰：「與立，謂與之並立於朝。」按：此「立」字如「己欲立而立人」之「立」，固不必強解爲「共立」也。

⑤孔安國曰：「知其賢而不舉，爲竊位也。」皇侃曰：「文仲在位，知柳下惠之賢而不薦之於君，使與己同立公朝；所以素餐盜位也。」

參考資料提示：

- ①國語魯語上， ②左傳文公二年， ③禮記大學篇， ④晏子春秋諫下篇， ⑤說苑臣術篇， ⑥又善說篇， ⑦韓詩外傳卷七。

【十七】子曰：「臧武仲，<sup>①</sup>以防<sup>②</sup>求爲後<sup>③</sup>於魯<sup>④</sup>，雖曰不要<sup>⑤</sup>君，吾不信也<sup>⑥</sup>！」（憲問篇）

〔註釋〕

①臧武仲 皇侃曰：「姓臧，名乾。武，諡也。」

②防 孔安國曰：「防，武仲故邑也。」皇侃曰：「防，是武仲故食采邑也。」

③爲後 孔安國曰：「爲後，立後也。」

④皇侃曰：「武仲魯襄公二十三年爲孟氏所譖，出奔邾；後從邾還防，而使人請於魯，爲其後於防；故曰：以防求爲後於魯。」又曰：「魯得乾請，乃立臧爲爲後也。」

⑤要 皇侃曰：「要，謂要君也。」朱熹曰：「要，平聲。有挾而求也。」

④袁宏曰：「奔不越境，而據私邑求立先人之後；此正要君也。」皇侃曰：「不先盡忠而先欺君也。」武仲出奔，而魯求立後於其故邑；時人皆謂武仲此事非要，孔子據其理是要；故云，雖曰不要，吾不信也。」按：依皇說，則「雖」，猶縱也。疑「雖」乃「雖」字之形近而誤，原文似當作：「雖曰：不要君？吾不信也！」其意猶云：誰敢謂其「不要君」？吾不信有人肯謂其「不要君」者也！

參考資料提示：

①左傳襄公二十三年，

②又襄公二十六年，

③孝經第五章。

【十八】子曰：「寧武子，○邦有道，則知○；邦無道，則愚○；其知可及也，其愚不可及也。」（公治長篇）

【註釋】

○寧武子 馬融曰：「衛大夫寧俞也。武，諱也。」

○知 皇侃本作「智」。並云：「言武子若值邦君有道，則肆己智識以贊明時也。」朱熹曰：「知，去聲。」

○皇侃曰：「若值國主無道，則卷智藏明；詳昏同愚也。」

○孔安國曰：「詳愚似實，故曰不可及也。」孫綽曰：「人情莫不好名，咸貴智而賤愚；雖治亂異世，而矜鄙不變。唯深遠之士爲能晦智藏名，以全身遠害；飾智以成名者易，去華以保性者難也。」

參考資料提示：

①左傳僖公二十八年，

②又僖公三十年。

【十九】季文子，○三思而後行。子聞之，曰：「再○思○斯○可矣。」（公治長篇）

【註釋】

○季文子 鄭玄曰：「魯大夫季孫行父也。文，諱也。」按：左傳襄公五年：「季文子卒。」

○再 說文：「一舉而二也。」

品評

④斯 皇侃曰：「斯，此也。」按：唐石經「斯」作「思」，亦通。季彪曰：「君子之行，謀其始，思其中，慮其終，然後允合事機，舉無遺算；是以曾子三省其身，南容三復白圭，夫子稱其賢。」按：此又一說。

參考資料提示：①左傳文公六年，②又哀公二十七年。

【二十】子曰：「孟之反○不伐○。奔而殿○，將入門○，策○其馬○；曰：『非敢後也，馬不進也○。』」（雍也篇）

「註釋」

○孟之反 孔安國曰：「魯大夫孟之側者，與齊戰，軍大敗。」皇侃曰：「余見鄭注本：『姓孟，名之側；字之反』也。」朱熹引胡氏曰：「反，即莊周所稱『孟子反』者，是也。」

○不伐 孔安國曰：「不伐者，不自伐其功也。」

○殿 馬融曰：「殿，在軍後者也。前曰啓，後曰殿。孟之反賢而有勇，軍大奔，獨在後爲殿。」

○門 皇侃曰：「門，魯國門也。」

○策 皇侃曰：「策，杖也。」

○皇侃曰：「初敗奔時在郊，去國門遠；孟之側在後。及還將至，入國門；而孟之側杖馬令在奔者前也。然六籍唯用馬乘車，無騎馬之文。唯曲禮云：「前有車騎，」是騎馬耳。今云「策其馬」，不爲騎馬，爲乘車也。」

○馬融曰：「人迎爲功之，不欲獨有其名；故曰：我非敢在後距敵也，馬不能前進耳。」

參考資料提示：①左傳哀公十一年，②公冶長篇二十六章。

【二一】子曰：「衛公子伋○善居室○。始有○，曰○：『苟○合○矣○。』少有○，曰：『



苟完<sup>⑩</sup>矣<sup>⑪</sup>。」「富有<sup>⑫</sup>，曰：「苟美矣」<sup>⑬</sup>。」「（子路篇）

【註釋】

⑩衛公子荆 王肅曰：「荆與蘧瑗、史鱣並爲君子也。」皇侃曰：「衛公子荆，是衛家公子也。諸侯之庶子並稱公子。」朱熹曰：「公子荆，衛大夫。」

⑪皇侃曰：「居其家能治，不爲奢侈。」

⑫始有 皇侃曰：「始有，謂爲居初有財帛時也。」

⑬曰 皇侃曰：「曰，猶云也。」

⑭苟 皇侃曰：「苟，苟且也。苟且非本意也。」朱熹曰：「苟，聊且粗畧之意。」

⑮合 朱熹曰：「合，聚也。」

⑯皇侃曰：「子荆初有財帛，不敢言己才力所招；但云苟且遇合而已。」

⑰少有 皇侃曰：「少有，謂更復多。少勝於始時有也。」

⑱完 朱熹曰：「完，備也。」

⑲皇侃曰：「既少勝於前始有，但云苟且得自全完而已；不敢言欲爲久富貴也。」

⑳富有 皇侃曰：「富有，謂家道遂大富時也。」

㉑皇侃曰：「亦云苟且爲美，非是性之所欲。」

參考資料提示：①左傳襄公二十九年，②子路篇第九章。

【三】公叔文子之臣①大夫僕②與文子同升③諸④公⑤。子聞之，曰：「可以爲文矣⑥。」（憲問篇）

【註釋】

○臣 朱熹曰：「臣，家臣。」

○孔安國曰：「大夫僕，本文子家臣也。」

○升 皇侃曰：「升，朝也。」

○諸 皇侃曰：「諸，之也。」

○公 朱熹曰：「公，公朝也。」孔安國曰：「薦之，使與己並爲大夫；同升在公朝也。」皇侃曰：「文子是衛大夫，僕本是家臣；見之有才能，不將爲己之臣，恐掩賢才；乃薦於衛君，衛君用之，亦爲大夫；與文子尊卑使敵，恆與文子齊列同班者也。」

○孔安國曰：「言行如是，可諡爲「文」也。」朱熹曰：「文者，順理而成章之謂。諡法亦有所謂：「錫民爵位，曰文」者。」

參考資料提示：①公治長篇十五章，②八佾篇十四章。

【二三】子問：「公叔文子」○於公明賈○？曰：「信乎！夫子○不言，不笑，不取○乎？」公明賈對曰：「以告者過○也。夫子時然後言，人不厭其言也○；樂然後笑，人不厭其笑也○；義然後取，人不厭其取也○。」子曰：「其然○！豈其然乎○？」（憲問篇）

【註釋】

○公叔文子 孔安國曰：「公叔文子，衛大夫公孫拔也。文，諡也。」

○公明賈 皇侃曰：「公明賈，仕公叔文子。」朱熹曰：「公明姓，賈名；亦衛人。」

○夫子 皇侃曰：「夫子，呼公叔文子爲「夫子」。」

④不取 皇侃曰：「不取財利。」

⑤過 皇侃曰：「過，誤也。」

⑥皇侃曰：「言我夫子非時不語，語必得之中；既得之中，故世人不厭其言也。」

⑦皇侃曰：「夫笑爲樂，若不樂而強笑，必爲人所厭；更云事言訖然後笑也。」

⑧皇侃曰：「夫取利若非義取，則爲人所厭；我夫子見得思義，義而後取；故人不厭其取也。」

⑨其然 袁宏曰：「其然，然之也。」皇侃曰：「然，如此也。言今汝所說者當如此也。」

⑩馬融曰：「美其得道，嫌其不能悉然也。」袁宏曰：「此則善之者，恐其不能；故設疑辭。」皇侃引一曰：

「其然！是驚其如此。豈其然乎？其不能悉如此也。」

參考資料提示：

①左傳襄公二十九年，

②漢書東方朔傳，

③禮記曲禮篇。

【二四】子貢問曰：「孔文子①，何以謂之「文」也②？」子曰：「敏③而好④學，不恥下問⑤；是以謂之「文」也⑥。」（公治長篇）

### 【註釋】

①孔文子 孔安國曰：「孔文子，衛大夫孔叔圉也。「文」，諡也。」

②皇侃曰：「問：其何德而諡「文」也？」

③敏 孔安國曰：「敏者，識之疾也。」皇侃曰：「敏，疾速也。」

④好 朱熹曰：「好，去聲。」

⑤孔安國曰：「下問，問凡在己下者也。」

⑥皇侃曰：「言孔圉之識智疾速，而所好在學；若有所不知，則不恥諮問在己下之人；有此諸行，故謂爲文。」

也。」朱熹曰：「凡人，性敏者，多不好學；位高者，多恥下問。故諡法有以「勤學好問」爲「文」者，蓋亦人所難也。」

參考資料提示：

①逸周書諡法篇，

②憲問篇十八章。

【二五】仲弓問：「子桑伯子○？」子曰：「可○也簡○。」仲弓曰：「居敬而行簡，以臨其民；不亦可乎？」居簡而行簡，無乃太簡乎？」子曰：「雍之言然。」（雍也篇）

【註釋】

○子桑伯子 王肅曰：「伯子，書傳無見也。」朱熹曰：「子桑伯子，魯人。胡氏以爲疑即莊周所稱「子桑戶」者是也。」皇侃曰：「仲弓，即冉雍也。問孔子曰：有人名子桑伯子，此是何人也？」

○可 皇侃曰：「可，猶可謂也。」

○簡 爾雅釋詁：「簡，大也。」皇侃曰：「簡，謂疏大無細行也。孔子答曰：「伯子之身，所行可謂疏簡也。」何晏曰：「以其能簡，故曰可也。」

○孔安國曰：「居身敬肅，臨下寬畧；則可也。」

○包咸曰：「伯子之簡，大簡也。」皇侃曰：「言其簡過甚也。」按：所謂「過猶不及」也。

○皇侃曰：「雍論簡既是，故孔子然許之也。」

參考資料提示：

①莊子大宗師篇，

②又山木篇，

③楚辭涉江篇，

④說苑修文篇。

【二六】子張問曰：「崔子○弑○齊君○，陳文子○有馬十乘○，棄而違○之○。至於他邦，則曰：「猶吾大夫崔子也！」違之○。之○一邦○，則又曰：「猶吾大夫崔子也！」違之○。何如？」子曰：「清○矣。」曰：「仁矣乎？」曰：「未知焉○得仁○？」（公冶長篇）

「註釋」

①子張問曰「子張問曰」四字原闕。因將上文問令尹子文事另立一章，此下並係子張問陳文子之事；分出亦單獨成章。故增此四字，以明發問主體。

②崔子 皇侃曰：「崔子，齊大夫崔杼也。」

③弑 皇侃曰：「云弑者，夫上殺下曰殺；殺名爲卑也。下殺上曰弑；弑試也。下之害上，不得即而致殺；必先相試以漸。」

④齊君 皇侃曰：「弑其君莊君也。」朱熹曰：「齊君，莊公；名光。」

⑤陳文子 皇侃曰：「陳文子亦齊大夫也。」朱熹曰：「名須無。」

⑥乘 朱熹曰：「乘，去聲。」皇侃曰：「十乘，四十匹也。四馬共乘一車，故十乘有四十匹也。」

⑦違 皇侃曰：「違，去也。」

⑧孔安國曰：「崔杼作亂，陳文子惡之；捐其四十匹馬，違而去之也。」皇侃曰：「而違去此國。」

⑨皇侃曰：「于時天下並亂，國國皆惡。文子棄馬而去，復更至他邦；而所至之國亦亂，與齊不異；故曰：『猶吾大夫崔子也！』」

⑩皇侃曰：「文子所至新國又惡，故又去之也。」

⑪之 皇侃曰：「之，往也。」

⑫皇侃曰：「去所至新國，更復往一邦也。」

⑬皇侃曰：「去初所至，更往一國；一國復昏亂，又與齊不異；故又曰：『猶吾大夫崔子也！』」

⑭皇侃曰：「已復更去也。」

④清 皇侃曰：「清，清潔也。」

⑤顏延之曰：「每適又違，潔身者也。」李充曰：「違亂求治，不汙其身；清矣。」

⑥焉 朱熹曰：「焉，於虔反。」按：猶安也。

⑦皇侃曰：「答子張曰：其能自去，只可得清；未知所以得名爲仁也。」孫綽曰：「文子疾時惡之篤，棄馬而逝；三去亂邦，坐不暇寧；忠信有餘，而仁猶未足。」按：此章上接「子張問令尹子文」章，今分作兩章。

參考資料提示：①左傳襄公二十五年，②泰伯篇十三章。

【二十七】子張問曰：「令尹子文○三仕爲令尹，無喜色○；三已○之，無愠色○；舊令尹之政，必以告新令尹○；何如？」子曰：「忠矣○。」曰：「仁矣乎？」曰：「未知焉○得仁○？」（公冶長篇）

【註釋】

○令尹子文 孔安國曰：「令尹子文，楚大夫。姓闕，名穀；字於菟。」皇侃曰：「令尹，楚官名也。」朱熹曰：「楚上卿執政者也。」

○皇侃曰：「文子經仕楚，三過爲令尹之官；而顏色未曾喜也。」

○已 皇侃曰：「已，謂黜止也。」

○皇侃曰：「文子作令尹，經三過被黜；而亦無愠恚之色也。」

○皇侃曰：「雖三過被黜，每被黜受代之時，必以令尹舊政令告語新人；恕其不知解也。」按：「恕」疑當作「恐」。

○李充曰：「進無喜色，退無怨色；公家之事，知無不爲；忠臣之至也。」

○焉 朱熹曰：「焉，於虔反。」按：猶安也；何也。

⑧孔安國曰：「但聞其忠事，未知其仁也。」

參考資料提示：

①左傳莊公三十年，

②國語楚語下，

③潛夫論過利篇。

【二八】

子曰：「孰○謂微生高○直○？或乞醯○<sup>④</sup>焉<sup>⑤</sup>，乞諸<sup>⑥</sup>其鄰而與之<sup>⑦</sup>。」（公冶長篇）

〔註釋〕

①孰 皇侃曰：「孰，誰也。」

②微生高 孔安國曰：「微生，名高。魯人也。」按：戰國策燕策：『蘇代曰：「信如尾生高，則不過不欺人耳」。』說文：「尾，微也。」莊子盜跖篇：「尾生與女子期于梁。」釋文本作「微」；古今人表

「尾生晦」，憲問篇作「微生畝」。則此「微生高」即燕策之尾生高也。

③皇侃曰：「于時世人多云微生高用性清直，而孔子譏之。」朱熹曰：「素有直名者。」

④醯 皇侃曰：「醯，酢酒也。」朱熹曰：「醯，醋也。」

⑤皇侃曰：「或有人就微生乞醯者也。」

⑥諸 皇侃曰：「諸，之也。」

⑦皇侃曰：「時微生家自無醯，而爲乞者就已鄰有醯者乞之、以與或人也。」孔安國曰：「乞之四鄰，以

應求者；用意委曲，非爲直人也。」按前章：「始吾於人也聽其言而信其行今吾於人也聽其言而觀其行於予與改是」二十九字，疑當移接此章之末，言因見微生高言行之不一，而孔子反省自改其失者也。

參考資料提示： ①陽貨篇十四章， ②公冶長篇第十章。

【二九】 孔子曰：『「見善如不及○，見不善如探湯○。」吾見其人矣，吾聞其語○矣○。』（季氏篇）

其志，行義以達其道○。』吾聞其語矣，未見其人也○。』（季氏篇）

〔註釋〕

品評

一二六一

○袁宏曰：「恆恐失之，故馳而及之也。」皇侃曰：「見有善者，當慕而齊之；恆恐已不能相及也。」

○探湯 孔安國曰：「探湯，喻去惡疾也。」皇侃曰：「若見彼不善者，則已急宜畏避，不相染入；譬如使已以手探於沸湯爲也。」按：此二句當是古語。

○語 朱熹曰：「語，蓋古語也。」朱說是也。按：此古語即：「見善如不及，見不善如探湯」二語。下文：

「吾聞其語矣，未見其人也。」公冶長篇：「始吾於人也，聽其言而信其行；今吾於人也，聽其言而觀其行。」則應先言「聞其語」，後言「見其人」。依下文例，此二句疑係倒誤；原當作：「吾聞其語矣，吾見其人矣。」方與行文順序相合。

○皇侃曰：「孔子自曰：此上二事，吾嘗見其人亦嘗聞有其語也。」

○按：此二句亦當是古語。

○顏特進曰：「隱居以求志於世表，行義所以達道於古人。無立之高，難能之行；徒聞其語，未見其人也。」皇侃曰：「唯聞昔有夷、齊能然，是聞有其語也；而今世無復此人，故云未見其人也。」

參考資料提示：

- ①大戴禮記曾子立事篇， ②淮南子繆稱篇， ③列女傳節義傳， ④後漢書范滂傳， ⑤孟子萬章上篇。

【三十】子曰：「人而○無遠慮○，必有近憂○。（衛靈公篇）不曰○：『如之何○？如之何○者，吾末○如之何也已矣○！』（衛靈公篇）

【註釋】

○而 朱熹集註本無「而」字。

○慮 說文：「慮，謀思也。」王肅曰：「君子當思慮而預防也。」



③皇侃曰：「人生當思漸慮遠，防於未然；則憂患一事不得近至。若不爲遠慮，則憂患之來，不朝則夕。」

④不曰 皇侃曰：「不曰，猶不謂也。」按：此上原有「子曰」二字，因與上文重複；茲刪去。

⑤如之何 孔安國曰：「『不曰如之何』者，猶言『不曰奈是何』也。」皇侃曰：「『如之何』，謂卒至，非己力勢可奈何者也。言人生常當思慮卒有不可如何之事，逆而防之，不使有起；若無慮而事歛起，是『不曰如之何』事也。」李充曰：「謀之於其未兆，治之於其未亂；何當至於臨難方曰：『如之何』也。」

⑥末 廣韻：「末，無也。」按：猶莫也。

⑦孔安國曰：「『如之何』者，言禍難已成，吾亦無如之何也。」皇侃曰：「若不先慮而如之何之事，非唯凡人不能奈何矣，雖聖人亦無如之何也。故云：『吾末如之何也已矣』！」按：此章自「不曰如之何」以下至於章末，皆同篇下第十六章之文。上第十二章：「人無遠慮必有近憂」八字，何晏集解本無注；而此章李充注云：「謀之於其未兆，治之於其未亂。」皇侃疏：「逆而防之，不使有起；若無慮而事歛起，是不曰如之何事也。」皆指「人無遠慮，必有近憂」而言；注、疏顯與此文有關。又：荀子大略篇：「如之何？憂之長也。」春秋繁露執贄篇：「子曰：『人而不曰如之何？如之何者，吾末如之何也已矣。』」故匿病者，不得良醫；羞問者，聖人去之。玉至清而不蔽其惡，內有瑕疵，必見於外；故君子不隱其短，不知則問，不能則學；取之玉也。」此俱言「如之何」爲「近憂」也。是此章應接「必有近憂」句下。疑此二者本係一章，因中錯入：「子曰已矣乎吾未見好德如好色者也子曰臧文仲其竊位者與知柳下惠之賢而不與立也子曰躬自厚而薄責於人則遠怨矣」三章，五十六字；校者不察，以爲：「則遠怨矣」與「不曰如之何」意不相屬，又不知「不曰如之何」五字非起句之文；遂妄加「子曰」二字，使別爲一章矣。茲依上下文義，加以改正。

參考資料提示：

- ①左傳襄公二十六年，  
②又哀公十一年，  
③易既濟卦象辭，  
④又繫辭下傳，  
⑤荀子  
大畧篇，  
⑥又仲尼篇，  
⑦淮南子人間篇  
⑧國語晉語六，  
⑨鹽鐵論毀學篇，  
⑩春秋繁  
露執贄篇。

## 十五 隱 逸

按：隱，爾雅釋詁：「隱，微也。」郭璞注：「微，謂逃藏也。」易坤卦文言：「天地閉，賢人隱。」逸，假爲佚。說文：「佚，佚民也。」段玉裁曰：「佚，正字；逸，假借字。」「隱逸」，乃指避世之隱者、逸民言。所輯俱屬評論隱逸文字，因以題篇。

【一】子曰：「賢者，辟世①；其次，辟地②；其次，辟色③；其次，辟言④；作者⑤七人矣⑥。（憲問篇）逸民⑦：伯夷、叔齊⑧、虞仲⑨、夷逸⑩、朱張⑪、柳下惠⑫、少連⑬。」（微子篇）

### 【註釋】

①辟 朱熹曰：「辟，去聲。」皇侃本作「避」。孔安國曰：「世主莫得而臣之也。」皇侃曰：「賢者，去就順時，若天地閉塞，則賢人便隱；高蹈塵外，枕流漱石，天子不得而臣，諸侯不得而友；此語避世之士也。」  
②馬融曰：「去亂國，適治邦也。」皇侃曰：「謂中賢也。未能高栖絕世，但擇地處，去亂就地；此是避地之士也。」

③孔安國曰：「色斯舉也。」皇侃曰：「此次中之賢也。不能預擇治亂，但臨時觀君之顏色，顏色惡則去；此

謂避色之士也。」

④孔安國曰：「有惡言乃去也。」皇侃曰：「此又次避色之賢者。不能觀色斯舉矣，唯但聽君言之是非，聞惡言則去；此謂避言之士也。」

⑤作者 按：此上原有「子曰」二字，因隔斷上下文氣，疑係衍文；茲刪去。包咸曰：「作，爲也。」朱熹引李氏曰：「作，起也。言起而隱去者。」

⑥七人 包咸曰：「爲之者凡七人：謂長沮、桀溺、丈人、石門、荷蕢、儀封人、楚狂接輿也。」王弼曰：「七人：伯夷、叔齊、虞仲、夷逸、朱張、柳下惠、少連也。」鄭玄曰：「伯夷、叔齊、虞仲；避世者；荷蕢、長沮、桀溺，避地者；柳下惠、少連，避色者；荷蕢、楚狂接輿避言者也。」「七」當爲「十」，字之誤也。按：古文：「十」作：「十」；「七」作：「丌」；形近易誤。各家所說，未知孰是？茲並存之。

⑦逸民 何晏曰：「逸民者，節行超逸者也。」朱熹曰：「逸，遺逸；民者，無位之稱。」

⑧伯夷叔齊 史記伯夷叔齊列傳：「伯夷、叔齊者，孤竹君之二子也。」

⑨虞仲 朱熹曰：「虞仲，即仲雍；與泰伯同窋荆蠻者。」按：史記周本紀：「古公有長子曰太伯，次曰虞仲。」又：吳太伯世家：「周武王克殷，求太伯、仲雍之後，得周章；周章已君吳，因而封之。乃封周章、虞仲於周之北故夏墟，是爲虞仲，列爲諸侯。」是史記有兩虞仲：一逃荆蠻，一封於故夏墟。此謂「逸民」，當以窋荆蠻者爲是；受周室封者爲非也。

⑩夷逸 按廣博物志引尸子曰：「夷逸者，夷詭之裔。或勸其仕，曰：『吾嘗則牛，寧服軛以耕於野；不忍被繯入廟而爲犧。』」

⑪朱張 王弼曰：「朱張，字子弓；荀卿以比孔子。」按：此非孔子弟子之仲弓；當另有其人。但未詳輔嗣

所據。朱熹曰：「朱張，不見經傳。」

⑤柳下惠 皇侃曰：「柳下惠，展禽也。」按：柳下惠魯人，爲士師。

⑥少連 朱熹曰：「少，去聲。少連，東夷人。」劉賈楠正義引禮記雜記篇：「孔子曰：『少連、大連善居喪，三日不忘，三月不解，期悲哀，三年憂；東夷之子也。』」按：此段原係「微子篇」文，包咸曰：「此七人皆逸民之賢者。」又：王弼注憲問篇：「作者七人矣」句云：「七人：伯夷、叔齊、虞仲、夷逸、朱張、柳下惠、少連也。」王說近是也。疑此節當係「作者七人矣」以下之脫簡，微子篇下文引子曰：「不降其志，不辱其身；伯夷、叔齊與？」此舉「避世之士」也。又曰：「謂柳下惠、少連、降志辱身矣；言中倫，行中慮。」此舉「避色之士」也。又曰：「謂虞仲、夷逸，隱居放言；身中清，廢中權。」此舉「避言之士」也。獨朱張一人而孔子未及之，其爲避地之士也歟？因移接於此憲問篇「作者七人矣」之後。

參考資料提示：

- ①微子篇第六章， ②泰伯篇第十章， ③孟子離婁篇， ④又告子篇， ⑤公治長篇十九章， ⑥史記孔子世家。

【二】子曰：「伯夷、叔齊①，不念②舊惡③；怨是用④希⑤。」（公治長篇）

【註釋】

①伯夷叔齊 孔安國曰：「伯夷、叔齊，孤竹君之二子也。孤竹，國名也。」皇侃曰：「伯夷，名允，字公信；叔齊，名致，字公達。伯夷大而庶，叔齊小而正。父薨，兄弟相讓，不復立也。」

②念 爾雅釋詁：「念，思也。」皇侃曰：「念，猶識錄也。」

③舊惡 皇侃曰：「舊惡，故憾也。」

④用 按：猶以也。詩小雅小旻：「是用不集。」

⑤希 爾雅釋詁：「希，罕也。」皇侃曰：「希，少也。人若錄於故憾，則怨恨更多；唯夷、齊豁然忘懷，若有人犯己，已不怨錄之；所以與人怨少也。」邢昺曰：「不念舊時之惡而欲報復，故希爲人所怨恨也。」按：此「希」字疑當作「無」解，如老子「大音希聲」之「希」；謂不念舊惡，故無怨也。

參考資料提示：①大戴禮記衛將軍文字篇，②後漢書寇恂傳。

【三】子曰：「不降①其志②，不辱其身③；伯夷、叔齊與④？謂柳下惠、少連，降志辱身矣；言中⑤倫⑥，行中慮⑦；其斯而已矣⑧。謂虞仲、夷逸，隱居放⑨言⑩；身中清⑪，廢中權⑫。我則異於是⑬，無可無不可⑭。」（微子篇）

【註釋】

①降 爾雅釋言：「降，下也。」

②皇侃曰：「夷、齊隱居餓死，是不降志也。」

③皇侃曰：「不仕亂朝，是不辱身也。」

④與 朱熹曰：「與，平聲。」鄭玄曰：「言其直己之心，不入庸君之朝也。」

⑤中 朱熹曰：「中，去聲。下同。」

⑥倫 朱熹曰：「倫，義理之次第也。」

⑦慮 朱熹曰：「慮，思慮也。」

⑧孔安國曰：「但能言應倫理，行應思慮；如此而已矣。」張憑曰：「彼被祿仕者乎？其處朝也，唯言不廢大倫，行不犯色，思慮而已；豈以世務嬰其心哉？」

⑨放 包咸曰：「放，置也。」

①包咸曰：「不復言世務也。」

②清 馬融曰：「清，純潔也。」江熙曰：「超然出於塵埃之表，身中清也。」

③馬融曰：「遭世亂，自廢以免患；合於權也。」江熙曰：「晦明以遠害，發動中權也。」

④江熙曰：「夫迹有相明，教有相資；若數子者，事既不同，而我亦有以異矣。」

⑤馬融曰：「亦不必進，亦不必退；唯義所在也。」按：孟子公孫丑篇：「可以仕則仕，可以止則止，可以久則久，可以速則速；孔子也。」此之謂「無可無不可」也。

參考資料提示：①史記伯夷叔齊傳，②孟子公孫丑上篇，③禮記雜記下篇，④史記周本紀，⑤漢書

地理志。

【四】微子○去之○，箕子○爲之奴○，比干○諫而死○；孔子曰：「殷有三仁焉。」（微子篇）

「註釋」

①微子 馬融曰：「微，國名。子，爵也。微子，紂之庶兄。」皇侃曰：「微子者，名啓；是殷王帝乙之元子。」

②馬融曰：「微子見紂無道，早去之。」皇侃曰：「殷紂暴虐，殘酷百姓；日月滋甚，不從諍諫。微子觀國必亡，社稷顛殞。己身是元長，宜存係嗣；故先去殷投周，早爲宗廟之計；故云去也。」

③箕子 馬融曰：「箕，國名。箕子，紂之諸父。」

④馬融曰：「箕子佯狂爲奴。」皇侃曰：「時爲父師，是三公之職；屢諫不從，知國必殞。己身非長，不能輒去，職任寄重，又不可免；故佯狂而受囚爲奴。」

⑤比干、馬融曰：「比干，紂之諸父也。」

⑥馬融曰：「比干諫而見殺也。」皇侃曰：「時爲少師，少師是三孤之職也。進非長適，無存宗之去；退非台輔，不俟佯狂之留；且生難死易，故正言極諫；以至剖心而死。」

⑦按：「孔子曰：殷有三仁焉」八字，疑當在「微子去之」句上。馬融曰：「仁者愛人，三人行各異而同稱仁；以其俱在憂亂寧民也。」

參考資料提示：①史記宋世家，②韓詩外傳卷四，③又卷六，④史記殷本紀，⑤中論智行篇。

【五】太師摯○適齊○，亞○飯○四○千○五○適楚○，三飯繚○適蔡○，四飯缺○適秦○。（微子篇）

【註釋】

①太師摯 皇侃曰：「魯之樂人名也。太師，樂師也；名摯。」

②皇侃曰：「魯君無道，禮樂崩壞；樂人散走，其散逸適往於齊國也。」

③亞 孔安國曰：「亞，次也。」

④飯 皇侃曰：「飯，殮也。」

⑤千 皇侃曰：「千，其名也。」

⑥皇侃曰：「古天子、諸侯殮必共奏樂，每食各有樂人。亞飯千是第二殮奏樂人也；其奔逸適於楚國。」

⑦三飯繚 包咸曰：「三飯，樂章名也。」皇侃曰：「繚，名也。」

⑧皇侃曰：「第三殮奏樂人，散逸入蔡國也。」

⑨四飯缺 包咸曰：「四飯，樂章名也。」皇侃曰：「缺，名也。」

⑩皇侃曰：「第四殮奏樂人，奔散入秦國也。」



參考資料提示：①周禮春官大師，②禮記王制篇，③白虎通禮樂篇。

篇

【六】鼓①方叔②入于河③，播④鞀武⑤入于漢⑥，少師⑦陽⑧、擊磬襄⑨入于海⑩。（微子

【註釋】

①鼓 包咸曰：「鼓，擊鼓者。」

②方叔 包咸曰：「方叔，名也。」

③包咸曰：「入，謂居其河內也。」皇侃曰：「亦散逸入河內之地居也。」二說恐並非也。按：荀子不苟篇：「負石而赴河，是行之難爲者也；而申徒狄能之。」楊倞注：「申徒狄恨道不行，發憤而負石自沉於河。」此「入于河」，當亦係方叔憤無道之世，自投於河而死也。

④播 孔安國曰：「播，猶搖也。」

⑤鞀 朱熹集注本作「鞀」。皇侃曰：「鞀，鞀鼓也。」朱熹曰：「鞀，小鼓。兩旁有耳，持其柄而搖之；則旁耳還自擊。」

⑥武 孔安國曰：「武，名也。」

⑦皇侃曰：「亦散奔入漢水之地居也。」按：此亦當是跳入漢水而死也。

⑧少師 朱熹曰：「少，去聲。少師，樂官之佐。」

⑨陽 孔安國曰：「陽，名也。」皇侃曰：「少師，名陽。」

⑩擊磬襄 孔安國曰：「襄，名也。」皇侃曰：「擊磬人，名襄。」

⑪皇侃曰：「二人俱散奔入海內居也。」按：此亦當蹈海而死也。孔安國曰：「魯哀公時，禮毀樂崩；樂人皆

去。」

參考資料提示：

- ①周禮地官鼓人， ②又春官鼗， ③又春官鼗， ④又春官小師， ⑤又春官鼗師，  
⑥漢書禮樂志， ⑦又董仲舒傳， ⑧史記周本紀。

【七】周有八士①：伯達、伯适、仲突、仲忽、叔夜、叔夏、季隨、季騫②。（微子篇）

【註釋】

①包咸曰：「周時四乳得八子，皆爲顯士；故記之也。」皇侃曰：「舊云：『周世有一母，身四乳，而生於此八子；八子並賢，故記錄之也。』」按：八子，即下列八人也。

②騫 朱熹曰：「騫，烏瓜反。」皇侃曰：「侃按：師說曰：『非謂一人四乳。乳，猶俱生也。有一母四過生，生輒雙二子；四生故八子也。何以知其然？就其名兩兩相隨，似是雙生者也。』」按：即今雙生子，四個雙胞胎；此伯、仲、叔、季皆學生者也。

參考資料提示：

- ①逸周書和寤篇， ②又武寤篇， ③又克殷篇， ④春秋繁露郊語篇， ⑤白虎通姓名篇， ⑥尚書君奭篇。

【八】柳下惠①爲士師②，三黜③。人④曰：「子未可以去⑤乎？」曰：「直道而事人，焉往而不三黜⑥？枉⑦道而事人，何必去父母之邦？」（微子篇）

【註釋】

①柳下惠 皇侃曰：「柳下惠，展禽也。」

②士師 孔安國曰：「士師，典獄之官也。」

③黜 皇侃曰：「黜，退也。惠爲獄官，無罪而三過被退也。」

④人 皇侃曰：「人，或人也。」

⑤去 皇侃曰：「去，謂更出國往他邦也。」

⑥皇侃曰：「或人見惠無罪而三被退逐，故問之云：『子爲何事而未可以去此乎？』欲令其去也。」

⑦焉 按：猶安也；何也。

⑧孔安國曰：「苟直道以事人，於所至之國俱當復三黜也。」李充曰：「舉世喪亂，不容正直；以國觀國，何往不黜也。」

⑨枉 皇侃曰：「枉，曲也。」

⑩父母邦 皇侃曰：「父母邦，禽舊居桑梓之國也。言我若能捨直爲曲，曲則是地皆合；既往必皆合，亦何必遠離我之舊邦而更他適耶？」孫綽曰：「言以不枉道以求留也。若道而可枉，雖九生不足以易一死；柳下惠之無此心明矣。故每仕必直，直必不用；所以三黜也。」

參考資料提示：①周禮秋官士師，②戰國策燕策，③鹽鐵論相刺篇。

【九】子擊○磬○於衛○。有荷○簣○而過孔氏之門者○，曰：「有心哉！擊磬乎。」既而○，曰：「鄙哉○！硤硤○乎。莫己○知也，斯已○而已矣○！」深則厲，淺則揭。○子○曰：「果○哉！末之難○矣○。」（憲問篇）

### 【註釋】

○擊 廣韻：「打也。」

○磬 釋名釋樂器：「磬，磬也。其聲磬磬然堅緻也。」

○皇侃曰：「孔子時在衛，而自以槌擊磬而爲聲也。」

④荷 皇侃曰：「荷，擔揭也。」朱熹曰：「荷，去聲。」

⑤蕢 何晏曰：「蕢，草器也。」皇侃曰：「蕢，織草爲器；可貯物也。」

⑥皇侃曰：「當孔子擊磬之時，有一人擔揭草器而過孔氏之門也。」朱熹曰：「此荷蕢者亦隱士也。」

⑦有心 何晏曰：「有心，謂契契然也。」皇侃曰：「契契，謂心別有所志。」朱熹曰：「聖人之心未嘗忘天下。」

⑧既而 皇侃曰：「既而，猶既畢也。」

⑨鄙哉 皇侃曰：「鄙哉，言磬中之聲甚可鄙劣也。」

⑩硜硜 朱熹曰：「硜，苦耕反。硜硜，石聲；亦專確之意。」

⑪已 朱熹曰：「『莫已』之已，音紀。」

⑫已 朱熹曰：「餘音已。」按：下同。

⑬何晏曰：「此硜硜徒信己而已，言亦無益也。」皇侃曰：「言孔子硜硜不肯隨世變，唯自信己而已矣。」

⑭厲 包咸曰：「以衣涉水爲厲。」

⑮揭 皇侃曰：「褰（攝）衣涉水爲揭。」包咸曰：「言隨世以行己，若遇水則必以濟；知其不可，則不當爲也。」

⑯皇侃又曰：「荷蕢者又引爲譬，以諫孔子也。言人之行道化世，當隨世盛衰；如涉水也。若水深者，則須揭衣，揭衣會是無益，當合而厲之；若水淺者，涉當褰揭而渡。譬如爲教，若世不可教，則行之如不揭也；若世可教，則行之；如揭衣以涉水也。」

⑰果 皇侃曰：「果者，敢也。」何晏曰：「未知己志，而使譏己；所以爲果也。」

⑱末 何晏曰：「末，無也。」

④何晏曰：「無難者，以其不能解己道也。」皇侃曰：「言彼未解我意而便譏我，此則爲果敢之甚也。但我道之深遠，彼是中人，豈能知我？若就彼中人求無譏者，則爲難矣。」按：老子所謂：「下士聞道，大而笑之」也。

參考資料提示：①子罕篇第九章、十三章，②憲問篇三十五章。

【十】楚狂接輿①歌而過孔子②，曰：「鳳兮！鳳兮！何德之衰③？往者不可諫④，來者猶可追⑤。已而⑥！已而！今之從政者殆而⑦！」孔子下⑧，欲與之言⑨；趨⑩而辟⑪之，不得與之言⑫。（微子篇）

【註釋】

①接輿 孔安國曰：「接輿，楚人也。」皇侃曰：「姓陸，名通；字接輿。昭王時，政令無常，乃被髮佯狂不仕；時人謂之爲楚狂也。」

②孔安國曰：「佯狂而來歌，以欲感切孔子也。」皇侃曰：「時孔子適楚，而接輿行歌從孔子邊過；欲感切孔子也。」朱熹曰：「接輿歌而過其車前也。」

③鳳 說文：「鳳，神鳥也。」山海經：「丹穴山鳥，狀如鶴，五采而文；名曰鳳。」

④孔安國曰：「比孔子於鳳鳥也。鳳鳥待聖君而乃見，非孔子周行求合；故曰：衰也。」朱熹曰：「鳳有道則見，無道則隱；接輿以比孔子，而譏其不能隱；爲德衰也。」按：子罕篇：「子曰：鳳鳥不至，河不出圖，吾已矣夫！」足證孔子早知其道之不行也。又：皇侃本此下有「也」字。

⑤皇侃本此下有「也」字。孔安國曰：「已往所行，不可復諫止也。」皇侃曰：「言屢適不合，是示已往事不可復諫；是既往不咎也。」

⑥皇侃本此下有「也」字。孔安國曰：「自今以來，可追自止；避亂隱居也。」皇侃曰：「來者，謂未至之事也。未至之事，猶可追止；而使莫復周流天下也。」

⑦已而 朱熹曰：「已，止也。而，語助辭。」孔安國曰：「已而者，言世亂已甚，不可復治也。再言之者，傷之也。」皇侃曰：「已而者，言今世亂已甚也。」

⑧殆而 朱熹曰：「殆，危也。」皇侃曰：「此接與歌曲也。殆而者，言今從政者皆危殆，不可復救治之者也。」

⑨下 包咸曰：「下，下車也。」

⑩江熙曰：「言下車，明在道聞其言也。」皇侃曰：「孔子初在車上，聞接與之歌感切於己；已故下車，欲與之共語也。」朱熹曰：「孔子下車，蓋欲告之以出處之意。」

⑪趨 皇侃曰：「趨，疾走也。」

⑫辟 皇侃曰本作「避」。朱熹曰：「辟，去聲。」

⑬皇侃本此下有「也」字。並云：「接與見孔子下車，欲與已言，故急趨避之；所以令孔子不得與之言也。」朱熹曰：「接與自以爲是，故不欲聞而避之也。」

參考資料提示：①楚辭涉江篇，②國策秦策，③史記鄒陽傳，④韓詩外傳卷二，⑤莊子人間世篇。

【十一】長沮、桀溺耦而耕①，孔子過之②；使子路問津焉③。長沮曰：「夫執輿者爲誰④？」子路曰：「爲孔丘。」曰：「是魯孔丘與⑤？」對曰：「是也。」曰：「是知津矣⑥。」問於桀溺，桀溺曰：「子爲誰？」曰：「爲仲由。」曰：「是魯孔丘之徒與⑦？」對曰：「然。」曰：「滔滔者⑧，天下皆是也；而誰以易之⑨？且而與其從辟人之士也，豈若從辟世之

士哉⑤！」糲而不輟⑥。子路行以告⑦。夫子憮然⑧！曰：「鳥獸不可與同羣⑨，吾非斯人之徒與⑩而誰與？天下有道，丘不與易也⑪。」（微子篇）

【註釋】

①長沮桀溺 鄭玄曰：「長沮、桀溺，隱者也。」

②耦 鄭玄曰：「耜廣五寸，二耜爲耦。」朱熹曰：「耦，並耕也。」

③皇侃曰：「二人既隱山野，故耦而共耕也。」

④皇侃曰：「孔子從沮、溺二人所耕之處過也。」

⑤津 鄭玄曰：「津，濟渡處也。」

⑥皇侃曰：「時子路從孔子行，故孔子使子路訪問於沮、溺；覓渡水津之處也。」

⑦夫 朱熹曰：「夫，音扶。」

⑧執輿 皇侃曰：「執輿，猶執轡也。」朱熹曰：「執輿，執輿在車也。」

⑨皇侃本此下有「乎」字。並云：「子路初在車上，即爲御；御是執轡。今既下車，而往問津渡，則發轡與孔子。孔子時執轡，故長沮問子路曰：夫在車中執轡者是爲誰子乎？」

⑩與 朱熹曰：「與，平聲。」皇侃曰：「長沮更定之，此是魯國孔丘不乎？」

⑪馬融曰：「言數周流，自知津處也。」皇侃曰：「沮聞魯孔丘，故不語津處也。言若是魯之孔丘，此人數周流天下，無所不至，必知津處也；無俟我今復告也。」

⑫與 朱熹曰：「與，平聲。」

⑬滔滔者 孔安國曰：「滔滔者，周流之貌也。」朱熹曰：「滔滔，流而不反之意。」

④以 朱熹曰：「以，猶與也。」

⑤孔安國曰：「言當今天下治亂同空，舍此適彼；故曰：誰以易之也？」皇侃曰：「當今天下治亂如一，捨此適彼，定誰可易之者乎？言皆惡也。」朱熹曰：「言天下皆亂，將誰與變易之？」按：俗所謂：「天下烏鴉一般黑，」是也。

⑥而 朱熹曰：「而，汝也。」

⑦辟 皇侃本作「避」。朱熹曰：「辟，去聲。」按：下同。

⑧何晏曰：「士有避人之法，有避世之法。長沮、桀溺謂孔子爲士，從避人之法也；己爲士，則從避世之法者也。」皇侃曰：「桀溺又微以此言招子路，使從己隱也。故謂孔子爲避人之士，其自謂己爲避世之士也。言汝今從避人之士，則豈如從於避世之士乎？」

⑨穫 鄭玄曰：「穫，覆種也。」皇侃曰：「覆種者，植穀之法；先散復覆也。」朱熹曰：「穫，音憂。」

⑩輟 鄭玄曰：「輟，止也。覆種不止，不以津告也。」皇侃曰：「二人與子路且語且耕，覆種不止也。」

⑪皇侃曰：「子路備以此事還車上以告孔子也。」

⑫憮然 何晏曰：「爲其不達己意而使非己也。」皇侃曰：「憮然，猶驚愕也。」朱熹曰：「憮然，猶悵然。」

惜其不喻己意也。」

⑬皇侃本此下有「也」字。孔安國曰：「隱居於山林，是與鳥獸同羣也。」皇侃曰：「隱山林者，則鳥獸同羣；出世者，則與世人爲徒旅。我今應出世，自不得居於山林；故曰：鳥獸不可與同羣也。」

⑭與 朱熹曰：「與，如字。」按：下同。孔安國曰：「吾自當與此天下同羣，安能去人從鳥獸居乎？」皇侃曰：「言必與人爲徒也。」



④孔安國曰：「言凡天下有道者，丘皆不與易也。」朱熹曰：「言所當與同羣者，斯人而已；豈可絕人世以爲深哉？天下若已平治，則我無用變易之；正爲天下無道，故欲以道易之耳。」張載曰：「聖人之仁，不以無道必天下而棄之也。」

參考資料提示：①憲問篇三十二章，②泰伯篇十三章，③賈子容經篇。

【十二】孔子去葉，反于蔡<sup>①</sup>，子路從而後<sup>②</sup>；遇<sup>③</sup>丈人<sup>④</sup>，以杖荷篠<sup>⑤</sup>。子路問曰：「子見夫子乎？」丈人曰：「四體<sup>⑥</sup>不勤<sup>⑦</sup>，五穀<sup>⑧</sup>不分<sup>⑨</sup>；孰<sup>⑩</sup>爲夫子<sup>⑪</sup>？」植<sup>⑫</sup>其杖而芸。子路拱而立<sup>⑬</sup>，止子路宿<sup>⑭</sup>。殺雞爲黍而食<sup>⑮</sup>之<sup>⑯</sup>，見<sup>⑰</sup>其<sup>⑱</sup>二子焉<sup>⑲</sup>。明日，子路行以告<sup>⑳</sup>。孔子曰：「隱者也。」使子路反見之<sup>㉑</sup>。至，則行矣。子路曰：「不仕無義<sup>㉒</sup>，長幼之節，不可廢也；君臣之義，如之何其可廢也<sup>㉓</sup>？欲潔其身，而亂大倫<sup>㉔</sup>。君子之仕也，行其義也。道之不行，已知之矣<sup>㉕</sup>。」

（微子篇）

【註釋】

①「孔子去葉反于蔡」七字原無。按「子路從而後」不類起句之文。史記孔子世家：「長沮桀溺耦而耕」上有此七字，此章與前章當係同時；因補此七字，俾文義完整。

②皇侃曰：「孔子與子路同行，孔子先發，子路在後隨之，未得相及；故云從而後也。」

③遇 皇侃曰：「遇者，不期而會之也。」

④丈人 包咸曰：「丈人，老者也。」皇侃曰：「丈人者，長宿之稱也。」

⑤篠 皇侃本作「篠」。包咸曰：「篠，竹器名也。」日本竹添光鴻曰：「史記孔子世家引包氏注：「篠，草器名也。」字當從「艸」無疑。今包注作竹「器」，「竹」乃「艸」字之訛。皇本竟從「竹」作「篠」，誤

矣。」按：說文：「蓀，草田器也。」其字從「艸」；是作「蓀」爲正。皇侃曰：「見此文人以杖擔一器，籊籊之屬。」

④四體 皇侃曰：「四體，手足也。」

⑤勤 皇侃曰：「勤，勤勞也。」

⑥五穀 皇侃曰：「五穀，黍、稷之屬也。」

⑦分 皇侃曰：「分，播種也。」朱熹曰：「分，辨也。五穀不分，猶言不辨菽、麥爾。」朱說望文生訓，恐非也。按：孔子當時以博物著稱，豈有不辨菽、麥乎？即丈人亦不至如此菲薄之也。

⑧孰 皇侃曰：「孰，誰也。」

⑨包咸曰：「丈人云：不勤勞四體，不分殖五穀；誰爲夫子而索之耶？」袁宏曰：「其人已委曲識孔子，故譏之。四體不勤，不如禹、稷躬殖五穀；誰爲夫子而索耶？」

⑩植 孔安國曰：「植，倚也。」皇侃曰：「植，豎也。」

⑪芸 孔安國曰：「除草曰芸也。」皇侃曰：「丈人答子路竟，至草田而豎其所荷篠之杖，當挂篠於杖頭而植豎之竟；而芸除田中穢草也。」一通云：「杖以爲力，以一手芸草；故云植其杖而芸也。」按：此說亦通。

⑫皇侃曰：「拱，沓手也。子路未知所以答，故沓手而倚立；以觀丈人之芸也。」

⑬皇侃曰：「丈人留止子路，使停住就已宿也。」

⑭食 朱熹曰：「食，音嗣。」

⑮皇侃曰：「子路停宿，故丈人家殺雞爲膳，作黍飯而食子路也。」

⑯見 朱熹曰：「見，賢遍反。」

④皇侃曰：「丈人知子路是賢，故又以丈人二兒見於子路也。」

⑤皇侃曰：「子路行及孔子，而具以丈人所言及雞黍、見二子之事告孔子道之也。」

⑥皇侃曰：「孔子既曰，丈人是隱者；而又使子路反還丈人家，須與丈人相見，以己事說之也。」

⑦孔安國曰：「子路反至其家，丈人出行不在也。」

⑧鄭玄曰：「留言以語丈人之二子也。」皇侃曰：「丈人既不在，而子路留此語以與丈人之二子；令其父還述之也。此以下之言，悉是孔子使子路語丈人之言也。言人不生則已，既生便有在三之義；父母之恩，君臣之義。人若仕，則職於義；故云不仕無義也。」按：下文：「君子之仕也，行其義也。」即應此而言。

⑨孔安國曰：「言汝知父子相養不可廢，反可廢君臣之義耶？」皇侃曰：「既有長幼之恩，又有君臣之義；汝知見汝二子，是識長幼之節不可廢闕；而如何廢於君臣之義而不仕乎？」

⑩大倫 包咸曰：「道也；理也。」皇侃曰：「大倫，謂君臣之道理也。又言汝不仕濁世，乃是欲自清潔汝身耳；如爲亂君臣之大倫何也！」

⑪包咸曰：「言君子之仕，所以行君臣之義也；不必自己道得行也。孔子道不見用，自己知之也。」皇侃曰：「言君子所以仕者，非貪榮祿富貴；政是欲行大義故也。爲行義故仕耳，濁世不用我道，而我亦反自知之也。」

參考資料提示：①莊子盜跖篇，②賈子容經篇。

【十三】子路宿於石門①。晨門②曰：「奚自③？」子路曰：「自孔氏④。」曰：「是知其不可而爲之者與⑤？」（憲問篇）

【註釋】

隱逸

○石門 皇侃曰：「石門，地名也。子路行住石門宿也。」一云：「石門者，魯城門外也。」

○晨門 何晏曰：「晨門者，闢人也。」皇侃曰：「晨門，守石門晨昏開閉之吏也；魯人也。」朱熹曰：「蓋賢人隱於抱關者也。」

○自 朱熹曰：「自，從也。問其何所從來也？」

○皇侃曰：「子路答曰：我此行從孔氏處來也。」

○與 朱熹曰：「與，平聲。」包咸曰：「孔子知世不可爲而強爲之也。」朱熹引胡氏曰：「晨門知世之不可而不爲，故以是譏孔子。」

參考資料提示：

①憲問篇三十九章，

②微子篇第七章。

## 十六 施 教

按：施，玉篇：「施，張也。」增韻：「凡施設之施，平聲。」施，猶設也。教，說文：「上所施，下所效也。」釋名：「教，效也。下所法效也。」禮記中庸篇：「修道之謂教。」所輯皆有關孔子言施教之事，因以「施教」名篇。

【一】子曰：「性○相近也○，習相遠也○。」（陽貨篇）

【註釋】

○性 孟子告子篇：「生之謂性。」禮記中庸篇：「天命之謂性。」荀子性惡篇：「不事而自然者，謂之性。」是性者，生而有之者也。按：古文：生、性一字。則性者乃與生俱來之自然本質也。故告子曰：「食、色性也。」食、色爲人類本能，生而即具；生存基於食，生殖基於色。則性者，固非抽象之義矣。

○范寧曰：「人生而靜，天之性也，感於物而動，性之欲也；斯相近也。」皇侃曰：「人俱稟天地之氣以生，雖復厚薄有殊，而同是稟氣；故曰相近也。」按：人生之於食、色，雖有厚薄，而不能無食、色。食、色言其性也，厚薄明其近也；故曰：性相近也。

○孔安國曰：「君子慎所習也。」范寧曰：「習洙泗之教爲君子，習申、商之術爲小人，斯相遠也。」皇侃曰：「及至識，若值善友，則相効爲善；若逢惡友，則相効爲惡；惡、善既殊，故云相遠也。」按：「荀子勸學篇：「干、越、夷、貉之子，生而同聲，長而異俗，教使之然也。」性」如同「生」，則荀子學說實出於此。又：家語大本篇：「與善人居，如入芝蘭之室，久而不聞其香；與惡人居，如入鮑魚之肆。」

，久而不聞其臭，亦與之俱化矣。」此則習相遠之說也。皇侃引「舊釋」云：「性者，生也。情者，成也。性是生而有之，故曰生也。情是起欲動彰事，故曰成也。然性無善惡而有濃薄，情是有欲之心，而有邪正。性既是全生而有，本涉乎用；非唯不可名為惡，亦不可目為善；故性無善惡也。所以知情者，夫善惡之名，恒就事而顯。故老子曰：「天下皆知美之為美，斯惡已；皆知善之為善，斯不善已！」此皆據事而談。」按：此謂「性」乃「先天」，無善、無惡；「情」是「後天」，感物而有反應；反應厚薄，乃起善、惡。是孔子未及性之善、惡也。蓋善、惡相對，若謂人性本「善」，則衆人皆「善」；不得言「近」。既云「近」矣，則「近善」者必不及乎「本善」者矣。「善」、「惡」由於比較，則「本善」者為「善」；則「近善」者，當為「不善」；「不善」亦可稱「惡」矣。反之，亦然。是知孔子之言「性」，乃無善、無惡者也。

參考資料提示：

- ① 孟子告子上篇， ② 大戴禮記保傅篇， ③ 荀子性惡篇， ④ 列女傳辯通傳， ⑤ 漢書賈誼傳， ⑥ 淮南子繆稱篇， ⑦ 漢書刑法志， ⑧ 後漢書班彪傳， ⑨ 又黨錮傳， ⑩ 論衡本性篇。

【一】子曰○：「唯○上知○與下愚不移○。」（陽貨篇）

【註釋】

○子曰 程頤曰：「或曰：『此與上章當合為一，』子曰『二字蓋衍文耳。』或曰說是也。按：此章當接上章，『子曰』二字疑衍。

○唯 皇侃本作「惟」。按：「唯，猶獨也。」

○知 皇侃本作「智」。朱熹曰：「知，去聲。」

④移 說文：「移，禾相倚移也。」韻會：「今遷徙之，多借作移。」孔安國曰：「上智不可使強爲惡，下愚不可使強賢也。」孔說非也。按：既有「上智」與「下愚」不移之性，則孔子不言「相近」矣。倘此而不移，則孔子蓋言人性之有善、有惡，不得獨言「性善」，明矣。季氏篇：「孔子曰：生而知之者，上也；學而知之者，次也；困而學之，又其次也；困而不學，民斯爲下矣。」或以此明人性之有善有不善，殊不知此指人之知識而言也。故禮記中庸篇云：「或生而知之，或學而知之，或困而知之；及其知之，一也。或安而行之，或利而行之，或勉強而行之；及其成功，一也。」豈可謂「下愚不可使強賢也。」故荀子勸學篇云：「騏驥一躍而千里，駑馬十駕則亦及之矣。」疑此「唯」字，當與「雖」相通。言人之智慧雖有上智與下愚之別，但其「性」則「相近」而「不移」。而於食、色之「性」，人人則必固有之也；否則，則衆解紛拏，將無以爲說者矣！

參考資料提示：

①漢書古今人表，

②賈子新書連語篇，

③論衡本性篇，

④國語晉語四，

⑤又楚語

上。

【三】

子曰：「中人○以上○，可以語○上也；中人以下，不可以語上也○。」（雍也篇）

〔註釋〕

○中人 王肅曰：「兩舉中人，以其可上、可下也。」

○上 王肅曰：「上，謂上智之人所知也。」朱熹曰：「『以上』之『上』，上聲。」

○語 朱熹曰：「語，去聲；告也。」

④皇侃曰：「此謂爲教化法也。師說云：『就人之品識，大判有三：謂上、中、下也；細而分之，則有九也。有上上、上中、上下也；又有中上、中中、中下也；又有下上、下中、下下也。凡有九品，上上則是聖人，

聖人不須教也；下下是愚人，愚人不移，亦不須教也；而可教者，謂上中以下，下中以上，凡七品之人也。」皇引師說未盡。按：孔子此說，以「中人」爲準，「中人」乃「可上、可下」之人，如謂其「可上」，但中亦有「可下」者在；如謂其「不可以語上」，而其中亦有「可上」者在。衛靈公篇：「孔子曰：『生而知之者，上也；學而知之者，次也；困而學之，又其次也；困而不學，民斯爲下矣。』」孔子依人之智能分爲四類。又：陽貨篇：「子曰：『唯上知與下愚不移。』」是知「智」之上有「上智」，「愚」之下有「下愚」；其在智、愚之間者，即「中人」也。故憲問篇：「子曰：『可與言而不與之言，失人；不可與言而與之言，失言。知者不失人，亦不失言。』」可爲此章之正解也。

參考資料提示：

①陽貨篇第二章，

②穀梁傳僖公二年，

③漢書古今人表。

【四】子曰：「苗○而不秀○者，有矣夫③！秀而不實④者，有矣夫⑤！」（子罕篇）

【註釋】

○苗 朱熹曰：「穀之始生曰苗。」

○秀 朱熹曰：「吐華曰秀。」

○實 朱熹曰：「成穀曰實。」

○夫 朱熹曰：「夫，音扶。」按：下同。

⑤孔安國曰：「言萬物有生而不育成者，喻人亦然也。」皇侃曰：「萬物草木有苗稼蔚茂，不經秀穗遭風霜而死者；又亦有雖能秀穗，而值沴瘴氣，不能有粒實者；故並云『有矣夫』也。」

參考資料提示：

①牟子理惑論，

②禮衡顏子碑。

【五】子曰：「有教無類○。」（衛靈公篇）自行束脩以上○，吾未嘗無誨焉③。」（述而篇）



【註釋】

○類 玉篇：「類，種類也。」易繫辭傳：「方以類聚。」馬融曰：「言人在見教，無有種類。」繆播曰：「世咸知斯理之崇教，未知斯理之諒深。生生之類，同稟一極；雖下愚不移，然化之所遷者，其萬倍也。」皇侃曰：「人乃有貴賤，同宜資教；不可以其種類庶鄙而不教之也。教之則善，本無類也。」按：「有教無類」，意有未盡；疑下當有脫文。

○束脩 江熙曰：「脩，脯也。」皇侃曰：「束脩，十束脯也。古者相見，必執物爲贄。」朱熹曰：「十脡爲束。」

○上 按：上，猶進也。漢書東方朔傳：「朔上三千奏牘。」孔安國曰：「言人能奉禮，自行束脩以上，則皆教誨之也。」皇侃曰：「束脩，最是贄之至輕者也。孔子言人若能自施贄，行束脩以上來見謁者，則我未嘗不教誨之。」按：「自行束脩」至章末，原係「述而篇」第七章之文。荀子法行篇：「南郭惠子問於子貢曰：『夫子之門何其雜也？』子貢曰：『君子正身以俟，欲來者不距；欲去者不止。且夫良醫之門多病人，驢括之側多枉木；是以雜也。』」「自行束脩以上，吾未嘗無誨焉；」正明「來者不距」與「有教無類」之意。疑係是處脫簡，校者誤加「子曰」二字，遂另成別章。今刪「子曰」二字，逕接於此；則上下文義相得益彰矣。

參考資料提示：①述而篇二十九章，②說苑脩文篇，③又雜言篇，④荀子法行篇，⑤漢書地理志。

【六】子以四教○：文○、行○、忠○、信○。（述而篇）

【註釋】

○何晏曰：「四者有形質，可舉以教也。」皇侃曰：「孔子爲教，恆用此四事爲首。」按：即下文：文、行、忠、信四者。

①文 李充曰：「其典籍辭義謂之文。」

②行 李充曰：「孝悌恭睦謂之行。」朱熹曰：「行，去聲。」

③忠 李充曰：「爲人臣則忠。」

④信 李充曰：「與朋交則信。此四者，教之所先也。故以文發其蒙，行以積其德，忠以立其節，信以全其終也。」

參考資料提示：

①子罕篇十一章， ②公治長篇十二章， ③顏淵篇第十章， ④衛靈公篇第六章。

【七】子曰：「志○於道○；據○於德○；依○於仁○；游○於藝○。」（述而篇）

【註釋】

○志 何晏曰：「志，慕也。」皇侃曰：「志者，在心向慕之謂也。」

○道 皇侃曰：「道者，通而不壅者也。」何晏曰：「道不可體，故志之而已。」按：禮記中庸篇：「道也者，不可須臾離也。」

○據 何晏曰：「據，杖也。」皇侃曰：「據者，執杖之辭也。」

○德 皇侃曰：「德，謂行事得理者也。」何晏曰：「德有成形，故可據也。」

○依 何晏曰：「依，倚也。」

○仁 皇侃曰：「仁者，施惠之謂也。」何晏曰：「仁者，功施於人；故可倚之也。」

○游 皇侃曰：「游，履歷之辭也。」

○藝 何晏曰：「藝，六藝也。不足據、依，故曰游也。」皇侃曰：「六藝，謂禮、樂、書、數、射、御也。」

參考資料提示：

①禮記學記篇， ②又中庸篇， ③又少儀篇， ④孟子盡心上篇， ⑤里仁篇第四章、第

【八】子曰：「興<sup>①</sup>於詩<sup>②</sup>，立<sup>③</sup>於禮<sup>④</sup>，成於樂<sup>⑤</sup>。」（泰伯篇）

【註釋】

①興 包咸曰：「興，起也。」

②包咸曰：「言修身當先學詩也。」江熙曰：「覽古今之志，可起發其志也。」

③立 按：「立」當爲「止」，形近致誤也。荀子勸學篇：「學惡乎始？惡乎終？曰：其數則始乎誦經，終乎讀禮。……故學至乎禮而「止」矣。」此處「經」字疑有誤。荀子之時疑尙無「六經」之稱，詩、書、禮之稱「經」，在稍後始有。「禮」亦「經」之一種，則不能與「經」對言。疑此「經」字當係「詩」字之誤。原文當作：「其數則始乎誦詩，終乎讀禮。」「終乎讀禮」，即「學至乎禮而止矣」；故曰：「止於禮。」荀子書乃「詩」誤爲「經」，故論語此文，則「止」譌爲「立」。蓋亦由於季氏篇：「不學禮，無以立」句，因而附會爲「立」也。

④包咸曰：「禮者，所以立身也。」

⑤孔安國曰：「樂，所以成性也。」皇侃曰：「此章明人學須次第也。」

參考資料提示：

- ①陽貨篇第九章， ②季氏篇十三章， ③堯曰篇第三章， ④左傳昭公七年， ⑤荀子脩身篇， ⑥韓詩外傳卷一， ⑦禮記樂記篇， ⑧孔叢子雜訓篇。

【九】子○所雅言○：詩、書、執禮○，皆雅言也○。（述而篇）

【註釋】

○子 皇侃曰：「子，孔子也。」

①雅言 孔安國曰：「雅言，正言也。」皇侃曰：「雅，正也。謂孔子平生讀書，皆正言之；不爲私所避諱也。」

②鄭玄曰：「禮不誦，故言執也。」皇侃曰：「六籍皆正言，獨云：『詩、書、禮者，舉一隅，餘三隅可及也。』故顧歡曰：『夫引網尋綱，振裘提領；正言此三，則經典不統矣。』」

③鄭玄曰：「讀先王典法，必正言其音，然後義全；故不可有所諱也。」皇侃曰：「若讀書避諱，則疑誤後生；故禮云：『教學臨文不諱。』詩、書不諱。」是也。」釋不直云：「詩、書、禮，而禮上長，云執之義也。背文而讀曰『誦』。詩是詠歌，書是謨誥；故並須誦之。而禮但執文依事而行，不須背文誦之；故曰『執』也。」

參考資料提示：①禮記文王世子篇，②周禮春官大史。

【十】子絕四①：毋②意③，毋④必⑤，毋⑥固⑦，毋⑧我⑨。（子罕篇）

「註釋」

①絕四 皇侃曰：「絕者，無也。明孔子聖人，無此下四事。」朱熹曰：「絕，無之盡者。」按：說文：「絕，斷絲也。」釋名釋言語：「絕，截也。如割截也。」

②毋 朱熹曰：「『毋』，史記作『無』，是也。」按：毋、無，古通用。

③意 朱熹曰：「意，私意也。」何晏曰：「以道爲度，故不任意也。」

④必 朱熹曰：「必，期必也。」何晏曰：「用之則行，舍之則藏；故無專必也。」

⑤固 朱熹曰：「固，執滯也。」何晏曰：「無可無不可，故無固行也。」

⑥我 朱熹曰：「我，私己也。」何晏曰：「述而不作，處羣萃而不自異；唯道是從，故不自有其身也。」

參考資料提示：

- ①憲問篇三十一章， ②先進篇十九章， ③禮記少儀篇， ④春秋昭公十二年， ⑤里仁爲美篇第十章， ⑥微子篇第八章， ⑦列子仲尼篇， ⑧淮南子人間篇， ⑨說苑雜言篇， ⑩論衡定賢篇， ⑪孟子公孫丑上篇， ⑫又萬章下篇。

【十一】子不語○：怪○、力○、亂○、神○。（述而篇）

「註釋」

○語 皇侃曰：「發端曰言，答述曰語。」

○怪 王肅曰：「怪，怪異也。」

○力 王肅曰：「力，謂若弄盪舟，鳥獲舉千鈞之屬也。」

○亂 王肅曰：「亂，謂臣弑君，子弑父也。」

○神 王肅曰：「神，謂鬼、神之事也。或無益於教化，或所不忍言也。」李充曰：「力不由理，斯怪力也；神不由正，斯亂神也。」按：李以「怪力」、「亂神」爲二事；恐非也。

參考資料提示：

- ①困學紀聞五引子思子， ②禮記中庸篇， ③荀子榮辱篇， ④又天論篇， ⑤左傳宣公十五年， ⑥淮南子主術篇， ⑦大戴禮記曾子立事篇。

【十二】子之所慎○：齊○、戰○、疾○。（述而篇）

「註釋」

○慎 說文：「慎，謹也。」徐鍇曰：「心眞爲慎，不鹵莽也。」

○齊 皇侃曰：「齊者，先祭之名也。將欲祭祀，則先散齊七日，致齊三日也。」朱熹曰：「齊，側皆反。」

○戰 皇侃曰：「戰者，兩刃相交，性命傾軋；身體髮膚，彌宜全重。」

④疾 說文：「疾，病也；一日急也。」孔安國曰：「此三者，人所不能慎；而夫子能慎之也。」

參考資料提示：①述而篇十一章，②鄉黨篇第七章、十六章。③禮記禮器篇。

【十三】子溫○而厲○，威而不猛○，恭而安○。（述而篇）

「註釋」

○溫 皇侃曰：「溫，和潤也。」

○厲 皇侃曰：「厲，嚴也。」朱熹曰：「嚴肅也。」

○猛 玉篇：「健也。」又：「嚴也。」廣韻：「勇猛。」

④王弼曰：「溫者不厲，厲者不溫；威者心猛，猛者不威；恭則不安，安者不恭；此對反之常名也。若夫溫而能厲，威而不猛，恭而能安；斯不可名之理全矣。」

參考資料提示：

①子張篇第九章，

②賈子道術篇，

③左傳襄公三十一年，

④堯曰篇第二章。

【十四】子曰：「愛○之，能勿勞乎○？忠○焉，能勿誨○乎○？」（憲問篇）

「註釋」

○愛 皇侃曰：「愛，慕也。凡人在志在心，見形於外也。」

○孔安國曰：「言人有所愛，必欲勞來也。」李充曰：「愛志不能不勞心。」

○忠 皇侃曰：「忠者，盡中心也。」

○誨 皇侃曰：「誨，教也。」

○孔安國曰：「有所忠，必欲教誨之也。」李充曰：「盡忠不能不教誨。」

參考資料提示：①國語魯語，②白虎通諫諍篇。

【十五】子曰：「由！①！②！汝：『知之乎？』③？知之爲知之，不知爲不知④；是知也⑤。」

（爲政篇）

「註釋」

○由 孔安國曰：「由，弟子也。姓仲，名由；字子路也。」

○誨 皇侃曰：「誨，教也。」

○皇侃曰：「孔子呼子路名云：由！我欲教汝知之文章乎？」朱熹曰：「我教女以知之之道乎？」

○皇侃曰：「汝若心有所不知，則當云不知；不可妄云知之也。」按：此即「多聞闕疑」之義，教子路不可強不知以爲知也。」

○皇侃曰：「若不知云知，此則是無知之人耳；若實知而云知，此乃是有知之人也。」朱熹曰：「但所知者，則以爲知；所不知者，則以爲不知。如此，則雖或不能盡知，而無自欺之蔽；亦不害其爲知矣。」按：當以朱說爲長。

參考資料提示：①爲政篇十八章，②述而篇二十章、二十八章，③荀子儒效篇。

【十六】子曰：「不憤①，不啓②；不悱③，不發④。舉一隅⑤而示之⑥，不以三隅反⑦；則吾人不復⑧也⑨。」（述而篇）

「註釋」

○憤 皇侃曰：「憤，謂學者之心思義未得而憤憤然也。」朱熹曰：「憤旁粉反。憤者，心求通而未得之意。」

①啓 皇侃曰：「啓，開也。」朱熹曰：「啓，謂開其意。」

②悱 皇侃曰：「悱，謂學者之口欲有所語而未能宣；悱悱然也。」朱熹曰：「悱，芳匪反。悱者，口欲言而未能之貌。」

③發 皇侃曰：「發，發明也。」朱熹曰：「發，謂達其辭。」

④隅 皇侃曰：「隅，角也。牀有四角，屋有四角；皆曰隅也。」

⑤而示之 此三字原闕。皇侃本有此三字。按：有此三字意更明顯，因據補。

⑥反 朱熹曰：「反者，還以相證之義；物之有四隅者，舉一可知其三。」

⑦吾 此字原闕。皇侃本有此一字。按：有此「吾」字，意更明顯；因據補。

⑧復 朱熹曰：「復，扶又反。再告也。」

⑨鄭玄曰：「孔子與人言，必待其人心憤憤，口悱悱，乃後啓發爲之說也；如此，則識思之深也。說則舉一隅以語之，其人不思其類，則不復重教之也。」皇侃曰：「孔子爲教，雖待悱憤而爲開發，開發已竟，而此人不能識事類；亦不復教之也。譬如屋有四角，已示之一角，餘三角從類可知；若此人不能以類反識三角，則不復教示也。」按：此似與「誨人不倦」之說相矛盾。

參考資料提示：

①禮記學記篇，

②孟子盡心下篇，

③春秋莊公四年公羊傳。

「註釋」

【十七】子路問：「聞，斯行諸？」子曰：「有父、兄在，如之何其聞斯行之？」冉有問：「聞，斯行諸？」子曰：「聞，斯行之！」公西華曰：「由也問：『聞，斯行諸？』子曰：『有父、兄在。』求也問：『聞，斯行諸？』子曰：『聞，斯行之！』赤也惑！敢問？」



曰：「求也退，故進之；由也兼人①，故退之②。」（先進篇）

①斯 皇侃曰：「斯，此也。」

②諸 皇侃曰：「諸，之也。」包咸曰：「賑窮救乏之事也。」按：此說無確據，恐未必限於此一事也。

③孔安國曰：「當白父兄，不可得自專也。」

④皇侃曰：「與子路問同也。」

⑤皇侃曰：「此答異也。言聞而即行之也。」

⑥公西華 姓公西，名赤；孔子弟子，魯人。按：史記仲尼弟子列傳云：「字子華，少孔子四十二歲。」

⑦惑 皇侃曰：「惑，疑惑也。」孔安國曰：「惑其問同而答異也。」

⑧敢問 皇侃曰：「敢，果敢也。既惑其深，故果敢而問之。」

⑨兼人 朱熹曰：「兼人，謂勝人。」

⑩鄭玄曰：「言冉有性謙退，子路務在尙勝人；各因其人之失而正之。」按：此即先進篇所謂：「過猶不及」也。

參考資料提示：

- ①禮記曲禮上篇， ②又坊記篇， ③又檀弓上篇， ④白虎通三綱六紀篇， ⑤三國志吳志全琮傳， ⑥雅也篇十三章， ⑦公冶長篇十四章， ⑧韓非子難三篇， ⑨說苑政理篇。

【十八】 關黨○童子○將命○。或問之，曰：「益者與①？」子曰：「吾見其居於位也

②，見其與先生③並行④也⑤；非求益者也，欲速成者也⑥。」（憲問篇）

「註釋」

①關黨 皇侃曰：「百家爲黨，此黨名關；故云「關黨」也。」

②童子 皇侃曰：「童子，未冠者之稱。」

③將命 皇侃曰：「將命，是傳賓主之辭。」馬融曰：「關黨之童子將命者，傳賓主之語出入也。」

④皇侃曰：「或見小兒傳辭，故問孔子。」

⑤與 朱熹曰：「與，平聲。」

⑥何晏曰：「童子隅坐無位，成人乃有位也。」皇侃曰：「禮：童子隅坐，無有列位；而此童子不讓，乃與成人並居位也。」

⑦先生 包咸曰：「先生，成人也。」皇侃曰：「先生者，成人也；謂先己之生也，非謂師也。」

⑧並行 包咸曰：「並行，不差在後也。」

⑨皇侃曰：「禮：父之齒隨行，兄之齒雁行；此童子不讓於長，故云：「與先生並行」也。」

⑩包咸曰：「違禮欲速成者也，非求益者也。」

參考資料提示：①禮記玉藻篇，②又檀弓上篇，③又曲禮上篇，④又王制篇。

【十九】互鄉①難與言②童子③見④，門人⑤惑⑥。子曰（述而篇）：「人深⑦己以進⑧，與

⑨其深也，不保其往⑩也⑪（述而篇）；與其進也，不與其退也⑫。唯⑬何甚⑭！」（述而篇）

「註釋」

①互鄉 鄭玄曰：「互鄉，鄉名也。」

②鄭玄曰：「其鄉人言語自專，不達時宜。」皇侃曰：「此一鄉之人專愚，不可與之共言語也。」

③童子 皇侃曰：「童子，十九歲以下；未冠者也。」

④見 鄭玄曰：「有童子來見孔子。」惠琳曰：「『互鄉難與言童子見』八字通爲一句。言此鄉有一童子難與言耳，非一鄉皆專惡也。」按：下文有：「人潔己以進，」當係指此來見之童子言也。似以琳說爲長。

⑤門人 皇侃曰：「門人，孔子弟子也。」

⑥惑 皇侃曰：「惑，猶嫌怪也。」鄭玄曰：「門人怪孔子見也。」

⑦潔 朱熹曰：「潔，脩治也。」按：說文無此字。唐、宋石經並作「絜」。鄉飲酒義注：「絜，猶清也。」

鄭玄曰：「人虛己自潔而來。」按：莊子人間世篇：「絜之百圍，」陸德明釋文：「絜，約束也。」成玄英疏：「絜，約束也。」依鄭注「虛己自潔」，則此當作「約束」解，謂「難言之童子，先約束其身而來見也。」

⑧鄭玄曰：「人虛己自潔而來。」

⑨與 朱熹曰：「與，許也。」

⑩往 顧歡曰：「往，謂前日之行也。」皇侃曰：「往，謂已過之行。」朱熹曰：「往，前日也。」

⑪按：此上十四字，原在「唯何甚」句下，朱熹曰：「疑此章有錯簡。」人潔」至「往也」十四字，當在「與其進也」之前。」朱說是也，因據移。顧歡曰：「夫人之爲行，未必可一；或有始無終，或先迷後得。故教誨之道，潔則與之；往日行非我所保也。」朱熹曰：「言人潔己而來，但許其能自潔耳；固不能保其前日所爲之善惡也。」鄭玄曰：「往，猶去也。亦何能保其去後之行也？」鄭說恐非也。按：此謂「難與言」乃已往之事，非謂其「潔己以進」之後；故「往」字當如顧說爲是。蓋「人既潔己以進」，自此以往，則不得謂爲「難與言」者矣。

⑫孔安國曰：「教誨之道，與其進，不與其退。」皇侃曰：「凡教化之道，唯進是與，唯退是抑；故無來而不

納。」

⑤唯 皇侃曰：「唯，語助也。」

⑥孔安國曰：「怪我見此童子，惡惡何一甚也！」皇侃曰：「言教化與進，而汝等怪之；此亦一何太甚也！」

參考資料提示：①衛靈公篇第八章、三十九章，②孟子盡心下篇，③後漢書郭泰傳。

【十二】子謂子夏，曰：「女○爲君子儒○！無爲小人儒○！」（雍也篇）

「註釋」

○女 皇侃本作「汝」。按：女、汝古通用。

②儒 皇侃曰：「儒者，濡也。夫習學事久，則濡潤心中；故謂久習者爲儒也。」朱熹曰：「儒，學者之稱。」

③馬融曰：「君子爲儒，將以明其道；小人爲儒，則矜其名。」程頤曰：「君子儒，爲己；小人儒，爲人。」

參考資料提示：①荀子非十二子篇，②韓非子顯學篇。

## 十七 自述

按：集韻：「自，己也。」正韻：「躬親也。」易乾卦象辭：「君子以自强不息。」述，說文：「循也。」猶述說也。凡此所輯，皆孔子自言其志趣；因以「自述」題篇。

【一】子曰：「吾十有<sup>①</sup>五<sup>②</sup>，而志<sup>③</sup>於學<sup>④</sup>；三十而立<sup>⑤</sup>，四十而不惑<sup>⑥</sup>，五十而知天命<sup>⑦</sup>，六十而耳順<sup>⑧</sup>，七十而縱<sup>⑨</sup>心所欲，不踰<sup>⑩</sup>矩<sup>⑪</sup>。」（爲政篇）

### 【註釋】

①有 通「又」。書堯典：「二十有八載。」按：「十有五」即「十五」也。

②皇侃曰：「十五，是成童之歲。」朱熹曰：「古者十五入大學。」

③志 皇侃曰：「志者，在心之謂也。」朱熹曰：「心之所之謂之志。」

④學 皇侃曰：「孔子言，我年十五而學在心也。」朱熹曰：「此所謂學，則大學之道也。志乎此，則念念在此；而爲之不厭矣。」

⑤立 何晏曰：「有所成立也。」皇侃曰：「立，謂所學經業成立也。」朱熹曰：「有所自立，則守之固。」  
⑥不惑 孔安國曰：「不疑惑也。」皇侃曰：「業成後已十年，故無所惑也。」朱熹曰：「於事物之所當然，皆無所疑。」

⑦天命 皇侃曰：「天命，謂窮通之分也。」孔安國曰：「知天命之終始也。」王弼曰：「天命廢興有期，知道終不行也。」王說非也。按：定公八年，孔子五十歲；翌年，即由中都宰爲司空，由司空爲司寇。定公十年，及齊平；會於夾谷，攝相事。此爲孔子生平最得意之時，豈可語：「知道終不行也？」孫綽曰：「大易之數五十，天地萬物之理究矣。以知命之年，通致命之道，窮學盡數，可以得之；不必皆生而知之也。」孫說是也。此孔子「定命」之說也。顏淵篇子夏所謂：「死生有命，富貴在天；」是也。

⑧耳順 鄭玄曰：「耳順，聞其言而知其微旨也。」皇侃曰：「人年六十，識智廣博，凡厥萬事，不得悉須觀見；但聞其言，即解微旨，是所聞不逆於耳；故曰耳順也。」

⑨縱 皇侃本朱熹本並作「從」。皇侃曰：「從，猶放也。」朱熹曰：「從，如字；從，隨也。」

⑩踰 皇侃曰：「踰，越也。」

⑪矩 馬融曰：「矩，法也。從心所欲，無非法者。」朱熹曰：「矩，法度之器，所以爲方者也。隨其心之所欲，而不自過於法度；安而行之，不勉而中也。」皇侃曰：「年至七十，習與性成；猶蓬生麻中，不扶自直；故雖復放縱心意，而不踰越於法度也。所以不說八十者，孔子唯壽七十三也；說此語之時，當在七十後也。」按：此疑當從「七十而從心」爲讀。既「從心所欲」，安得「不逾矩」乎？所謂「從心」，以卽列子楊朱篇：「從心而動，不違自然所好」之意。

參考資料提示：

- ①禮記曲禮篇，
- ②又內則篇，
- ③尚書大傳，
- ④大戴禮記保傅篇，
- ⑤白虎通辟雍篇，
- ⑥左傳昭公七年，
- ⑦孟子公孫丑上篇，
- ⑧又盡心下篇，
- ⑨易繫辭上傳，
- ⑩論衡知實篇，
- ⑪列子楊朱篇，
- ⑫荀子禮論篇。

## 【二】

子曰：「述①而不作②，信而好③古④；竊⑤比於我老彭⑥。」（述而篇）

○述 皇侃曰：「述者，傳於舊章也。」朱熹曰：「述，傳舊而已。」

○作 皇侃曰：「作者，新制作禮樂也。」朱熹曰：「作，則創始也。」

○好 朱熹曰：「好，去聲。」

④皇侃曰：「言已常存於忠信，而復好古先王之道；故曰信而好古也。所以中庸云：『仲尼祖述堯、舜，憲章文、武；』是也。」

⑤竊 皇侃曰：「竊，猶盜也。」

⑥老彭 包咸曰：「老彭，殷賢大夫也。好述古事，我若老彭，祖述之耳。」包咸曰：「老彭，彭祖也。年八百歲；故曰老彭也。」劉賈楠正義引鄭玄注云：「老，老聃；彭，彭祖。老聃，周之大史。」是此以老、彭爲二人。古史已不可考，茲並存之。按：人無年至「八百歲」者。李充云：「名鏗，堯臣，封於彭城；歷虞、夏至周，年七百歲。」此說近是也。言鏗受封於彭城，歷世八百歲也。八百、七百約言之耳。日本竹添光鴻曰：「竊比於我老彭，言述而不作，信而好古，是老彭之行也；而我竊自比之也。文法倒裝。」

參考資料提示：

①禮記中庸篇，

②漢書儒林傳，

③說苑建本篇，

④大戴禮記虞戴德篇。

【三】子曰：「我非生而知之者○，好○古，敏○而求之者也④。」（述而篇）

【註釋】

○皇侃曰：「知之，謂知事理也。孔子謙以同物，故曰：我有所知，非生而自然知之者也。」按：李氏篇

「孔子曰：生而知之者，上也；學而知之者，次也。」孔子不以「生知」自居也。

○好 朱熹曰：「好，去聲。」

○敏 皇侃曰：「敏，疾速也。」朱熹曰：「謂汲汲也。」

自述

④鄭玄曰：「言此者，勉勸人於學也。」皇侃曰：「由我所好古人之道，疾速以求知之也。」

參考資料提示：①述而篇第一章，②季氏篇第九章，③禮記中庸篇。

【四】子曰：「默而識①之②，學而不厭③，誨④人不倦⑤；何有於我哉⑥？」（述而篇）

【註釋】

①識 朱熹曰：「識，記也。」按：此與下文：「多見而識之」之「識」同。

②皇侃曰：「見事心識而口不言，謂之默識者也。」

③皇侃曰：「學先王之道而不厭止也。」

④誨 皇侃曰：「誨，教也。」

⑤皇侃曰：「教一切之人而不疲倦也。」

⑥鄭玄曰：「人無有是行於我，我獨有之也。」李充曰：「言人若有此三行，何貴於我乎？斯勸學致誨誘之辭也。」按：疑此當謂：我既有此三行，尚何貴其他乎？言學無有貴於此者。

參考資料提示：①述而篇二十八章、三十四章，②孟子公孫丑上篇，③呂氏春秋尊師篇。

【五】子曰：「若聖與仁，則吾豈敢①？抑②爲③之不厭，誨人不倦；則可謂云爾已矣④。」

〔公西華曰：「正唯弟子不能學也⑤。」〕（述而篇）

【註釋】

①孔安國曰：「孔子謙不敢自名仁、聖也。」皇侃曰：「言聖及仁，則吾不敢自許有；故云：豈敢也。」

②抑 皇侃曰：「抑，語助也。」

③爲 皇侃曰：「爲，猶學也。」



④皇侃曰：「爲之不厭，謂雖不敢云自有仁、聖，而學仁、聖之道不厭也。學而不厭，又教誨不倦，乃可自謂如此耳。」朱熹曰：「『可謂云爾已矣』者，無他之辭也。」

⑤馬融曰：「正如所言，弟子猶不能也；况仁、聖乎？」

參考資料提示：

①孟子公孫丑上篇，

②呂氏春秋尊師篇，

③說苑說叢篇。

【六】子曰：「十室①之邑，必有忠信如丘②者焉；不如丘之好③學也④。」（公冶長篇）

【註釋】

①十室 朱熹曰：「十室，小邑也。」

②丘 皇侃曰：「丘，孔子名也；孔子自稱名。」

③好 朱熹曰：「好，去聲。」

④皇侃曰：「言十室爲邑，其中必有忠信如丘者焉也；但無如丘之好學耳。」

參考資料提示：

①述而篇三十四章，

②孟子公孫丑上篇。

【七】子曰：「飯①蔬食②、飲水③，曲肱④而枕⑤之⑥；樂在其中矣⑦。不義而富且貴，於我如浮雲⑧。」（述而篇）

【註釋】

①飯 朱熹曰：「飯，符晚反。飯，食之也。」

②蔬食 孔安國曰：「蔬食，菜食也。」朱熹曰：「食，音嗣；饌飯也。」

③皇侃曰：「此明孔子食無求飽也。言孔子食於菜食而飲水，無重肴方丈也。」

④肱 孔安國曰：「肱，臂也。」皇侃曰：「肘前曰臂，肘後曰肱；通亦曰臂。」

⑤枕 朱熹曰：「枕，去聲。」

⑥皇侃曰：「此明孔子居無求安也。言孔子眠曲臂而枕之，不錦衾角枕也。」

⑦孔安國曰：「孔子以此爲樂也。」

⑧浮雲 皇侃曰：「浮雲條聚歛散，不可爲常。」鄭玄曰：「富貴而不以義者，於我如浮雲；非己之所有也。」

「皇侃又曰：「富與貴是人之所欲也，不以其道得之，不處也。不義而富貴，於我如天之浮雲也；所以然者，言浮雲自在天，與我何相關？」按：此從孔說。」

參考資料提示：

- ①禮記中庸篇， ②莊子讓王篇， ③呂氏春秋慎人篇， ④風俗通卷七， ⑤里仁篇第五章， ⑥孟子公孫丑上篇， ⑦呂氏春秋離俗覽高義篇， ⑧說苑立節篇。

【八】葉公問孔子於子路？子路不對。子曰：「女奚不曰：『其爲人也，發憤忘食，樂以忘憂；不知老之將至云爾。』」（述而篇）

【註釋】

①葉公 孔安國曰：「葉公，名諸梁。楚大夫，食采於葉，僭稱公。」朱熹曰：「葉公，沈諸梁，楚葉縣尹；字子高。僭稱公也。」

②不對 孔安國曰：「不對者，未知所以答也。」

③女 皇侃本作「汝」。按：女、汝通用。

④奚 皇侃曰：「奚，何也。」

⑤其 皇侃曰：「其，孔子也。」

⑥發憤 按：憤，當如「不憤不啓」之「憤」。言未得其道，而發其憤憤然之志以求之也。

⑦皇侃曰：「謂孔子慨世道之不行，故發憤而忘於寢食也。」朱熹曰：「未得，則發憤而忘食。」按：此當指「學而不厭」而言，似以朱說爲長。

⑧皇侃曰：「飲水，曲肱，樂在其中；忘於貧賤之憂也。」朱熹曰：「已得，則樂之而忘憂。」按：此以皇說爲長。

⑨皇侃曰：「年雖耆朽而信天命，不知老之將至也。言葉公問汝，汝何不曰：我有如此之德云爾；以示之也。」李充曰：「疑葉公問之，必將欲致之爲政。」則皇侃之說非也。按：「不知老之將至，」乃孔子猶欲見用，謂其雖老，仍可以出任艱鉅也。故陽貨篇云：「如有用我者，吾其爲東周乎？」

參考資料提示：①述而篇十六章，②大戴禮記制言中篇，③禮記中庸篇，④又表記篇，⑤易繫辭上

傳。

【九】子曰：「吾有知乎哉？無知○也。有鄙夫○來問於我，空空○如也！我叩○其兩端○而竭焉○。」（子罕篇）

【註釋】

○無知 朱熹曰：「孔子謙言，已無知識。」

○鄙夫 皇侃曰：「鄙夫，鄙劣之夫也。」

○空空 皇侃曰：「空空，無識也。」

○叩 朱熹曰：「叩，音口。發動也。」按：韻會：「問也；發也。」

○兩端 皇侃曰：「兩端，事之終始也。」朱熹曰：「兩端，猶兩頭。言終始，本末，上下，精粗；無所不盡也。」

⑤孔安國曰：「有鄙夫來問於我，其意空空然；我則發事之終始兩端以語之。端盡所知，不爲有愛也。」

參考資料提示：

①禮記中庸篇， ②陽貨篇十三章， ③孟子萬章下篇， ④又盡心下篇。

【十】子曰：「二三子○以我爲隱乎○？吾無隱乎爾○。吾無○行而不與二三子者，是丘也○。」（述而篇）

【註釋】

○二三子 包咸曰：「二三子，謂諸弟子也。」

○包咸曰：「聖人智廣道深，弟子學之不能及，以爲有所隱匿；故解之也。」

○爾 皇侃曰：「爾，汝也。先呼問之，此更語之；謂吾無所隱於汝也。」

○按：皇侃本「無」下有「所」字。

○包咸曰：「我所爲無不與爾共之者，是丘之心也。」

參考資料提示： ①八佾篇二十四章， ②陽貨篇第三章， ③孟子梁惠王下篇。

【十一】子曰：「文○莫○吾猶人也○，躬○行君子，則吾未之有得也○。」（述而篇）

【註釋】

○文 皇侃曰：「文，文章也。」

○莫 何晏曰：「莫，無也。文無者，猶俗言「文不」也。」皇侃曰：「無，猶不也。」按：莫，猶勉也。准

南子注：「莫，強也。」謂於文，我勉強猶人也。何、皇二說恐未安。

○何晏曰：「文不吾猶人者，言凡文皆不勝於人也。」皇侃曰：「孔子謙也，言我之文章不勝於人；故曰：吾猶人也。」

④躬 皇侃曰：「躬，身也。」

⑤孔安國曰：「躬爲君子行，己未能得之也。」皇侃曰：「言我文既不勝人，故身自行君子之行，則吾亦未得也。」

參考資料提示：

①雅也篇十八章，

②顏淵篇第八章，

③衛靈公篇十五章。

【十二】子曰：「出則事公①、卿②，入則事父、兄；喪事不敢不勉③，不爲酒困④；何有於我哉⑤？」（子罕篇）

【註釋】

①公 皇侃曰：「公，君也。」

②卿 皇侃曰：「卿，長也。人子之禮，移事父孝以事於君則忠；移事兄悌以事於長則從也。故出仕朝廷必事公卿也。」按：學而篇：「弟子入則孝，出則悌。」是對內，則對父母爲入，對兄弟爲出；對外，則對父母爲入，對公卿爲出。則「入」、「出」亦親、疏之比耳。

③勉 皇侃曰：「勉，強也。若有喪事，則不敢不勉強也。」

④困 馬融曰：「困，亂也。」皇侃曰：「雖唯酒無量，不及亂；時多沈酗，故戒之也。」

⑤皇侃曰：「人若能如此，則何復須我？」

參考資料提示：

①禮記中庸篇，

②鄉黨篇第八章。

【十三】子曰：「聽訟①，吾猶人也②；必也使無訟乎③！」（顏淵篇）

【註釋】

①訟 說文：「爭也。」

①包咸曰：「言與人等也。」皇侃曰：「孔子言：若有訟而使我聽出決之，則我與人不異。」

②王肅曰：「化之在前也。」皇侃曰：「言我所以異於人者，當訟未起而化之，使不訟耳。」孫綽曰：「夫訟之所生，先明其契；而後訟不起耳。若訟至後察，則不異於凡人也。此言防其本也。」范祖禹曰：「聽訟者，治其末，塞其流也。正其本，清其源；則無訟矣。」

參考資料提示：

①說苑至公篇，②禮記大學篇，③大戴禮記體察篇，④漢書賈誼傳，⑤史記酷吏傳

，⑥潛夫論德化篇，⑦荀子有坐篇，⑧韓詩外傳卷三，⑨漢書刑法志，⑩孔叢子

對魏王篇。

【十四】子見南子○，子路不說○。夫子矢之○，曰：「予○所否○者○，天厭○之！天厭○之！」（雍也篇）

【註釋】

○南子 孔安國曰：「南子者，衛靈公夫人也。淫亂，而靈公惑之；孔子見之者，欲因以說靈公，使行治道也。」

○說 皇侃本作「悅」。朱熹曰：「說，音悅。」按：說、悅通用。王弼曰：「案：本傳：『孔子不得已而見南子。』猶文王拘羑里，蓋天命之窮會也。子路以君子宜防患，是以不悅也。」李充曰：「男女之別，國有大節。聖人明義教，正內外者也；而乃廢常違禮，見淫亂之婦人者，必以權道有由而然。子路不悅，固其宜也。」

○矢之 皇侃曰：「矢，誓也。子路既不悅，孔子與之咒誓也。」

○予 皇侃曰：「予，我也。」

⑤否 皇侃曰：「否，不也。」按：說文：「否，不也。」徐鍇曰：「不可之意。」

⑥予所否者 按：猶言「我有所不是」，或「我有所不合」也。

⑦厭 皇侃曰：「厭，塞也。」朱熹曰：「厭，棄絕也。」

⑧皇侃曰：「言我見南子，若有不善之事，則天當厭塞我道也。」按：此謂「厭塞我道」，蓋皇氏爲孔子諱也。此當云：「若有不善之事，天當棄絕我也。」否則，則不足以言「咒誓」矣。

參考資料提示：①史記孔子世家，②漢書王莽傳上，③法言五百篇。

【十五】子在陳①。曰：「歸與！歸與！吾黨之小子②狂簡③，斐然成章④；不知所以裁之⑤。」（公冶長篇）

【註釋】

①陳 劉寶楠曰：「陳者，國名。說文云：『陳，宛丘也。』今河南陳州府治，淮寧縣。」

②與 朱熹曰：「與，平聲。」按：下同。

③皇侃曰：「吾黨者，謂我鄉黨中也；小子者，鄉黨中末學之人也。」朱熹曰：「吾黨小子，指門人之在魯者。」按：朱說較長。

④狂簡 孔安國曰：「簡，大也。」又曰：「狂者，進趨於大道。」朱熹曰：「狂簡，志大而畧於事也。」二注俱晦昧。按：疑「簡」字乃「狷」字之聲近而訛也。狷，唐韻：「古縣切。」又：韻會：「規縣切。」簡，廣韻：「古限切，」又：韻會：「賈限切。」說文：「狷，褊急也。」國語晉語：「小心狷介，」賈逵注：「守分有所不爲也。」又簡，荀子非十二子篇：「其容簡連，」楊倞注：「傲慢不前之貌。」呂氏春秋驕恣篇：「自驕則簡士，」高誘注：「傲也。」狷介與傲慢意頗相近。又孟子盡心下篇：「禹章問曰：『孔子在



陳。曰：「盍歸乎來！吾黨之小子狂簡，進取不忘其初。」孔子在陳，何思魯之狂士？孟子曰：「孔子不得中道而與之，必也狂狷乎！狂者進取，狷者有所不爲也。孔子豈不欲中道哉？不可必得，故思其次也。」敢問：「何如斯可謂狂矣？」曰：「如琴張、曾皙、牧皮者，孔子之所謂狂矣。」「何以謂之狂也？」曰：「其志嘒嘒然！曰：古之人！古之人！夷考其行而不掩焉者也。狂者又不可得，欲得不屑、不潔之士而與之，是狷也；是又其次也。」孟子之言，爲解此文之最古者也。又史記孔子世家引「孔子曰：『歸與！歸與！吾黨之小子狂簡，進取，不忘其初。』」正合：「守分有所不爲」與「傲慢不前」之意。子路篇：「子曰：『不得中行而與之，必也狂狷乎！狂者，進取；狷者，有所不爲也。』」狂狷不得中行，故下云：「斐然成章；不知所以裁之」也。此章當從孟子舊說爲是。

⑤ 斐然成章 孔安國曰：「妄作穿鑿，以成文章。」皇侃曰：「斐然，文章貌也。」朱熹曰：「斐，文貌。成章，言其文理成就，有可觀者。」按：孔注明言：「妄作穿鑿，」而朱說則謂「其文理成就，」二說相反。劉寶楠正義從朱說曰：「斐然者，禮記大學：『有斐君子，』鄭注：『斐，有文章貌也。』爾雅釋訓注：『斐，文貌。』言弟子居魯，所學已就，能成文章可觀也。」焦循論語補疏從孔說，謂：「蓋讀斐爲匪，匪猶非也。」說文：「斐，分別文也。」詩巷伯：「蕤兮斐兮，」傳：「斐，文章相錯也。」是斐，本有錯雜，分別之義；言其不純也。故下云：「不知所以裁之。」否則，其文理既有成就，可觀；則無須孔子歸而裁止之也。似以孔說爲長。

⑥ 裁 皇侃曰：「裁正之也。」朱熹曰：「裁，割正也。」

⑦ 按：皇侃本「之」下有「也」字。孔安國曰：「不知所以裁制，我當歸以制裁之耳。」

參考資料提示：①孟子盡心下篇，②史記孔子世家。



而篇)

【十六】子謂顏淵，曰：「用①之則行，舍②之則藏③；唯我與④爾⑤有是夫⑥！」(述

【註釋】

①用 皇侃曰：「用者，謂時世宜可行之事也。」

②舍 朱熹曰：「舍，上聲。」按：同捨。

③藏 皇侃曰：「藏者，謂時世不宜行之事。」

④與 說文：「與，黨與也。」皇侃曰：「與，許也。唯我許汝如此也。」按：與，猶及也。

⑤爾 皇侃曰：「爾，汝也。」

⑥夫 朱熹曰：「夫，音扶。」孔安國曰：「言可行則行，可止則止；唯我與顏淵同耳。」江熙曰：「聖人作

則賢人佐，天地閉則聖人隱；用則行，捨則藏也。唯我許爾有是分者，非聖無以盡賢也。」此又一說。

參考資料提示：

①季氏篇十一章，

②孟子盡心上篇，

③又公孫丑上篇，

④又萬章下篇，

⑤韓詩外傳

卷九，

⑥說苑指武篇。

【十七】子路曰：「子行三軍①則誰與②？」子曰：「暴虎③馮河④，死而無悔者，吾不與也⑤；必也臨事而懼，好⑥謀而成者也⑦。」(述而篇)

【註釋】

①三軍 孔安國曰：「大國三軍。」皇侃曰：「天子六軍，大國三軍，小國一軍；軍一萬二千五百人也。」

②孔安國曰：「以爲己有勇，至於夫子爲三軍將，亦當唯與己俱；故發此問也。」

③暴虎 孔安國曰：「暴虎，徒搏也。」爾雅郭璞注：「空手執也。」

④馮河 馮，皇侃本作「憑」。朱熹曰：「馮，皮冰反。」按：馮、憑通用。孔安國曰：「憑河，徒涉也。」

爾雅郭璞注：「無舟楫也。」

⑤皇侃曰：「若無杖而搏虎，無舟而渡河，必致傷溺；若爲此勇，我行三軍所不與也。以斥子路之勇，必不得其死然也。」

⑥好 朱熹曰：「好，去聲。」

⑦皇侃曰：「孔子抑子路，而又云：我所與者，政欲須臨事而懼；又好爲謀事而必成者也。」

參考資料提示：

①周禮夏官序官， ②爾雅釋訓， ③尸子發蒙篇， ④大戴禮記曾子立事篇。

# 【十八】

子曰：「道不行，乘（一）桴（二）浮於海（三）；從我者，其由也與（四）？」子路聞之，喜（五）。

子曰：「由也，好（六）勇過我；無所取材（七）。」（公冶長篇）

## 【註釋】

①乘 廣韻：「駕也；登也。」

②桴 馬融曰：「桴，編竹木也。大者曰筏；小者曰桴也。」

③皇侃曰：「孔子聖道不行於世，故或居九夷；或欲乘桴泛海。」

④朱熹曰：「與，平聲。」皇侃曰：「由，子路名也。言從我浮海者，當時子路也。」

⑤孔安國曰：「喜與己俱行也。」

⑥好 朱熹曰：「好，去聲。」

⑦材 朱熹曰：「材與裁同，古字借用。」鄭玄曰：「子路信夫子欲行，故言好勇過我也。無所取材者，言無所取桴材也。以子路不解微言，故戲之耳。」程頤曰：「浮海之歎，傷天下之無賢君也。子路勇於義，故謂其

能從己；皆假設之言耳。子路以爲實然，而喜夫子之與己；故夫子美其勇，而譏其不能裁度事理，以適於義也。」程說與鄭注異，當以程說爲長。按：乘小桴入於巨海，終無濟理；子路不明孔子慨嘆之語，信以爲眞，喜而欲往；故孔子謂其勇過我。以其於事理不通，不加考慮，即欲乘桴浮海；故謂其「無所取材。」「無所取材」，「材」借爲「裁」；猶云：「不知所以裁之也。」

參考資料提示：

①子罕篇十四章，

②漢書地理志，

③說文解字四篇上羊部。

【十九】子欲居九夷。○或曰：「陋，如之何？」子曰：「君子居之，何陋之有？」（子罕篇）

【註釋】

○九夷 馬融曰：「九夷，東方之夷；有九種也。」皇侃曰：「東有九夷：一、玄菟；二、樂浪；三、高麗；四、滿飾；五、鳧夷；六、索家；七、東屠；八、倭人；九、天鄙。」又曰：「孔子聖道不行於中國，故託欲東往居於九夷也；亦如欲乘桴浮海也。」

○皇侃曰：「言夷、狄鄙陋，不可居也。」

○馬融曰：「君子所居者，皆化也。」孫綽曰：「九夷所以爲陋者，以無禮義也。君子所居者化，則陋有泰也。」皇侃曰：「聖人所在，則化九夷變中夏也。」

①後漢書東夷傳，

②論衡問孔篇。

【二十】微生畝○謂孔子，曰：「丘！何爲是栖栖○者與○？無乃爲佞○乎？」孔子對曰：「非敢爲佞也，疾○固○也。」（憲問篇）

【註釋】

自一遠

○微生畝 包咸曰：「微生，姓也；畝，名也。」

○栖栖 朱熹曰：「栖栖，依依也。」

○與 朱熹曰：「與，平聲。」

○爲佞 朱熹曰：「爲佞，言其務爲口給以悅人也。」

○皇侃曰：「微生畝見孔子東西遑遑，屢適不合；故呼孔子名而問之也。言丘何是爲此栖栖乎？將欲行詐佞之事於時世乎？」

○疾 朱熹曰：「疾，惡也。」

○固 朱熹曰：「固，執一而不通也。」

○包咸曰：「疾世固陋，欲行道以化人也。」皇侃曰：「孔子答曰：我之栖栖，非敢詐佞；政是忿疾世固陋，我欲行道以化之故耳。」

參考資料提示：①史記孔子世家，②呂氏春秋愛類篇。

【二十一】顏淵、季路○侍○。子曰：「盍○各言爾志？」子路曰：「願車馬，衣○輕裘○，與朋友共之；敝○之而無憾○。」顏淵曰：「願無伐善○，無施勞○。」子路曰：「願聞子○之志？」子曰：「老者安之，朋友信之，少者懷○之○。」（公治長篇）

【註釋】

○季路 皇侃曰：「季路，即子路。次第是季。」

○侍 皇侃曰：「侍，侍孔子。卑在尊側曰侍也。」

○盍 皇侃曰：「盍，何不也。」

④衣 朱熹曰：「衣，去聲。衣服之也。」

⑤裘 朱熹曰：「裘，皮服。」

⑥敵 皇侃本作「弊」。並云：「敗也。」朱熹曰：「敵，壞也。」

⑦憾 孔安國曰：「憾，恨也。」皇侃曰：「子路性決，言朋友有通財；車馬衣裘共乘服而無所憾恨也。」

⑧伐善 皇侃曰：「有善自稱曰伐善也。」朱熹曰：「伐，誇也。善，謂有能。」孔安國曰：「自無稱己之善也。」

⑨李充曰：「自伐者無功，自矜者不莊。」按：此引老子文。老子諸本俱作「長」，無作「莊」者。

⑩孔安國曰：「無以勞事置施於人也。」朱熹曰：「施，亦張大之意；勞，謂有功。」按：當以朱說爲長。

⑪子 皇侃曰：「古者稱師曰子也。」

⑫懷 孔安國曰：「懷，安也。」

⑬樂肇曰：「敬長故見安，善誘故可懷也。」皇侃曰：「願己爲老人必見撫安，朋友必見期信，少者必見思懷。」

朱熹曰：「老者養之以安，朋友與之以信，少者懷之以恩。」諸說並通。

參考資料提示：

①衛靈公篇二十六章，②白虎通三綱六紀篇，③老子二十二章、二十四章，④尚書大

禹謨篇，

⑤荀子修身篇，

⑥禮記禮運篇，

⑦孟子梁惠王上篇。

【二十二】

陽貨①欲見孔子②，孔子不見；歸③孔子豚④。孔子時其亡⑤也，而往拜之⑥；

遇諸塗⑦。謂孔子，曰：「來！予⑧與爾⑨言⑩：懷其寶⑪而迷其邦⑫，可謂仁乎⑬？」曰：「不可。」曰⑭：「好⑮從事而亟⑯失時，可謂知⑰乎⑱？」曰：「不可。」曰⑲：「日月逝⑳矣，歲

不我㉑與㉒！」孔子曰：「諾！吾將仕矣㉓。」（陽貨篇）

【註釋】

③陽貨 孔安國曰：「陽貨，陽虎也。季氏家臣，而專魯國之政。」

④孔安國曰：「欲見孔子使仕也。」皇侃曰：「使人召孔子，欲與孔子相見也。」

⑤歸 朱熹曰：「歸，如字。一作饋。」皇侃曰：「歸，猶饋也。」

⑥孔安國曰：「欲使往謝，故遣孔子豚也。」

⑦亡 皇侃曰：「亡，無也。無，謂虎不在家時也。」

⑧皇侃曰：「伺取虎不在時而往拜於其家也。」

⑨塗 孔安國曰：「塗，道也。於道路與相逢也。」皇侃曰：「拜竟而還，與之相逢於路中也。」

⑩予 皇侃曰：「予，我也。」

⑪爾 皇侃曰：「爾，汝也。」

⑫言 「言」下原有「曰」字。按：下文：「懷其寶」二句即係陽虎之語，逕按「言」字之下，不當再有「曰」

「字。疑係下文「好從事」上脫一「曰」字，錯入於此；因移下文。

⑬寶 皇侃曰：「寶，猶道也。」

⑭馬融曰：「言孔子不仕，是懷寶也；知國不治而不爲政，是迷邦也。」

⑮皇侃曰：「汝懷藏佐時之道，不肯出仕，使邦國迷亂；爲此之事，豈可謂爲仁乎？」

⑯言 「曰」字原闕。此下乃陽貨再責孔子之語，當有「曰」字；疑錯入上文「言」字之下，今移補於此。

⑰好 朱熹曰：「好，去聲。」

⑱亟 朱熹曰：「亟，去聲。」皇侃曰：「亟，數也。」

⑲知 皇侃本作「智」。按：讀去聲。

④孔安國曰：「言孔子栖栖好從事而數不遇失時，不爲有智也。」皇侃曰：「好從事，謂好周流東西，從於世事也。」

⑤曰「日」字原闕。按：此下「日月逝矣，歲不我與。」乃陽貨勸告孔子之語，故下文接以「孔子曰」；是此處當有「日」字。因依上下文意臆補。

⑥逝 皇侃曰：「逝，速也。」

⑦我 按：猶我等，吾人也。皇侃曰：「我，我孔子也。」皇說非也。按：此係陽貨之言，謂歲月不待人之意，勸孔子速仕；非孔子自稱也。因上既云：「日：『不可』。」下不應再接以「孔子曰」也。

⑧馬融曰：「年老，歲月已往，當急仕也。」皇侃曰：「言日月不停，速不待人；豈得懷寶至老而不仕乎？」

⑨孔安國曰：「懷，安也。」

參考資料提示：

①孟子滕文公下篇，

②法言五百篇，

③韓詩外傳卷一。

【二十三】

子貢曰：「有美玉①於斯，韞②③而藏諸④？求善賈⑤而沽⑥諸⑦？」子曰：

「沽之哉！沽之哉！我待賈者也⑧。」（子罕篇）

【註釋】

①美玉 皇侃曰：「美玉，譬孔子聖道也。」

②韞 馬融曰：「韞，藏也。」皇侃曰：「韞，裹之也。」

③韞 馬融曰：「韞，裹也。」皇侃曰：「韞，謂匣櫃也。」

④諸 皇侃曰：「諸，之也。」馬融曰：「藏諸匣中也。」

⑤善賈 皇侃曰：「善賈，貴賈也。」按：當是「良賈」，謂聖主也。

④沽 馬融曰：「沽，賣也。」

⑤馬融曰：「得善買寧賣之耶？」皇侃曰：「言孔子聖道，如美玉在此；爲當韞匣而藏之？爲當得貴買而賣之否乎？」

⑥包咸曰：「沽之哉！不銜賣之辭也。我居而待買者也。」皇侃曰：「言我雖不銜賣，然我亦待貴買耳。有求者則與之也。」王弼曰：「重言「沽之哉！」賣之不疑也；故孔子乃聘諸侯，以急行其道也。」按：此與「待買」義不相合。倘如弼言，則「賣」，當作「價」解；「待買」，猶「待高價」也。王說恐非。范祖禹曰：「君子未嘗不欲仕也，又惡不由其道；士之待禮，猶玉之待買也。若伊尹之耕於野，伯夷、大公之居於海濱；世無成湯、文王，則終焉而已；必不枉道以從人，銜玉而求售也。」

參考資料提示：①述而篇十五章，②陽貨篇第七章。

【二十四】子曰：「苟①有用我者，菴月②而已可③也；三年有成④。」（子路篇）

【註釋】

①苟 皇侃曰：「苟，誠也。」

②菴月 皇侃曰：「菴月，謂年一周也。」

③可 皇侃曰：「可者，未足之辭也。」

④成 皇侃曰：「成，大成也。」孔安國曰：「言誠有用我於政事者，菴月而可以行其政教；必三年乃有成功也。」

參考資料提示：

①史記孔子世家，②意林引風俗通，③荀子大略篇，④又致士篇，⑤漢書食貨志。【二十五】子畏①於匡②。曰：「文王既沒，文③不在茲④乎⑤？天之將喪⑥斯文也，後死



者④不得與⑤於斯文也⑥；天之未喪斯文也，匡人其如予何⑦！（述而篇）天生德於予⑧，桓魋⑨其如予何⑩！（述而篇）

【註釋】

①畏 朱熹曰：「畏者，有戒心之謂。」

②匡·皇侃曰：「匡，宋地名。」朱熹曰：「匡，地名。史記云：『陽虎曾暴於匡，夫子貌似陽虎，故匡人圍之。』」

③朱熹曰：「道之顯者，謂之文；蓋禮樂制度之謂。不曰『道』，而曰『文』；亦謙辭也。」

④茲 孔安國曰：「茲，此也。」

⑤孔安國曰：「言文王雖已沒，其文見在此；此，自比其身也。」皇侃曰：「言昔文王聖德，有文章以教化天下也。文王今既沒，則文章宜須人傳；傳文章者，非我而誰？」

⑥喪 朱熹曰：「喪，去聲。」

⑦孔安國曰：「文王既沒，故孔子自謂後死也。」

⑧與 朱熹曰：「與，去聲。」按：猶預也。

⑨孔安國曰：「言天將喪斯文者，本不當使我知之；今使我知之，未欲喪也。」

⑩馬融曰：「如予何者，猶言奈我何也！天之未喪此文也，則我當傳之；匡人欲奈我何！言其不能違天而害己也。」

⑪予 皇侃曰：「予，我也。」包咸曰：「天生德於予者，謂授我以聖性也。」按：予，孔子自稱也。

⑫桓魋 包咸曰：「桓魋，宋司馬黎也。」朱熹曰：「宋司馬向魋也。出於桓公，故又稱桓氏。」

⑤包咸曰：「合德天地，吉無不利；故曰：其如予何也。」皇侃曰：「桓魋雖無道，安能違天而害我乎？故云：如予何也。」朱熹曰：「魋欲害孔子，孔子言：天既賦我以如是之德，桓魋其奈我何！」按：此章自「天生德於予」至章末，皆「述而篇」文；上原有「子曰」二字，因與上文重複，茲刪去。又：「天生德於予」，不類起句之文；下言桓魋，無所着落；其上必有脫文。崔述曰：「子罕篇云：『天之未喪斯文也，匡人其如予何！』」述而篇：「天生德於予，桓魋其如予何！」二章語意正同，亦似一時一事之言，而記者各記所聞，是以其詞小異；未必孔子生平每遇患難即爲是言也。」崔說近是也。考史記孔子世家：「孔子去魯，適宋；與弟子習禮大樹下。宋司馬桓魋欲殺孔子，拔其樹。孔子去。弟子曰：『可以速矣！』」孔子曰：「天生德於予，桓魋其如予何！」」匡既爲宋地，畏匡之事，疑即桓魋謀殺孔子之事；一事兩記，恐由傳聞之誤。桓魋既謀孔子，故使匡人圍之。故孔子既責匡人，曰：「匡人其如予何！」又責主謀之桓魋，復曰：「桓魋其如予何！」因係錯簡，校者遂加「子曰」二字，致別成一章。茲暫移接於此，以待詳考。

參考資料提示：

- ①史記孔子世家， ②莊子秋水篇， ③韓詩外傳卷六， ④白虎通聖人篇。

【二十六】

公山弗擾○以費○畔○。召○，子欲往○。子路不說○，曰：「末○之○也○已○。」

①！何必公山氏之○之○也○。子曰：「夫○召我者，而豈徒○哉○？如有○用我者，吾其爲東周乎○！」（陽貨篇）

【註釋】

○公山弗擾 皇侃本「弗」作「不」。孔安國曰：「不擾，爲季氏宰。」皇侃曰：「姓公山，名不擾也。」

○費 皇侃曰：「費，季氏采邑也。」

○畔 皇侃曰：「畔，背叛也。」

④召 孔安國曰：「召孔子也。」

⑤皇侃曰：「使人召孔子，孔子欲往應召也。」

⑥說 皇侃本作「悅」。朱熹曰：「說，音悅。」按：說、悅通用。皇侃曰：「子路見孔子欲往，故已不欣悅也。」

⑦末 皇侃曰：「末，無也。」

⑧之 孔安國曰：「之，適也。」

⑨已 皇侃曰：「已，止也。」孔安國曰：「無可之，則止耳。」皇侃曰：「雖時不我用，若無適往，乃當止耳。」

⑩之 皇侃曰：「之，語助也。」

⑪之 皇侃曰：「之，適也。」按：猶往也。

⑫孔安國曰：「何必公山氏之適也。」

⑬夫 朱熹曰：「夫，音扶。」

⑭徒 皇侃曰：「徒，空也。」

⑮皇侃曰：「言夫欲召我者，豈容無事空然而召我乎？必有以也。」

⑯有 「有」下皇侃本有「復」字。

⑰何晏曰：「興周道於東方，故曰東周也。」王弼曰：「言如能用我者，不擇地而興周室道也。」皇侃曰：

「魯在東，周在西；云東周者，欲於魯而興周道。」崔述曰：「余按：春秋傳云：『季氏將墮費，公山不狃、叔孫輒帥費人以襲魯，入及公側；仲尼命申句須、樂頊下伐之，費人北。』然則是弗擾叛而孔子伐而敗之。」

耳，初無所爲召孔子及孔子欲往之事也。孟子曰：「孔子成春秋，而亂臣賊子懼也。」孔子肯輔之乎！「惟說是也。按：此章可疑。」

參考資料提示：

①史記孔子世家，

②鹽鐵論褒賢篇，

③說苑至公篇，

④論衡問孔篇。

【二十七】

佛肸<sup>㊸</sup>召，子欲往。子路曰：「昔者，由聞諸夫子曰：『親於其身爲不善者，君子不入<sup>㊹</sup>也<sup>㊺</sup>。』」佛肸以中牟畔，子之往也，如之何？」子曰：「然<sup>㊻</sup>！有是言也<sup>㊼</sup>。不曰<sup>㊽</sup>堅乎，磨而不磷<sup>㊾</sup>；不曰白乎，涅<sup>㊿</sup>而不緇<sup>㊽</sup>。吾豈匏<sup>㊾</sup>瓜也哉！焉能繫而不食<sup>㊿</sup>？」（陽貨篇）

【註釋】

㊸佛肸 皇侃本作「勝勝」。下同。朱熹曰：「佛，音弼。肸，許密反。」孔安國曰：「晉大夫趙簡子之邑宰也。」

㊹不入 孔安國曰：「不入其國也。」

㊺皇侃曰：「由昔親聞夫子之言曰：若有人自行不善之事者，君子不入其家也。」

㊻然 皇侃曰：「然，如此也。」

㊼皇侃曰：「孔子答曰：有如此所說也。我昔者，有此君子不入於不善國之言也。」

㊽不曰 皇侃曰：「言我昔亦經有曰也。」又皇侃本「不」上有「曰」字。

㊾磷 孔安國曰：「磷，薄也。」

㊿涅 孔安國曰：「涅，可以染皂者。」

㊽緇 說文：「緇，帛黑色。」孔安國曰：「言至堅者，磨之而不薄；至白者，染之於涅而不黑。喻君子雖在濁亂，濁亂不能污也。」此所謂：「濁污泥而不染」也。

①匏 何晏曰：「匏，瓠也。」

②何晏曰：「言匏瓜得繫於一處者，不食故也。吾自食物，當東西南北；不得如不食之物繫滯一處也。」朱熹曰：「匏瓠繫於一處，而不能飲食；人則不如是也。」按：此當是孔子以瓠瓜自比，謂吾有聖道，自應用世；豈可如瓠瓜繫於一處，而不供人食用。謂吾豈可不爲世用乎？又崔述曰：「余按：佛肸以中牟畔，是亂臣賊子也。孔子方將作春秋以治之，肯往而助之乎！」按：泰伯篇：「子曰：『篤信好學，守死善道；危邦不入，亂邦不居。』」佛肸既以中牟畔，則「危邦」、「亂邦」也；孔子豈肯從而往之乎？崔說是也。此章並屬可疑。

參考資料提示：

①後漢書獨行李業傳，

②史記孔子世家。

## 【二十八】

陳成子①弑簡公②。孔子沐浴而朝③，告於哀公④；曰：「陳恆弑其君，請討

之。」公曰：「告夫三子⑤。」孔子曰：「以吾從大夫之後，不敢不告也。」君曰：「告夫三子者⑥。」之⑦三子告，不可⑧！孔子退而告人⑨，曰：「以吾從大夫之後，不敢不告也。」（憲問篇）

## 【註釋】

①陳成子 馬融曰：「陳成子，齊大夫陳恆也。」

②弑 皇侃本作「殺」。下同。按：下段上曰「弑」，作「弑」是。蓋孔子既請討，則是臣有反逆；不當稱「殺」也。左傳作「弑」，當從之。

③簡公 朱熹曰：「簡公，齊君；名壬。事在春秋哀公十四年也。」

④朝 朱熹曰：「朝，音潮。」馬融曰：「將告君，故先齊；齊，必沐浴也。」

④哀公 按：魯哀公也。

⑤皇侃曰：「魯、齊同盟，分災救患；故齊亂則魯宜討之。禮：臣之凡欲告君諮謀，必先沐浴；孔子是臣，故先沐浴告於哀公而請伐齊。」

⑥夫 朱熹曰：「夫，音扶。下「告夫」同。」

⑦三子 「三子」上皇侃本有「二」字。皇侃疏下文云：「本不應告「三子」，今君使我告「三子」。」是皇本原亦無「二」字。當刪。

⑧皇侃曰：「言我是大夫，大夫聞事，應先告主君。云：「從大夫之後」者，孔子謙也。」

⑨君曰告夫三子者 馬融曰：「我於禮當告君，不當告三子。君使我往，故復往也。」朱熹曰：「孔子出而自言如此。意謂弑君之賊，法所必討；大夫謀國，義所當告。君乃不能自命三子，而使我告之邪？」馬、朱二說並非也。皇侃曰：「公得孔子告，不敢自行；更令孔子往告三卿，孔子辭之而不告也。」皇說是也。按：「君曰：「告夫三子者」。」乃孔子向哀公重述其言，故下云：「之三子告，不可。」意謂：「君命我告夫三子，以三子當政，權重自專，本非忠臣；君尚不能自命三子，而我往告三子，既有所諱，乃辭「不可」也。」左傳哀公十四年曰：「六月、甲午，齊陳恒弑其君壬于舒州。孔丘三日齊而請伐齊。」公曰：「魯爲齊弱久矣，子之伐之，將若之何？」對曰：「陳恒弑其君，民之不與者半；以魯之衆，加齊之半，可克也。」公曰：「子告季孫。」孔子辭。」依左傳，是孔子辭哀公而未曾告諸季孫；自不得謂往「告夫三子」也。

⑩之 皇侃曰：「之，往也。」

⑪之三子告不可 馬融曰：「孔子由君命之三子告，不可。」皇侃曰：「孔子從君命而往，三子告孔子曰：「不可討齊也。」朱熹曰：「以君命往告，而三子魯之強臣，素有無君之心，實與陳氏聲勢相倚；故沮其謀。」

，而夫子復以此應之耳。」諸說並非也。按：孔子既辭哀公，即以三子「素有無君之心」，以爲不可往告三子也。今以「不可」爲三子距討齊之議，非也。此上：「孔子曰：『以吾從大夫之後，不敢不告也。』」君曰：「告夫三子者。」之三子告，不可！」皆孔子答哀公之語也。蓋因下文有「孔子曰」三字，註者以爲應答之語，故以「不可」二字爲三子告孔子之語；以「之三子告」，爲孔子從君命曾經往告三子；不知「之三子告」，實乃孔子重述哀公之言也。

⑤退而告人 此四字原闕。左傳哀公十四年曰：「孔子辭。退而告人，曰：『以吾從大夫之後也，故不敢不言。』」是孔子辭哀公後，以此語告之他人。依左傳，「孔子」下，當有此四字；意始明確。因據左傳補此四字。又：三子，孔安國曰：「謂三卿也。」皇侃曰：「三卿：仲孫、叔孫、季孫。」朱熹曰：「三子，三家也。時政在三家，哀公不得自專；故使孔子告之。」

⑥馬融曰：「之三子告，不可。故復以此辭語之而止也。」皇侃曰：「三子既告孔子，云：齊不可討；故孔子復以此辭語之而止也。」馬、皇二說並非也。按：此蓋因下有「孔子曰」三字，以爲乃應答之語；則上「不可」二字，必非孔子之言，而誤爲三子之語；且「孔子」下又脫「退而語人」四字，遂解爲「不可討齊」。殊不知「不可」二字，乃孔子面戒哀公，不可以往告三子也。

參考資料提示：①史記孔子世家，②左傳哀公十四年。

【二十九】子○在陳，絕糧○。從者○病○，莫能興○；子路慍○見，曰：「君子亦有窮乎？」子曰：「君子固窮，小人窮斯濫○矣○！」（衛靈公篇）

### 【註釋】

○子 「子」字原闕。此上原有「明日遂行」四字，已移他章。按：朱熹集註本此章連上「衛靈公問陳」章。

自述

孔安國曰：「孔子去衛如曹，曹不容；又之宋，遭匡人之難；又之陳。會吳伐陳，陳亂；故乏食也。」是孔子去衛之後，尚歷曹、宋乃至於陳；其不與原篇上章相屬無疑。茲另作一章，並依各章例上加「子」字。

①糧 朱熹集註本作「糧」。皇侃曰：「遇吳伐陳，陳大亂；故乏絕糧食矣。」

②從者 孔安國曰：「從者，弟子。」皇侃曰：「從者，謂諸弟子從孔子行在陳者也。」朱熹曰：「從，去聲。」

③病 皇侃曰：「病，飢困也。」

④興 孔安國曰：「興，起也。」皇侃曰：「既絕糧，故從行弟子皆餓困莫能起者也。」

⑤慍 按：學而篇：「人不知而不慍，」何晏曰：「慍，怒也。」

⑥溢 何晏曰：「溢，溢也。」

⑦何晏曰：「君子固亦有窮時，但不如小人窮則溢溢爲非也。」

參考資料提示：①史記孔子世家，②孟子盡心下篇，③荀子宥坐篇，④韓詩外傳卷七，⑤說苑雜言

篇，⑥莊子讓王篇，⑦呂氏春秋慎大篇，⑧風俗通卷七。

【三十】衛靈公問「陳」○於孔子？孔子對曰：「俎豆○之事，則嘗聞之矣；軍旅○之事，未之學也。」明日遂行○。（衛靈公篇）

【註釋】

①陳 朱熹曰：「陳，去聲。」按：釋文作「陣」。陳、陣通用。孔安國曰：「軍陳行列之法也。」

②俎豆 孔安國曰：「俎豆，禮器也。」劉賈楠曰：「俎，載牲體；豆，盛醢醬及諸醢物。」

③軍旅 鄭玄曰：「萬二千五百人爲軍，五百人爲旅也。」



④鄭玄曰：「軍旅末事，本未立則不可教以末事也。」

⑤明日遂行 按：此四字皇侃本入原篇下章，在「在陳絕糧」上。義不相屬，今依原篇文，連上讀；殿此章之末。

參考資料提示：

①左傳哀公十一年，

②新序雜事五篇，

③法言五百篇。

【三十一】

齊景公待○孔子○，曰：「若季氏，則吾不能○；以季、孟之間待之○。」既而

⑤曰：「吾老矣！不能用也○。」（微子篇）曰⑥：「時哉！時哉○！」（鄉黨篇）孔子行○。（微子篇）

微子篇）

【註釋】

○待 增韻：「遇也。」按：猶奉也。史記孔子世家云：「異日，景公止孔子，曰：『奉子以季氏，吾不能；

以季、孟之間待之。』」下同。

○皇侃曰：「孔子往齊，而景公初欲處待孔子；共爲政化也。」

○皇侃曰：「季氏者，魯之上卿也；總知魯政，專任一國。今景公曰：若使我以國政委任孔子，如魯之季氏；

則不可能也。」

○孔安國曰：「魯三卿，季氏爲上卿，最貴；孟氏爲下卿，不用事；待之以二者之間也。」

○既而 原無「既而」二字。依注文，下文仍是景公之語。日本竹添光鴻曰：「景公兩語，非一時之言。」皇

侃曰：「景公初雖云：『待之於季、孟之間，』而末又悔，故自託吾老，不能復用孔子也。」按：憲問篇：

「曰：『有心哉！擊磬乎。』」既而曰：「鄙哉！硯硯乎。」與此同例，因臆增此二字。如左傳隱公二年：

「既而悔之。」楊樹達謂：「既而，表時間副詞。一事過去未久，復有一事時用之。」

○何晏曰：「以聖道難成，故云：『老矣不能用也。』」按：審何注，此語似指孔子自言之也。江熙曰：「麟

自述

不能爲豺步，鳳不能爲準擊；夫子所陳，必也正道。景公不能，故託吾老。」

⑦曰 按：原無「曰」。此臆補之；指孔子言也。

⑧時哉時哉 皇侃曰：「人不得時，故歎之。」按：此「曰時哉時哉」五字，原係鄉黨篇之文。因是篇錯亂太甚，世多強解。本作「曰翔而後集曰山梁雌雉時哉時哉」，衆說紛囂，莫衷一是。朱熹曰：「此有關文，不可強爲之說。」崔述曰：「『色斯舉章』，首二句上下必有缺文；且與篇中所記朝聘之禮，衣服、飲食之事毫不相類。蓋後人采他書之斷簡，附之於篇末者。」崔說是也。竊以「曰：『時哉！時哉！』」疑孔子自歎遭時不遇之語，此文於全書既無所屬；景公籍故不用孔子，若移此處，頗爲恰切；因暫且附此「不能用也」句下，「孔子行」句上；並待詳考。史記老子列傳：「君子得其時則駕，不得其時則蓬累而行。」故孟子曰：「可以仕則仕，可以止則止，可以久則久，可以速則速；孔子也。」此孔子所以爲「聖之時」者也。

⑨江熙曰：「可合則往，於離則去；聖人無常者也。」皇侃曰：「孔子聞不能用己，故行去也。」程子曰：「季氏強臣，君待之之禮極隆，然非所以待孔子也。以季、孟之間待之，則禮亦至矣！然復曰：『吾老矣！不能用也。』故孔子去之，蓋不繫待之輕重；特以不用而去爾。」

參考資料提示：

- ①左傳成公十六年，
- ②國語周語中，
- ③史記孔子世家。

【三十一】

子曰：「甚矣！吾衰也久矣！吾不復夢見周公。」（述而篇）

〔註釋〕

○甚矣 日本竹添光鴻曰：「甚矣！傷衰之甚也。」

○復 朱熹曰：「復，扶又反。」

○孔安國曰：「孔子衰老，不復夢見周公；明盛時夢見周公，欲行其道也。」李充曰：「聖人無想，何夢之有？」

？蓋傷周德之日衰，哀道教之不行；故寄慨於不夢，發歎於鳳鳥也。」皇侃曰：「孔子不敢期於天位，亦猶願夢乎周公；故年少之日，恆存慕發夢。及至年齒衰朽，非唯道教不行，抑亦不復夢見；所以知己德衰，而發衰久矣，即歎不夢之徵也。」又：「久矣」二字，朱熹集註本連下讀。按：「甚矣」指世衰；「久矣」言不夢。莊子列禦寇篇：「夫明之不能神久矣。」「久矣」連上讀。八佾篇：「天下之無道也久矣！」依例當連上讀，應從皇疏爲是。

參考資料提示：

①呂氏春秋博志篇，②微子篇第十章。

### 【三十三】

子曰：「鳳○鳥不至，河不出圖○；吾已○矣夫○！」（子罕篇）

#### 【註釋】

○鳳 朱熹曰：「鳳，靈鳥。舜時來儀，文王時鳴於岐山。」

○圖 孔安國曰：「河圖，八卦也。」朱熹曰：「河圖，河中龍馬負圖，伏羲時出；皆聖王之瑞。」皇侃曰：

「聖人王，則有龍馬及神龜負應王之圖書，從河而出爲瑞也。如龍圖授伏羲，龜書畀姁禹。」

○已 朱熹曰：「已，止也。」

○夫 朱熹曰：「夫，音扶。」孔安國：「有聖人受命，則鳳鳥至，河圖出；今無此瑞。」已矣夫」者，不得

見也。」按：此亦讖諱、災異、圖書之說耳。雖漢代盛行，實春秋時已啓其端矣。

參考資料提示：

①韓詩外傳卷八，②白虎通封禪篇，③易緯乾鑿度，④拾遺記卷二，⑤史記孔子世家，⑥漢書董仲舒傳，⑦又儒林傳，⑧論衡問孔篇。

### 【三十四】

子曰：「莫○我知也夫○！」子貢曰：「何爲○其莫知子也○？」子曰：「不怨

天，不尤○人○；下學而上達○。知我者其○天乎○？」（憲問篇）

【註釋】

①莫 皇侃曰：「莫，無也。」

②夫 朱熹曰：「夫，音扶。」皇侃曰：「孔子歎世人無知我者。」

③何爲 皇侃曰：「何爲，猶若爲也。」

④何晏曰：「子貢怪夫子言：『何爲莫知己？』故問也。」

⑤尤 皇侃曰：「尤，責也。」

⑥馬融曰：「孔子不用於世，而不怨天；人不知己，亦不尤人也。」按：禮記中庸篇：「正己而不求諸人，則無怨。上不怨天，下不尤人。」又：學而篇：「人不知而不慍。」

⑦孔安國曰：「下學人事，上知天命也。」

⑧其 按：其，猶豈也。

⑨皇侃曰：「人不見知我，我不怨、不尤者，唯天知之耳。」

參考資料提示：

①禮記中庸篇， ②孟子公孫丑篇， ③荀子法行篇， ④又榮辱篇， ⑤易乾卦文言，

⑥史記孔子世家， ⑦說苑至公篇， ⑧憲問篇二十三章。

## 十八行 誼

按：墨子經上篇：「行，爲也。」述而篇：「吾無行而不與二三子者。」誼，說文：「人所宜也。」「行誼」，猶謂品行合於道義者也。凡此所輯，皆屬孔子行誼、性情見於進退日用之間者也；因以題篇。

【一】齊人○歸女○樂○，季桓子○受之○；三日不朝○。（微子篇）色斯舉矣○！（鄉黨

篇）孔子行○。（微子篇）

【註釋】

○齊人 按：指齊國之人也。

○歸 皇侃曰：「歸，猶餉也。」朱熹曰：「歸，如字。或作『饋』。」

○女樂 皇侃曰：「女樂，女妓也。齊餉魯定公女妓，致時孔子在魯。齊畏魯強，故餉魯於女樂；欲使孔子去也。」朱熹曰：「按：史記：定公十四年，孔子爲魯司寇，攝行相事；齊人懼，歸女樂以沮之。」

○季桓子 孔安國曰：「桓子，季孫斯也。」

○孔安國曰：「使定公受齊之女樂。」皇侃曰：「季子使定公受齊之餉也。」

○孔安國曰：「君臣相與觀之，廢朝禮三日也。」皇侃曰：「桓子既受之，仍與定公奏之；三日廢於朝禮者也。」

⑦色斯舉矣 馬融曰：「見顏色不善，則去之。」皇侃曰：「謂孔子在處，觀人顏色而舉動也。」崔述曰：「色斯舉矣」章，首句下必有缺文；且與篇中所記朝聘之禮，衣服、飲食之事毫不相類。蓋後人采他書之斷簡，附之於篇末者。」崔說是也。按：此四字原在鄉黨篇：「不疾言不親指」句下，並在「翔而後集」句上。與上下文義不相連屬，舊註極盡穿鑿之能事。而此章「孔子行」句，江熙注曰：「夫子色斯舉矣」，無禮之朝，安可以處乎？」似江氏注時尙見此文在此也。疑此四字當在此章「三日不朝」句後，「孔子行」句上。蓋孔子在魯，而君臣三日不朝，則色不在孔子；故云「色斯舉矣」。因據江熙注，移此「三日不朝」句後，並待續考。

⑧皇侃曰：「既君臣淫樂，故孔子遂行也。」尹焞曰：「受女樂而怠於政事，如此。其簡賢、棄禮，不足與有爲可知矣；夫子所以行也。所謂：「見幾而作，不俟終日」者與？」

參考資料提示：

①史記孔子世家，

②韓非子內儲說下篇，

③意林引子思子，

④呂氏春秋審應覽，

⑤

韓詩外傳卷二，

⑥孔叢子抗志篇。

【二】子禽問於子貢曰，曰：「夫子至於邦也，必聞其政。求之與？抑與之與？」子貢曰：「夫子溫、良、恭、儉、讓，以得之。」夫子之求也，其諸異乎人之求之與？（學而篇）

【註釋】

○子禽 鄭玄曰：「子禽，弟子陳亢也；字子禽。」

○子貢 鄭玄曰：「子貢，弟子。姓端木，名賜；字子貢。」

○夫子 皇侃曰：「夫子，即孔子也，禮：身經爲大夫者，則得稱爲「夫子」。孔子爲魯大夫，故弟子呼之爲



「夫子」也。」按：下同。

④是邦 皇侃曰：「是，此也。此邦，謂每邦；非一國也。」

⑤與 皇侃曰：「與，語不定之辭也。」朱熹曰：「『之與』之『與』，平聲；下同。」

⑥抑 皇侃曰：「抑，語助也。」朱熹曰：「抑，反語辭。」

⑦與 按：讀如字。猶予也；給也。

⑧鄭玄曰：「亢怪孔子所至之邦，必與聞其國政；求而得之耶？抑人君自願與爲治耶？」

⑨溫 皇侃曰：「敦美潤澤謂之溫。」朱熹曰：「溫，和厚也。」

⑩良 皇侃曰：「行不犯物謂之良。」朱熹曰：「良，易直也。」

⑪恭 皇侃曰：「和從不逆謂之恭。」朱熹曰：「恭，莊敬也。」

⑫儉 皇侃曰：「去奢從約謂之儉。」朱熹曰：「儉，節制也。」

⑬讓 皇侃曰：「推人後已謂之讓。」朱熹曰：「讓，謙遜也。」

⑭鄭玄曰：「言夫子行此五德而得之。」顧歡曰：「此明非求非與，直以自得之耳。其故何也？五德內充，則是非自鏡也。」

⑮按：皇侃本、朱熹集註本「求」下並有「之」字。

⑯其諸 皇侃曰：「諸，之也。」朱熹曰：「其諸，語辭也。」

⑰人 朱熹曰：「人，他人也。」按：皇侃本、朱熹集註本「人」下並有「之」字。

⑱鄭玄曰：「與人求之異，明人君自願求與爲治也。」朱熹曰：「言夫子未嘗求之，但其德容如是，故時君敬信，自以其政就而問之耳。非若他人必求之而後得也。」

參考資料提示：①史記仲尼弟子列傳，②賈子道術篇，③論衡實知篇。

【三】冉有曰：「夫子爲衛君乎？」子貢曰：「諾！吾將問之。」入，曰：「伯夷、叔齊，何人也？」子曰：「古之賢人也。」曰：「怨乎？」曰：「求仁而得仁，又何怨乎！」出，曰：「夫子不爲也。」（述而篇）

【註釋】

○冉有 按：即冉求，字子有；孔子弟子。

○夫子 按：即孔子。下同。

○爲 鄭玄曰：「爲，猶助也。」朱熹曰：「爲，去聲。」

○衛君 鄭玄曰：「衛君者，謂輒也。」朱熹曰：「衛公，出公輒也。」

○鄭玄曰：「衛靈公逐太子蒯聵，公薨而立孫輒也；後晉趙鞅納蒯聵于戚，衛石曼姑帥師圍之。故問其意助輒否乎？」

○子貢 按：即端木賜，孔子弟子。

○諾 朱熹曰：「諾，應辭也。」

○皇侃曰：「子貢答冉有也。故先應諾，言吾將入問於孔子助輒不也？」

○伯夷叔齊 朱熹曰：「伯夷、叔齊，孤竹君之二子，其父將死，遺命立叔齊。父卒，叔齊遜伯夷；伯夷曰：『父命也。』遂逃去。叔齊亦不立而逃也。」

○皇侃曰：「此子貢入問孔子之辭也。所以不問助輒不？而問夷、齊者，不欲斥言衛君事，故以微理求之也。伯夷、叔齊兄弟讓國，而輒父子爭位，其事已反；故問夷、齊何人？若孔子答以夷、齊爲非，則知助輒；答以



夷、齊爲是，則知不助輒也。」

⑤ 怨 皇侃曰：「怨，恨也。」

⑥ 孔安國曰：「伯夷、叔齊讓國遠去，終於餓死；故問怨乎？」皇侃曰：「子貢又問：夷、齊有怨恨不平？」

⑦ 孔安國曰：「以讓爲仁，豈怨乎？」皇侃曰：「孔子答曰：不怨也。言兄弟相讓，本求仁義，而萬代美其相讓之德；是求仁得仁也。求之而得，雖死有何怨？是君子殺身成仁，不安生害仁。」

⑧ 鄭玄曰：「父子爭國，惡行也。孔子以伯夷、叔齊爲賢且仁，故知不助衛君；明也。」皇侃曰：「子貢既聞孔子以夷、齊之讓爲賢且爲仁，故知輒父子爭國爲惡也。所以答冉有云：夫子不爲衛君也。」

參考資料提示：

① 史記衛世家， ② 又伯夷列傳， ③ 春秋哀公二年公羊傳， ④ 孟子盡心上篇， ⑤ 子路

篇十六章。

【四】 衛公孫朝○問於子貢，曰：「仲尼焉○學○？」子貢曰：「文、武之道○，未墜於地○；在人○；賢者識○其大者，不賢者識其小者○；莫不有文、武之道焉○。夫子焉不學○？而亦何常師之有○？」（子張篇）

【註釋】

○ 公孫朝 馬融曰：「朝，衛大夫也。」

○ 焉 朱熹曰：「焉，於虔反。」按：猶安也；何也。下同。

○ 皇侃曰：「公孫問意，政嫌孔子無師；故問云：仲尼焉學也？」

○ 皇侃曰：「文、武之道，謂先王之道也。」朱熹曰：「文、武之道，謂文王、武王之謨訓功烈；與凡周之禮樂文章皆是也。」

⑤皇侃曰：「謂未廢落於地也。」

⑥在人 皇侃曰：「在於人所行也。」朱熹曰：「在人，言人有能記之者。」

⑦識 朱熹曰：「識，記也。」

⑧孔安國曰：「文、武之道，未墜落於地；賢與不賢，各有所識。」皇侃曰：「既猶在人所行，人有賢否，若大賢者，則學識文、武之道大；若不賢者，則學識文、武之道小也。」

⑨皇侃曰：「雖大、小有異，而人皆有之。」

⑩孔安國曰：「夫子無所不從其學也。」皇侃曰：「孔子是人之大者，豈得獨不學識之乎？」

⑪孔安國曰：「無所不從學，故無常師也。」皇侃曰：「言孔子識大，所學多端；多端，故無常師也。」

參考資料提示：①漢書劉歆傳，②禮記會子問篇，③左傳昭公十七年，④史記孔子世家，⑤又甘茂傳。

傳。

# 【五】

叔孫武叔○語○大夫於朝○，曰：「子貢賢於仲尼○。」子服景伯○以告子貢。子貢

曰：「譬諸宮牆也：賜○之牆也，及肩○；闚見室家之好○；夫子之牆也，數仞○，不得其門而入者，不見宗廟之美○，百官之富○；得其門者，或寡矣○。夫子○之○云，不亦宜乎○！」叔孫武

叔毀仲尼○。子貢曰：「無以爲○也！仲尼不可毀也。他人之賢者，丘○、陵○也，猶可踰也○；

仲尼，如日、月○也，無得而踰焉○。人雖欲自絕○也，其何傷於日、月乎○？多○見其不知量

也○！」（子張篇）

## 【註釋】

○叔孫武叔 馬融曰：「魯大夫叔孫州仇也；武，諡也。」

①語 朱熹曰：「語，去聲。」

②皇侃曰：「武叔身是大夫，又語他大夫於朝廷；以譏孔子也。」

③皇侃曰：「言子貢人才、識量賢於孔子也。」

④子服景伯 皇侃曰：「景伯，亦魯大夫。」

⑤賜 皇侃曰：「賜，子貢名也。」

⑥皇侃曰：「子貢自言，賜之識量短淺；如及肩之牆也。」

⑦皇侃曰：「牆既及肩，故他人從牆外行，得闚見牆內室家之好也。」按：皇侃本此下多一「夫」字。

⑧包咸曰：「七尺曰仞也。」皇侃曰：「孔子聖量之深，如數仞之高牆也。」

⑨皇侃曰：「牆既高峻，不可闚闕；唯從門入者，乃得見內。若不入門，則不見其內之美也。」

⑩皇侃曰：「牆高深者，故廣有容宗廟百官也。」

⑪寡矣 皇侃曰：「寡，少也。孔子聖人器量之門，非凡鄙可至；至者唯顏子耳。」

⑫夫子 包咸曰：「夫子，謂武叔也。」

⑬之 按：皇侃本無此「之」字。疑脫去此字。

⑭不亦宜乎 袁宏曰：「武叔凡人，應不達聖也。」皇侃曰：「武叔凡愚，云：『賜賢於孔子』，是其不入聖

門而有此言；故是其宜也。」按：「不亦」，「亦」也。

⑮皇侃曰：「又譬毀孔子也。」

⑯無以爲 朱熹曰：「無以爲，猶言無用爲此。」皇侃曰：「抑止之，使無以爲譬毀。」

⑰丘 朱熹曰：「土高曰丘。」

④陵 朱熹曰：「大阜曰陵。」

⑤皇侃曰：「言他人賢者，雖有才智，才智之高，止如丘、陵；丘、陵雖高，猶得踰越其上。」

⑥日月 朱熹曰：「日、月，喻其至高。」

⑦皇侃曰：「言仲尼聖智，高如日、月，日、月麗天；豈有人得踰踐者乎？既不可踰，故亦不可毀也。」

⑧自絕 朱熹曰：「自絕，謂以謗毀自絕於孔子。」

⑨皇侃曰：「日、月雖得人之見絕，而未會傷滅其明。譬凡人見小有才智，便謂之高，而不識聖人之奧；故毀絕之。雖復毀絕，亦何傷聖人德乎？」

⑩多 朱熹曰：「多，與祇同；適也。」

⑪不知量 朱熹曰「量，去聲。不知量，謂不自知其分量。」

⑫何晏曰：「言人雖欲自絕棄於日、月，其何能傷乎？適足自見其不知量。」皇侃曰：「不測聖人德之深而毀絕之，如不知日、月之明而棄絕之；若有識之士視觀於汝，則多見汝愚闇，不知聖人之度量也。」按：「不知量」之義，當以朱說爲長，蓋謂愚闇之人，不足以譬毀仲尼大聖；故指其不知自量也。

參考資料提示：①史記孔子世家，②子張篇二十五章。

【六】陳子禽①謂子貢，曰：「子爲恭②也，仲尼豈賢於子乎？」子貢曰：「君子一言以爲智，一言以爲不智③；言不可不慎也！夫子④之不可及，猶天之不可階而升也⑤。夫子之得邦、家者⑥：所謂立之斯立⑦，導之斯行⑧，綏⑨之斯來⑩，動⑪之斯和⑫；其生也榮，其死也哀⑬；如之何其可及也！」（子張篇）

○陳子禽 皇侃曰：「此子禽必非陳亢，當是同姓名之子禽也。其見子貢，每事稱『師』。」又曰：「呼子貢以爲『子』也。」皇說非也。日本竹添光鴻曰：「陳亢在孔子門，不當云：仲尼不能賢於子貢。故皇疏以爲別是一子禽。然孔門諸賢盛德光輝，超絕一時；孔子既沒，則益見不可及。不唯西河之人疑子夏於孔子，乃如子夏、子游之賢，欲以所事孔子事有若；況於陳子禽乎？則此『子禽』當定爲『陳亢』矣。」竹添之說是也。按：季氏篇：「陳亢問於伯魚，曰：『子亦有異聞乎？』」皇侃疏：「呼伯魚爲『子』也。」此『子』字，猶言爾、汝；未必爲尊稱也。陳亢與伯魚同輩，皆稱『子』；是陳子禽即陳亢也。學而篇：「子禽問於子貢曰：『夫子至於是邦也，必聞其政。……』」子貢曰：「夫子溫良、恭、儉、讓，以得之。」是子禽與子貢俱稱孔子爲『夫子』，其爲同學無疑。鄭玄曰：「子禽，弟子陳亢也；字子禽。」又家語弟子解：「陳亢，字子亢；一字子禽。少孔子四十歲，陳人。」則是此人矣。

○皇侃曰：「汝爲人，性多恭敬。」朱熹曰：「爲恭，謂爲恭敬。」

○皇侃曰：「言智與不智，由於一言耳。今汝出此言，是不智也。」

○夫子 按：夫子，指孔子也。下同。

○皇侃曰：「夫物之高者，莫峻嵩岳；嵩岳雖峻，而人猶得爲階梯以升上之也。今孔子聖德，其高如天；天之懸絕，既非人可得階升；而孔子聖德，豈可謂我之賢勝之乎？」

○孔安國曰：「謂爲諸侯，若卿大夫也。」皇侃曰：「邦，謂作諸侯也；家，謂作卿大夫也。」

○皇侃曰：「言夫子若得爲政，則立教無不立。」

○皇侃曰：「又若導民以德，則民莫不興行也。」

○綏 孔安國曰：「綏，安也。」

①皇侃曰：「遠人不服，修文德安之；遠者莫不繼負而來也。」

②動 皇侃曰：「動，謂勞役之也。」

③皇侃曰：「悅以使民，民忘其勞；故役使之莫不和穆也。」

④孔安國曰：「生則見榮顯，死則見哀痛也。」袁宏曰：「生則時物皆榮，死則時物咸哀也。」皇侃曰：「孔子之死，則四海過密，如喪考妣；是其死也哀也。」

參考資料提示：

①太平御覽百七十四引風俗通，

②論衡別通篇，

③法言問明篇

④韓詩外傳卷八，

⑤

說苑責德篇，

⑥漢書董仲舒傳。

### 【七】

儀○封人○請見○，曰：「君子○之至於斯○者，吾未嘗不得見也○。」從者○使○

見之○。出○，曰：「二三子○何患於喪○乎○？天下之無道也久矣○！天將以夫子○為木鐸○。」（八佾篇）

①（八佾篇）

### 【註釋】

○儀 鄭玄曰：「儀，蓋衛下邑也。」皇侃曰：「儀，衛邑名也。」

○封人 鄭玄曰：「封人，官名也。」皇侃曰：「封人，守衛邑之堺吏也。周人謂守封疆人為封人也。」朱熹曰：「蓋賢而隱於下位者也。」

○請見 朱熹曰：「『請見』，『見之』之『見』，賢遍反。」皇侃曰：「時孔子至衛，而封人是賢者，故請

諸弟子求見於孔子也。」

○君子 朱熹曰：「君子，謂當時賢者。」

○斯 皇侃曰：「斯，此也。」



⑥皇侃曰：「言從來若有君子來至此衛地者，我未嘗不得與之相見；言皆見我也。」朱熹曰：「至此皆得見之，自言其平日不見絕於賢者，而求以自通也。」

⑦從者 包咸曰：「從者，是弟子隨孔子行者也。」

⑧使 「使」字原闕。包咸曰：「通使得見者也。」按：「從者見之，」意謂：「由從者見之也，」不能謂：「通使得見；」不可強解。疑此處脫一「使」字，茲依包注文意補之。

⑨見之 皇侃曰：「從者，即是弟子隨孔子來者也；聞其言而爲通達，使得見也。」

⑩出 皇侃曰：「出，謂封人見孔子竟而出也。」

⑪二三子 皇侃曰：「二三子，即是向爲封人通聞之弟子也。」

⑫喪 皇侃曰：「喪，猶亡失也。」

⑬皇侃曰：「呼孔子弟子而語之云：二三子，汝何所憂患於孔子聖道亡失乎？必不亡失也！」

⑭孔安國曰：「語諸弟子，言何患於夫子聖德之將喪亡耶？天下之無道也已久矣！極衰必有盛也。」

⑮夫子 按：指孔子也。

⑯木鐸 孔安國曰：「木鐸，施政教時所振也。言天將命孔子制作法度，以號令於天下也。」皇侃曰：「鐸，用銅、鐵爲之。若行武教，則用銅、鐵爲舌；若行文教，則用木爲舌；謂之「木鐸」。將行號令，則執鐸振奮之使鳴；而言所教之事也。故檀弓云：「宰夫執木鐸以命于宮。」又曰：「言今道將興，故用孔子爲木鐸以宣令之。」

參考資料提示：①子罕篇第五章，②禮記檀弓篇。

【八】顏淵喟然①嘆曰：「仰之彌高，鑽之彌堅②；瞻之在前，忽焉在後③。夫子循循④

然善誘人⑤：博⑥我以文⑦，約我以禮⑧；欲罷⑨不能⑩，既⑪竭吾才⑫。如有所立，卓⑬爾⑭！雖欲從之，末⑮由也已⑯！」（子罕篇）

〔註釋〕

○喟然 何晏曰：「喟然，歎聲也。」

○何晏曰：「言不可窮盡也。」孫綽曰：「夫有限之高，雖崇岱可陵；有形之堅，雖金石可鑽；若乃彌高、彌堅，鑽、仰所不逮；故知絕域之高堅，未可以力至也。」皇侃曰：「夫物雖高者，若仰瞻則可觀也；物雖堅者，若鑽錐則可入也。顏於孔子道，愈瞻愈高，彌鑽彌堅，非已竭力之能得也。」朱熹曰：「仰彌高，不可及；鑽彌堅，不可入。」

○何晏曰：「言忽悅不可爲形象也。」孫綽曰：「馳而不及，待而不至；不行、不動，孰能測其所妙哉？」皇侃引一曰：「愈瞻愈遠，故云：瞻之在前也；愈顯愈後，故云：忽焉在後也。」朱熹曰：「在前、在後，恍惚不可爲象；此顏淵深知夫子之道，無窮盡、無方體而歎之也。」

○循循 何晏曰：「循循，次序貌也。」

○誘人 何晏曰：「誘，進也。言夫子正以此道勸進人有次序也。」朱熹曰：「誘，引進也。」

○博 皇侃曰：「博，廣也。」

○文 皇侃曰：「文，文章也。言孔子廣以文章誘引於我。」

○皇侃曰：「又以禮教約束我。」

○罷 皇侃曰：「罷，猶罷息也。」

○皇侃曰：「文博、禮束，故我雖欲罷止而不能止也。」



①既 皇侃曰：「既，盡也。」

②才 皇侃曰：「才，才力也。我不能罷，故盡竭我之才力學之也。」

③卓 皇侃曰：「卓，高遠貌也。」朱熹曰：「卓，立貌。」

④皇侃曰：「孔子更有所言述創立，則卓爾高絕也。」

⑤末 皇侃曰：「末，無也。」

⑥孔安國曰：「言夫子既以文章開博我，又以禮節節約我；使我欲罷而不能，已竭我力矣。其有所立，則又卓然不可及；言已蒙夫子之善誘，猶不能及夫子之所立也。」孫綽曰：「常事皆循而行之，若有所興立，卓然出視聽之表；猶天之不可階而升也，從之將何由也？」

參考資料提示：①論衡恢國篇，②雅也篇二十七章，③後漢書范升傳，④法言學行篇，⑤莊子田子

方篇。

【九】子○之燕居○，申申○如也；天天○如也○。（述而篇）於鄉黨○，恂恂○如也；似不能言者○。其在宗廟○、朝廷○，便便言○；唯謹爾○。朝○，與下大夫言，侃侃○如也○；與上大夫言，誾誾○如也○。君在○，蹏蹏○如也○；與與○如也○。（鄉黨篇）

### 【註釋】

○子 按 孔子也。

○燕居 皇侃曰：「燕居者，退朝而居也。」朱熹曰：「燕居，閒暇無事之時。」

○申申 皇侃曰：「申申者，心和也。」朱熹曰：「申申，其容舒也。」

○天天 馬融曰：「申申、天天，和舒之貌也。」皇侃曰：「天天，貌舒也。」朱熹曰：「天天，其色愉

也。」

⑤孫綽曰：「燕居無事，故云：心內夷和外舒暢者也。」按：此章文體，與鄉黨篇相類，當係錯簡而誤入述而篇也。

⑥於鄉黨 皇侃曰：「謂孔子還家，教化於鄉黨中時也。」又曰：「孔子家當在魯郊內，故云：『於鄉黨』也。」朱熹曰：「鄉黨，父兄宗族之所在。」按：此言處於鄉黨中時也。

⑦恂恂 王肅曰：「恂恂，溫恭貌也。」朱熹曰：「恂恂，信實之貌。」

⑧皇侃曰：「既其溫恭，則言語寡少；故一往觀之，如似不能言者也。」

⑨宗廟 朱熹曰：「宗廟，禮法之所在。」

⑩朝廷 朱熹曰：「朝廷，政事之所出。」皇侃曰：「謂孔子助君祭，在宗廟及朝廷也。」

⑪便便言 鄭玄曰：「便便言，辨貌。」皇侃曰：「既在君朝，應順酬答；及入大廟，每事須問；竝不得不言也。」

⑫鄭玄曰：「雖辨，而謹敬也。」皇侃曰：「言雖流囁，而必謹敬；故云：唯謹爾。」

⑬朝 朱熹曰：「此君未視朝時也。」劉寶楠曰：「下文：『君在』，爲視朝；則此言朝，是君未視朝時也。」按：此言孔子已入朝，而君尚未視朝時也。

⑭侃侃 孔安國曰：「侃侃，和樂貌也。」按：說文：「侃侃，剛直也。」

⑮皇侃曰：「下大夫賤，孔子與之言，宜用和樂相接。」

⑯聞問 孔安國曰：「聞問，中正貌也。」按：說文：「聞問，和悅而諍也。」

⑰皇侃曰：「上大夫，卿也。卿貴，不敢和樂接之；宜以謹正相對。」

⑤君在馬融曰：「君在者，君視朝也。」皇侃曰：「君在，謂出視朝時也。」

⑥駮踏馬融曰：「駮踏，恭敬貌也。」

⑦皇侃曰：「君視朝之時，則臣皆起恭敬之貌。」

⑧與與馬融曰：「與與，威儀中適之貌也。」

⑨皇侃曰：「不得急速，所以形容舉動每須與與如也；與與，猶徐徐也。所以恭而安也。」此節自「於鄉黨」以下至章末，皆係「鄉黨篇」文。此上原有「孔子」二字。皇侃曰：「此一篇至末，並記孔子平生德行也。」魏際瑞曰：「鄉黨一篇，寫得聖人行誼、性情，直與常人無異；是門人極善記聖人處。」按：此篇果爲門人所記，則應稱「子」；如後章：「子退朝，」「子見齊衰者，」「無有稱「孔子」者。蓋此篇上文原有：「子之燕居申申如也夭夭如也」十二字，錯入於述而篇，而成爲：「於鄉黨恂恂如也似不能言者」。校者以爲「於鄉黨」三字，不類起句之文，於是臆補「孔子」二字，遂成今文；且爲全篇之首。其實此篇首章，先言「燕居」，次言「於鄉黨」，再次言在宗廟、朝廷，循序而言之；記事固應如是。今從「鄉黨」始，又任意以之題篇，殊不倫矣。茲依上下文次序刪去「孔子」二字，並移此「夭夭如也」句下，使前後一貫也。又：自此以下，文雖相似，大部疑俱係古禮書之逸文；層入論語中者。茲分別列入「殘篇」。

參考資料提示：

①後漢書張湛傳，

②藝文類聚二十三引張奐誠兄子書，

③禮記王制篇，

④呂氏春秋異

用篇，⑤春秋定公十年穀梁傳，⑥史記孔子世家。

【十】廐○焚○，子退○朝○，曰：「傷人乎？」不問馬○。（鄉黨篇）

〔註釋〕

○廐說文：「廐，馬舍也。」皇侃曰：「廐，養馬之處也。」

行 蓋

③焚 皇侃曰：「焚，燒也。孔子家養馬處被燒也。」

④子 按：孔子也。

⑤退朝 鄭玄曰：「退朝者，自魯之朝來歸也。」皇侃曰：「孔子早上朝，朝竟而退還家也。少儀云：『朝廷曰退也。』」

⑥鄭玄曰：「重人賤畜也。」王弼曰：「孔子時爲魯司寇，自公朝退而之火所；不問馬者，矯時重馬者也。」皇侃曰：「從朝還退，見廐遭火；廐是養馬處，而孔子不問傷馬，唯問：『傷人乎？』是重人賤馬；故云：『不問馬』也。」邢昺曰：「『不問馬』一句，記者之言也。」

參考資料提示：

①禮記雜記下篇，

②鹽鐵論刑德篇。

【十一】季康子（饋樂），拜而受之；曰：「丘未達，不敢嘗之。」（鄉黨篇）

【註釋】

①季康子 皇侃曰：「魯，季康子。」「季」字原闕。按：依例當有「季」字；茲以義補。

②饋樂 包咸曰：「遺孔子樂也。」皇侃曰：「饋，餉也。餉孔子樂也。」

③皇侃曰：「孔子得彼餉而拜受，是禮也。」

④達 皇侃曰：「達，猶曉解也。」

⑤嘗 說文：「口味之也。」劉賈楠曰：「引申爲飲、食之義。若詩：『酌言嘗之。』與此文『不敢嘗』，皆謂飲之也。」

⑥之 按：皇侃本、朱熹集註本並無此「之」字。孔安國曰：「未知其故，故不嘗；禮也。」皇侃曰：「孔子雖拜受而不遂飲，故稱名云：丘未曉此藥治何疾？故不敢飲嘗之也。」

參考資料提示：

①左傳哀公三年，

②禮記玉藻篇。

【十二】

朋友之饋○，雖車、馬，非祭○肉；不拜○。（鄉黨篇）朋友死○，無所歸○；

曰○：「於我殯○。」（鄉黨篇）

【註釋】

○饋 按：饋，餉也。儀禮士虞禮：「特豕饋食，」鄭玄注：「以物與神及人皆言饋。」皇侃曰：「謂朋友有物見餉也。」

○祭 說文：「祭祀也。」

○不拜 說文：「楊雄說：「拜，從兩手下也。」荀子大略篇：「平衡曰拜。」楊倞注：「謂磬折頭與腰

平。」孔安國曰：「不拜，有通財之義也。」皇侃曰：「車、馬，家財之大者也。朋友有通財之義，故雖復見餉車、馬，而我不拜謝也。所可拜者，若朋友見餉其家之祭肉，雖小，亦拜受之；敬祭故也。」

○死 白虎通崩薨篇：「死之言漸，精氣窮也。」釋名：「死者，漸也；若冰釋，漸然盡也。」按：莊子知北遊篇：「人之生，氣之聚也；聚則爲生，散則爲死。」禮記曲禮篇：「庶人曰死。」又檀弓篇：「君子曰終，小人曰死。」

○歸 詩曹風：「于我歸處，」毛傳：「歸，依歸也。」孔安國曰：「重朋友之恩也。無所歸，無親昵也。」

皇侃曰：「時孔子有朋友在孔子之家死，而此朋友無親情來奔喪者；故云：「無所歸。」」

○曰 按：孔子言也。

○殯 說文：「死在棺，將遷葬柩；賓遇之。」皇侃曰：「殯，謂停喪於寢以待葬也。既未有所歸，故曰：於我殯也。」朱熹曰：「朋友以義合，死無所歸，不得不殯。」按：禮記檀弓篇：「夫子曰：「生於我乎館，

死於我乎殯。」又：此章全文原作：「朋友死無所歸於我殯朋友之饋雖車馬非祭肉不拜」，依理常先言生事，後及死事；如先進篇：「未知生，焉知死？」顏淵篇：「愛之欲其生，惡之欲其死。」是此文必有倒錯。依上下文義，移「朋友之饋雖車馬非祭肉不拜」十二字於「朋友死」之上；使上下行文順序也。

參考資料提示：

①禮記坊記篇， ②又玉藻篇， ③又檀弓篇， ④白虎通三綱六紀篇。

【十三】子見齊衰者，雖狎，必變；（鄉黨篇）雖少，必作；過之，必趨。（子罕篇）見凶服者，式之；式負版者。（鄉黨篇）

【註釋】

○子 按：孔子也。

○齊衰 皇侃曰：「齊衰，五服之第二者。」朱熹曰：「齊衰，喪服。」釋名喪制云：「齊，齊也。言緝其裝之邊際，而整齊之也。」日本竹添光鴻曰：「衰，以布一片長六寸、博四寸，綴衣當胸曰衰。」按：此乃孫為祖父母、夫為妻之喪服。

○皇侃曰：「此記孔子哀人有喪者也。」

○狎 孔安國曰：「狎者，素相親狎也。」

○必變 皇侃曰：「哀有喪，故必變；必變，謂必作，必趨也。」按：以上採「鄉黨篇」文。

○冕 包咸曰：「冕，冕冠也；大夫之服也。」

○衣裳 朱熹曰：「衣，上服；裳，下服。冕而衣裳，貴者之盛服也。」

○瞽者 包咸曰：「瞽者，盲者也。」按：以上採「子罕篇」文。



①裴 周生烈曰：「裴，謂數相見也。」皇侃曰：「裴，謂無親而卑數者也。」按：此與周生說異。

②貌 朱熹曰：「貌，禮貌。」周生烈曰：「必當以貌，禮也。」皇侃曰：「尊在位，恤不成人；故必以貌。以貌，變色對之也。」按：以上採「鄉黨篇」文。

③雖少 朱熹曰：「少，去聲。」並引或曰：「『少』當作『坐』。」按：作「少」是也。少，即「不成人」也。與上文「裴」字相對應也。又：「雖少」上原有「見之」二字。因義復，茲刪去。

④作 包咸曰：「作，起也。」

⑤趨 包咸曰：「趨，疾行也。此夫子哀有喪，尊在位，恤不成人也。」皇侃曰：「言孔子見此三種人，雖復年少，孔子改坐而見之；必爲之起也。若行過此三種人，必爲之疾速，不敢自修容也。」范寧曰：「趨，就之也。」按：當以范說爲長。又：以上採「子罕篇」文。

⑥凶服 孔安國曰：「凶服者，送死之衣物也。」

⑦式 朱熹曰：「式，車前橫木。有所敬，則俯而憑之。」

⑧負 皇侃曰：「負，謂擔揭也。」按：此爲「負戴」之「負」。

⑨版 皇侃曰：「版，謂邦國圖籍也。古未有紙，凡所書畫，皆於版；故云：版也。」孔安國曰：「持邦國圖籍者也。」

⑩皇侃曰：「孔子見人擔揭國之圖版者，皆式敬之。」朱熹曰：「式此二者，哀有喪，重民數也。」以上採「鄉黨篇」文。按：此下尚有：「有盛饌必變色而作迅雷風烈必變」十四字，以義不相屬，茲不具錄。又：此章輯子罕、鄉黨兩篇文字而成：子罕篇文作：「子見齊衰者冕衣裳者與瞽者見之雖少必作過之必趨」。鄉黨篇文作：「見齊衰者雖狎必變見冕者與瞽者雖衰必以貌凶服者式之式負版者」。崔述曰：「子罕篇、齊衰」

章，鄉黨篇作「雖狎必變，雖喪必以貌。」此則後人記孔子之事，其文之有詳畧異同，不足異也。」按：此當係鄉黨篇異本複出之錯簡，又有闕壞，誤入子罕篇；遂別分爲兩章也。茲併取之，去其複沓，補其闕失；因合成一章。

參考資料提示：

- ①子罕篇第一章， ②周禮秋官司小司寇， ③新書禮篇。

【十四】子食於有喪者之側①，未嘗飽也②；子於是日也③哭④，則不歌⑤。（述而篇）

〔註釋〕

①側 按：集韻：「旁也。」

②何晏曰：「喪者哀戚，飽食於其側，是無惻隱之心也。」皇侃曰：「謂孔子助葬時也。爲應執事，故必食也；必有哀色，故不飽也。故禮云：『飢而廢事，非禮也；飽而忘哀，亦非禮也。』」朱熹曰：「臨喪哀，不能甘也。」

③也 朱熹集註本無「也」。按：有「也」字意義明確。

④哭 說文：「哭，哀聲也。」朱熹曰：「哭，謂弔哭。」

⑤歌 說文：「歌，詠也。」范寧曰：「是日，即弔赴之日也。禮：『歌、哭不同日也。』故哭，則不歌也。」

皇侃曰：「謂孔子弔喪之日也。弔喪必哭，哭、歌不可同日；故是於弔哭之日不歌也。」朱熹曰：「一日之內，餘哀未忘；自不能歌也。」按：八佾篇：「臨喪不哀，吾何以觀之哉！」

參考資料提示：

- ①禮記檀弓上篇， ②又曲禮上篇， ③論衡感類篇， ④白虎通喪服篇， ⑤八佾篇二十

六章。



## 十九 門 人

按：此篇所輯，皆孔子評論其弟子之賢否得失；因以「門人」題篇。

【一】子曰：「從○我於陳、蔡者，皆不及門也○。德行○：顏淵、閔子騫、冉伯牛、仲弓；言語○：宰我、子貢；政事○：冉有、季路；文學○：子游、子夏○。」（先進篇）

### 【註釋】

○從 朱熹曰：「從，去聲。」按：隨行也。

○鄭玄曰：「言弟子之從我而厄於陳、蔡者，皆不及仕進之門而失其所也。」張憑曰：「恨二三子不及開泰之門也。」朱熹曰：「孔子嘗厄於陳、蔡間，弟子多從之者；此時皆不在門，故孔子思之。」按：此與鄭說異。

○德行 朱熹曰：「行，去聲。」范寧曰：「德行，謂百行之美也。」按：「德行」以下至章末，皇侃本別爲一章；並云：「此章初無「子曰」者，是記者所書，竝從孔子印可而錄在論中也。」

○言語 范寧曰：「言語，謂賓主相對之辭也。」

○政事 范寧曰：「政事，謂治國之政也。」

○文學 范寧曰：「文學，謂善先王典文。」

①王弼曰：「此四科者，各舉其才長也。」皇侃曰：「孔子門徒三千，而唯有此以下十人名爲四科者：德行也，言語也，政事也，文學也。」

參考資料提示：

- ①史記仲尼弟子列傳， ②家語弟子解篇， ③孟子公孫丑上篇， ④荀子非十二子篇，  
⑤又子道篇， ⑥大戴禮記衛將軍文子篇， ⑦又五帝德篇， ⑧禮記禮器篇， ⑨又檀弓篇，  
⑩又玉藻篇， ⑪又雜記篇， ⑫韓詩外傳卷六， ⑬又卷九， ⑭韓非子顯學篇，  
⑮說苑善說篇，

【二】子路、曾皙、冉有、公西華侍坐，子曰：「以吾一日長乎爾，毋吾以也。」居，則曰：「不吾知也。」如或知爾，則何以哉？子路率爾而對曰：「千乘之國，攝乎大國之間，加之以師旅，因之以飢饉，由也爲之，比及三年，可使有勇；且知方也。」夫子哂之。曰：「求！爾何如？」對曰：「方六、七十，如五、六十；求也爲之，比及三年，可使足民也；如其禮樂，以俟君子。」曰：「赤！爾何如？」對曰：「非曰能之，願學焉；宗廟之事，如會同，端章甫，願爲小相焉。」曰：「點！爾何如？」鼓瑟希，鏗爾！舍瑟而作，對曰：「異乎三子者之撰。」子曰：「何傷乎！亦各言其志也。」曰：「暮春者，春服既成，冠者五、六人，童子六、七人，浴乎沂，風乎舞雩，詠而歸。」夫子喟然歎曰：「吾與點也！」三子者出。曾皙曰：「夫三子者之言何如？」子曰：「亦各言其志也已矣。」曰：「夫子何哂由也？」曰：「爲國以禮，其言不讓；是故哂之。」曰：「唯求則非邦也與？」曰：「宗廟會同，非諸侯而何？赤也爲之小相，而非邦也者？」曰：「唯赤則非邦也與？」曰：「宗廟會同，非諸侯而何？赤也爲之小相，而

孰能爲之大相？（先進篇）

【註釋】

①會哲 孔安國曰：「會哲，曾參父；名點也。」

②皇侃曰：「此四弟子侍孔子坐也。」

③長 朱熹曰：「長，上聲。」

④爾 皇侃曰：「爾，汝也。」

⑤孔安國曰：「言我問汝，汝無以我長；故難對也。」皇侃曰：「言吾今一日年齒長大於汝耳，汝等無以言吾年長而不敢言己志也。」

⑥居 皇侃曰：「居，謂弟子常居時也。」

⑦吾 皇侃曰：「吾，弟子自謂也。」

⑧孔安國曰：「汝常居云：人不知己也。」皇侃曰：「言汝等常居之日，則皆自云：無知吾者也。」

⑨孔安國曰：「如有用汝者，則何以爲治乎？」朱熹曰：「如或有人知汝，則汝將何以爲用也？」

⑩率爾 「率」皇侃本作「卒」。何晏曰：「率爾，先三人對也。」朱熹曰：「率爾，輕遽之貌。」皇侃曰：「率爾，謂無禮儀也。」

⑪乘 朱熹曰：「乘，去聲。」

⑫攝 包咸曰：「攝，攝迫乎大國之間也。」朱熹曰：「攝，管束也。」

⑬皇侃曰：「所謂他大國挾己國於中也。」

⑭師旅 朱熹曰：「二千五百人爲師，五百人爲旅。」皇侃曰：「言他大國以師旅兵刃加陵於己所治之國。」

也。」

⑤因 朱熹曰：「因，仍也。」

⑥饑饉 朱熹曰：「穀不熟曰饑，菜不熟曰饉。」皇侃曰：「乏穀爲饑，乏菜爲饉。言己國已被四方大兵陵，又自國中因大荒饑也。」

⑦爲 皇侃曰：「爲，猶治也。」

⑧比 皇侃曰：「比，至也。」

⑨方 何晏曰：「方，義方也。」朱熹曰：「方，向也。謂向義也。」

⑩皇侃曰：「言由治此國至於三年，而使民人皆勇健；又皆知識義方也。」朱熹曰：「民向義，則能親其上，死其長矣。」

⑪哂 馬融曰：「哂，笑也。」朱熹曰：「哂，微笑也。」

⑫曰 「曰」字原闕。按：此係發問之語，當有「曰」字；因依文例補。

⑬如 朱熹曰：「如，猶或也。」

⑭何晏曰：「求性謙退，言欲得方六、七十如五、六十里小國治之而已也。」

⑮足民也 朱熹集註本無「也」字。並註：「富足也。」孔安國曰：「求自云：能足民而已，謂衣食足。」

⑯孔安國曰：「若禮樂之文，當以待君子；謙之辭也。」皇侃曰：「若教民之禮樂，己所不能；故請俟君子爲之也。」

⑰曰 「曰」字原闕。按：依例當有，因依文例補。

⑱鄭玄曰：「我非自言能也，願學爲之。」皇侃曰：「己非謂自能，願從此而後學爲之也。」

⑤鄭玄曰：「宗廟之事，謂祭祀也。」

⑥會 鄭玄曰：「諸侯時見曰會。」

⑦同 鄭玄曰：「殷見曰同。」朱熹曰：「衆類曰同。」

⑧端 鄭玄曰：「端，玄端也；衣玄端。」皇侃曰：「端，玄端之服也。」

⑨章甫 皇侃曰：「章甫，謂章甫之冠也。」朱熹曰：「章甫，禮冠。」鄭玄曰：「冠章甫，諸侯日視朝服也。」

⑩小相 鄭玄曰：「小相，謂相君禮者。」朱熹曰：「相，去聲；相，贊君之禮者。小，亦謙辭。」

⑪曰 「曰」字原闕。按：茲依文例補。

⑫希 朱熹曰：「希，間歇也。」孔安國曰：「思所以對，故其音希也。」

⑬鏗爾 孔安國曰：「鏗爾者，投瑟之聲也。」

⑭舍 皇侃曰：「舍，投也。」

⑮作 皇侃曰：「作，起也。」孔安國曰：「置瑟起對也。」

⑯撰 孔安國曰：「撰，具也。爲政之具也。」皇侃曰：「己所志者，異於路、求、赤三子之志所具也。」

⑰孔安國曰：「各言爾志，於義無傷也。」

⑱暮春 包咸曰：「暮春者，季春三月也。」

⑲包咸曰：「春服既成者，衣單袷之時也。」皇侃曰：「天時暖，而衣單袷者成也。」

⑳冠者 皇侃曰：「已加冠成人者也。」按：古禮：男子二十加冠曰冠。

㉑童子 皇侃曰：「童子，未冠之稱也。」

●沂 皇侃曰：「沂，水名也。」

●風 皇侃曰：「風，風涼也。」

●舞雩 皇侃曰：「舞雩，請雨之壇處也。」王弼曰：「沂水近孔子宅，舞雩壇在其上；壇有樹木，游者託焉也。」

●包咸曰：「我欲得冠者五、六人，童子六、七人，浴於沂水之上，風涼於舞雩之下；歌詠先王之道，歸夫子之門也。」按：包說恐泥。此不過言遨遊之樂，歌詠歸家而已；未必指詠先王之道，歸夫子之門也。

●喟 說文：「太息也。」

●周生烈曰：「善點之獨知也。」皇侃曰：「既歎而云：吾與點也。言我志與點同也。」按：與，猶許也。

●包咸曰：「爲國以禮，禮道貴讓；子路言不讓，故笑之也。」

●曰 「曰」字原闕。按：此係曾皙問孔子之語，當有「曰」字；茲依文例補。

●與 朱熹曰：「與，平聲。」按：下同。皇侃曰：「孔子更證我笑非笑子路之志：若笑子路有爲國之志，則冉求亦是志於爲國，吾何獨不笑耶？既不笑求，豈獨笑子路乎？故云：唯求非邦也與？」皇注誤也。按：此係曾皙問孔子之語，上脫「曰」字，而皇侃以爲孔子語也。朱熹曰：「曾點以冉求亦欲爲國而不見哂，故微問之。」朱說是，當從之。

●曰 「曰」字原闕。按：此係孔子答曾皙之語，當有「曰」字；因依文例補。

●皇侃曰：「言是邦也。」朱熹曰：「夫子之答無貶辭，蓋亦許之。」

●曰 「曰」字原闕。按：此係曾皙復問孔子之語，當有「曰」字；並依文例補。

●曰 「曰」字原亦闕。按：此係孔子再答曾皙之語，當有「曰」字；茲並依例補。

●孔安國曰：「明皆諸侯之事，與子路同；徒笑子路不讓也。」

●小相 「相」字原闕。皇侃本有。按：前文：「願爲小相焉」，下文：「孰能爲之大相」。「小相」與「大相」相對爲文，當有「相」字；因據皇本補。

●大相 朱熹集註本無「相」字。孔安國曰：「赤諱言小相耳，孰能爲大相者也。」朱熹曰：「此亦曾皙問而夫子答也。孰能爲之大，言無出其右者；亦許之之詞。」

參考資料提示：

①史記仲尼弟子列傳，

②家語弟子解篇，

③大戴禮記衛將軍文子篇，

④漢書仲長統傳

， ⑤禮記曲禮上篇。

【三】 閔子騫○侍側○，閔閭○如也；子路，行行○如也；冉子、子貢，侃侃○如也；子樂○。曰○：「若由也，不得其死然○！」（先進篇）

【註釋】

○騫 朱熹集註本無「騫」字。

○侍側 皇侃曰：「卑者在尊者之側曰侍。」

○閔閭 皇侃曰：「閔閭，中正也；子騫性中正也。」

○行行 鄭玄曰：「行行，剛強之貌也。」朱熹曰：「行，胡浪反。」按：「行行」上省去「侍側」二字，因上冒此而言也。

○侃侃 皇侃曰：「侃侃，和樂也；二子並和樂也。」又曰：「此二人並侍側也。」是「侃侃」上亦省去「侍側」二字。

●樂 鄭玄曰：「樂各盡其性也。」

門 人

④曰「曰」字原闕。皇侃本、朱熹集註本並有。按：此係孔子發言，有「曰」字是也。因據皇侃本補。

⑤孔安國曰：「不得以壽終也。」袁宏曰：「道直時邪，自然速禍也。」皇侃曰：「孔子見子路獨剛，故發此言。由，子路名也；後果死於衛亂。」

參考資料提示：①史記仲尼弟子列傳，②春秋繁露楚莊王篇，③漢書董仲舒傳，④又外戚孝成許皇后

傳。

【四】子曰：「柴①也，愚②；參③也，魯④；師⑤也，辟⑥；由⑦也，喭⑧；回⑨也，其庶⑩乎？」屢⑪空⑫。賜，不受命⑬，而貨⑭殖⑮焉；憶⑯則屢中⑰。」（先進篇）

〔註釋〕

①子曰「子曰」二字，原在「由也喭」句下，「回也」之上。皇侃曰：「此以下評數子各有累也。」按：此當係孔子評諸門人，上必有「子曰」二字無疑。疑此二字誤入「回也」之上，今移「柴也」上以冒下文；並明示係孔子評語也。

②柴何晏曰：「弟子高柴也，字子羔。」

③愚何晏曰：「愚，愚直之愚也。」王弼曰：「愚，好仁過也。」皇侃曰：「其累在於愚也。」朱熹曰：「愚者，知不足而厚有餘。」

④參皇侃曰：「參，曾參也。」

⑤魯孔安國曰：「魯，鈍也；曾子遲鈍也。」王弼曰：「魯，質勝文也。」

⑥師皇侃曰：「師，子張也。」

⑦辟馬融曰：「子張才過人，失在邪僻文過也。」王弼曰：「辟，飾過差也。」



⑧由 皇侃曰：「由，子路也。」

⑨也嗻 「也嗻」原作「嗻也」，各本皆作「也嗻」，當係倒誤；茲臆改之。鄭玄曰：「子路之行失於嘖嘖。」

王弼曰：「嗻，剛猛也。」朱熹曰：「嗻，粗俗也。」按：此又一說。

⑩庶 皇侃曰：「庶，庶幾也。」朱熹曰：「庶，近也。」

⑪何晏曰：「言回庶幾聖道。」朱熹曰：「言近道也。」

⑫屢 何晏曰：「屢，猶每也。」皇侃曰：「屢，每也。」

⑬空 何晏引一曰：「空，猶虛中也。」皇侃曰：「空，窮匱也。」何晏曰：「雖數空匱，而樂在其中矣。」

王弼曰：「庶幾慕聖，忽忘財產；而數空匱也。」

⑭受命 皇侃引一云：「不受命者，謂子貢性動，不能信天任命；是不受命也。」王弼曰：「命，爵命也。子

貢不受爵命而能富。」

⑮貨 皇侃曰：「財物曰貨。」

⑯殖 皇侃曰：「種藝曰殖。子貢家富，不能清素；所以爲惡也。」

⑰憶 王弼曰：「憶，憶度也。」

⑱中 朱熹曰：「中，去聲。言子貢不如顏子之安貧樂道，然其才識之明，亦能料事而多中也。」皇侃引一云：「雖不虛心如顏，而憶度事理必亦能每中也。」

參考資料提示：

①史記仲尼弟子列傳，②家語弟子解篇，③大戴禮記衛將軍文子篇，④禮記檀弓篇，

⑤韓詩外傳卷六，⑥漢書貨殖傳，⑦鹽鐵論貧富篇，⑧論衡實知篇。

【五】子曰：「賢哉！回也。一簞①食②，一瓢③飲④，在陋巷⑤，人不堪其憂⑥；回也，

不改其樂⑦。賢哉！回也⑧。」（雍也篇）

「註釋」

①簞 孔安國曰：「簞，筍也。」皇侃曰：「簞，竹筍之屬也；用貯飯。」又曰：「以竹爲之，如箱篋之屬也。」

②食 朱熹曰：「食，音嗣；飯也。」

③瓢 孔安國曰：「瓢，匏也。」皇侃曰：「瓢，匏片也。匏，持盛飲也。」

④皇侃曰：「言顏淵食不重脩，及無雕鏤之器；唯有一簞食，一瓢飲而已。」

⑤皇侃曰：「不願棄塏而居處之，在窮陋之巷中也。」

⑥皇侃曰：「凡人以此爲憂，而不能處。」

⑦樂 朱熹曰：「樂，音洛。」孔安國曰：「顏淵樂道，雖簞食在陋巷，不改其樂也。」皇侃曰：「顏淵以此爲樂，久而不變。」

⑧皇侃曰：「美其樂道情篤，故始、末言賢也。」朱熹曰：「夫子再言：「賢哉！回也。」以深歎美之。」參考資料提示：①述而篇十六章，②孟子離婁下篇，③莊子讓王篇，④法言學行篇。

【六】子曰：「語之①而不惰②者，其回也與③？」（子罕篇）惜乎④！吾見其進⑤也，未見其止⑥也⑦。」（子罕篇）

「註釋」

①語之 朱熹曰：「語，去聲。」按：此指孔子告顏淵也。

②惰 皇侃曰：「惰，疲懈也。」朱熹曰：「惰，懈怠也。」

③與 朱熹曰：「與，平聲。」何晏曰：「顏淵則解，故與之不情；餘人不解，故有情語之時也。」何說非也。范祖禹曰：「顏子聞夫子之言，而心解力行；造次、顛沛，未嘗違之。如萬物得時雨之潤，發榮滋長，何有於情？此羣弟子所不及也。」范說是也。按：先進篇：「子曰：『回也，非助我者也！於吾言無所不說。』」禮記中庸篇：「子曰：『回之爲人也，擇乎中庸；得一善，則拳拳服膺，而弗失之矣。』」此所謂「不情」，非謂「孔子語而有疲懈」。又公冶長篇：「子路有聞，未之能行，唯恐有聞。」雍也篇：「冉求曰：『非不悅子之道，力不足也。』」此「中道而廢」者也。況孔子「誨人不倦」，豈有「疲懈」之時乎？

④惜乎 說文：「惜，痛也。」楚辭、惜誓序：「惜者，哀也。」馬融曰：「孔子謂顏淵進益未止，痛惜之甚也。」皇侃曰：「顏淵死後，孔子有此歎也。」朱熹曰：「顏子既死，孔子惜之；言其方進而未已也。」日本竹添光鴻曰：「惜乎云者，惜其早死也。」

⑤進 按：此即子罕篇上章「進，吾往也」之「進」；謂進德修業；自強不息也。

⑥止 按：此即子罕篇上章「止，吾止也」之「止」；謂中途而廢者也。

⑦朱熹曰：「未見其止，只是不息；非得其止之止。」朱說是，此即指上文「不情」而言也。按：此章自「惜乎」至章末乃另一章文，上原有「子謂顏淵曰」五字。依馬注，則下文所言乃孔子痛惜顏淵之語，非謂孔子告語顏淵；則下不當有「曰」字。如：八佾篇：「子謂：『季氏，八佾舞於庭。』」公冶長篇：「子謂：『子產，有君子之道四焉。』」又：「子謂：『南容，三復白圭。』」又：「子謂：『南容，邦有道不廢；邦無道免於刑戮。』」又：「子謂：『公冶長，可妻也。』」又：「子謂：『子賤，君子哉！若人。』」子路篇：「子謂：『衛公子荆，善居室。』」又如孟子滕文公下篇：「子謂：『薛居州，善士也。』」倘是孔子與顏淵對話、面命之辭，則當如：八佾篇：「子謂冉有，曰：『汝弗能救與？』」公冶長篇：「子謂子貢，曰：『

汝與回也孰愈？」陽貨篇：「子謂伯魚，曰：『汝爲周南、召南矣乎？』」雍也篇：「子謂子夏，曰：『汝爲君子儒！無爲小人儒！』」述而篇：「子謂顏淵，曰：『用之則行，舍之則藏；惟我與爾有是夫！』」子張篇：「陳子禽謂子貢，曰：『子爲恭也，仲尼豈賢於子乎？』」此既痛惜顏淵，則「曰」字當刪。又：「惜乎」二字，應連上讀；但上無他文，必有脫誤。考論語全書，其用感歎助詞之例有二：（一）贊歎個人者，連下讀。如：子罕篇：「大哉！孔子。」衛靈公篇：「直哉！史魚。」又：「君子哉！蘧伯玉。」雍也篇：「賢哉！回也。」先進篇：「孝哉！閔子騫。」子路篇：「野哉！由也。」又：「小人哉！樊須也。」泰伯篇：「大哉！堯之爲君也。」述而篇：「甚矣！吾衰也。」但有三處，名字在感歎之前。如：①泰伯篇：「子曰：『禹，吾無閒然矣！』」然此章末句，又重：「禹，吾無閒然矣！」②憲問篇：「南宮适出。子曰：『君子哉！若人。尙德哉！若人。』」按：此孔子與人對答以後而贊之也。③公冶長篇：「子曰：『子賤，君子哉！若人。』」此不用「子曰」，而用「子謂」；並疑在「子賤」下及「君子」上有脫文。以上三章，俱屬例外。

（二）言事者必連上讀。如：顏淵篇：「曰：『敢問：崇德、修慝、辨惑？』」子曰：「善哉問！」又：「孔子對曰：『君君，臣臣，父父，子子。』」公曰：「善哉！」八佾篇：「林放問：『禮之本？』」子曰：「大哉問！」子路篇：「子曰：『南人有言曰：『人而無恆，不可以作巫醫。』善夫！』」又：「子曰：『善人爲邦百年，亦可以勝殘去殺矣。』」誠哉！是言也。衛靈公篇：「子曰：『君子義以爲質，禮以行之，遜以出之，信以成之；君子哉！』」又：「子曰：『由！知德者，鮮矣！』」八佾篇：「子曰：『周監於二代，郁郁乎文哉！』」先進篇：「顏淵死。子曰：『噫！天喪予！天喪予！』」衛靈公篇：「子曰：『飽食終日，無所用心；難矣哉！』」憲問篇：「『深則厲，淺則揭。』」子曰：「果哉！末之難矣。」以上諸例，感歎詞句俱連上讀。又左傳宣公二年：「孔子曰：『董狐，古之良史也，書法不隱；趙宣子，古之良大夫也，爲法受惡；惜也！越

竟乃免」。成公二年：「新築人仲叔于奚，救孫桓子，桓子是以免。既，衛人賞之以邑，辭。請曲縣繁纓以朝，許之。仲尼聞之，曰：「惜也！不如多與之邑；唯名與器，不可以假人；君之所司也。」昭公三年：「齊公孫竈卒。司馬竈見晏子，曰：「又喪子稚矣。」晏子曰：「惜也！子旗不免。殆哉！姜族弱矣，而嬖將昌。二惠競爽猶可，又弱一個焉；姜其危哉！」依上各例，則此「惜乎」二字，當連上讀。又論語同書與此章最近者，爲顏淵篇：「棘子成曰：「君子質而已矣，何以文爲？」子貢曰：「惜乎！夫子之說君子也，駟不及舌；文猶質也，質猶文也；虎豹之鞶，猶犬羊之鞶也。」鄭玄注云：「惜乎！夫子之說君子也，過言一出，駟馬追之不及舌也。」皇侃曰：「言汝所說君子用質不用文，爲過之甚；故云：「惜乎夫子之說君子。」依皇疏，則此處「惜乎」二字當屬下讀。日本竹添光鴻亦曰：「惜乎夫子之說君子也」九字一句。」朱熹曰：「言子成之言，乃君子之意。然言出於舌，則駟馬不能追之；又惜其失言也。」據鄭注，則「惜乎」二字當上屬；蓋指子成所說：「君子質而已矣，何以文爲」之失言。下文：「夫子之說君子也，駟不及舌。」則說明其所以痛失之由。如：左傳：「趙宣子，古之良大夫也；爲法受惡，惜也！越境乃免。」此「惜也」，乃痛惜上文：「古之良大夫也，爲法受惡」也。因責其：「子爲正卿，亡不越境。」故末云：「越境乃免。」非惜其「越境乃免」也。倘連下讀，作：「惜也越境乃免。」則不倫矣！有上諸證，則本章「惜乎」二字，當與前章有關；即指：「語之而不情者，其回也與」而言。或惜：「不情者惟顏回一人，而餘人則不及。或痛惜：「語之而不情」之顏回，不幸短命死矣。但非連下讀則是矣。因下文：「吾見其進也，未見其止也。」正明「不情」之意，更說所以痛失之由也。疑此兩章原屬一章，因中錯入：「子謂顏淵曰」五字，以致文義隔斷；校者未審，遂分成二章。復疑「子謂顏淵曰」五字，原作：「子謂顏淵云」，實乃上云「語之」二字之古注混入正文；「云」字又被後人改作「曰」字，遂不可辨識矣。茲依上下文義，刪去



此五字。「惜乎」二字以下各句逕接於「其由也與」句後，併爲一章；並待續考。

參考資料提示：

①先進篇第四章，②子罕篇十九章，③述而篇二十九章。

【七】子曰：「回也，非助我者也；於吾言無所不說。」（先進篇）

「註釋」

○助 孔安國曰：「助，猶益也。」

○孔安國曰：「言回聞言即解，無可發起增益於己也。」朱熹曰：「助我，若子夏之起予；因疑問而有以相長也。」按：列子仲尼篇：「回能仁而不能反。」爲政篇：「子曰：『吾與回言，終日，不違；如愚。』」

○說 朱熹曰：「說，音悅。顏子於聖人之言，默識心通，無所疑問；故夫子云然。其辭若有憾焉，其實乃深喜之。」

參考資料提示：

①爲政篇第九章，②中論智行篇，③列子仲尼篇。

【八】子曰：「吾與回一言，終日，不違；如愚。退而省其私，亦足以發；回也，不愚。」（爲政篇）

「註釋」

○回 孔安國曰：「回，弟子也。姓顏，名回；字子淵。魯人也。」

○不違 孔安國曰：「不違者，無所怪問於孔子之言。」朱熹曰：「不違者，言意不相背；聽受而無間難也。」

○如愚 孔安國曰：「默而識之，如愚者也。」

○省 皇侃曰：「省，視也。」

⑤其私 皇侃曰：「謂顏回與諸朋友談論也。」

⑥發 皇侃曰：「發，發明義理也。」

⑦孔安國曰：「察其退還與二三子說釋道義，發明大體；知其不愚也。」皇侃本「愚」下有「也」字。按：孔說恐非也。「退而省其私，」疑當是孔子自言，謂退而自省其身，覺顏回之不違；亦足以啓發孔子對於「默而識之」之義。亦足以發，猶「起予」之意。易繫辭傳云：「默而成之，不言而信；存乎德行。」蓋「德行」：顏淵。孔子於此既有所悟，因而復贊回之不愚；非謂顏回退而與二三子私論也。姑具私見如此。

參考資料提示：

①史記仲尼弟子列傳，

②先進篇第四章，

③列子仲尼篇。

【九】子畏○於匡○，顏淵後○。子曰：「吾以汝爲死矣○。」曰：「子在，回何敢死○！」

(先進篇)

「註釋」

○畏 皇侃曰：「心服曰畏。」

○匡 皇侃曰：「匡，宋地名也。于時匡人誤以兵圍孔子；故孔子同物畏之。」按：匡，在今河北長垣縣。

○孔安國曰：「言與孔子相失，故在後也。」

○皇侃曰：「淵後至，而孔子云：汝不還，我言汝當死於匡難中。」

○包咸曰：「言夫子在，已無所敢死也。」朱熹引胡氏曰：「夫子而在，則回何爲而不愛其死；以犯匡人之鋒乎？」

參考資料提示：

①史記孔子世家，

②莊子秋水篇，

③韓詩外傳卷六，

④呂氏春秋勸學篇。

【十】哀公問：「弟子孰爲好○學○？」孔子對曰：「有顏回者，好學；不遷怒○，不貳過

④。不幸⑤！短命⑥死矣。今也則亡⑦，未聞⑧好學者也⑨。」（雍也篇）

〔註釋〕

①好 朱熹曰：「好，去聲。」按：下同。

②皇侃曰：「哀公問孔子，諸弟子之中，誰爲好學者？」按：哀公，乃魯哀公。

③遷怒 何晏曰：「遷者，移也。怒當其理，不移易也。」

④貳過 何晏曰：「不貳過，有不善未嘗復行也。」按：易繫辭傳：「顏氏之子，其殆庶幾乎！有不善，未嘗不知；知之，未嘗復行也。」

⑤不幸 皇侃曰：「凡應死而生曰幸，應生而死曰不幸。」

⑥按：史記仲尼弟子列傳：「回年二十九，髮盡白；蚤死。」故云短命也。

⑦亡 皇侃曰：「亡，無也。言顏子既死，則無復好學者也。」

⑧未聞 皇侃曰：「曠世唯一，此士難重得；故曰未聞也。」

⑨按：此章又見於「先進篇」，「哀公」作「季康子」。皇侃本是篇「者」下無「也」字。皇侃曰：「侃謂：

此與「哀公問」同。而答異者，舊有二通：一云：「緣哀公有遷怒、貳過之事，故孔子因答以箴之也；康子無此事，故不煩言也。」又一云：「哀公是君之尊，故須具答；而康子是臣，爲卑，故畧以相酬也。」江熙曰：「此與「哀公問」同，哀公雖無以賞，要以極對；至於康子，則可量其所及而答也。」朱熹集註本無「未聞好學者也」六字。疑係複出之文，校者誤「哀公」爲「季康子」；遂成兩章。當以詳者爲正，闕者爲疑；又此有「孔子對曰」，乃臣對君答語之例，然於季康子有時亦稱「孔子對曰」；今取「雍也篇」。



參考資料提示：①易繫辭傳下篇，②大戴禮記衛將軍文子篇，③史記仲尼弟子列傳。

【十一】顏淵死，子哭之慟①。（先進篇）曰：「噫②！天喪③予④！天喪予⑤！」（先進篇）從者⑥曰：「子慟矣⑦。」子曰：「有慟乎⑧？非夫人⑨之爲⑩慟，而誰爲慟⑪！」（先進篇）

【註釋】

①慟 馬融曰：「慟，哀過也。」皇侃曰：「謂顏淵死，孔子往顏家哭之也。慟，謂哀甚也。」

②噫 包咸曰：「噫，痛傷之聲也。」

③喪 皇侃曰：「喪，猶亡也。」朱熹曰：「喪，去聲。」按：下同。

④予 皇侃曰：「予，我也。」何晏曰：「天喪予者，若喪己；再言之者，痛惜之甚也。」

⑤按：「日噫天喪予天喪予」八字上原有「子」字，共九字爲另一章文。上並有「顏淵死」三字，與本章同意。而「噫！天喪予！天喪予！」乃傷痛之甚，正示「慟」之義。疑原當在「子哭之慟」句下，因簡篇錯亂，校者不察，遂別立一章。因上「子哭」已明孔子之哭，茲刪「子」字，並附此下；以實「子哭之慟」之義也。

⑥從者 皇侃曰：「從者，弟子也。隨孔子往顏淵家。」朱熹曰：「從，去聲。」

⑦皇侃曰：「有見孔子哀甚，故云：子慟矣。」

⑧孔安國曰：「不自知己之悲哀過也。」皇侃曰：「孔子不自知慟，故問之：有慟乎？」

⑨夫人 皇侃曰：「夫人，指顏淵也。」朱熹曰：「夫，音扶。」

⑩爲 朱熹曰：「爲，去聲。」按：下同。

⑤皇侃曰：「言若不爲顏淵哀慟，而應爲誰即吾慟事也。」朱熹曰：「言其死可惜，哭之宜慟；非他人之比也。」按：此段自「從者曰」以下，原接「子哭之慟」句後；因中補入：「曰噫天喪予天喪予」八字，故逕接「天喪予」句後。又；「而誰爲慟」，猶云：「爲誰而慟」？蓋倒裝句也。

參考資料提示：

①春秋哀公十四年公羊傳，

②春秋繁露隨本消息篇，

③漢書董仲舒傳贊，

④論衡問孔

篇，⑥史記仲尼弟子列傳。

【十二】

子曰：「孝哉！閔子騫。人不間○於其父母、昆○弟之言○。」（先進篇）

【註釋】

○間 皇侃本作「閒」。並云：「閒，猶非也。」朱熹曰：「間，去聲。」按：間、閒通用。

○昆 皇侃曰：「昆，兄也。謂兄爲昆，昆，明也；尊而言之也。」

○陳羣曰：「言閔子騫爲人，上事父母，下順兄弟，動靜盡善；故人不得有非閒之言也。」顏延之曰：「言之

無閒，謂盡美也。」

參考資料提示：

①藝文類聚二十引說苑，

②漢書杜鄴傳，

③後漢書范升傳。

【十三】

魯人○爲○長府○。閔子騫曰：「仍○舊貫○，如之何○？何必改作○！」子曰：

「夫人○不言，言必有中。」（先進篇）

【註釋】

○魯人 皇侃曰：「魯人，魯君、臣爲政者。」

○爲 皇侃曰：「爲，作也。」朱熹曰：「爲，蓋改作之。」

○長府 鄭玄曰：「長府，藏名也。藏財貨曰府。」皇侃曰：「長者，藏名也。魯人爲政，更造作長府也。」

④仍 鄭玄曰：「仍，因也。」

⑤賁 鄭玄曰：「賁，事也。」

⑥如之何 皇侃曰：「如之何，猶奈何也。」

⑦鄭玄曰：「仍舊事則可，何乃復更改作也！」

⑧夫人 皇侃曰：「夫人，指子鯀也。」朱熹曰：「夫，音扶。」

⑨中 朱熹曰：「中，去聲。」王肅曰：「言必有中，善其不欲勞民更改作也。」皇侃曰：「言子鯀性少言語，言語必中於事理也。」

參考資料提示：①春秋僖公二十年公羊傳，②又宣公十五年公羊傳，③春秋繁露楚莊王篇，④漢書黃

仲舒傳，⑤又外戚孝成許皇后傳。

【十四】 伯牛○有疾○。子問之，自牖○執其手○；曰：「亡○之○。命○矣夫○！斯○人也，而有斯疾也？斯人也，而有斯疾也○？」（雍也篇）

### 【註釋】

○伯牛 馬融曰：「伯牛，弟子冉耕也。」皇侃曰：「伯牛，弟子冉耕字也；魯人。」

○有疾 皇侃曰：「有疾，有惡疾也。」朱熹曰：「先儒以爲癩也。」

○牖 皇侃曰：「牖，南窗也。」

○包咸曰：「牛有惡疾，不欲見人；故孔子從牖執其手也。」

○亡 孔安國曰：「亡，喪也。」

○孔安國曰：「疾甚，故持其手曰喪也。」皇侃曰：「言牛必死也。」

⑦命 朱熹曰：「命，謂天命。言此人不應有此疾，而今有之；是乃天之所命也。」

⑧夫 朱熹曰：「夫，音扶。」皇侃曰：「夫，助語也。亦不幸之流也。言如汝才德，實不應死，而今喪之；豈非稟命之得矣夫！」

⑨斯 皇侃曰：「斯，此也。」按：下同。

⑩皇侃曰：「言有此善人，而嬰此惡疾；疾與人反，故歎之也。再言之者，痛惜之深也。」

參考資料提示：①史記仲尼弟子列傳，②白虎通壽命篇，③淮南子精神篇。

【十五】子曰：「雍也，可使南面。」（雍也篇）或曰：「雍也，仁而不佞。」子曰：「焉用佞也？」禦人以口給，屢憎於人；不知其仁也。焉用佞也？」（公冶長篇）

【註釋】

①雍 馬融曰：「雍，弟子仲弓也；姓冉。」

②南面 包咸曰：「可使南面者，言任諸侯可使治國政也。」皇侃曰：「南面，謂爲諸侯也。孔子言冉雍之德，可使爲諸侯也。」朱熹曰：「南面者，人君聽治之位；言仲弓寬弘簡重，有人君之度也。」按：此下當有脫文。而下章：「仲弓問子桑伯子」，雖係同一人之事，但意不相屬；當另爲一章。惟「公治長篇」：「或曰雍也仁而不佞」章可接此下。因上文孔子贊仲弓可使南面，或人疑之；故謂孔子曰：「雍之德尚有缺失，未可使南面爲諸侯也。茲依文義，暫移於此。」

③佞 朱熹曰：「佞，口才也。」皇侃曰：「或人云：弟子冉雍，甚有仁德，而不能佞媚求會時也。」

④焉 朱熹曰：「焉，於虔反。」按：猶何也。

⑤朱熹曰：「言何用佞乎？」皇侃本、朱熹集註本並無「也」字。末句皇侃本有「也」字，而朱熹本無「也」字。按：末句有，則此句亦當有；末句無，則此句亦當無。蓋孔子發言贊歎文例：陽貨篇：「子曰：『天何言哉！四時行焉，百物生焉；天何言哉！』」雍也篇：「子曰：『賢哉！回也。』」一簞食，一瓢飲，在陋巷，人不堪其憂；回也，不改其樂。賢哉！回也。」泰伯篇：「子曰：『禹，吾無間然矣！』」非飲食，而致孝乎鬼神；惡衣服，而致美乎黻冕；卑宮室，而盡力乎溝洫。禹，吾無間然矣！」首尾二句一律，正如此章；可以作證。

⑥禦 皇侃曰：「禦，猶對也。」朱熹曰：「禦，當也；猶應答也。」

⑦給 皇侃曰：「給，捷也。」朱熹曰：「給，辨也。」

⑧屢 孔安國曰：「屢，數也。」

⑨憎 朱熹曰：「憎，惡也。」

⑩於人 「於人」二字原作「民」，句作：「屢憎民。」皇侃本、朱熹集註本並作「於人」。孔安國曰：「數爲人所憎也。」則「憎」爲被動詞，依孔註，當作「於人」；因據皇本改正。孔安國曰：「佞人口辭捷給，數爲人所憎也。」皇侃曰：「言佞者口辭對人，捷給無實；則數爲人所憎惡也。」

⑪朱熹曰：「我雖未知仲弓之仁，然其不佞，乃所以爲賢；不足以爲病也。」

⑫皇侃曰：「憎佞爲惡之深，故重答距於或人也。」朱熹曰：「再言『焉用佞』？所以深曉之。」按：以上皆「公冶長篇」文，今移接此：「雍也可使南面」後；合成一章。

參考資料提示：①史記仲尼弟子列傳，②說苑脩文篇，③先進篇二十五章。

【十六】子謂○仲弓○：「犁○牛之子騂○且角○；雖欲勿○用○，山川○其○舍○諸○。」



？（雍也篇）

【註釋】

○謂 范寧曰：「謂，非必對言也。」

○仲弓 家語弟子解篇：「冉雍，字仲弓；伯牛宗族。生於不肖之父，以德行著名。」朱熹曰：「此論仲弓云爾，非與仲弓言也。」按：「仲弓」下原有「曰」字，下文又係贊美仲弓之辭。前章孔子既許：「雍也，可使南面。」而家語又稱：「生於不肖之父，以德行著名。」正合「犁牛之子騂且角」之義。又此與公冶長篇：「子謂公冶長，」子謂南容。」同例；下不當有「曰」字，茲依文例刪去。蓋有「曰」字，則成爲孔子面命而告仲弓也。

○犁 何晏曰：「犁，雜文也。」皇侃曰：「犁，文也。雜文曰犁。或音狸；狸，雜文也。或音梨；犁，謂耕犁也。」

○騂 何晏曰：「騂，赤色也。」按：禮記檀弓上篇云：「周人尚赤」；牲用「騂」。

○角 何晏曰：「角者，角周正；中犧牲也。」皇侃曰：「言假令犁牛而生好子，色、角合禮也。」俞樾曰：「角者，別於童牛而言也。」又曰：「童牛無角，猶未可用。」

○勿 皇侃曰：「勿，猶不也。」

○用 朱熹曰：「用，用以祭也。」

○山川 朱熹曰：「山川，山川之神也。」

○其 何晏曰：「寧肯。」按：猶豈也。左傳僖公五年：「一之謂甚，其可再乎？」

○舍 皇侃曰：「舍，猶棄也。」朱熹曰：「舍，上聲。」按：同捨。

⑤諸按：諸，猶之也。何晏曰：「雖欲以其所生壑而不用，山川寧肯舍之乎？言父雖不善，不害其子之美也。」皇侃曰：「譬如仲弓之賢，其父雖劣，若遭明王、聖主，豈爲仲弓父劣而舍仲弓之賢；不爲諸侯用乎？明必用也。」

參考資料提示：①史記仲尼弟子列傳，②家語弟子解篇，③漢書樊鄴滕灌傳新周傳贊。

【十七】宰予①晝寢②。子曰：「朽③木不可彫④也，糞土之牆⑤不可朽⑥也⑦；於予⑧與⑨何誅⑩！始⑪吾於人也，聽其言而信其行⑫；今吾於人也，聽其言而觀其行⑬；於予與改是⑭。」（公冶長篇）

【註釋】

①宰予 包咸曰：「宰予，弟子宰我也。」

②寢 皇侃曰：「寢，眠也。宰予惰學而晝眠也。」

③朽 包咸曰：「朽，腐也。」皇侃曰：「朽，敗爛也。」

④彫 包咸曰：「彫，彫琢刻畫也。」皇侃曰：「彫，彫鏤刻畫也。」

⑤牆 皇侃曰：「牆，謂牆壁也。」

⑥朽 王肅曰：「朽，壞也。」按：皇侃本作「圯」。

⑦王肅曰：「二者喻雖施功，猶不成也。」皇侃曰：「夫名工巧匠所彫刻唯在好木，則其器乃成；若施工於爛朽之木，則其器不成。圯，謂圯壞之使平泥也。夫圯壞牆壁，若牆壁土堅實者，則易平泥光飾耳；若壞於糞土之牆，則頽壞不平。」

⑧予 皇侃曰：「予，宰予也。」按：下同。

⑩與 皇侃曰：「與，語助也。」朱熹曰：「與，平聲。」按：下同。

⑪誅 孔安國曰：「誅，責也。今我當何責於汝乎？深責之辭也。」皇侃曰：「言不足責也。」又：此下原有「子曰」二字。朱熹引胡氏曰：「『子曰』，疑衍文。不然，則非一日之言也。」胡說是也。按：此上下文皆係孔子之語，上文既有「子曰」，此不應重複，致隔斷語氣；因依上下文意刪去。

⑫始 皇侃曰：「始，謂孔子少年時也。」

⑬行 朱熹曰：「行，去聲。」按：下同。皇侃曰：「孔子歎世醜薄之跡今異昔也。昔時猶可，故吾少時聞於人所言，便信其能有行。」

⑭今 皇侃曰：「今，謂孔子末時也。不復聽言信行，乃更言而必觀其行也。」

⑮改是 孔安國曰：「改是者，始聽言信行，今更察言觀行；發於宰我晝寢也。」皇侃曰：「是，此也。言我所以不復聽言信行，而更爲聽言觀行者，起於宰予而改爲此。」朱熹曰：「孔子自言，於予之事而改此失；亦以重警之也。」按：疑「予」字，指孔子自稱。「與」同「歟」，猶「乎」也。句如：「於予乎改是。」其意猶云：自我而改此「以言取人」之失也。又疑自「始吾於人也」至章末，當接原篇、第二十四章：「乞諸其鄰而與之」句後。謂因見微生高言行之不一，而改其觀人之法也。姑備此說，以待詳考。

參考資料提示：

章。

①禮記檀弓上篇，②公冶長篇二十四章，③衛靈公篇二十七章，④陽貨篇十三章、十八

【十八】子謂子貢，曰：「女○與回也孰○愈○？」對曰：「賜也，何敢望○回？回也，聞一以知十；賜也，聞一以知二○。」子曰：「弗○如也！吾與○女弗如也○。」（公冶長篇）

【註釋】



①女 朱熹曰：「女，音汝：下同。」按：女、汝通用。皇侃本作「汝」。

②孰 皇侃曰：「孰，誰也。」

③愈 孔安國曰：「愈，猶勝也。」皇侃曰：「孔子問子貢，汝與顏回二人才伎，誰勝者也？」

④望 按：望，猶比也。禮記表記篇：「以人望人。」

⑤王弼曰：「假數以明優劣之分，言己與顏淵十裁及二；明相去懸遠也。」張封溪曰：「一者，數之始；十者，數之終。顏生體有識厚，故聞始則知終；子貢識劣，故聞始裁至二也。」

⑥弗 皇侃曰：「弗，不也。」按：下同。

⑦與 按：與，如字。秦道賓曰：「爾雅云：『與，許也。』」

⑧包咸曰：「既然子貢弗如，復云：吾與汝俱不如者，蓋欲以慰子貢心也。」皇侃曰：「孔子既答子貢之不如，又恐子貢有怨，故又云『吾與汝皆不如也。』所以安慰子貢也。」秦道賓曰：「仲尼許子貢之不如也。」按：此又一說。

參考資料提示：①新序雜事二篇，②學而篇十五章。

【十九】 子貢問曰：「賜也，何如？」子曰：「汝，器①也②。」曰：「何器也③？」曰：

瑚、璉④也⑤。」（公冶長篇）

### 【註釋】

①器 朱熹曰：「器者，有用之成材。」

②孔安國曰：「言汝是器用之人也。」

③皇侃曰：「器有善、惡，猶未知己器云何？故更問也。」

門 人

④瑚璉 包咸曰：「瑚、璉者，黍、稷器也。夏日瑚，殷曰璉；宗廟器之貴者也。」

⑤江熙曰：「瑚、璉置宗廟則爲貴器，然不周於民用也。」或曰：「君子不器，器者用必偏；瑚、璉雖貴，而爲用不周。亦言汝乃是貴器，亦用偏也。」

參考資料提示：①公冶長篇第九章，②禮記明堂位篇。

【二十】子貢曰：「我不欲人之加①諸我也，吾亦欲無加諸人②。」子曰：「賜也，非爾

④所及⑤！」（公冶長篇）

「註釋」

①加 馬融曰：「加，陵也。」按：下同。

②皇侃曰：「子貢自願無世人以非理加陵於我也。」

③皇侃曰：「又云：我匪唯願人不以非理加於我，而我亦不願以非理加陵於人也。」

④爾 皇侃曰：「爾，汝也。」

⑤孔安國曰：「言不能止人使不加非義於己也。」皇侃曰：「非汝分之所能及也。」又疏云：「然不加入，人不加己，並難可能。而注偏釋不加己者，畧也。」注、疏恐並非也。按：「我不欲人之加諸我也，吾亦欲無加諸人；」此乃「忠恕之道」也。衛靈公篇：「子貢問曰：『有一言而可以終身行之者乎？』」子曰：「其恕乎？己所不欲，勿施於人。」蓋子貢既得孔子之教，而發此言；明其所志也。然禮記中庸篇云：「忠恕違道不遠；施諸己而不願，亦勿施於人。」「違道不遠」，猶云：幾於道也。「賜不受命，而貨殖焉；」欲行忠恕之道，不亦難乎？故孔子告以非汝所能及也。猶白話云：「這不是你能做得到的！」

參考資料提示：

- ①禮記中庸篇，②又大學篇，③衛靈公篇二十四章。

【二十一】子貢方人○。子曰：「賜也，賢○乎我夫？哉？我則不暇○。」（憲問篇）

【註釋】

○方人 孔安國曰：「比方人也。」朱熹曰：「方，比也。比方人物，而較其短長。」皇侃曰：「子貢以甲比乙，論彼、此之勝劣者也。」

○賢 按：賢，猶勝也。

○夫 朱熹曰：「夫，音扶。」

○哉 「哉」字原闕。皇侃本有「哉」字，朱熹集註本無「我夫」二字；作「賢乎哉」。按：「哉」，爲疑問助詞，此譏子貢之語，於義當有；因據皇本補。又：「賢乎我乎哉？」言豈子貢猶勝於我乎？謂子貢方人，我則不暇方人也。

○暇 說文：「間也。」孔安國曰：「不暇比方人也。」江熙曰：「比方人，不得不長短相傾；聖人誨人不倦，豈當相憾否？」皇侃曰：「事既爲難，故我則不暇有比方之說。」

參考資料提示：①爲政篇第十章，②先進篇十六章。

【二十二】冉求曰：「非不說○子之道也，力不足也○。」子曰：「力不足者，中道而廢○；今女○畫○。」（雍也篇）

【註釋】

○說 朱熹曰：「說，音悅。」按：皇侃本作「悅」。

○皇侃曰：「冉求語孔子，曰：求之心非不喜悅夫子之道而欲行之；只才力不足，無如之何也。」

○廢 按：猶言止也。禮記中庸篇：「半途而廢，」即此意也。

門人

④女 朱熹曰：「女，音汝。」按：皇侃本作「汝」。女、汝通用。

⑤畫 說文：「畫，界也。」孔安國曰：「畫，止也。力不足者，中道而廢；今汝自止耳，非力極也。」皇侃曰：「汝今云：力不足矣，是汝自欲止耳。」朱熹曰：「力不足者，欲進而不能；畫者，能進而不欲。謂之畫者，如畫地以自限也。」

參考資料提示：①里仁篇第六章，②法言學行篇。

【二十三】子華○使於齊○，冉子○爲○其母○請粟○。子曰：「與之釜○。」冉子與之粟五秉○。子曰：「赤之適齊也，乘肥馬○，衣○輕裘○。吾聞之也：『君子周○急○不繼○富○。』」（雍也篇）

【註釋】

○子華 馬融曰：「子華，弟子公西華；赤，字也。」

○皇侃曰：「姓公西，名赤。有儀容，故爲使往齊國也。但不知時爲魯之使，爲孔子之使耳。」朱熹曰：「使，去聲。爲孔子使也。」

○冉子 皇侃曰：「冉子，冉求也。」

○爲 朱熹曰：「爲，去聲。」

○其母 皇侃曰：「其母，子華母也。」

○請粟 皇侃曰：「請粟，就孔子請粟也。時子華出使，而母在家；冉有由朋友之情，故爲子華之母就孔子請粟也。」

○釜 馬融曰：「六斗四升曰釜也。」

⑧皇侃曰：「冉求嫌一釜之少，故更就孔子請益也。」

⑨庾 包咸曰：「十六斗爲庾也。」

⑩乘 馬融曰：「十六斛爲乘，五乘合八十斛也。」

⑪肥馬 皇侃曰：「馬之食穀者也。」

⑫衣 朱熹曰：「衣，去聲。」

⑬輕裘 皇侃曰：「裘之皮精毛軟及新綿爲著者也。今子華往使於齊，去時所乘馬肥，其所衣裘輕軟；則是家富，其母不乏也。」

⑭周 朱熹曰：「周者，補不足。」

⑮急 朱熹曰：「急，窮迫也。」

⑯繼 朱熹曰：「繼者，續有餘。」

⑰鄭玄曰：「非冉求與之太多也。」皇侃曰：「孔子曰：吾聞舊語：夫君子施但周贍人之急者耳；不係繼足人爲富蓄也。」按：老子七十七章：「天之道，損有餘而補不足。」

參考資料提示：①史記仲尼弟子列傳，②儀禮聘禮記。

【二十四】子路無宿①諾②。（顏淵篇）子曰：「片言③可以折獄④者，其由也與⑤！」（

顏淵篇）

【註釋】

①宿 何晏曰：「宿，猶豫也。」皇侃曰：「宿，猶逆也。」朱熹曰：「宿，留也。猶宿怨之宿。」

②諾 皇侃曰：「諾，猶許也。」何晏曰：「子路篤信，恐臨時多故，故不豫諾也。」皇侃曰：「曉有言不得

門人

行，故不逆言許人也。」朱熹曰：「急於踐言，不留其諾也。」此「子路無宿諾」五字原在「其由也與」句後。按：憲問篇：「原壤夷俟。子曰：『幼而不遜弟，長而無述焉，老而不死，是爲賊！』」公冶長篇：「宰予晝寢。子曰：『朽木不可彫也！糞土之牆不可朽也！』」先進篇：「子路使子羔爲費宰。子曰：『賊夫人之子！』」又：「季氏富於周公，而求也爲之聚斂而附益之。」子曰：「非吾徒也！小子鳴鼓而攻之可也！」憲問篇「子貢方人。子曰：『賜也，賢乎我夫哉？我則不暇。』」依上各例，皆先舉事實，後加孔子評語；則此句當亦不能例外。茲依全書文例移「子曰」之上。

③片言，孔安國曰：「片，猶偏也。」朱熹曰：「片言，半言。」

④折獄，皇侃曰：「折獄，謂判辨獄訟之事也。」朱熹曰：「折，斷也。」

⑤與，朱熹曰：「與，平聲。」孔安國曰：「聽訟必須兩辭以定是非，偏信一言以折獄者，唯子路可也。」孔說恐非也。孫綽曰：「謂子路心高而言信，未嘗文過以自衛；聽訟者便宜以子路單辭爲正，不待對驗而後分明也。非謂子路聞人片言而便能斷獄也。」朱熹曰：「子路忠信明決，故言出而人信服；不待其辭之畢也。」孫、朱二說並是也。按：上云：「子路無宿諾」，惟其「無宿諾」，故可以「片言折獄」；則「片言」，當指子路之言無疑。

參考資料提示，①左傳哀公十四年，②公冶長篇十四章，③先進篇二十二章。

【二十五】子曰：「子路有聞，未之能行；唯恐有聞。」（公冶長篇）

【註釋】

①子曰「子曰」二字原闕。按：篇首：「公冶長第五」，朱熹注曰：「此篇皆論古今人物賢否得失。」考此篇亦多評論弟子之語，此章全文，當係孔子贊美子路之言；疑上脫去「子曰」二字。觀顏淵篇：孔子言「子

路無宿諾」可知矣。茲臆補之。

③孔安國曰：「前所聞未能及得行，故恐後有聞不得並行也。」皇侃曰：「子路秉性果決，言無宿諾；故前有所聞於孔子，即欲修行；未及能行，則不願更有所聞，恐行之不周；故唯恐有聞也。」按：先進篇：「子路問：『聞斯行諸？』」子曰：「有父兄在，如之何其聞斯行之也？」……子曰：「……由也，兼人；故退之。」蓋子路欲聞斯行之，故唯恐有聞也。

參考資料提示：

①禮記雜記下篇，

②韓詩外傳卷一，

③先進篇二十二章。

## 【二十六】

子曰：「衣○弊○緇○袍，與衣狐貉者立，而不恥者；其由也與⑤！」（子罕

篇）

### 〔註釋〕

①衣 朱熹曰：「衣，去聲。」按：下同。皇侃曰：「衣，猶著也。」

②弊 皇侃曰：「弊，敗也。」朱熹集註本作「敝」。並註：「敝，壞也。」

③緇 孔安國曰：「緇，臯著也。」皇侃曰：「臯，麻也；以碎麻著裘也。碎麻曰緇，故絮亦曰緇。玉藻曰：

「緇爲袍，」是也。」

④狐貉 皇侃曰：「狐貉，輕裘也。」孔安國曰：「狐貉，以狐貉之皮爲裘；衣之貴者。」

⑤與 朱熹曰：「與，平聲。」皇侃曰：「當時人尙奢華，皆以惡衣爲恥；唯子路能果敢率素，雖服敗麻臯袍裘，與服狐貉輕裘者並；而不爲羞恥。」按：此下原有：「不伎不求何用不臧子路終身誦之子曰是道也何足以臧」二十三字，因上下文義有分歧，茲依孔廣森說，別爲一章。

參考資料提示：

①史記仲尼弟子列傳，

②里仁篇第九章。



【二十七】詩云：「不伎<sup>①</sup>不求<sup>②</sup>，何用不臧<sup>③</sup>？」子路終身誦之<sup>④</sup>。子曰：「是道也，何足以臧<sup>⑤</sup>！」（子罕篇）

【註釋】

①詩云「詩云」二字原闕。皇侃曰：「引疾貪惡之詩。」朱熹曰：「此衛風雄雉之詩。」按：此文既係引詩，茲依例補「詩云」二字，以明所出也。

②伎 馬融曰：「伎，害也。」

③求 皇侃曰：「求，貪也。」

④臧 馬融曰：「臧，善也。言不伎害，不貪求；何用爲不善？疾貪惡伎害之詩也。」按：毛詩雄雉章，鄭玄箋云：「我君子之行，不疾害，不求備於一人；其行何用爲不善？」鄭氏蓋承師說。

⑤皇侃曰：「終身長誦」不伎、不求，何用不臧」之言也。」

⑥馬融曰：「尚復有美於是者，何足以爲善也！」顏延之曰：「懼其伐善也。」皇侃曰：「孔子見子路誦之不止，故抑之也。言此不伎、不求乃可，是道亦何足過爲善；而汝誦之不止乎？言尚復有勝於此者也。」朱熹曰：「終身誦之，則自喜其能；而不復求進於道矣。故夫子復言此以警之。」劉賈楠曰：「尚復有美於是者，言學道無止境也。」按：「不伎不求」上原有：「子曰衣弊緇袍與衣狐貉者立而不耻者其由也與」二十字，孔廣森曰：「此以下當別爲一章。言子路終身常誦「不伎不求」二言，猶南容一日三復白圭之玷。子以其取於詩者小，故語之曰：「不伎、不求」，是或一道也；然止於是而已，則亦「何足以臧哉！」尋省舊注，絕不與上「衣蔽緇袍」相蒙；作疏者，始以引詩爲美，子路又以終身誦之爲聞譽自足。既重誣賢者，且夫子先既取詩詞「何用不臧」，而後頓抑之；謂「何足以臧！」是自異其言，枘鑿不可通也。」又云：「集注本



三十章，註疏本「唐棣之華」合於「未可與權」，而「牢曰」自爲一章，故亦三十章；唯釋文則云：「三十章。」竊疑陸氏所見古本多一章者，正分「不伎不求」以下矣。」劉寶楠曰：「案：仲尼弟子列傳，載「衣敝緇袍」一節，無「不伎不求」二句；亦一證。」茲依孔說別爲一章，上並補「詩云」二字。

參考資料提示：①淮南子詮言篇，②詩經衛風雄雉篇。

【二十八】子曰：「由之鼓瑟，奚①爲於丘之門②？」門人不敬子路③。子曰：「由也，升堂矣；未入於室也④。」（先進篇）

【註釋】

①奚 皇侃曰：「奚，何也。」

②馬融曰：「言子路鼓瑟，不合雅、頌也。」皇侃曰：「侃謂此「門」非謂孔子所住之「門」，故是聖德深奧之「門」也。故子貢答武叔曰：「得其門者或寡也。」按：此作所住之門亦通，蓋言子路在孔門鼓瑟也。因聞其聲不和，故孔子譏之也。此文結構，如：「子之武城，聞弦歌之聲」也。日本竹添光鴻曰：「爲，猶以也。奚爲，何以也。言彼在他處爲之，於我無所妨；今在吾門爲之，吾所厭苦也。」其說近是。

③皇侃曰：「門人見孔子譏瑟，便不復敬子路也。」

④馬融曰：「升我堂矣，未入室耳。門人不解，謂孔子言爲賤子路；故復解之也。」朱熹曰：「門人以夫子之言，遂不敬子路；故夫子釋之。升堂、入室，喻入道之次第，言子路之學已造乎正大高明之域，特未深入精微之奧耳。未可以一事之失而遽忽之也。」

參考資料提示：①說苑脩文篇，②先進篇二十二章。

【二十九】山梁雌雉①，（鄉黨篇）翔而後集②；（鄉黨篇）子路③供之④，三嗅⑤而作

門人

⑦ (鄉黨篇)

「註釋」

①梁 皇侃曰：「梁者，以木架水止，可踐渡水之處也。」

②雉 說文：「雉有十四種。」韻會：「漢人謂雉爲『野雞』。」辭海云：「動物名。鳥類，鶉雞類；形似雞。雌羽黃褐色，胸腹部有大黑斑；尾羽較雄爲短。」皇侃曰：「見山梁間有此雌雉也。」按：此文原在「翔而後集」句後並有「時哉時哉」四字，義不連貫；疑有錯亂，已將「日」字並「時哉時哉」四字，移入他章。

③周生烈曰：「迴翔審觀，而後下止也。」虞喜曰：「翔而後集，此以人事喻於雉也。雉之爲物，精微難狎；譬人在亂世，去危就安；當如雉也。」按：此上原有「色斯舉矣」四字，崔述曰：「首二句上下必有缺文。」因此義不相屬，舊注諸多附會；已移入他章。此句應在「山梁雌雉」之下，意謂：山梁雌雉，精微難狎；故必迴翔審觀，然後下止；避危就安以防陷害也，言其慎也。因依義移此下。

④子路 按：孔子弟子仲由也。又此上原有「時哉時哉」四字，義不相應；已移他章。

⑤供之 皇侃曰：「供，猶設也。言子路見雉在山梁，因設食物以張之。」

⑥嗅 皇侃曰：「嗅，謂鼻歆飲其氣也。」

⑦作 皇侃曰：「作，起也。」又曰：「雉性明傲，知其非常；三嗅而作，去不食其供也。正言雌者，記子路所見也。」韓愈曰：「吾謂『嗅』當爲鳴鳴之鳴，雉之聲也。」朱熹引晁氏曰：「石經『嗅』作『憂』，謂雉鳴也。」劉聘君曰：「嗅當作臭，古聞反。張兩翅也，見爾雅。」又曰：「愚按：如後兩說，則共字當爲拱執之義，然此必有闕文，不可彊爲之說；姑記所聞，以俟知者。」按：劉謂：「此必有闕文」，是也。此係「鄉黨篇」最後一章，全文原作：「色斯舉矣翔而後集曰山梁雌雉時哉時哉子路供之三嗅而作」。文既錯亂，義又

與全篇明行誼、禮節無關。疑係他篇錯簡，篇者不知所屬，暫附此篇之末是已。茲依虞氏、皇氏兩家之說，加以整理如上；博物君子，其諒正之！

參考資料提示：

①韓詩外傳卷二，

②呂氏春秋審應覽，

③又審己篇，

④孔叢子抗志篇。

【三十】季康子問：「仲由，可使從政也與？」曰：「賜也達，於從政乎何有？」曰：「賜也，可使從政也與？」曰：「賜也達，於從政乎何有！」曰：「求也，可使從政也與？」曰：「求也藝，於從政乎何有！」（雍也篇）

【註釋】

○季康子 皇侃曰：「魯卿，季康子。」

○從政 皇侃曰：「從政，使從政爲官長、諸侯。」朱熹曰：「從政。謂爲大夫。」

○與 朱熹曰：「與，平聲。」按：下同。

○果 包咸曰：「果，謂果敢決斷也。」

○何有 衛瓘曰：「何有者，有餘力也。」皇侃曰：「何有，言不足有也。」按：言不難也。

○達 孔安國曰：「達，謂通於物理。」

○藝 孔安國曰：「藝，謂多才能。」

參考資料提示：①公冶長篇第八章，②先進篇第三章，③禮記禮器篇，④韓詩外傳卷六。

【三一】季子然問：「仲由、冉求，可謂大臣與？」子曰：「吾以子爲異，之間，曾由與求之問。」所謂大臣者，以道事君；不可則止。今由與求也，可謂具臣矣。曰：「然則從之者與？」子曰：「弑父與君，亦不從也。」（先進篇）

【註釋】

○季子然 孔安國曰：「季子然，季氏之子弟也。」

○與 朱熹曰：「與，平聲。」孔安國曰：「自多得臣此二子，故問之也。」皇侃曰：「時仲由、冉求仕季氏家，季子然自夸己家能得此二賢臣；故問孔子，以謂此二人可謂大臣不也？」

○異 朱熹曰：「異，非常也。」

○會 皇侃曰：「會，猶則也。」朱熹曰：「會，猶乃也。」

○孔安國曰：「謂子問異事耳，則此二人之間，安足爲大臣乎？」朱熹曰：「輕二子，以抑季然也。」

○皇侃曰：「此明大臣之事也。以道事君，謂君有惡名必諫也；不可則止，謂三諫不從，則越境而去也。」

○具臣矣 孔安國曰：「言備臣數而已也。」皇侃曰：「乃可名爲備具之臣而已也。」

○與 朱熹曰：「與，平聲。意者二子既非大臣，則從季氏之所爲而已。」孔安國曰：「問爲臣皆當從君所欲耶？」

○孔安國曰：「二子雖從其主，亦不與爲大逆也。」皇侃曰：「答言雖不諫、不止，若君有弑上之事，則二人亦所不從也。」

參考資料提示：

①禮記內則篇， ②又曲禮下篇， ③又表記篇， ④孟子萬章下篇， ⑤春秋莊公二十四

年公羊傳， ⑥說苑正諫篇， ⑦白虎通諫諍篇， ⑧八佾篇第六章， ⑨先進篇十七章，

⑩季氏篇第一章。

【三三】季氏○富於周公○，而求○也爲○之聚斂而附益之○。子曰：「非吾徒○也！小子

鳴鼓而攻○之可也○！」（先進篇）

【註釋】

①季氏 皇侃曰：「季氏，魯臣也。」

②周公 孔安國曰：「周公，天子之宰，卿士也。」皇侃曰：「周公，天子臣，食采於周，爵爲公；故謂爲周公也。蓋周公且之後也。」

③求 皇侃曰：「求，冉求也。」

④爲 朱熹曰：「爲，去聲。」

⑤孔安國曰：「冉求爲季氏宰，爲之急賦稅也。」皇侃曰：「季氏已富，而求時仕季氏，爲季氏邑宰；又助歛聚，急賦稅；以附益季氏之富也。」按：禮記大學篇：「孟獻子曰：『百乘之家，不畜聚斂之臣；與其有聚斂之臣，寧有盜臣！』」

⑥徒 皇侃曰：「徒，門徒也。」朱熹曰：「非吾徒，絕之也。」

⑦小子 鄭玄曰：「小子，門人也。」

⑧攻 說文：「攻，擊也。」皇侃曰：「攻，治也。」

⑨鄭玄曰：「鳴鼓，聲其罪以責也。」

參考資料提示：①左傳哀公十一年，②又哀公十二年，③孟子離婁上篇，④論衡答佞篇，⑤又順鼓

篇。

【三三】 子路使子羔爲費①宰②。子曰：「賊③夫④人之子⑤！」子路曰：「有民人焉，有社稷焉；何必讀書，然後爲學⑥？」子曰：「是故惡⑦夫佞⑧者⑨！」（先進篇）

【註釋】

①費 皇侃曰：「費，季氏采邑也。」

②皇侃曰：「季氏邑宰叛，而子路欲使子羔爲季氏邑宰也。」

③賊 皇侃曰：「賊，猶害也。」

④夫 朱熹曰：「夫，音扶；下同。」

⑤夫人之子 皇侃曰：「夫人之子，指子羔也。」包咸曰：「子羔學未熟習，而使爲政；所以賊害人也。」朱

熹曰：「言子羔質美而未學，遽使治民，適以害之。」

⑥孔安國曰：「言治民，事神，於是而習；亦學也。」皇侃曰：「既邑有民人、社稷，今爲其宰，則是習治民

，事神，此即是學；亦何必在於讀書，然後方謂爲學乎？」

⑦惡 朱熹曰：「惡，去聲。」

⑧佞 皇侃曰：「佞，口才也。」

⑨孔安國曰：「疾其以口給，應遂己非而不知窮者也。」朱熹曰：「子路乃欲使子羔以政爲學，失先後本末之

序矣；不知其過而以口給禦人，故夫子惡其佞也。」

參考資料提示：①左傳襄公三十一年，②論衡實知篇，③公治長篇第五章。

【三四】子游①爲武城②宰③。子曰：「女④得人焉耳乎哉⑤？」曰：「有澹臺滅明者，

行不由徑⑥；非公事⑦，未嘗至於偃之室⑧也⑨。」（雍也篇）

【註釋】

①子游 皇侃曰：「子游，弟子言偃字也。」

②武城 包咸曰：「武城，魯下邑也。」

③皇侃曰：「時爲武城邑宰也。」

④女 朱熹曰：「女，音汝。」按：皇侃本作「汝」。女、汝通用。

⑤孔安國曰：「焉、耳、乎、哉，皆辭也。」袁宏曰：「謂得其邦之賢才不也？」

⑥澹臺滅明 包咸曰：「澹臺，姓；滅明，名也；字子羽。」皇侃曰：「亦孔子弟子也。」

⑦徑 朱熹曰：「徑，路之小而捷者。」皇侃曰：「言滅明每事方正，故行出皆不邪徑於小路也。」一曰：「滅明德行方正，不爲邪徑小路行也。」

⑧公事 皇侃曰：「其家課稅也。」朱熹曰：「公事，如飲、射、讀法之類。」

⑨偃之室 皇侃曰：「謂子游所住邑之廨舍也。」

⑩包咸曰：「言其公且方也。」皇侃曰：「言滅明既方正，若非公稅之事，則不嘗無事至偃住處也。」  
參考資料提示：①史記仲尼弟子列傳，②大戴禮記衛將軍文子篇，③左傳哀公十一年。

【三五】子貢問曰：「師與商也孰一賢乎？」子曰：「師也過，商也不及。」曰：「然則師愈與？」子曰：「過猶不及。」（先進篇）

### 【註釋】

①孰 皇侃曰：「孰，誰也。」

②皇侃曰：「子貢問孔子，欲辨師、商誰爲賢勝也？」

③孔安國曰：「言俱不得中也。」皇侃曰：「過，謂子張性繁冗，爲事好在僻過而不止也；言子夏性疏闊，行事好不及而止也。」

④愈 何晏曰：「愈，猶勝也。」

⑤與 朱熹曰：「與，平聲。」

⑥江熙曰：「聖人動爲物軌，人之勝否，未易輕言；兩既俱未得中，是不明其優劣，以貽於來者也。」皇侃曰：「答言既俱不得中，則過與不及無異也。」

參考資料提示：

①禮記仲尼燕居篇， ②又檀弓篇， ③又中庸篇， ④新書容經篇。

【三六】子使漆雕開○仕○。對曰：「吾○斯之未能信○！」子說○。（公治長篇）

【註釋】

○孔安國曰：「開，弟子也。漆彫，姓也；開，名也。」朱熹曰：「字子若。」

○皇侃曰：「孔子使此弟子出仕官也。」

○皇侃曰：「答師稱『吾』者，古人皆然也。」

○孔安國曰：「仕進之道未能信者，未能究習也。」范寧曰：「開知其學未究習治道，以此爲政，不能使民信己。」

⑤說 朱熹曰：「說，音悅。」皇侃本作「悅」。鄭玄曰：「喜其志道深也。」范寧曰：「孔子悅其志道之深，不汲汲於榮祿也。」

參考資料提示：

①史記仲尼弟子列傳， ②家語子弟解篇， ③韓非子顯學篇。

【三七】子謂：「公治長○，可妻○也；雖在縲○繼○之中，非其罪也○。」以其子妻之

⑥。（公治長篇）

【註釋】



①公冶長 孔安國曰：「公冶長，弟子；魯人也。姓公冶，名長。」范寧曰：「名芝，字子長。」

②可妻 皇侃曰：「可妻者，孔子欲以女嫁之。」朱熹曰：「妻，去聲。下同。妻爲之妻也。」

③縲 孔安國曰：「縲，黑索也。」

④繼 孔安國曰：「繼，繫也。所以拘罪人也。」皇侃曰：「古者用黑索以繫罪人也。」按：朱熹集註本「繼」作「縲」。

⑤皇侃曰：「冶長，賢人。于時經枉濫，在縲繼之中；雖然，實非其罪也。」

⑥范寧曰：「公冶行正獲罪，罪非其罪。孔子以女妻之，將以大明衰世用刑之枉濫，勸將來，實守正之人也。」皇侃曰：「評之既竟，而遂以女嫁之也。」

參考資料提示：①史記仲尼弟子列傳，②家語弟子解篇。

【三八】南容①三復②白圭④。（先進篇）子謂⑤：「南容，邦有道，不廢⑥；邦無道，免於刑戮⑦。」以其兄之子妻⑧之⑨。（公冶長篇）

【註釋】

①南容 王肅曰：「南容，弟子南宮縈；魯人也。字子容。」皇侃曰：「姓南宮，名縈也。又名闕也。」朱熹曰：「文名适，字子容。謚敬叔，孟懿子之兄也。」

②三 朱熹曰：「三，去聲。」

③復 皇侃曰：「復，猶反也。」

④白圭 朱熹曰：「詩，大雅，抑之篇。」按：此係「先進篇」文，下尚有：「孔子以其兄之子妻之」九字，與本篇文複；重出。疑係二本互脫，或門人所記各異；校者不察，分爲二章；遂致兩歧。考文意相屬，因刪

去此九字，接於下文；合爲一章。孔安國曰：「詩云：『白圭之玷，尚可磨也；斯言之玷，不可爲也！』」南容讀詩至此，三反覆之；是其心慎言也。」皇侃曰：「白玉有玷缺，尚可磨治，令其全好；若人言忽有瑕玷，則駟馬不及。」

⑤子謂皇侃曰：「又評南容也。」

⑥不廢 朱熹曰：「言必見用也。」

⑦皇侃曰：「明南容之德也。若遭國君有道，則出仕官；不廢己之才德也。若君無道，則危行言遜；以免於刑戮也。刑戮，通語耳；亦含輕重也。」按：三復白圭，所以能危行、言遜。朱熹曰：「南容一日三復此言，事見『家語』；蓋深有意於謹言也。此邦有道所以不廢，邦無道所以免禍。」是此段文字，當在「三復白圭」之下無疑。

⑧妻 朱熹曰：「妻，去聲。」

⑨皇侃曰：「論之既畢，孔子以己兄女妻之也。」

參考資料提示：①史記仲尼弟子列傳，②家語弟子解篇，③詩大雅抑篇，④大戴禮記衛將軍文子篇。

【三九】子曰：「吾未見剛○者。」或對曰：「申枨○。」子曰：「枨也，慾○；焉○得剛

⑤？」（公治長篇）

【註釋】

①剛 皇侃曰：「剛，謂性無慾者也。」朱熹曰：「剛，堅強不屈之意。」

②申枨 包咸曰：「申枨，魯人也。」朱熹曰：「申枨，弟子姓名。」皇侃曰：「或有人聞孔子說而答之云：

魯有姓申名枨者，其人剛也。」

③ 怨 孔安國曰：「怨，多情慾也。」

④ 朱熹曰：「焉，於虔反。」按：猶安也。

⑤ 皇侃曰：「孔子語或人曰：夫剛人性無求，而申根多情慾；多情慾者必求人，求人，則不得是剛。」

參考資料提示：① 子路篇二十七章，② 漢書孫寶傳

【四十】 子謂：「子賤○，君子哉！若人○。魯無君子者，斯○焉○取斯○？」（公冶

長篇）

【註釋】

○子賤 孔安國曰：「子賤，魯人。弟子必不齊也。」

○若人 包咸曰：「若人者，若此人也。」皇侃曰：「此通所評之事也。若人，如此人也。言子賤有君子之

德，故言君子哉！若此人也。」

○斯 皇侃曰：「斯，此也。」

○焉 皇侃曰：「焉，安也。」朱熹曰：「焉，於虔反。」

○包咸曰：「如魯無君子，子賤安得取此行而學行之？」皇侃曰：「言若魯無君子，子賤安得取此君子之行而學

之乎？言由魯多君子，故子賤學而得之。」朱熹曰：「上斯，斯此人；下斯，斯此德。」諸說並晦也。按：

疑上「斯」，指此地也；下「斯」，指此人也。焉，猶乃也。其意猶云：因魯無君子，故此時乃以子賤爲君

子；不得已而求其次也。蓋當時世衰道微，魯少君子；孔子假美子賤而慨歎之也。姑備此說，以待來者。

參考資料提示：① 史記仲尼弟子列傳，② 新序雜事二篇，③ 說苑政理篇。



## 二十傳授

按：釋名：「傳，轉也。人所止息，去者復來，轉相傳，無常主也。」學而篇：「傳不習乎，」李充注曰：「常恐傳先師之言不能習也，古人言必稱師也。」又：授，說文：「予也。」猶講授也。凡茲所輯，皆孔子弟子之言；孔子沒後，諸弟子各述孔子遺教，以誘掖其門人及朋友相切磋之言。因以「傳授」名篇。

【一】子貢曰：「夫子○之文章○，可得而聞○也○；夫子之言性○與天道○，不可得而聞也已矣○！」（公冶長篇）

【註釋】

○夫子 按：指孔子。下同。

○文章 何晏曰：「章，明也。文彩形質著見。」太史叔明曰：「文章者，六籍是也。」朱熹曰：「文章，德之見乎外者，威儀、文辭，皆是也。」三說義皆未明 按：泰伯篇：「煥乎！其有文章。」何晏註：「其立文垂制，復著明也。」朱熹曰：「文章，禮樂法度也。」朱說近是也。

○聞 說文：「知聞也。」何晏曰：「可得以耳、目脩也。」按：此聞字不限耳聞，當包括目見而言也。如雍也篇：「今也則亡，未聞好學者也。」下同。

○皇侃曰：「六籍者，有文字章著，煥然可修耳目，故云：『夫子文章可得而聞也。』然典籍著見，可聞、可

觀；今不云「可見」，而云「可聞」者，夫見之爲近，聞之爲遠；不敢言躬自近見，政欲寄於遠聞之而已。」

⑤性 何晏曰：「性者，人所以受以生者也。」皇侃曰：「人稟天地五常之氣以生，曰性。性，生也。」按：孟子告子篇：「生之謂性。」又曰：「食、色性也。」荀子性惡篇：「生之所以然者，謂之性。」又：「不可學、不可事而在人者，謂之性。」則性者，乃人生來所固有之者也。故古生、性一字。孔子曰：「性相近也，」蓋亦本此。

⑥天道 何晏曰：「天道者，元亨利貞之道也。」此恐非孔說之正。按：孔子言天道，見於陽貨篇：「子曰：『天何言哉？四時行焉，百物生焉。天何言哉！』」禮記哀公問篇：「子曰：『無爲而物成，天道也。』」又：中庸篇：「誠者，天之道也。」又：「故至誠無息，不息則久……如此者，不見而章，不動而變，無爲而成。」則孔子之天道，尙是承襲老子之說。老子三十七章：「道常無爲，而無不爲。」故孔子稱贊舜說：「無爲而治者，其舜也與？夫何爲哉？恭己正南面而已矣。」又：爲政篇云：「爲政以德，譬如北辰；居其所而衆星拱之。」不但此也。易謙卦象辭：「天道虧盈而益謙。」正如老子七十七章：「天之道，其猶張弓與？高者抑之，下者舉之；有餘者損之，不足者補之。天之道，損有餘而補不足。」又：「天道下濟而光明。」如老子八十一章：「天之道，利而不害。」故孔子亟稱讓德。泰伯篇：「子曰：『泰伯，其可謂至德也已矣！三以天下讓，民無得而稱焉。』」論爲政亦如之。所以里仁篇：「子曰：『能以禮讓爲國，乎何有？不能以禮讓爲國，如禮何？』」是則孔子於天道、道德，禮讓之說，皆原於老子也。其說仁、義則踐徑獨闢矣。

⑦何晏曰：「深微，故不可得而聞也。」皇侃曰：「此處深遠，非凡人所知；故其言不可得聞也。」朱熹曰：「至於性與天道，則夫子罕言之；而學者有不得聞者。」按：當以「深微」，乃不易解之意爲長；非謂未及聽聞之也。

參考資料提示：

- ①泰伯篇第一章、十九章， ②陽貨篇十七章， ③爲政篇第一章， ④禮記中庸篇， ⑤又哀公問篇， ⑥老子三十七章、七十七章， ⑦荀子性惡篇， ⑧又天論篇， ⑨易謙卦彖辭， ⑩論衡本性篇， ⑪孟子告子篇， ⑫里仁篇十三章。

【二】子貢曰：「君子之過也，如日、月之蝕也；過也，人皆見之；更也，人皆仰之。」（子張篇）小人之過也，必文。」（子張篇）

【註釋】

○蝕 釋名釋天：「日、月虧曰蝕。」

○皇侃曰：「日、月之蝕，非日、月故爲；君子之過，非君子故爲；故云：如日、月之蝕也。」

○皇侃曰：「日、月之蝕，人並見之；如君子有過不隱，人亦見之也。」

○更 孔安國曰：「更，改也。」朱熹曰：「更，去聲。」

○皇侃曰：「日、月蝕罷，改闕更明，則天下皆並瞻仰；君子之德，亦不以先過爲累也。」日本竹添光鴻曰：

「此言君子無文過之私，如日、月之蝕；有改過之勇，如日、月之復。」

○文 朱熹曰：「文，去聲。文飾之也。」孔安國曰：「文飾其過，不言其情實也。」繆播曰：「君子過由不及，不及而失，非心之病，務在改行；故無吝也。其失之理明，然後得之理著；得、失既辨，故過可復改也。小人之過，生於情僞，故不能不飾；飾則彌張，乃是謂過也。」皇侃曰：「君子有過，是已誤行，非故爲也；故知之則改。而小人有過，是知而故爲；故愈文飾之，不肯言己非也。」朱熹曰：「小人憚於改過，而不憚於自欺；故必文以重其過。」按：「小人之過也必文」七字，原係前章之文，上並有「子夏曰」三字。考論語全書文例，多「君子」與「小人」上、下相對爲文；或但言「君子」，而不及「小人」，然無有以「

小人」爲上文起句者；此以「小人」起句，實爲獨特之例；疑其爲必有闕誤。上、下對文之例如：里仁篇：「君子喻於義，小人喻於利。」衛靈公篇：「君子求諸己，小人求諸人。」又：「君子不可小知，而可大受也；小人不可大受，而可小知也。」此三例中，上文：「君子喻於」，下文作：「小人喻於」；又：上文：「君子求諸」，下文作：「小人求諸。」又：上文：「君子不可」，下文作：「小人不可。」此兩章，上文：「君子之過也」，下文：「小人之過也」，正與此同例。上言「君子之過」，下言「小人之過」，當係原屬一章之文。由於錯簡或異本遂致復出；而「夏」字又與「貢」字形極相近，兩簡並脫，校者未審，乃別爲兩章。疑「夏」字乃「貢」字之形譌，茲以詳者並「前文」爲正，畧者並「後文」爲誤；並刪去「子夏曰」三字，附於「人皆仰之」句後，合成一章。縱屬臆測，或原爲子夏之言，但斷非兩人各說其一也。

參考資料提示：

① 孟子公孫丑下篇，

② 公冶長篇二十七章，

③ 衛靈公篇三十章，

④ 學而篇第八章。

焉⑤。「(子張篇)」

【註釋】

① 紂 皇侃曰：「紂者，殷家無道君也。」

② 皇侃曰：「無道失國，而後世經是惡事，皆云是紂昔所爲；然紂昔者爲惡，實不應頓如此之甚。」

③ 惡 朱熹曰：「『惡居』之『惡』，去聲。」

④ 下流 皇侃曰：「謂爲惡行而處人下者也。言紂不偏爲衆惡，而天下之惡事皆云是紂所爲；故君子立身，惡爲居人下流。若一居下流，則天下之罪并歸之也。」朱熹曰：「下流，地形卑下之處；衆流之所歸。喻人身有汙賤之實，亦惡名之所聚也。」按：老子第八章：「上善若水，水善利萬物而不爭，處衆人之所惡；故幾



於道。「則「下流」之義，孔、老殊途；原二家之說：一主陰柔，一主陽剛；從茲分道揚鑣，而儒、道相齟矣！

④孔安國曰：「紂爲不善，以喪天下，後世憎甚之；皆以天下之惡歸之於紂也。」蔡謨曰：「言一紂不善，其亂不得如是之甚；身居下流，天下惡人皆歸之；是故亡也。」蔡說非也。按：紂雖爲惡，而殷尙有三仁焉。上文已明言：「不如是之甚，」則是世之所傳過甚其辭耳。猶孟子盡心下篇所謂：「盡信書，則不如無書。」意謂紂雖爲惡，非天下之惡皆紂一人所爲也。

參考資料提示：

①孟子盡心下篇，

②列子楊朱篇，

③淮南子繆稱篇，

④漢書敘傳，

⑤後漢書竇憲傳

論。

【四】棘子城曰：「君子質而已矣，何以文爲？」文爲「矣」矣？「子貢曰：『惜乎！夫子之說君子也，駟不及舌。』」文猶質也，質猶文也；虎、豹之鞞，猶犬、羊之鞞也。」「（顏淵篇）

### 「註釋」

①棘子城 鄭玄曰：「舊說云：『棘子城，衛大夫也。』」按：朱熹集註本「城」作「成」。

②以 按：猶用也。

③爲 按：語助辭也。

④矣 皇侃本無「矣」字。並疏曰：「棘子城云：君子所行，但備質樸；何必用於文華乎？」

⑤惜乎 皇侃曰：「子貢聞子城之言而譏之也。」按：惜其失言也。此指子城所言引以爲失也。鄭玄曰：「昔乎夫子之說君子也。」是鄭以「惜乎」連下讀。考論語全書用感歎助詞例，上言事者，連上讀。下指人者，

傳授

連下讀。此亦當連上讀，並斷句。

④夫子 皇侃曰：「夫子，謂呼子城爲夫子也。」

⑤皇侃曰：「言汝所說，君子用質不用文，爲過失之甚；故云：『惜乎夫子說君子』。」觀皇疏，亦以「惜乎」二字連下讀，按：此蓋依鄭注也。

⑥駟 皇侃曰：「駟，四馬也。古用四馬共牽一車，故呼四馬爲駟也。」

⑦鄭玄曰：「過言一出，駟馬追之，不及舌也。」皇侃曰：「人生過言一出口，則雖駟馬駿足追之，亦所不及；故云：『駟不及舌』也。」按：「夫子之說君子也，駟不及舌。」二句當連讀。「夫子之說君子也」，指子城所言：「君子質而已矣，何以文爲也？」「駟不及舌」，與「惜乎」相應；言其失也。此則舉例以證其失言之足惜也。

⑧皇侃曰：「言汝意云：『文猶質，質猶文。』」故云：「何用文爲」者耳。皇說非也。按：子貢言：文、質須並重，不可偏廢之意；非謂質之無可也。

⑨鞞 孔安國曰：「皮去毛曰鞞。」皇侃曰：「鞞者，皮去毛之稱也。」

⑩孔安國曰：「虎、豹與犬、羊別者，正以毛文異耳；今使文、質同者，何以別虎、豹與犬、羊耶？」皇侃曰：「虎、豹所以貴於犬、羊者，政以毛文炳蔚爲異耳；今若取虎、豹及犬、羊皮，俱滅其毛，唯餘皮在；則誰復識其貴、賤，別於虎、豹與犬、羊乎？譬於君子所以貴者，政以文華爲別；今遂若使質而不文，則何以別於君子與衆人乎？」孔、皇二說恐並非也。按：雍也篇：「子曰：『質勝文則野，文勝質則史；文質彬彬，然後君子。』」董仲舒春秋繁露玉杯篇：「質、文兩備，然後其禮成；文、質偏行，不得有爾、我之名。俱不能備而偏行之，寧有質而無文。」孔子所謂君子，則須「文質彬彬」；子城所謂君子，乃有質而無文。子貢

所言：「文猶質也，質猶文也。」乃謂文、質並重之意。有文無質，或有質無文；俱有所偏廢。其曰：「虎、豹之鞶，猶犬、羊之鞶。」意謂倘虎、豹去毛而無文，與犬、羊去毛而無文等耳；則虎、豹、犬、羊之皮，俱不足貴者矣。非以虎、豹比諸君子，犬、羊比諸小人也。恐舊註俱失之。朱熹曰：「言文、質等耳，不可相無；若必盡去其文，而獨存其質，則君子小人無以辨矣。」朱說近是。

參考資料提示：

①春秋繁露玉杯篇，

②說苑說叢篇，

③雍也篇十八章。

【五】子游曰：「事君數（一），斯（二）辱矣；朋友數，斯疏矣（三）。」（里仁篇）

【註釋】

①數 何晏曰：「數，謂速數之數也。」按：皇侃本作「孔安國曰」。韓愈曰：「包曰：『數，謂速數之數。』」君命召，不俟駕而行，豈以速爲辱乎？吾謂，數當謂頻數之數。」韓說是也。程灝曰：「數，煩數也。」下同。

②斯 皇侃曰：「斯，此也。」

③皇侃曰：「禮不貴褻，故進止有儀；臣非時而見君，此必致恥辱。朋友非時而相往數，必致疏遠也。」朱熹引胡氏曰：「事君，諫不行則當去；尊友，善不納則當止。至於煩瀆，則言者輕，聽者厭矣；是以求榮而反辱，求親而反疏也。」

參考資料提示：

①先進篇二十三章，

②顏淵篇二十三章，

③說苑正諫篇。

【六】子游曰：「喪致（一）乎哀而止（二）。」（子張篇）

【註釋】

①致 皇侃曰：「致，猶至也。」朱熹曰：「致，極其哀。」

傳授

○孔安國曰：「毀不滅性也。」皇侃曰：「雖喪禮主哀，然孝子不得過哀以滅性；故使各至極哀而止也。」

參考資料提示：

- ①說苑建本篇，②八佾篇二十六章，③子張篇第一章。

【七】子游曰：「吾友張也，爲難能也；然而未仁。」（子張篇）

【註釋】

○張 皇侃曰：「張，子張也。」

○包咸曰：「言子張之容儀之難及者也。」皇侃曰：「子游言吾同志之友子張，容貌堂偉，難爲人所能及；故

云：爲難能也。」朱熹曰：「子張行過高，而少誠實惻怛之意。」按：此「難能」未必專指容儀言。先進

篇：「子貢問：『師與商也，孰賢？』子曰：『師也過，商也不及。』曰：『然則，師愈與？』子曰：『過

猶不及。』則「過」，爲「難能」；「猶不及」，爲「未仁」也。蓋子張必有他事過人者也。

○袁宏曰：「子張容貌難及，但未能體仁也。」

參考資料提示：

- ①雍也篇二十章、三十章，②顏淵篇第三章，③子張篇十六章。

【八】子游曰：「子夏之門人小子，當洒掃、應對、進退則可矣；抑末也。本之，

則無如之何！」子夏聞之，曰：「噫！言游過矣。君子之道，孰先傳焉？孰後倦焉？譬

諸草、木，區區以別矣。君子之道，焉可誣也？有始、有卒者，其唯聖人乎！」（子張篇）

【註釋】

○門人小子 皇侃曰：「門人小子，謂子夏之弟子也。」

○皇侃曰：「子游言子夏諸弟子不能廣學先王之道，唯可洒掃堂宇，當對賓客，進退威儀之小禮；於此乃爲則

可也。」

③抑 皇侃曰：「抑，助語也。」

④本 皇侃曰：「本，謂先王之道也。」

⑤皇侃曰：「洒掃以下之事，抑但是末事耳；若本事，則無如之何也。」包咸曰：「言子夏弟子但於當對賓客，修威儀禮節之事則可；然此但是人之末事耳，不可無其本也。」朱熹曰：「子游譏子夏弟子，於威儀容節之間則可矣；然此小學之末耳。推其本，如大學正心、誠意之事，則無有。」

⑥噫 孔安國曰：「噫，心不平之聲也。」皇侃曰：「子夏聞子游鄙己門人，故爲不平之聲也。」

⑦皇侃曰：「既不平之，而又云：言游之說，實爲過失也。」

⑧孰 皇侃曰：「孰，誰也。」

⑨倦 朱熹曰：「倦，如『誨人不倦』之『倦』。」

⑩包咸曰：「言先傳大業者，必先厭倦；故我門人先教以小事，後將教以大道也。」張憑曰：「人性不同也。先習者或早懈，晚學或後倦；當要功於歲終，不可以一限也。」熊埋曰：「凡童蒙初學，固宜聞漸日進，階籙入妙；故先啓之以小事，後將之以大道也。」皇侃曰：「君子之道，謂先王之道也。言先王大道，即既深且遠，而我知誰先能傳而後能倦懈者邪？」

⑪區 朱熹曰：「區，猶類也。」

⑫馬融曰：「言大道與小道殊異，譬如草、木，異類區別；言學當以次也。」皇侃曰：「譬如草、木，異類區別；學者當以次，不可一往學；致生厭倦也。」

⑬誣 說文：「加也。」徐鍇曰：「以無爲有也。」

⑭馬融曰：「君子之道，焉可使誣言我門人但能洒掃而已也。」皇侃曰：「君子大道既深，故傳學有次；豈可

發初使誣罔其儀而並學之乎？」按：此與馬說異。

⑤孔安國曰：「終、始如一，唯聖人耳。」張憑曰：「譬諸草、木，或春花而夙落，或秋榮而早實；君子之道，亦有遲速；焉可誣也。唯聖人終、始如一，可謂永無先後之異也。」皇侃曰：「唯聖人有始、有終，學能不倦；故可先學大道耳。自非聖人，則不可不先從小起也。」

參考資料提示：①大戴禮記曾子事父母篇，②禮記大學篇。

【九】子夏曰：「大德①不踰②閑③，小德④出入可也⑤。」（子張篇）

【註釋】

①大德 皇侃曰：「大德，上賢以上也。」朱熹曰：「大德，言大節。」

②踰 說文：「越也。」

③閑 孔安國曰：「閑，猶法也。」朱熹曰：「閑，闌也。所以止物之出入。」皇侃曰：「上德之人，常不踰越於法則也。」

④小德 皇侃曰：「小德，中賢以下也。」朱熹曰：「小德，言小節。」

⑤孔安國曰：「小德不能不踰法，故曰：出入可也。」皇侃曰：「其立德不能恆全，有時遽至，有時不及；故曰：出入也。不責其備，故曰：可也。」朱熹曰：「言人能先立乎其大者，則小節雖或未盡合理，亦無害也。」

參考資料提示：①韓詩外傳卷二，②晏子春秋雜上篇，③春秋繁露玉英篇，④荀子王制篇。

【十】子夏①曰：「博②學而篤③志④，切問⑤而近思⑥；仁在其中矣⑦。」（子張篇）

【註釋】

①子夏 按：孔子弟子。姓卜，名商；字子夏。

②博 皇侃曰：「博，廣也。」

③篤 皇侃曰：「篤，厚也。」

④志 皇侃曰：「志，識也。言人當廣學經典，而深厚識錄之不忘也。」孔安國曰：「廣學而厚識之也。」朱

熹引蘇氏曰：「博學而志不篤，則大而無成。」按：此又一解，猶云：「篤信好學，守死善道」也。

⑤切問 皇侃曰：「切，猶急也。」何晏曰：「切問者，切問於己所學而未之悟事也。」

⑥近思 何晏曰：「近思者，近思於己所能及之事也。若汎問所未學，遠思所未達；則於所學者不精，於所思者不解也。」朱熹引蘇氏曰：「泛問遠思，則勞而無功。」

⑦皇侃曰：「能如上事，雖未是仁，而方可能爲仁；故云：仁在其中矣。」

參考資料提示：

- ①雍也篇二十七章、三十章， ②述而篇二十八章， ③荀子哀公篇， ④禮記中庸篇，  
⑤後漢書章帝紀。

【十一】子夏曰：「百工○居肆○，以成其事○；君子學以致○其道○。」（子張篇）

【註釋】

①百工 皇侃曰：「百工，巧師也。言百者，舉全數也。」

②居肆 皇侃曰：「居肆者，其居常所作器之處也。」朱熹曰：「肆，謂官府造作之處。」

③包咸曰：「言百工處其肆，則事成。」皇侃曰：「先爲設備，言百工由日日居其常業之處，則其業乃成也。」

④致 皇侃曰：「致，至也。」朱熹曰：「致，極也。」

⑤包咸曰：「猶君子學以立其道也。」皇侃曰：「君子由學以至於道；如工居肆，以成事也。」江熙曰：「亦

非生巧也。居肆，則是見廣；見廣，而巧成。君子未能體足也，學以廣其思；思廣而道成也。」

參考資料提示：

- ①禮記學記篇， ②白虎通辟雍篇， ③子張篇十三章。

【十二】

子夏曰：「日知其所亡<sup>①</sup>，月無忘其所能<sup>②</sup>；可謂好<sup>③</sup>學也已矣<sup>④</sup>。」（子張篇）

【註釋】

①亡 皇侃曰：「無也。無，謂從來未經所識者也。」孔安國曰：「日知其所未聞也。」朱熹曰：「亡，無也。」

。謂己之所未有。」

②所能 皇侃曰：「所能，謂己識在心者也。既自日日識所未知，又月月無忘其所能。」

③好 朱熹曰：「好，去聲。」

④皇侃曰：「能如上事，故可謂好學者也。然此即「溫故而知新」也。日知其所亡，是知新也；月無忘其所能，是溫故也。」

參考資料提示： ①學而篇第一章， ②爲政篇十一章。

【十三】

子夏曰：「賢賢<sup>①</sup>易色<sup>②</sup>，事父、母能竭<sup>③</sup>其力<sup>④</sup>，事君能致<sup>⑤</sup>其身<sup>⑥</sup>，與朋

友交，言而有信；雖曰未學，吾必謂之學矣<sup>⑦</sup>。」（學而篇）

【註釋】

①子夏 孔安國曰：「子夏，弟子卜商也。」皇侃曰：「姓卜，名商；字子夏。」

②賢賢 皇侃引一云：「上賢字猶尊重也，下賢字謂賢人。」按：「賢賢」之用法與「親親」同。

③孔安國曰：「言以好色之心好賢，則善也。」此可與衛靈公篇：「吾未見好德如好色者也，」互相發明。皇

侃引一云：「言若尊重此賢人，則當改易其平常之色；更起尊敬之容也。」並通。



④竭 廣韻：「竭，盡也。」

⑤皇侃曰：「子事父母，左右就養無方；是能竭力也。」

⑥致 皇侃曰：「致，極也。」朱熹曰：「致，猶委也。委致其身，謂不有其身也。」

⑦孔安國曰：「盡忠節，不愛其身也。」皇侃曰：「士見危致命，是能致極其身也。」又曰：「臣主捍難禦侮故云：致身也。」

⑧王雍曰：「言能行此四者，雖云未學，而可謂已學也。生而知者上，學而知者次；若未學而能知，則過於學矣。蓋假言之以勸善行也。」

參考資料提示：

①子罕篇十八章，②衛靈公篇十三章，③孟子離婁上篇，④春秋桓公二年公羊傳，

⑤又莊公十二年公羊傳，⑥又僖公十年公羊傳，⑦學而篇第四章，⑧後漢書獨行傳。

【十四】子夏曰：「仕而優○則學○，學而優則仕○。」（子張篇）

【註釋】

①優 說文：「優，饒也。」皇侃曰：「優，謂行有餘力也。」

②馬融曰：「行有餘力，則可以學文也。」皇侃曰：「若仕官治官，官法而已；力有優餘，則更可研學先王典訓也。」

③皇侃曰：「學既無當於立官，立官不得不治；故學業優足，則必進仕也。」

參考資料提示：

①子張篇第七章，②白虎通辟雍篇，③禮記學記篇，④文大略篇。

【十五】子夏曰：「君子有三變○：望之，儼然○！即○之也溫○；聽其言也厲○。」（子張篇）

篇

【註釋】

①三變 皇侃曰：「變者有三，其事但在一時也。」

②儼然 皇侃本作「嚴」。並疏云：「君子正其衣冠，儼然人望而畏之也。」

③即 皇侃曰：「即，就也。」

④ 袁宏曰：「溫和潤也。」皇侃曰：「就近而視，則其體溫；而人不憎之也。」

⑤厲 鄭玄曰：「厲，嚴正也。」李充曰：「厲，清正之謂也。君子敬以直內，義以方外，辭正體直，而德容自然發；人謂之變耳，君子無變也。」皇侃曰：「雖見和潤，而出言其嚴正也。所以前卷云：『君子溫而厲，』是也。」

參考資料提示：

①堯曰篇第二章， ②孟子梁惠王上篇， ③春秋繁露服制象篇， ④述而篇三十八章。

【十六】 子夏曰：「雖小道①，必有可觀者焉②；致③遠④恐泥⑤，是以君子不爲⑥也⑦。」

（子張篇）

【註釋】

①小道 何晏曰：「小道，謂異端也。」皇侃曰：「小道，謂諸子百家之書也。」何、皇二說恐非也。朱熹曰：「小道，如農圃之屬。」按：子夏之時，恐尙無「諸子百家之書」，則「小道」，即孔子之「藝」；所謂「多能鄙事」也。故下章：「子夏曰：『百工居肆，以成其事』。」此即小道之可觀者。

②楊時曰：「百家衆技，猶耳目鼻口，皆有所明，而不能相通；非無可觀者也。」按：此乃引莊子天下篇以爲說。

③致 皇侃曰：「致，至也。」

④遠 皇侃曰：「遠，久也。」

⑤泥 包咸曰：「泥難不通也。」朱熹曰：「泥，去聲」；不通也。皇侃曰：「若持行事，至遠經久，則恐泥難不能通也。」

⑥爲 皇侃曰：「爲，猶學也。」

⑦朱熹曰：「致遠則泥矣，故君子不爲也。」

參考資料提示：

①大戴禮記小辯篇，

②漢書藝文志，

③後漢書蔡邕傳。

【十七】 子夏曰：「君子①信②而後勞其民③，未信則以爲厲④己也⑤；信而後諫⑥，未信則以爲謗⑦己矣⑧。」（子張篇）

【註釋】

①君子 皇侃曰：「君子，國君也。」

②信 朱熹曰：「信，謂誠意惻怛而人信之也。」

③皇侃曰：「國君若能行信素著，則民知非其私；故勞役不憚。」朱熹曰：「事上使下，皆必誠意交孚，而後可以有爲。」

④厲 王肅曰：「厲，病也。」

⑤江熙曰：「君子克厲德也，故民素信之，服勞役；故知非私。信不素立，民動以爲病己而奉其私也。」皇侃曰：「君若信未素著而動役使民，民則怨君行私而橫見病役於己也。」

⑥諫 說文：「諫也。」廣韻：「諫諍直言以悟人也。」江熙曰：「人非忠誠相與，未能諫也。」皇侃曰：「此謂臣下也。臣下信若素著，則可諫君；君乃知其惜我非虛，故從之也。」

⑦謗 說文：「毀也。」

⑧江熙曰：「然投人夜光，鮮不按劍。易曰：『有孚在道，』明無素信，不可輕致諫也。」皇侃曰：「臣若信未素立，而忽諫君；君則不信其言，以爲所諫之事是謗於己也。」

參考資料提示：①韓詩外傳卷六，②韓非子說難篇。

【十八】司馬牛①憂，曰：「人皆有兄、弟，我獨亡②！」子夏曰：「商③聞之矣④：『死生有命，富貴在天⑤。』君子敬而無失⑥，與人恭而有禮⑦；四海之內皆爲兄、弟也⑧。君子何患乎無兄、弟⑨！」（顏淵篇）

〔註釋〕

①司馬牛 孔安國曰：「牛，宋人，弟子司馬犁也。」

②亡 皇侃曰：「亡，無也。」鄭玄曰：「牛兄桓魋行惡，死喪無日；我獨爲無兄、弟也。」鄭說可疑。按：

既司馬牛自言：「人皆有兄、弟，我獨亡。」而下子夏所言亦與桓魋事不相關；似難作此強解。惟上章孔安國注亦云：「牛兄桓魋將爲亂。」考左傳哀公十四年：「宋桓魋之寵害於公。公使夫人驟請享焉而將討之，未及；魋先謀公，請以密易薄。公曰：『不可！薄，宗邑也。』乃益繁七邑而請享公焉，以日中爲期，家備盡往。公知之，告皇野，曰：『余長魋也。今將禍余，請即救！』司馬子仲曰：『有臣不順，神之所惡也；而况人乎？敢不承命！不得左師不可。』按：杜預注：「左師向魋兄，向巢也。」請以君命召之。」左師每食擊鐘，聞鐘聲，公曰：「夫子將食，」既食又奏。公曰：「可矣。」以乘車往，曰：「迹人來告曰：『逢澤有介饌焉。』」公曰：「雖魋未來，得左師，吾與之田若何？」君憚告子。野曰：「嘗私焉。君欲速，故以乘車逆子。」與之乘至；公告之故，拜不能起。司馬曰：「君與之言。」公曰：「所難子者，上有天，下有先君。」

。對曰：「魋之不共，宋之禍也。敢不唯命是聽！」司馬請瑞焉，以命其徒攻桓氏。其父兄故臣曰：「不可！」其新臣曰：「從吾君之命。」遂攻之。子順聘而告桓司馬。（按：杜注：「子順，桓魋弟；司馬即魋也。」）司馬欲入，子車止之；（杜注：「車，亦魋弟。」）曰：「不能事君，而又伐國，民不與也；祇取死焉！」向魋遂入于曹以叛。六月，使左師巢伐之，欲質大夫以入焉。不能，亦入于曹取質。魋曰：「不可！既不能事君，又得罪于民，將若之何？」乃舍之。民遂叛之，向魋奔衛。向巢來奔，宋公使止之，曰：「寡人與子有言矣，不可以絕向氏之祀。」辭曰：「臣之罪大，盡滅桓氏可也。若以先臣之故，而使有後，君之惠也，若臣則不可以入矣。」司馬牛致其邑與珪焉，而適齊。魋奔齊，司馬牛又致其邑焉而適吳；吳人惡之而反，卒於魯郭門之外；阮氏葬諸丘輿。（杜注：「牛，桓魋弟也。」）依左傳及杜注，則桓魋有兄弟五人：兄一人，左司向巢；弟三人：子順、子車及司馬牛。據史實，不能謂爲無兄、弟；如指桓魋言，亦只可謂之「無兄」，不可謂之「無兄弟」。若從鄭說，謂：「牛兄桓魋行惡，死喪無日；我獨爲無兄弟也。」則向巢固亦曾從君命伐魋，且言於公，曰：「魋之不共，宋之禍也；敢不唯命是聽！」而其弟子車並曾阻魋作亂；止之，曰：「不能事君，而又伐國，民不與也；祇取死焉！」則向巢、子車原不黨於魋而賢於魋者；又豈可謂：牛「無兄弟」乎？惟杜注未及：「子犁」或「子耕之字」；而直稱「司馬牛」，亦屬疑問。史記仲尼弟子列傳作：「司馬耕，字子牛。」家語弟子解云：「司馬犁耕，宋人，字子牛。牛爲性躁，好言語；見兄桓魋行惡，牛常憂之。」則以牛爲桓魋之弟，恐皆漢人之說；而春秋傳言司馬牛只此一處，傳未言及桓魋之弟，惟杜注及之；牛蓋係魋之族人也。姑誌此備考。

③商 皇侃曰：「商，子夏名也。」

④皇侃曰：「聞牛之言，故自稱名而爲牛解之也。不敢言出己，故三聞之。」朱熹曰：「蓋聞之夫子。」

⑤繆播曰：「生者，所稟之性分；富貴者，所遇之通塞。人生命養之以福，不能令所稟易分；分不可易，命也。能脩道以待賈，不能遭時必泰；泰不可必，天也。天之爲言，自然之勢運；不爲主人之貴賤也。」皇侃曰：「此是我所聞爲說不須憂之事也。言死生富貴，皆稟天所得，應至不可逆憂；亦不至不可逆求。故云：有命、在天也。然同是天命，而死生云「命」，富貴云「天」者，亦互之，不可逃也。」按：此死生有命，富貴在天」之語，蓋子夏聞之孔子之言，因以慰司馬牛也。其意猶云：死生、富貴皆由天命，人之有無兄、弟，亦屬天命；既不可強求，則憂亦何益也。下文則子夏自言之也。其謂：「四海之內皆兄、弟。」可證專指兄、弟之有無言也。若指桓魋，則當云：「人皆有兄，我獨亡！」不當云：「人皆有兄弟，我獨亡！」

⑥皇侃曰：「敬而無失，是廣愛衆也。君子自敬己身，則與物無失者也。」

⑦皇侃曰：「此謂恭而親仁。人，猶仁也。若彼有仁者，當恭而禮之也。」

⑧包咸曰：「君子疏惡而友賢，九州之人，皆可以禮親也。」皇侃曰：「疎惡者無失，善者恭禮；故四海、九州皆可親禮如兄、弟也。」

⑨皇侃曰：「既遠、近可親，故不須憂患於無兄、弟也。」

參考資料提示：①左傳哀公十四年，②韓詩外傳卷一，③孟子萬章上篇，④大戴禮記曾子制言上篇，

⑤說苑雜言篇

【十九】子張曰：「執德不弘，信道不篤；焉能爲有？焉能爲亡？」（子張篇）

【註釋】

①子張 按：孔子弟子。姓顓孫，名師；字子張。

②弘 皇侃曰：「弘，大也。」

③篤 皇侃曰：「篤，厚也。」

④焉 朱熹曰：「焉，於虔反。下同。」按：猶安也。

⑤亡 皇侃曰：「亡，無也。人執德能至弘大，信道必便篤厚；此人於世乃爲可重。若執德而不弘，雖信道而不厚；此人於世不足可重。如有、如無，故云：「焉能爲有？焉能爲亡」也。」江熙曰：「有德不能弘大，信道不務厚至；雖有其懷，道德蔑然；不能爲損、益也。」孔安國曰：「言無所輕重也。」朱熹曰：「猶言不足爲輕重。」

參考資料提示； ①泰伯篇第十三章， ②後漢書郭泰傳。

【二十】 子張曰：「士見危致命①，見得②思義③，祭思敬④，喪思哀⑤；其可已矣⑥。」

（子張篇）

【註釋】

①致命 孔安國曰：「致命，不愛其身也。」朱熹曰：「致命，謂委致其命；猶言授命也。」皇侃曰：「士者，知義理之名，是謂升朝之士也。若見國有危難，必不愛其身，當以死救之；是見危致命也。」

②得 皇侃曰：「得，得祿也。」

③皇侃曰：「必不素餐，義然後取；是見得思義也。」

④皇侃曰：「士始得立朝，守其祭祀，祭神如神在；是祭思敬也。」

⑤皇侃曰：「方喪三年，爲君如父母，必窮哀斬；是喪思哀也。」按：八佾篇：「爲禮不敬，臨喪不哀；吾何以觀之哉？」

⑥江熙曰：「但言若是自可也。」皇侃曰：「如上四事，爲士如此，則爲可也。」朱熹曰：「四者立身之大節

一有不至，則餘無足觀；故言士能如此，則庶乎其可矣。」

參考資料提示：

①憲問篇十二章，

②禮記曲禮上篇，

③又祭統篇，

④又少儀篇，

⑤說苑權謀篇，

⑥又建本篇，

⑦子張篇十四章，

⑧八佾篇二十六章，

⑨大戴禮記曾子立事篇。

【二十一】

子夏之問人問「交」於子張○？子張曰：「子夏云：『何』○？」對曰：「子夏

曰：「可者與之；其不可者距之」○。子張曰：「異乎吾所聞也○！君子尊賢而容衆，嘉善而矜不能○；我○大賢與○？於人何所不容○？我○不賢與？人將距我，如之何其距人也○！」（子張篇）

「註釋」

○問交 孔安國曰：「問與人交接之道也。」皇侃曰：「子夏弟子問子張：求交友之道也。」

○皇侃曰：「子張反問子夏之問人云：『汝師何所道』？」

○皇侃曰：「子夏云：結交之道，若彼人可者，則與之交；若彼人不可者，則距而不交也。」

○皇侃曰：「子張聞子夏之交與己異，故云：異乎吾所聞也。」

○皇侃曰：「言君子取交之法，若見賢者，則尊重之；衆來歸我，我則容之。容之中有善者，則嘉而美之；有不善不能者，矜而不責。不得可者與，不可者距之。」

○按：皇侃本「我」下有「之」字。

○與 朱熹曰：「與，平聲。」按：下同。

○皇侃曰：「更說不宜不可距之也。設他人欲與我交，我若是大賢，則他人必與我；故云：於人何所不容也？」

○我 按：皇侃本「我」下並有「之」字。



④皇侃曰：「若我設不賢，而他人亦必距我而不矜也。我若矜人，人必矜我；我若距人，人必距我；故云：如之何其距人也！」包咸曰：「友交當如子夏，汎交當如子張。」樂肇曰：「聖人體備，賢者或偏；以偏師備，學不能同也；故準其所資而立業焉。」

參考資料提示：

①學而篇第七章，②意林引隨巢子，③說苑尊賢篇，④蔡邕正交論。

【二十二】季氏使閔子騫①爲②費③宰④。閔子騫曰：「善爲我辭⑤焉⑥！如有復⑦我者⑧，則吾必在汶⑨上矣⑩。」（雍也篇）

【註釋】

①閔子騫 皇侃曰：「弟子閔損。」朱熹曰：「孔子弟子，名損。」

②爲 朱熹曰：「爲，去聲。」

③費 孔安國曰：「費，季氏邑也。」皇侃曰：「費，季氏采邑也。」

④孔安國曰：「季氏不臣，而其邑宰數叛；聞閔子騫賢，故欲用也。」皇侃曰：「聞閔子騫賢，故遣使召之爲費宰也。」

⑤辭 說文：「辭，不受也。」皇侃本作「辭」。又：辭，說文：「辭說也。」並通。

⑥孔安國曰：「不欲爲季氏宰，語使者曰：善爲我作辭說，令不復召我也。」

⑦復 皇侃曰：「復，又也。」

⑧孔安國曰：「復我者，重來召我也。」

⑨汶 皇侃曰：「汶，水名。在魯北、齊南。」

⑩孔安國曰：「去之汶水上，欲北如齊也。」皇侃曰：「若又來召我，我當北渡汶水之上；往入齊也。」

參考資料提示：

①史記仲尼弟子列傳，②先進篇第五章、十三章、十四章。

【二十三】有子①曰：「其②爲人也孝、悌③，而好④犯⑤上⑥者，鮮⑦矣⑧！不好犯上，而好作亂⑨者，未之有也⑩！君子務⑪本⑫，本立而道生⑬；孝、悌也者，其爲仁之本與⑭？」（學而篇）

【註釋】

①有子 孔安國曰：「弟子，有若也。」朱熹曰：「有子，孔子弟子；名若。」

②其 皇侃曰：「其，其孝悌者也。」

③孝悌 皇侃曰：「善事父母曰孝，善事兄曰悌也。」

④好 朱熹曰：「好，去聲。下同。」皇侃曰：「好，謂心欲也。」

⑤犯 皇侃曰：「犯，謂諫爭也。」按：憲問篇：「勿欺也，而犯之。」

⑥上 何晏曰：「上，謂凡在己上者也。」皇侃曰：「上，謂君、親也。」

⑦鮮 何晏曰：「鮮，少也。」

⑧矣 何晏曰：「言孝、悌之人，必有恭順；好欲犯其上者，少也。」

⑨作亂 朱熹曰：「作亂，則必爲悖逆爭鬥之事矣。」

⑩皇侃曰：「孝、悌之人，當不義而諍之，尙無意犯上；必不職爲亂階也。」皇侃引師說曰：「夫孝者不好，心自是恭順；而又有不孝者，亦有不好；是願君、親之敗。故孝與不孝，同有不好；而不孝者不好，必欲作亂；此孝者不好，必無亂理；故云：未之有也。」按：「師說」，當指其師賀瑒說也。

⑪務 皇侃曰：「務，猶向也；慕也。」

③本 何晏曰：「本，基也。」皇侃曰：「本，謂孝、悌也。孝、悌者既不作亂，故君子必向慕之也。」

④何晏曰：「基立而後可大成也。」

⑤包咸曰：「先能事父、兄，然後仁道可成也。」王弼曰：「自然親愛爲孝，推愛及物爲仁也。」皇侃曰：「此更以孝、悌解本，以仁釋道也。言孝是仁之本，若以孝爲本，則仁乃生也。仁是五德之初，舉仁則餘從可知也。」故孝經云：「夫孝，德之本；教之所由生也。」又曰：「以孝爲基，故諸衆德悉爲廣大也。」

參考資料提示：

- ①史記仲尼弟子列傳， ②賈子道術篇， ③大戴禮記曾子立事篇， ④戰國策秦策二，  
⑤管子戒篇， ⑥呂氏春秋孝行覽， ⑦孟子盡心上篇， ⑧又離婁上篇。

## 【二十四】

有子曰：「禮①之用，和②爲貴③；先王④之道，斯⑤爲美⑥。小、大由⑦之，有所不行⑧；知和⑨而和，不以禮節之，亦不可行也⑩。」（學而篇）

### 【註釋】

①禮 朱熹曰：「禮者，天理之節文，人事之儀則也。」

②和 說文：「和，調也。」按：禮記中庸篇：「發而皆中節謂之和。」是和，猶適度也。皇侃曰：「和，即樂也。變樂言和，見樂功也。」

③馬融曰：「人知禮貴和，而每事從和。」按：禮記燕義篇：「和寧，禮之用也。」

④先王 皇侃曰：「先王，謂聖人爲天子者也。」

⑤斯 皇侃曰：「斯，此也。」

⑥皇侃曰：「言聖天子之化，行禮亦以此用和爲美也。」朱熹曰：「先王之道，此所以爲美。」

⑦由 皇侃曰：「由，用也。」

④皇侃曰：「若小、大之事皆用禮，而不用和；則於事有所不行。」

⑤和 按：疑此「和」字，當作「樂」字解，與皇侃疏方合。

⑥馬融曰：「不以禮爲節，亦不可行也。」沈麟士曰：「上純用禮，不行；今皆用和，亦不可行也。」皇侃曰：「上明禮須樂，此明樂須禮也。人若知禮用和，而每事從和，不復用禮爲節者；則於事亦不得行也。」按：此章明禮、樂相須爲用也。

參考資料提示：

①禮記中庸篇，

②又燕義篇，

③賈子道術篇。

【二十五】有子曰：「信○近於義○，言可復○也○；恭近於禮，遠恥辱也○；因○不失其親，亦可宗也○。」（學而篇）

〔註釋〕

○信 皇侃曰：「信，不欺也。」朱熹曰：「信，約信也。」

○義 皇侃曰：「義，合宜也。」朱熹曰：「義者，事之宜也。」

○復 何晏曰：「復，猶覆。」皇侃曰：「復，猶驗也。」朱熹曰：「復，踐言也。」

○何晏曰：「義不必信，信不必義也。以其言可反覆，故曰：近於義也。」朱熹曰：「言約信而合其宜，則言必可踐矣。」

⑤包咸曰：「恭不合禮，非禮也。以其能遠恥辱，故曰近於禮也。」朱熹曰：「致恭而中其節，則能遠恥辱矣。」按：禮記仲尼燕居篇：「恭而不中禮謂之給，給奪慈仁。」故公冶長篇云：「足恭，左丘明恥之，丘亦恥之。」

⑥因 孔安國曰：「因，親也。」朱熹曰：「因，猶依也。」

④孔安國曰：「言所親不失其親，亦可宗敬也。」按：此亦言親親之義，禮記中庸篇云：「親親，則諸父、昆弟不怨；」是也。

參考資料提示：

①左傳宣公十五年，②又成公八年，③大戴禮記曾子立事篇，④又表記篇，⑤又仲尼燕居篇，⑥顏淵篇第五章，⑦泰伯篇第二章，⑧公冶長篇二十五章，⑨荀子性惡篇，⑩又哀公篇，⑪說苑雜言篇。

## 【二十六】

曾子①曰：「吾日三省②吾身③：爲④人謀而不忠⑤乎？與朋友交，言而不信⑥乎？傳⑦不習⑧乎？」（學而篇）

【註釋】

①曾子 馬融曰：「弟子曾參也。」皇侃曰：「姓曾，名參；字子輿。」

②省 皇侃曰：「省，視也。」

③皇侃曰：「曾子言，我生平戒慎，每一日之中，三過自視察我身有過失否也？」又一日之中，三過內視我身，有此三行否也？」

④爲 朱熹曰：「爲，去聲。」

⑤忠 皇侃曰：「忠，中心也。」朱熹曰：「盡己之謂忠。」

⑥皇侃曰：「言爲他人圖謀事，當盡我中心也；豈可心而不盡忠乎？」

⑦信 朱熹曰：「以實之謂信。」

⑧皇侃曰：「朋友交會，本主在於信；豈可與人交而不爲信乎？」

⑨傳 朱熹曰：「傳，謂受之於師。」

⑩習 朱熹曰：「習，謂熟之於己。」

⑪何晏曰：「言凡所傳之事，得無素不講習而傳之乎？」袁宏曰：「常恐傳先師之言不能習也，以古人言必稱師也。」皇侃曰：「凡有所傳述，皆必先習；後乃可傳。豈可不經先習而妄傳之乎？」

參考資料提示：

- ①史記仲尼弟子列傳， ②又趙世家， ③荀子勸學篇， ④子路篇十九章， ⑤禮記祭義篇， ⑥學而篇第七章， ⑦大戴禮記曾子立事篇， ⑧國語魯語下。

【二十七】

曾子曰：「士不可以不弘毅①，任重而道遠②；仁以為己任，不亦重乎③？死而後已④，不亦遠乎⑤？」（泰伯篇）

【註釋】

①士 皇侃曰：「士，通謂丈夫也。」

②弘 包咸曰：「弘，大也。」朱熹曰：「宏，寬廣也。」

③毅 包咸曰：「毅，弘而能決斷也。」朱熹曰：「毅，強忍也。」

④包咸曰：「士弘毅，然後能負重任；致遠路也。」朱熹曰：「非弘不能勝其重，非毅無以致其遠。」

⑤孔安國曰：「以仁為己任，重莫重焉。」皇侃曰：「士既以仁為平生之任，此任豈得不謂為重乎？」朱熹曰：「必欲以身體而力行之，可謂重矣。」

⑥已 皇侃曰：「已，止也。言知行仁不可少時而止，必至死乃後而止耳。」

⑦孔安國曰：「死而後已，遠莫遠焉。」皇侃曰：「至死乃止，此道豈不遠乎？」朱熹曰：「一息尚存，此志不容少懈；可謂遠矣。」

參考資料提示：

- ①禮記表記篇， ②又檀弓上篇， ③荀子勸學篇， ④韓詩外傳卷八。

【二十八】曾子曰：「可以託○六尺之孤○，可以寄○百里○之命○；臨大節○而不可奪○也。君子人與○？君子人也○！」（泰伯篇）

【註釋】

○託 皇侃曰：「託，謂憑託也。」又曰：「託，是長憑無反之言。」

○六尺之孤 孔安國曰：「六尺之孤，謂幼少之君也。」皇侃曰：「六尺之孤，謂童子無父而爲國君者也。年齒幼少，未能自立，故須憑託大臣；如成王託周公者也。」

○寄 皇侃曰：「寄，是暫寄，有反之目（按：當作「日」）也。」按：寄，猶託也。皇氏分別解之，恐非。

○百里 皇侃曰：「百里，謂國也。言百里，舉全數也。」

○命 皇侃曰：「命者，謂國之教令也。幼君既未能行，故寄冢宰攝之也。如周公攝政也。」孔安國曰：「攝君之政令也。」

○大節 何晏曰：「大節者，安國家，定社稷者也。」

○奪 何晏曰：「奪者，不可傾奪之也。」皇侃曰：「國有大難，臣能死之；是臨大節不可奪也。」按：此所謂「匹夫不可奪志也。」

○與 朱熹曰：「與，平聲。疑辭。」

○也 朱熹曰：「也，決辭。設爲問答，所以深著其必然也。」皇侃曰：「言爲臣能受託幼、寄命，又臨大節不回；此是君子與也。再言君子，美之深也。」按：依皇說，「與」字不作疑辭。

參考資料提示：

- ①列女傳節義傳， ②史記趙世家， ③後漢書李固傳， ④又耿恭傳， ⑤白虎通封公侯篇， ⑥呂氏春秋知分篇。

【二十九】曾子曰：「君子以文會友①，以友輔仁②。」（顏淵篇）

【註釋】

①曾子 按：曾參也。孔子弟子，姓曾，名參，字子輿。

②孔安國曰：「友，以文德合也。」皇侃曰：「言朋友相會，以文德爲本也。」朱熹曰：「講學以會友，則道益明。」

③輔 廣韻：「毗輔相助也。」猶互助也。按：左傳僖公五年：「輔車相依。」

④孔安國曰：「友有相切磋之道，所以輔成己之仁也。」朱熹曰：「取善以輔仁，則德日進。」按：此即：「事其大夫之賢者，友其士之仁者。」

參考資料提示：①禮記學記篇，②說苑說叢篇。

【三十】曾子曰：「堂堂①乎！張②也！難與並爲仁矣③。」（子張篇）

【註釋】

①堂堂 江熙曰：「堂堂，德字廣也。」朱熹曰：「堂堂，容貌之盛。」

②張 按：張，子張也。

③鄭玄曰：「言子張容儀盛，而於仁道薄也。」皇侃曰：「言子張雖容貌堂堂，而仁行淺薄；故云：難並爲仁，」江熙曰：「仁，行之極也；難與並仁，蔭人上也。」皇侃又曰：「然江熙之意，是子張仁勝於人；故難與並也。」江說非也。按：上章：「子游曰：『吾友張也，爲難能也；然而未仁。』」既云「未仁」，則是「仁道薄也。」當從鄭說。

參考資料提示：

①列子仲尼篇，

②大戴禮記五帝德篇，

③又衛將軍文子篇，

④子張篇十五章。



【三十一】曾子曰：「以能①問於不能②，以多③問於寡④，有若無，實若虛⑤，犯而不校⑥；昔者，吾友⑦嘗從事於斯矣⑧。」（泰伯篇）

【註釋】

①能 皇侃曰：「能，才能也。」按：下同。

②皇侃曰：「顏淵實有才能，而恆如己不能；故能見不能者，獨諮問尋求也。」

③多 皇侃曰：「多，識性之多也。」

④皇侃曰：「己識雖多，常不敢自言己多；故每問於寡識者也。」按：此「不恥下問」是也。

⑤皇侃曰：「處人閒未嘗以己之才德爲有、爲實，恆謙退如虛無也。」

⑥校 朱熹曰：「校，計校也。」包咸曰：「校，報也。言見侵犯而不校之也。」皇侃曰：「人有惡加犯己者，己不報之也。」

⑦友 馬融曰：「友，謂顏淵也。」江熙曰：「稱吾友，言己所未能也。」

⑧皇侃曰：「曾子言：唯昔吾友能爲上諸行也。」

參考資料提示：

①詩大雅板篇，

②尚書仲虺之誥篇，

③荀子大略篇，

④淮南子主術篇，

⑤又繆稱

篇，

⑥說苑建本篇，

⑦又說叢篇，

⑧呂氏春秋觀世篇，

⑨韓非子說林上篇，

⑩大

戴禮記曾子制言上篇，

⑪又衛將軍文子篇，

⑫中論虛道篇。

【三十二】孟氏①使陽膚②爲士師③，問於曾子④？曾子曰：「上失其道，民散⑤久矣⑥；如⑦得其情⑧，則哀矜⑨而勿喜⑩。」（子張篇）

【註釋】

① 孟氏 皇侃曰：「孟氏，魯下卿也。」

② 陽膚 包咸曰：「陽膚，曾子弟子也。」

③ 士師 包咸曰：「士師，典獄官也。」皇侃曰：「孟氏使陽膚爲己家獄官也。」

④ 曾子 皇侃曰：「曾子，曾參也。陽膚將爲獄官，而還問師，求其法術也。」

⑤ 民散 朱熹曰：「民散，謂情義乖離，不相維繫。」

⑥ 皇侃曰：「君上失道既久，故民下犯罪離散者衆。」

⑦ 如 皇侃曰：「如，猶若也。」

⑧ 皇侃曰：「若得其情，謂責微得其罪狀也。」

⑨ 哀矜 劉賈楠曰：「論衡雷虛篇引論語作「哀憐」，或是以義代之。段氏玉裁遂疑「矜」當作「矜」。」

⑩ 馬融曰：「民之離散，爲輕漂犯法；乃上之所爲也，非民之過也。當哀矜之，勿自喜能得其情也。」皇侃

曰：「言汝爲獄官，職之所司，不得不辨微；雖然，若得罪狀，則當哀矜愍念之；慎勿自喜，言汝能得人之罪也。」

參考資料提示：

① 荀子有坐篇， ② 韓詩外傳卷三， ③ 尚書大傳， ④ 又呂刑篇， ⑤ 鹽鐵論後刑篇，

⑥ 韓非子外儲說左下篇， ⑦ 後漢書郭躬傳論。

【三十三】

曾子曰：「慎終①，追遠②；民德歸厚矣③。」（學而篇）

【註釋】

① 慎終 孔安國曰：「慎終者，喪盡其哀也。」熊理曰：「欣新忘舊，近情之常累；信近負遠，義士之所棄；

是以慎終如始，鈔有敗事。平生不忘，則久人敬之也。」皇侃引一曰：「靡不有初，鮮克有終。」終宜慎也。」

①追遠 孔安國曰：「追遠者，祭盡其敬也。」皇侃曰：「追遠，謂三年之後，爲之宗廟；祭盡其敬也。」又引一曰：「久遠之事，錄而不忘；是追遠也。」

②孔安國曰：「人君能行此二者，民化其德而皆歸於厚也。」皇侃曰：「上之化下，如風靡草；君上能行慎終，追遠之事，則民下之德日歸於厚也。」

參考資料提示：

①禮記檀弓篇， ②又雜記下篇， ③又坊記篇， ④又祭統篇， ⑤又經解篇， ⑥荀子禮論篇， ⑦大戴禮記盛德篇， ⑧泰伯篇第二章。

### 【三十四】

曾子曰：「吾聞諸夫子○：『人未有自致○也者，必也親喪乎○！』」（子張篇）

【註釋】

○夫子 皇侃曰：「據有所聞於孔子也；其事在下。」

○致 皇侃曰：「致，極也。」朱熹曰：「致，盡其極也。」

○馬融曰：「言人雖未能自致盡於他事，至於親喪，必自致盡也。」皇侃曰：「此所聞於孔子之事也。言人於他行，方可有時不得自極；然及若親喪，則必宜自極其哀。」

參考資料提示：

①孟子滕文公上篇， ②後漢書荀爽傳。

### 【三十五】

曾子曰：「吾聞諸夫子○：『孟莊子○之孝也，其他可能也○；其不改父之臣與父之政○，是難○也○。』」（子張篇）

【註釋】

○夫子 按：當指孔子也。

○孟莊子 馬融曰：「孟莊子，魯大夫仲孫速也。」

○皇侃曰：「人子爲孝，皆以愛敬而爲體；而孟莊子爲孝，非唯愛敬，愛敬之外，別又有事；故云：其他可能也。」朱熹曰：「其他孝行，雖有可稱。」按：此當謂其他孝行，人所可能爲之者也。

○馬融曰：「謂在諒闇之中，父臣及父政雖不善者，不忍改也。」按：依馬說，此乃指「三年無改於父之道」而言也。

⑤難 朱熹集註本「難」下有「能」字。

⑥皇侃曰：「能如此，所以是難也。」

參考資料提示：①學而篇十一章，②禮記坊記篇，③大戴禮記曾子本孝篇，④漢書五行志。

【三十六】 曾子有疾，孟敬子問之。曾子曰：「鳥之將死，其鳴也哀；人之將死，其言也善。」君子所貴乎道者三：動容貌，斯遠暴慢矣；正顏色，斯近信矣；出辭氣，斯遠鄙倍矣。籩豆之事，則有司存。（泰伯篇）

【註釋】

○孟敬子 馬融曰：「孟敬子，魯大夫，仲孫捷也。」朱熹曰：「姓仲孫氏，名捷。」

○問之 皇侃曰：「來參問曾子之疾也。」朱熹曰：「問之者，問其疾也。」

○言曰 皇侃曰：「或問曰：『不直云：曾子曰，而云：言曰，何也？』」答曰：「欲重曾子臨終言善之可錄，故特云言也。」又一通云：「出己曰言。答述曰語。曾子臨終綿困，不堪答述；示直出己之懷而已。」按

：「言」字疑衍，全書雖亦有作「言曰」者，但不同此例。

④李充曰：「禽獸之將死，不逞擇音；唯吐窘急之音耳。」皇侃曰：「言鳥之臨死，唯知哀鳴；而不知出善言。」朱熹曰：「鳥畏死，故鳴哀。」

⑤言 朱熹曰：「言，自言也。」

⑥李充曰：「是以君子之將終，必正存道；不忘格言。」皇侃曰：「人之將死，必宜出善言。」包咸曰：「欲戒敬子，言我且將死，言善可用也。」

⑦貴 朱熹曰：「貴，猶重也。」

⑧道 鄭玄曰：「此道謂禮也。」皇侃曰：「道，猶禮也。」

⑨皇侃曰：「言君子所貴禮者，有三事也。」

⑩鄭玄曰：「動容貌，能濟濟蹢蹢；則人不敢暴慢之也。」顏延之曰：「動容，則人敬其儀；故暴慢息也。」皇侃曰：「動容貌，謂威儀舉止也。君子坐則儼然，行則蹢蹢濟濟；如此，則人望而畏之；不敢有暴慢之者。」朱熹曰：「遠，去聲。暴，粗厲也。慢，放肆也。」

⑪鄭玄曰：「正顏色，能矜莊嚴栗；則人不敢欺誕之也。」顏延之曰：「正色，則人達其誠；故信者立也。」皇侃曰：「人之顏色，恆欲莊正，不數變動；則人不敢欺詐之。」

⑫鄭玄曰：「出辭氣，能順而說；則無暴戾之言入耳也。」顏延之曰：「出辭，則人樂其文；故鄙倍絕也。」皇侃曰：「辭氣，言語音聲也。出言有章，故人不致鄙穢倍違之也。」朱熹曰：「辭，言語。氣，聲氣也。鄙，凡陋也。倍同背，謂背理也。」

⑬簋豆 包咸曰：「簋豆，禮器也。」皇侃曰：「竹曰簋，木曰豆。豆盛俎醢，簋盛果實。並容四升，柄尺二寸；下有附也。」

⑤包咸曰：「敬子忘大務小，故又戒之以此也。」皇侃曰：「舊云：『敬子不存大事，大事即斥前三禮也。而好修飾簋豆，簋豆比此三事爲小事；故曾子先戒此三禮。若簋豆之事，付於有司；不關汝也。』有司，謂典簋豆之官也。」又曰：「亦得云：敬子好務小事而忽畧簋豆，故曾子曰：汝不須務小；當使有司存於宗廟簋豆之禮也。」按：後說恐非。故朱熹曰：「若夫簋豆之事，器數之末，道之全體，固無不該；然其分則有司守之，而非君子之所重矣。」

參考資料提示：

- ①新序雜事一篇， ②史記東方朔傳， ③禮記冠義篇， ④又表記篇， ⑤又玉藻篇，

- ⑥又樂記篇， ⑦韓詩外傳卷九， ⑧說苑修文篇。

### 【三十七】

曾子有疾，召門弟子；曰：「啓①予②足！啓予手③！詩④云：『戰戰兢兢，如臨深淵⑤，如履薄冰⑥。』而今⑦而後⑧，吾知免⑨夫⑩！小子⑪。」（泰伯篇）

⑥，如臨深淵⑤，如履薄冰⑥。」「而今⑦而後⑧，吾知免⑨夫⑩！小子⑪。」（泰伯篇）

### 【註釋】

①啓 鄭玄曰：「啓，開也。」按：下同。

②予 皇侃曰：「予，我也。」按：下同。

③鄭玄曰：「曾子以爲受身體於父母，不敢毀傷之；故使弟子開衾而視之也。」

④詩 按：毛詩、小旻篇。

⑤戰戰 皇侃曰：「戰戰，恐懼。」

⑥兢兢 皇侃曰：「兢兢，戒慎也。」

⑦皇侃曰：「如臨深淵，恐墜也。」

⑧皇侃曰：「如履薄冰，恐陷也。」孔安國曰：「言此詩者，喻己常誠慎；恐有所毀傷也。」

⑨而今 皇侃曰：「而今，今日也。」

⑩而後 皇侃曰：「即今日以後也。」

⑪免 皇侃曰：「免，免毀傷也。」

⑫夫 朱熹曰：「夫，音扶。」周生烈曰：「乃今日而後，我自知免於患難矣。」皇侃曰：「既臨終而不得毀傷，故知自今日以後，全歸泉壤；得免毀傷之事也。」按：當以皇說爲長。

⑬小子 周生烈曰：「小子，弟子也。呼者，欲使聽識也。」

參考資料提示：

①孝經開宗明義章， ②禮記祭義篇， ③又檀弓上篇， ④大戴禮記曾子大孝篇， ⑤呂

氏春秋孝行覽， ⑥論衡四諱篇。

### 【三十八】

子①罕②言③利④與⑤命⑥與仁⑦。（子罕篇）

#### 【註釋】

①子 皇侃曰：「子，孔子也。」

②罕 何晏曰：「罕者，希也。」又曰：「寡能及之，故希言也。」

③言 皇侃曰：「言者，說也。」

④利 何晏曰：「利者，義之和也。」皇侃曰：「即引「文言」也。義者，宜也；和者，無害也。凡人世之利，利彼則害此；非義和也。若天道之利，利而無害；故萬物得宜而和。」

⑤與 皇侃曰：「與者，言語許與之也。」

⑥命 何晏曰：「命者，天之命也。」皇侃曰：「命者，天命窮通天壽之目也。」

⑦仁 何晏曰：「仁者，行之盛也。」皇侃曰：「仁者，惻隱濟衆；行之盛者也。弟子記孔子爲教化所希言，

及所希許與人者也。」程頤曰：「計利害義，命之理微，仁之道大；皆夫子所罕言也。」王若虛曰：「此章應讀：『子罕言利；與命，與仁。』與，許也。謂少言利，但許命與仁也。」楊樹達曰：「論語一書，言仁者不一而足，夫子言仁非罕也。所謂罕言仁者，乃不輕許人以仁之意；與罕言利、命之義似不同。」諸說並晦也。按：論語全書用「仁」字百零四次，用「命」字有二十一次，用「利」字有十次。孔子言「仁」最多，約有四十章。如曰：「君子無終食之間違仁，造次必於是，顚沛必於是。」又曰：「仁遠乎哉！我欲仁，斯仁至矣。」丁寧反覆，寢饋不忘；而稱之曰：「罕言」，於事不符，於理難通；即曰：「不可得而聞」，亦尚不可。其自言「命」有八次，言「利」有六次；亦不可謂爲「罕言」也。疑「子罕」二字，乃係人名。其所以用題篇者，一如：公冶長、顏淵、子路、衛靈公、陽貨、微子、子張之類；但論語書中未及子罕其人。史記仲尼弟子列傳無子罕，惟家語曲禮子夏問篇：「子罕問於孔子，曰：『始死之設重也，何爲？』」孔子曰：「重，主道也。」則此子罕似爲孔子之弟子矣。又：春秋之世有兩子罕：一爲鄭人，春秋成公十六年經云：「鄭公子喜帥師侵宋。」杜預注：「喜，穆公子；子罕也。」左氏傳：「鄭子罕伐宋。」公羊傳：「公子喜時者，仁人也。」又昭公二十年公羊傳：「春秋爲賢者諱。何賢乎公子喜時？讓國也。」又曰：「賢公子喜時則曷爲？爲會諱，君子之善善也長。」一爲宋子罕，襄公六年左氏傳云：「司城子罕曰：『同罪而異伐，非刑也；專戮於朝，罪孰大焉！』」又襄公七年傳：「春、宋災。樂喜爲司城以爲政。」杜預注：「樂喜，子罕也；爲政卿。」又二十七年傳：「君子曰：『彼己之子，邦之司直。』」樂喜之謂乎？又襄公十五年傳云：「宋人或得玉，獻之子罕，子罕弗受。獻玉者曰：『以示玉人，玉人以爲寶也；故獻之。』」子罕曰：「我以不貪爲寶，爾以玉爲寶；若以與我，皆喪寶也。不若人有其寶。」稽首而告曰：「小人懷璧，不可以越鄉；納此以請死也。」子罕置諸其里，使玉人爲之攻之，富而後使復其所。」考太平御覽人事部引尸子曰：「



富乎？義乎？曰義。是故子罕以不受玉爲寶。」此以不貪爲義，而義與利常兼言之；豈即子罕之「言利」歟？又羣書治要引尸子勸學篇曰：「論爵列，亦可以却敵服遠矣。農夫比粟，商比財，烈士比義；是故監門、逆旅、農夫、陶人皆得與焉。爵列，私貴也；德行，公貴也。奚以知其然？司城子罕遇乘封人而下，其僕曰：「封人也，奚爲下之？」子罕曰：「古之所謂良者，良其行也；貴人者，貴其心也。今天爵而人良其行而貴其心；吾弗敢敬乎？」以是觀之，古之所謂貴者、非爵列也；所謂良，非先故也；人君貴於一國，而不達於天下；天子貴於一世，而不達於後世；唯德行與天地相弊也。爵列者，德行之舍也，其所息也。詩曰：「蔽芾甘棠，勿剪勿敗，召伯所憩。」仁者之所息，人不敢敗也。」此子罕所謂「天爵」，即孟子告子上篇：「孟子曰：『有天爵者，……仁義忠信，樂善不倦，此天爵也。』」趙岐注：「天爵，以德。」又老子五十一章：「夫莫之命而常自然，」王弼注：「『命』，並作『爵』。」是命猶爵，豈子罕亦曾「言命與仁」歟？又禮記檀弓篇：「陽門之介夫死，司城子罕入而哭之哀。晉人之謁宋者反報於晉侯，曰：『陽門之介夫死，而子罕哭之哀；而民說，殆不可伐也。』」孔子聞之，曰：「善哉！謁國乎？」又：孟子萬章篇：「微服而過宋，是時孔子當厄，主司城貞子。」趙岐注：「司城貞子，宋卿也，雖非大賢，亦無詖惡之罪；故諡爲貞子。」貞子事迹不可詳考，豈即司城子罕之諡乎？果爾，則此章之言，當屬之司城子罕矣。又案：此篇第七章又云：「牢曰：子云：『吾不試故藝。』」日本安井衡曰：「子罕、大宰章書：『牢曰』，琴牢去姓而而書名；憲問、首章書：『憲問』，原憲去姓而書名；乃二子所記；門人編輯此書，直取其記而載之耳。」竹添光鴻曰：「子罕篇、牢曰章，琴張所自記，故書其名云：『牢曰』。」憲問篇，「憲問恥」章，劉寶楠正義曰：「憲不稱氏，疑此篇即憲所記。」是則子罕篇，「牢」不稱氏，疑亦爲子罕所記也。鄭玄曰：「牢，弟子子牢也。」莊子則陽篇有「子罕」。成玄英疏：「孔子弟子，姓琴，宋卿。」司馬彪注：「琴牢，孔子

弟子。」家語弟子解：「琴牢，衛人，字子開；一字子張。」左傳昭公二十年云：「琴牢聞宗魯死，將往弔之。仲尼曰：『齊豹之盜而孟縶之賊也；如何中焉！』」豈琴牢，姓琴，名牢；字子牢。猶宰我，姓宰，名我；字子我。公冶長，名長；字子長。其一例耶？且「牢」與「罕」字形極近似，疑「罕」乃「牢」字之譌；則此篇固亦當作：「子罕篇」矣。是其原文又當讀：「子罕言：利與命與仁。」則文義不至相乖矣。孔子曰：「吾猶及史之闕文也。」孟子曰：「盡信書，則不如無書。」吾於此章，亦云然爾。然此兩千年未解之疑義，豈可率爾翻案？謹備所知，以俟君子！

參考資料提示：

- ①家語曲禮子夏問篇， ②又弟子解篇， ③春秋成公十六年經， ④又左氏傳， ⑤又公羊傳， ⑥又昭公二十年公羊傳， ⑦又襄公六年左氏傳， ⑧又襄公七年左氏傳， ⑨又襄公十五年左氏傳， ⑩羣書治要尸子勸學篇， ⑪禮記檀弓篇， ⑫又儒行篇， ⑬孟子萬章篇， ⑭又梁惠王上篇， ⑮又告子篇， ⑯荀子大略篇， ⑰春秋繁露玉英篇， ⑱又天地施篇， ⑲史記孟子荀卿列傳， ⑳又外戚世家， ㉑子罕篇第七章。

## 二十一 殘 篇

按：釋名：「殘，踐也。踐使殘壞也。」漢書劉歆移太常博士書：「專己守殘。」顏師古注：「專執己所偏見，苟守殘缺之文。」猶殘缺也。又：篇，史記孔子世家：「古者，詩三千餘篇。」又曰：「三百五篇。」朱駿聲說文通訓定聲云：「謂書於簡冊可編者也。」「殘篇」，猶殘缺之書篇也。凡茲所輯，疑俱非論語本文而由書斷、簡誤附於此者；因假以題名，並爲全書之殿焉。

### (上) 佚尙書

【一】堯○曰：「咨○！爾○舜○！天之曆數○在爾躬○，允○執○其中○；四海○困○窮○，天祿永○終○。」（堯曰篇第一章）

### 【註釋】

- 堯 皇侃曰：「堯，名放勳；諡云堯也。」  
○咨 皇侃曰：「咨，咨嗟也。」朱熹曰：「咨，嗟嘆聲。」  
○爾 皇侃曰：「爾，汝也。」按：下同。  
○舜 皇侃曰：「舜，名重華；諡云舜也。」又曰：「堯將命舜，故先咨嗟歎而命之。」  
○曆數 何晏曰：「曆數，謂列次也。」皇侃曰：「曆數，謂天位列次也。」

④躬 皇侃曰：「躬，身也。堯命舜曰：天位列次，次在汝身；故我今命授與汝也。」

⑤允 包咸曰：「允，信也。」

⑥執 皇侃曰：「執，持也。」

⑦中 皇侃曰：「中，謂中正之道也。言天信運次既在汝身，則汝宜信執持中正之道也。」

⑧四海 皇侃曰：「四海，謂四方蠻、夷、狄之國也。」

⑨困 包咸曰：「困，極也。」

⑩窮 皇侃曰：「窮，盡也。若內執中正之道，則德教外被，四海一切服化；莫不極盡也。」

⑪永 包咸曰：「永，長也。」

⑫終 皇侃曰：「終，猶卒竟也。若內正中國，外被四海；則天祚祿位，長卒竟汝身也。」包咸曰：「言爲政

信執其中，則能窮極四海；天祚所以長終也。」朱熹曰：「四海之人困窮，則君祿亦永絕矣！戒之也。」朱

說與包、皇二說異。按：前說當是古訓，朱說恐望文生義也。又：皇侃曰：「自篇首至『天祚永終』爲第一

，是堯命授舜之辭。」考尚書堯典：「帝曰：『咨！汝羲！暨和！』」又：「皇曰：『咨！四岳！』」文字

結構與此相類。崔述曰：「此篇在古論語兩篇，篇僅一、二章；魯論語以其少，故合之。蓋皆斷簡，附之於

論語之末者，初不知其傳自何人？學者當據尚書之文以考證其是非得失而取舍之，不得概信爲實然。」崔說

是也。疑此節即係尚書堯典之脫簡或別本尚書之遺文。

參考資料提示：①史記曆書，②說苑辨物篇。

【二】舜亦以○命禹○。（同前）

〔註釋〕

○以按：以，猶用也。

○孔安國：「舜亦以堯命己之辭命禹也。」皇侃曰：「舜亦以命禹爲第二，是記者序舜之命禹；亦同堯命舜之辭也。」又曰：「當云：『舜曰：咨！爾禹！天之曆數』以下之言也。」據此，則原文當作：「舜曰：『咨！爾禹！天之曆數在爾躬，允執其中；四海困窮，天祿永終』。」按：《虞書大禹謨》：「帝曰：『來禹！……予懋乃德，嘉乃丕績；天之曆數在汝躬，汝終陟元后。人心惟危，道心惟微；惟精惟一，允執厥中。……四海困窮，天祿永終』。」又：《舜典》：「帝曰：『俞咨禹！汝平水土，惟時懋哉！』」又《禮記中庸篇》：「子曰：『舜其大知也與！執其兩端，用其中於民；其斯以爲舜乎？』」是舜之命禹，當有此辭也。則此蓋亦異本舜典之遺文歟？

參考資料提示：

①尚書大禹謨篇，②禮記中庸篇。

【三】湯○曰：「予○小子○履○，敢○用玄○牡○，敢昭○告於皇○后○帝○：有罪不敢赦○；帝臣○不蔽○，簡○在帝心○。朕○躬有罪，無以萬方○；萬方有罪，罪在朕躬○。」（同前）

### 【註釋】

○湯「湯」字原闕。程子曰：「『曰』字上脫一『湯』字。」程說是也。因據增。

○予皇侃曰：「予，我也。」

○小子皇侃曰：「小子，湯自稱；謙也。」

○履孔安國曰：「履，殷湯名也。」皇侃曰：「將告天，故自稱我小子而又稱名也。」

○敢皇侃曰：「敢，果也。」按：下同。

殘篇

⑥玄 皇侃曰：「玄，黑也。」

⑦牡 皇侃曰：「牡，雄也。夏尚黑，爾時湯猶未改夏色；故猶用黑牡以告天。」孔安國曰：「殷家尚白，未

變夏禮；故用玄牡也。」

⑧昭 皇侃曰：「昭，明也。」

⑨皇 皇侃曰：「皇，大也。」

⑩后 皇侃曰：「后，君也。」

⑪帝 皇侃曰：「帝，天帝也。用玄牡告天，而云：敢明告于大大君、天、帝也。」

⑫赦 說文：「置也；釋也。」包咸曰：「從天奉法，有罪不敢擅赦也。」

⑬帝臣 何晏曰：「言桀居帝臣之位也。」皇侃曰：「帝臣，謂桀也。桀是天子，天子事天，猶臣事君；故謂

桀爲帝臣也。」

⑭不蔽 皇侃曰：「不蔽者，言桀罪顯著，天地共知；不可隱蔽也。」

⑮簡 朱熹曰：「簡，閱也。」

⑯何晏曰：「有罪過不可隱蔽，以其簡在天心故也。」劉寶楠曰：「言所舉黜，皆本天心所簡閱也。」

⑰朕 皇侃曰：「朕，我也。」

⑱萬方 皇侃曰：「萬方，猶天下也。」孔安國曰：「無以萬方，萬方不預也。」皇侃曰：「湯言：我身若自

有罪，則我自有當之；不敢關預於天下萬方也。」

⑲孔安國曰：「萬方有罪，我身過也。」皇侃曰：「若萬方百姓有罪，則由我身也。我爲民主，我欲善而民

善；故有罪則歸責於我也。」孔安國又曰：「此湯伐桀告天文也。」墨子引湯誓，其辭若此也。」皇侃曰：「

自「予小子履」至「萬方有罪罪在朕躬」爲第三，是湯伐桀告天之辭。」按：此文畧見於今本尚書湯誥篇。其文畧曰：王曰：「嗟！爾萬方有衆，聽予一人誥；惟皇上帝，降衷於下民。……天道福善禍淫，降災于夏，以彰厥罪。肆台小子，將天命明威，不敢赦。敢用玄牡，敢昭告于上天神后，請罪有夏。……爾有善，朕弗敢蔽；罪當朕躬，弗敢自赦。惟簡在上帝之心，其爾萬方有罪，在予一人。予一人有罪，無以爾萬方。」則尚書文詳而異。考國語周語上云：「內史過曰，在湯誓：『余一人有罪，無以萬夫；萬夫有罪，在余一人。』」又墨子兼愛下篇曰：「夫兼相愛，交相利，不惟禹誓爲然，雖湯說亦猶是也。湯曰：『惟予小子履，敢用玄牡，告于上天后，曰：今天大旱，即當朕身履；未知得罪于上下，有善不敢蔽，有罪不敢赦；簡在帝心。萬方有罪，即當朕身，朕身有罪，無及萬夫。』」又呂氏春秋順民篇曰：「昔湯克夏而正天下，天大旱，五年不收。湯乃以身禱于桑林曰：『余一人有罪，無及萬夫；萬夫有罪，在余一人；無以一人之不敏，使上帝鬼神傷民之命。』於是翦其髮，斷其手，以身爲犧牲；用祈福於上帝。」墨子、呂覽皆言湯因大旱而作此「罪己」之禱告，而湯誥雖亦自責，然並亦歸罪於有夏。又白虎通姓名篇曰：「湯生於夏時，何以用甲、乙爲名？曰：湯王後乃更變名，爲子孫法耳；本名履。故論語曰：『予小子履。』履，湯名也。」疑此章亦係別本尚書「湯誓」之文，故與今本「湯誥」多異。張栻引程子曰：「『曰』字上脫一『湯』字。」程說是也。因據增。依墨子引文，是尚書大禹謨篇中，固亦當並有此文；其上應加「禹曰」二字。今本大禹謨亦脫去此文，否則，則墨子所見必爲別本之「禹誓」無疑。

參考資料提示：

①白虎通姓名篇，

②又三正篇，

③國語周語上，

④墨子兼愛下篇

⑤呂氏春秋順民篇。

【四】武王曰：「周有大賚，善人是富；雖有周親，不如仁人。百姓有過，在予人。」（同前）

【註釋】

○武王曰周何晏曰：「周，周家也。」「武王曰」三字原闕。皇侃曰：「是明武王伐紂之文也。」按：「周」

上當有此三字，因據補。

○賚何晏曰：「賚，賜也。言周家受天大賜。」

○何晏曰：「富於善人，有亂臣十人是也。」皇侃曰：「或曰：『周家大賜財帛於天下之善人，善人故是富也。』」朱熹曰：「武王克商，大賚于四海，見周書武成篇。」或說是也。當從或說並朱說爲是。

○何晏曰：「親而不賢、不忠，則誅之，管、蔡是也。」皇侃曰：「管、蔡，謂周公之弟管叔、蔡叔也。流言作亂，周公誅之；是有親而不仁；所以被誅也。」

○仁人何晏曰：「仁人，謂箕子、微子；來則用之也。」皇侃曰：「已上尚書第六，泰誓中文。言雖與周有親，而不爲善，則被罪黜；不如雖無親而仁者必有祿爵也。」又曰：「箕子是紂叔父，爲紂囚奴；武王誅紂，而釋箕子囚，用爲官爵，使之行商容。微子是紂庶兄也，見紂惡而先投周；武王用之，爲殷後於宋，並是仁人；於周無親，而周用之也。」

○江熙曰：「自此以上至『大賚』，周告天之文也。」皇侃曰：「自『周有大賚』至『在予一人』爲第四，是明周武伐紂之文也。」又曰：「此武王引咎自責辭也。」按：周書泰誓篇：「予有亂臣十人，同心同德。雖有周親，不如仁人。天視自我民視，天聽自我民聽，百姓有過，在予一人。」考泰伯篇：「武王曰：『予有亂臣十人。』」又微子篇：「周公語魯公，曰：『君子不施其親，不使大臣怨乎不以；故舊無大故，則不棄也。無求備於一人。』」此正明：「雖有周親，不如仁人」之說。又：「周有大賚，善人是富。」何晏曰：「周，周家。賚，賜也。言周家受天大賜，富於善人也。」何說非也。所謂「大賚」者，即尚書武成篇：「散鹿臺之財，發鉅橋之粟；大賚于四海，而萬姓悅服。」鄭玄注曰：「施舍已債，救乏調無。所謂『周有大」



資」，天下皆悅仁服德。」是也。故武成下文續云：「列爵惟五，分土惟三，建官惟賢，位事惟能。」此即「善人是富」也。是知此文並是別本之周書脫簡無疑矣！

參考資料提示：

- ①毛詩序，②禮記樂記篇，③左傳昭公二十八年，④墨子兼愛中篇，⑤荀子君道篇，⑥說苑貴德篇，⑦白虎通號篇。

【五】周公○語○魯公○，曰：「君子不施其親⑤，不使大臣怨乎不以⑥；故舊⑦無大故⑧，則不棄也⑨；無求備⑩於一人⑪。」（微子篇）

【註釋】

○周公 皇侃曰：「周公，周公旦也。」

○語 皇侃本、朱熹集注本並作「謂」。按：八佾篇：「子語魯大師。」朱熹注：「語，去聲；告也。」

○魯公 孔安國曰：「魯公，周公之子伯禽也。封於魯也。」

○不施 朱熹曰：「施，陸本作「弛」；福本同。弛，遺棄也。」孔安國曰：「施，易也。」孫綽曰：「不施，猶不偏也。」

○孔安國曰：「不以他人親易其親也。」皇侃曰：「言君子之人，不以他人易己之親；是因不失其親也。」二

說並非也。孫綽曰：「謂人以不偏惠所親，使魯公崇至公也。」張憑曰：「君子於人，義之與比；無偏施於親親，然後九族與庸勳並隆，仁心與至公並著也。」按：此即尚書泰誓篇所謂：「雖有周親，不如仁人。」而「堯曰篇」引之是也。當以孫、張二說爲正。

○以 孔安國曰：「以，用也。怨不見聽用也。」皇侃曰：「爲君之道，當委用大臣；大臣若怨不用，則是君之失也。」

④故舊 皇侃曰：「故舊，朋友也。」

⑤大故 孔安國曰：「大故，謂惡逆之事也。」

⑥皇侃曰：「朋友之道，若無大惡逆之事，則不得相遺棄也。」

⑦備 劉寶楠曰：「備者，鄭玄注郊特牲禮云：『備，盡也。』人才知各有所宜，小知者不可大受；大受者不

必小知。因才而使，故無求備也。」

⑧皇侃曰：「無具足，不得資必備；是君子易事之德也。」按：子路篇：「及其使人也，求備焉。」此小人之

道也。孫綽曰：「此是周公顧命魯公之所以辭也。」崔述曰：「其言、其事，皆足補詩、書之缺；不可廢者

也。」考尚書公陳篇：「爾無忿疾于頑，無求備于一夫，必有忍，其乃有濟；有容德乃大。簡厥修，亦簡其

或修；進厥良，以率其或不良。」此「無求備於一人」之義也。又：「君子不施其親，不使大臣怨乎不以；

故舊無大故，則不棄也。」此非「有容德乃大」而何？此章原附在微子篇末，蓋亦尚書脫簡或古周書之遺文

也。

參考資料提示：

①史記魯周公世家，②禮記中庸篇，③又緇衣篇，④又檀弓篇，⑤說苑敬慎篇，

⑥潛夫論三式篇，⑦周禮天官冢宰，⑧大戴禮記官人篇，⑨呂氏春秋舉難篇，⑩淮

南子主術篇，⑪又汜論篇，⑫孔叢子居衛篇。

(下) 佚禮記

【一】入太廟，每事問。(鄉黨篇二十一章)

【註釋】

○太廟 鄭玄曰：「太廟，周公廟也。爲君助祭也。」

○皇侃曰：「或云：『此句煩重。』舊通云：『前是記孔子對或人之時，此是錄平生常行之事；故兩出也。』」  
「皇說恐非也。按：八佾篇：『子入太廟，每事問。』或曰：『孰謂鄭人之子知禮乎？入太廟，每事問。』子聞之，曰：『是禮也。』」或人以「入太廟，每事問」爲不知禮。孔子以古禮書有此規定，故曰：「是禮也。」則此六字顯係逸禮之文，爲孔子所用以解答或人之典據；爲宗廟之禮，必非重出也。

參考資料提示：

①八佾篇十五章，②春秋繁露郊事對篇。

【註釋】

【二】祭於公①，（第九章）食不語②，寢不言③。（第十章）雖疏食④、菜羹、瓜⑤祭，必齊⑥如也⑦。（十一章）

○祭於公 周生烈曰：「助祭於君。」按禮記雜記上篇：「大夫冕而祭於公。……士弁而祭於君。」鄭玄注：「祭於公，助君祭也。」按：此下原有：「不宿肉祭肉不出三日出不食之矣」十六字，屬上文，義雖可通，而注者向無異見；但仍疑「祭於公」三字誤入於上，而中隔此十六字，致有騰亂也。因移此十六字於他章。

○語 皇侃曰：「語，是答述也。」

○言 劉寶楠曰：「禮記雜記注：『言，言己事。爲人說爲語。』書鈔禮儀部七引鄭此注云：『爲其不敬，明當食、寢，非言、語時也。』」皇侃曰：「食須加益，故許言而不許語；語則口可惜，亦不敬也。寢是眠臥，眠臥須靜；若言則驚聞於人，故不言也。」按：「食不語，寢不言」旨在於敬。此謂助祭於君之時，則「食不語，寢不言」恐不敬也。按：此上原有：「不宿肉祭肉不出三日出不食之矣」十六字，已移他章，故逕接此「祭於公」句下也。

④蔬食 朱熹曰：「食，香餌。」皇侃曰：「蔬食，蠶食也。」

⑤瓜祭 皇侃本「瓜」作「匱」。陸德明經典釋文云：「魯論：『瓜』作『必』。」禮記玉藻篇：「瓜祭上環。」鄭玄注：「上環，頭付也。」孔安國曰：「三物雖薄，祭之必敬也。」皇侃曰：「謂用蠶食、菜羹及瓜，持此三物供祭也。」

⑥齊 孔安國曰：「齊，嚴敬貌也。」

⑦皇侃曰：「三物雖薄，而必宜盡齊敬之理；鬼神饗德不饗味故也。」按：此「齊」字，當作「齊戒」之「齊」解；不限於「嚴敬」也。禮記祭統篇：「及其將齊也，防其邪物，訖其嗜欲；耳不聽樂，心不苟慮，手足不苟動。」又曲禮篇：「齊戒以告鬼神。」孟子離婁篇：「齊戒沐浴，則可以祀上帝。」是此言助祭於君，雖蔬食、菜羹及瓜以祭，亦必當齊戒也。故上云：「食不語，履不言；」所以防邪物也。

參考資料提示：①禮記雜記上篇，②又雜記下篇，③又禮運篇。

【三】齊①，必有明衣、布②：（第七章）君衣③不以紺④黼⑤飾⑥，紅紫⑦不以爲褻服⑧；當暑⑨，綌⑩絺⑪綌⑫，必表而出⑬。緇⑭衣羔裘⑮，素衣⑯麕裘⑰，黃衣狐裘⑱。褻裘⑲長，短右袂⑳；必有褻衣㉑，長一身有半㉒。狐貉之厚以居㉓，去喪㉔，無所不佩㉕。非帷裳㉖，必殺㉗之㉘；羔裘、玄冠㉙不以弔㉚；吉月㉛，必朝服㉜而朝㉝。（第六章）

【註釋】

①齊 本或作「齋」。朱熹曰：「齊，側皆反。」按：此謂祭祀時之齊戒也。莊子人間世篇：「是祭祀之齋，是也。」

②明衣布 孔安國曰：「以布爲浴衣也。」江長云：「沐者，當是沐浴時亦衣此服；置衣上以辟身濕也。」皇

侃曰：「謂燕浴時所著之衣也。浴竟身未燥，未堪好衣，又不可露肉；故用布爲衣，如衫而長身也。故玉藻云：「君衣布晞身，」是也。」劉寶楠正義引太平御覽五百三十引鄭注云：「明衣，親身衣，所以自潔清也；以布爲之。」按：禮記中庸篇：「齊明盛服。」鄭玄注：「明，猶潔也。」此當指齊戒之時，必潔其衣服而言也。又：朱熹曰：「此下脫前章「寢衣」一簡。」在原文上：「必有寢衣長一身有半」句下，朱熹引程子曰：「此錯簡。當在「齊必有明衣布」之下。」程氏謂：「此錯簡」，是也。但不當在章末，此蓋言「助祭於君」時，齊戒所用之服制也。因移此章之首。

③君衣「衣」原作「子」。皇侃曰：「君子者，自士以上；士以上衣服有法。」朱熹曰：「君子，謂孔子。」朱說恐非也。按：禮記玉藻篇：「君衣布摺本。」又：「君衣狐白裘。」疑「子」字乃「衣」字之譌。「君衣」者，爲致祭時，諸侯所著之衣也。以下俱言齊戒時之服飾也。並謂齊時，國君不服紺緹飾也。因據玉藻改。

④紺 說文：「深青而揚赤色也。」皇侃曰：「孔意言：紺是玄色也。」

⑤緹 字林云：「深青之色近黑也。」皇侃曰：「緹是，淺絳色。」

⑥飾 皇侃曰：「飾者，衣之領袖緣也。」孔安國曰：「緹者，三年練以緹飾衣，爲其似喪服。」按：謂諸侯致祭齊戒之時，不以紺、緹之色飾其領、袖之緣也。

⑦紅紫 皇侃曰：「紅、紫非正色也。」按：陽貨篇：「惡紫之奪朱也。」

⑧褻服 王肅曰：「褻服，私居非公會之服者也。皆不正。褻尚不衣，正服無所施。」皇侃曰：「褻服，私褻之服，非正衣也。褻尚不衣，則正服宜不用也。」

⑨暑 皇侃曰：「暑，熱也。」

⑩緝 皇侃曰：「緝，單也。」

⑤絺綌 孔安國曰：「絺、綌，葛也。」皇侃曰：「絺，細練葛也。綌，大練葛也。」

⑥孔安國曰：「必表而出，加上衣也。」皇侃曰：「當暑雖熱，絺、綌可單；若出不可單，則必加上衣也。」

按：當暑雖熱，因致祭而必加上衣以示敬也。

⑦緇 朱熹曰：「緇，黑色。」皇侃曰：「緇，染黑七入者也。」

⑧羔裘 皇侃曰：「羔者，烏羊也。」朱熹曰：「羔裘，用黑羊皮。」劉賈楠引鄭玄注云：「緇衣羔裘，諸侯

視朝之服；亦卿、大夫、士祭於君之服。」

⑨素衣 皇侃曰：「素衣，謂衣、裳並用素也。」

⑩麕裘 皇侃曰：「麕，鹿子也。鹿子色近白，與素微相稱也。」

⑪狐裘 朱熹曰：「狐，色黃。」皇侃曰：「此服謂蜡祭宗廟、五祀也。歲終，大蜡報功，象物色黃落；故裘

衣黃冠也。而狐貉亦黃，故特爲裘以相稱也。」孔安國曰：「服皆中、外之色相稱也。」

⑫裘裘 皇侃曰：「裘裘，謂家中常著之裘也。」

⑬袂 說文：「袂，袂也。」皇侃曰：「亦曰袖也。」孔安國曰：「私家裘長，主溫也。短右袂，便作事也。」

⑭覆衣 孔安國曰：「今被也。」皇侃曰：「覆衣，謂被也。」

⑮皇侃曰：「宜長，故長一身有半。」

⑯鄭玄曰：「在家以接賓客也。」皇侃曰：「家居主溫，故厚爲之也。」朱熹曰：「狐貉，毛深溫厚；私居，

取其適體。」

⑰去喪 孔安國曰：「去，除也。」皇侃曰：「去喪，謂三年喪畢，喪服已除也。」朱熹曰：「去，上聲。」

⑱去喪 孔安國曰：「去，除也。」皇侃曰：「去喪，謂三年喪畢，喪服已除也。」朱熹曰：「去，上聲。」

④孔安國曰：「非喪，則備佩所宜佩也。」皇侃曰：「無所不佩，謂佩已今吉所宜得佩者悉佩之。」朱熹曰：「君子無故，玉不去身；鵠鴈之屬，亦皆佩也。」

⑤帷裳 鄭玄曰：「帷裳，謂朝祭之服；其制正幅如帷也。非者，謂餘衣也。殺之者，削其幅，使縫齋陪腰者也。」皇侃曰：「帷裳，謂帷幔之屬也。」

⑥殺 皇侃曰：「殺，謂縫之也。」朱熹曰：「殺，去聲。」

⑦王肅曰：「衣必有殺縫，唯帷裳無殺也。」

⑧玄冠 按：禮記玉藻篇：「玄冠朱組纓，天子之冠也。……玄冠丹組纓，諸侯之齊冠也。玄冠素組纓，士之齊冠也。」鄭玄注：「玄冠，委貌也。」

⑨弔 皇侃曰：「弔，弔喪也。」孔安國曰：「喪主素，吉主玄；吉、凶異服，故不相弔也。」

⑩吉月 孔安國曰：「吉月，月朔也。」

⑪朝服 孔安國曰：「朝服，皮弁服也。」皇侃曰：「朝服者，凡言朝服，唯是玄冠、緇布衣、素積裳。今此云朝服，謂皮弁，十五升白布衣，素積裳也。所以謂朝服者，天子用以日觀朝。」

⑫朱熹曰：「孔子在魯時如此。此一節，記孔子衣服之制。」又引蘇氏曰：「此孔氏遺書，雜記、曲禮，非特孔子事也。」蘇說是也。按：此下原有：「齊必有明衣布」六字，當係錯簡；已移於章首，作起句之文。

參考資料提示：①陽貨篇十八章，②禮記玉藻篇，③又問傳篇，④又檀弓篇，⑤白虎通衣裳篇，⑥又崩薨篇。

⑦又崩薨篇。

【四】齊①，必饔食②；（第七章）食③不厭精④，膾⑤不厭細⑥。食饔⑦而餽⑧，魚餕⑨而肉敗⑩，不食；色惡⑪，不食；臭惡⑫，不食；失飪⑬，不食；不時⑭，不食；割不正⑮，不食。

；不得其醬⑤，不食；肉雖多，不使勝⑥食⑦氣⑧。唯酒無量，不及亂⑨；沽⑩酒、市⑪脯⑫，不食；不撤⑬齍⑭食⑮；不多食⑯。（第八章）不宿肉⑰，祭肉⑱不出三日；出三日，不食之矣⑲。（第十章）

【註釋】

○齊 按：同「齋」。「齊戒」之「齊」。

○變食 孔安國曰：「改常食也。」皇侃曰：「方應接神，欲自潔淨；故變其常食也。」朱熹曰：「變食，謂

不飲、不茹葷。」朱據莊子文，恐非也。莊子人間世篇：「顏回曰：『回之家貧，唯不飲酒，不茹葷者數月矣；若此則可以爲齋乎？』」仲尼曰：「是祭祀之齋，非心齋也。」按：此文言：「魚餒而肉敗，不食；」

「肉雖多，不使勝食氣；」「唯酒無量，不及亂。」是齊時固亦飲酒，茹葷者矣。未可從莊子說。又：「變」

字疑通「辯」。莊子逍遙遊篇：「乘六氣之辯。」釋文云：「如字，變也。」又易坤卦文言：「由辯之不早

辯也。」釋文：「辯，如字。馬云：『別也。』荀作「變」。是：「變」、「辯」古通用。此言「變食」者，

謂：當祭祀齊戒之時，必別其物之「可食」與「不可食」耳。故下文云：「食不厭精，膾不厭細。」又云：

「魚餒而肉敗不食，色惡不食，晷惡不食，割不正不食，不得其醬不食；」皆是也。再：此下原有：「居必

遷坐」四字，因與此全章飲食之事無關，已移他章。

○食 朱熹曰：「食，音嗣。飯也。」按：當亦係「變食」之「食」也。

○精 朱熹曰：「精，鑿也。」皇侃曰：「此兼明平常禮也。食若麤，則誤人生疾；故調和不厭精潔也。」

○膾 皇侃曰：「細切魚及肉，皆曰膾也。」

○皇侃曰：「既腥食之，故不厭細者也。」



⑦饅 皇侃曰：「饅，謂飲食經久而腐也。」

⑧餲 皇侃曰：「餲，謂經久而味惡也。如乾魚、乾肉，久而味惡也。」孔安國曰：「饅、餲，晁味變也。」

李充曰：「皆飲食壞敗之名也。」

⑨餒 孔安國曰：「魚敗曰餒也。」皇侃曰：「餒，謂魚晁壞也。魚敗而餒然也。」

⑩敗 皇侃曰：「肉晁壞也。」李巡曰：「肉敗久則晁；魚餒，肉爛。」按：爾雅：「肉謂之敗，魚謂之餒。」

⑪色惡 皇侃曰：「食失常色，是爲色惡；色惡，則不可食也。」

⑫晁惡 皇侃曰：「晁惡，謂饌晁不宜食；故不食也。」

⑬失飪 孔安國曰：「失飪，失生、熟之節也。」皇侃曰：「炙食或未熟，或已過熟；並不食也。」

⑭不時 鄭玄曰：「不時，非朝、夕，日中時也。」皇侃曰：「非其時，則不宜食；故不食也。」江熙曰：

「不時，謂生非其時，若冬梅李實也。」按：此與鄭說異。

⑮割不正 江熙曰：「殺不以道，不正也。」皇侃曰：「古人割肉必方正，若不方正割之；故不食也。」

⑯馬融曰：「魚膾非芥醬不食。」皇侃曰：「食味各有所宜，羶醢菹食，魚膾芥醬，並相宜也。故若食不得適

宜之醬，則不食也。」

⑰勝 皇侃曰：「勝，猶多也。」

⑱食 皇侃曰：「食，謂他饌也。」朱熹曰：「食，音嗣。」

⑲皇侃曰：「食氣多肉少，則肉美；若肉多他食少，則肉不美；故不使肉勝氣也。亦因殺止多殺也。」朱熹

曰：「食以穀爲主，故不使肉勝食氣。」按：此與皇說異。

⑳皇侃曰：「酒雖多無限量，而人宜隨己能而飲；不得及至於醉亂也。」一曰：「不格人爲量，而隨人所能而

莫亂也。」朱熹曰：「酒以爲人合歡，故不爲量；但以醉爲節，而不及亂耳。」

⑤沽 朱熹曰：「買也。」

⑥市 朱熹曰：「買也。」

⑦皇侃曰：「酒不自作，則未必清淨；脯不自作，則不知何物之肉；故沽、市所得並所不食也。」朱熹曰：

「恐不精潔或傷人也。」

⑧撤 孔安國曰：「撤，除也。」

⑨孔安國曰：「齊禁薰物，薑辛而不薰；故不去也。」皇侃曰：「明食時不除薑者也。」朱熹曰：「薑去穢，故不撤。」

⑩孔安國曰：「不過飽也。」江熙曰：「少所啖也。」朱熹曰：「適可而止，無貪心也。」按：此下原有：「祭於公」三字，疑係前章起句之文，已移去；故逕接下：「不宿肉」句上也。

⑪不宿肉 周生烈曰：「所得牲體，歸則以班賜；不留神惠也。」皇侃曰：「助祭必得賜俎，得賜俎還，即分賦食之；不得留置經宿；經宿，是慢鬼神餘也。」按：「不宿肉」，蓋謂肉不經久而食之也。

⑫祭肉 鄭玄曰：「自其家祭肉也。」

⑬鄭玄曰：「過三日不食，是褻鬼神之餘也。」皇侃曰：「自祭肉多，故許經宿；但不得出三日。出三日，是褻慢鬼神之餘；故人亦不得食之也。」朱熹曰：「蓋過三日，則肉必敗；而人不食之。」按：此未必專指家祭之肉。蓋上文云：「肉敗不食」，宿肉若經久則易敗；謂雖祭肉，過三日則必敗；故亦不食之耳。當以朱說爲近是也。

參考資料提示：

①周禮天官膳夫，

②又天官內饗，

③禮記少儀篇，

④又內則篇，

⑤又雜記上篇，

⑥又禮運篇， ⑦爾雅釋器， ⑧後漢書和熹皇后紀， ⑨墨子非儒篇， ⑩漢書食貨志。

【五】君命召<sup>①</sup>，不俟<sup>②</sup>駕<sup>③</sup>而行矣<sup>④</sup>。（二十章）

【註釋】

①召 說文：「呼也。」王逸曰：「以手曰招，以言曰召。」

②俟 按：趙岐孟子注，曰：「俟，待也。」

③駕 說文：「駕，馬在軛中也。」

④鄭玄曰：「急趨君命也。出行而車既駕，隨之。」皇侃曰：「君尊、命重，故得召不俟駕車，而即徒趨而往也。故玉藻云：『君命召，以三節：三節以走，三節以趨；在宮不俟屨，在家不俟車；』是也。」朱熹曰

：「此節記孔子事君之禮。」按：孟子公孫丑下篇：「禮曰：『父召無諾；君命召，不俟駕。』」荀子大略

篇：「諸侯召其臣，臣不俟駕；顛倒衣裳而走；禮也。」足證：「君命召，不俟駕，」乃古禮制如此。雖然

，孟子萬章下篇：「萬章曰：『孔子君命召，不俟駕而行；然則孔子非與？』」孔子有此行事，亦尊禮而

行。此文非必記孔子事也，疑係古禮書之別出者。

參考資料提示：①禮記玉藻篇， ②孟子公孫丑下篇， ③又萬章下篇， ④荀子大略篇。

【六】升車，必正立執綏<sup>①</sup>。車中不內<sup>②</sup>顧<sup>③</sup>，不疾言<sup>④</sup>，不親指<sup>⑤</sup>。（二十六章）

【註釋】

①綏 朱熹曰：「綏，輓以上車之索也。」皇侃曰：「綏，牽以上車之繩也。若升車時，則正立而執綏以上。」

周生烈曰：「正立執綏，所以爲安也。」

殘篇

①內 皇侃曰：「內，猶後也。」

②顧 皇侃曰：「顧，回頭也。」包咸曰：「與中不內顧者，前視不過衡扼，旁視不過轡轂也。」衛瑾曰：

「不掩人不備也。」

③疾 皇侃曰：「疾，高急也。」

④皇侃曰：「在車上言易高，故不疾言；爲驚於人也。」

⑤皇侃曰：「車上既高，亦不得手有所親指點；爲惑下人也。」朱熹曰：「此一節記孔子升車之容。」按：禮

記曲禮上篇：「車上不廣教，不妄指。」是此節所記，亦古禮書之言；非必專記孔子行事也。

參考資料提示：①賈子容經篇，②左傳宣公十二年，③禮記曲禮上篇。

【七】 入公○門，鞠躬○如也○；如不容○。立不中門○，行不履○闕○。過位○，色勃

如也，足躩如也○；其言似不足○者○。攝齊○升堂○，鞠躬如也；屏○氣似不息○者○。出，降

①一等○，逞○顏色；怡怡如也○。沒階○，趨○進；翼如也○。復其位○，蹶蹶如也○。」（第

四章）

【註釋】

○公 皇侃曰：「公，君也。」

○鞠躬 皇侃曰：「鞠，曲斂也。躬，身也。」孔安國曰：「斂身也。」朱熹曰：「鞠躬，曲身也。」

○皇侃曰：「臣入君門，自曲斂身也。」

○皇侃曰：「君門雖大，而已恆曲斂；如君門之狹，不見容爲。」朱熹曰：「公門高大，而若不容；敬之至

也。」

⑤中門 皇侃曰：「中門，謂棖、闕之中也。門中央有闕，闕以破門兩扇之交處也。門左右兩邊各榱豎一木，名之棖；棖以禦車過，恐觸門也。臣若倚門立時，則不得當君所行棖、闕之中央；當中是不敬。」朱熹曰：「中門，中於門也。謂當棖、闕之間。」

⑥履 皇侃曰：「履，踐也。」

⑦闕 孔安國曰：「闕，門限也。」皇侃曰：「若出入時，則不得踐君之門限也。」

⑧過位 包咸曰：「過位，過君之空位也。」朱熹曰：「位，君之虛位；謂在門屏之間，人君宁立之處。」

⑨皇侃曰：「即君雖不在此位，此位可尊；故臣行入從位之邊過，而色勃然，足躩爲敬也。」

⑩不足 皇侃曰：「不足，少若不能也。」

⑪皇侃曰：「言語細下，不得多言；如言不足之狀也。」朱熹曰：「言似不足，不敢肆也。」

⑫攝齊 孔安國曰：「衣下曰齊。攝齊者，攝衣也。」皇侃曰：「攝，攝也。齊，裳下縫也。」朱熹曰：「齊，音咨。衣下縫也。」

⑬皇侃曰：「既至君堂，當升之。未升之前，而攝提裳前，使齊下去地一尺；故云：攝齊升堂也。」

⑭屏 皇侃曰：「屏，疊除貌。」朱熹曰：「屏，藏也。」

⑮息 皇侃曰：「息，亦氣也。」朱熹曰：「息，鼻息出入者也。」

⑯皇侃曰：「已至君前，當疊除藏其氣；如似無氣息者也。」

⑰降 皇侃曰：「降，下也。」

⑱等 朱熹曰：「等，階之級也。」

⑲遲 皇侃曰：「遲，申也。」朱熹曰：「遲，放也。」

⑧孔安國曰：「先屏氣，下階舒氣；故怡怡如也。」皇侃曰：「出降一等，謂見君已竟，而下堂至階第一級時也。初對君時既屏氣，故出降一等而申氣；氣申，則顏色亦申；故顏容怡悅也。」

⑨沒階 孔安國曰：「沒，盡也。下盡階也。」

⑩趨 朱熹曰：「趨，走就位也。」按：趨進，猶趨前也。

⑪翼如也 皇侃曰：「謂下諸級盡，至平地時也。既去君遠，故又徐趨而翼如也。」按：翼，猶敬也；恭也。

詩大雅：「小心翼翼。」傳：「翼，恭也。」又小雅：「有嚴有翼。」傳：「敬也。」

⑫位 孔安國曰：「來時所過位也。」

⑬皇侃曰：「今出至此位，而更踧踖爲敬也。」朱熹曰：「此一節記孔子在朝之容。」按：禮記曲禮上篇：「大

夫、士出入君門，由闕右，不踐闕。」又玉藻篇：「賓入，不中門，不履闕。」又儀禮聘禮記：「下階，發

氣怡焉。再三舉足，又趨。」疑此亦係古朝聘之禮書，非專記孔子之行事也。

參考資料提示：①禮記曲禮上篇，②又玉藻篇，③儀禮聘禮篇。

【八】君召使摯①，色勃②如也③；足躩④如也⑤。（第三章）趨進⑥，翼如也⑦。賓退，

必復命⑧；曰：「賓不顧矣⑨。」（第三章）

【註釋】

①摯 皇侃曰：「摯者，爲君接賓也。謂有賓來，君召已迎接之也。」鄭玄曰：「君召使摯者，有賓客使迎之也。」

②勃 朱熹曰：「勃，變色貌。」

③孔安國曰：「必變色也。」皇侃曰：「既召已接賓，故已宜變色起敬；故勃然也。」

④履 江黑曰：「履，速貌也。」包咸曰：「盤辟貌也。」皇侃曰：「盤辟，即足轉速也。」

⑤江黑曰：「不暇閑步。」皇侃曰：「既被召，不敢自容；故速行而足盤辟也。」此下原有：「揖所與立左右其手衣前後檐如也」十四字。按：儀禮聘禮：「擯者出請，賓告事畢。擯者入告，公出送賓。及大門內，公問君，賓對，公再拜。公問大夫，賓對。公勞賓，賓再拜稽首；公答拜。公勞介，介皆再拜稽首；公答拜。賓出，公再拜送；賓不顧。」惜此未及擯者送賓之禮，但「揖所與立」，似非送賓時事；因移他章。

⑥趨進 皇侃曰：「謂擯迎賓進，在庭行時也。」

⑦翼如也 孔安國曰：「言端正也。」皇侃曰：「翼如，謂端正也。徐趨，衣裳端正；如鳥欲翔舒翼時也。」

⑧復命 孔安國曰：「復命，白賓已去也。」皇侃曰：「復命，反命也。反命，謂初受君命以送賓；賓退，故反還君命以白君；道賓已去。」

⑨不顧矣 皇侃曰：「舊云：『主人若禮送賓未足，則賓猶迴顧；若禮已足送，則賓直去，不復迴顧；此明送賓禮足，故云不顧也。』」朱熹曰：「此一節，記孔子爲君擯相之容。」按：疑此係古禮書朝聘禮制之遺文也。

參考資料提示：①春秋定公十年穀梁傳，②史記孔子世家，③儀禮聘禮記。

【九】 執圭①，鞠躬②如也；如不勝③。上如揖④，（第五章）揖所與立⑤；左、右其手⑥，衣前後，檐⑦如也⑧。（第三章）下如授⑨，勃如戰色⑩；足踵踵⑪如有循⑫。享禮⑬，有容色；私⑭覲⑮，愉愉⑯如也⑰。（第五章）

### 【註釋】

①執圭 包咸曰：「爲君使以聘問鄰國，執持君之圭。」皇侃曰：「圭，瑞玉也。周禮：五等諸侯各受王者之

玉，以爲瑞信。公桓圭，九寸；侯信圭，七寸；伯躬圭，七寸；子穀圭，五寸；男蒲圭，五寸。五等若自執朝王，則各如其寸數；若使其臣出聘鄰國，乃各執其君之玉，而減其君一寸也。」

②鞠躬 包咸曰：「鞠躬者，敬慎之至也。」

③勝 朱熹曰：「勝，平聲。」皇侃曰：「圭雖輕，而已執之，恆如圭重，似已不能勝；故曲身如不勝也。」

④上如揖 鄭玄曰：「上如揖，授玉宜敬也。」皇侃曰：「謂初授受圭之容儀也。上如揖，謂就下取玉，上授與人時也；俯身爲敬，故如揖時也。」

⑤皇侃曰：「凡相傳雖在列位，當授受言語之時，皆半轉身，戾手相揖；既竝立而相揖，故曰：揖所與立也。」按：此當係揖鄰國臣下之在朝所與竝立，而參與獻玉禮時之人也。

⑥鄭玄曰：「揖左人，左其手；揖右人，右其手。」皇侃曰：「若揖左人，則移其手向左；若揖右人，則移其手向右；故云：左、右其手也。」

⑦櫛 朱熹曰：「櫛，整貌。」

⑧鄭玄曰：「其手一俯一仰，故衣前後，則櫛如也。」江熙曰：「揖兩手，衣裳櫛如也。」皇侃曰：「既半迴身，左右迴手；當使身上所著之衣必櫛櫛如有容儀也。」按：此十四字原係第三章之文，其上下文言爲君迎送賓客，似無須向同朝之人相揖也。疑與此拜揖之禮有關，因移此「上如揖」句後。

⑨下如授 鄭玄曰：「下如授，不敢忘禮也。」皇侃曰：「謂奠玉置地時也。雖奠玉置地，亦徐徐俯偻，如授與人時也。」

⑩戰色 鄭玄曰：「戰色，敬也。」皇侃曰：「通謂執行及授時之顏色也。臨陣戰鬥，則色必懼怖；故今重君玉，使己顏色恆如戰時也。」朱熹曰：「戰色，戰而色懼也。」按：此當如：「使民戰栗」、「戰戰兢兢」



之「戰」也。

④縮縮 皇侃曰：「縮縮，猶蹙蹙也。」朱熹曰：「縮縮，舉足促狹也。」

⑤循 皇侃曰：「循，猶緣循也。言舉玉行時，不敢廣步速進；恆如足前有所礙，有所緣循也。」鄭玄曰：「足縮蹙如有循，舉前曳踵行也。」朱熹曰：「如有循，記所謂：『舉前曳踵』。言行不離地，如緣物也。」

⑥享禮 鄭玄曰：「享，獻也。聘禮：既聘而享。享用圭璧，有庭實也。」皇侃曰：「享者，聘後之禮也。」又曰：「又獻土地所生，羅列滿庭；謂之庭實。」

⑦朱熹曰：「有容色，和也。儀禮曰：『發氣滿容』。」

⑧私 皇侃曰：「私，非公也。」

⑨觀 鄭玄曰：「觀，見也。既享，乃以私禮見。」

⑩愉愉 鄭玄曰：「愉愉，顏色和也。」

⑪皇侃曰：「謂行聘享公禮已竟，別日使臣私齋已物於主君；故謂爲私觀也。既私見非公，故容儀轉而自若；故顏色、容貌有和悅之色，無復勃戰之容者也。」朱熹曰：「此一節，記孔子爲君聘於鄰國之禮也。」又引晁氏曰：「孔子定公九年仕魯，至十三年適齊；其間絕無朝聘往來之事。疑使擯、執圭兩條，但孔子嘗言其禮當如此爾。」按：儀禮聘禮記：「執圭，入門；鞠躬焉，如恐失之。」又：「及享，發氣焉；盈容。私觀，愉愉焉。」禮記曲禮下篇：「凡執主器，執輕如不克。」又：「執主器，操幣圭璧，則尚左手；行不舉足，車輪曳踵。」又玉藻篇：「執龜玉，舉前曳踵；縮縮。如也。」儀禮士相見禮：「凡執幣者不趨，執玉者則惟舒武，舉前曳踵。」足證古禮已有此制，未必是孔子躬行之事。此節疑亦係古禮書別本之遺文也。

參考資料提示：

①儀禮聘禮記，

②又士相見禮，

③禮記曲禮下篇，

④又玉藻篇，

⑤荀子大略篇。

【十】君賜食，必正席①先嘗之②；君賜腥③，必熟而薦④之⑤；君賜生⑥，必畜之⑦。侍食於君⑧，君祭⑨，先飯⑩。（十八章）有盛⑪饌⑫，必變色⑬而作⑭。（二十五章）

【註釋】

①席 皇侃曰：「席，猶坐也。」

②孔安國曰：「敬君惠也。既嘗之，乃以班賜也。」朱熹曰：「食，恐或餽餘，故不以薦。正席先嘗，言先嘗，則餘當頒賜矣。」

③腥 朱熹曰：「腥，生肉。」

④薦 孔安國曰：「薦，薦其先祖也。」

⑤皇侃曰：「煮熟而薦宗廟，靈榮君賜也。」

⑥生 皇侃曰：「生，謂活物也。」

⑦皇侃曰：「得所賜活物，當養畜之；待至祭祀時充牲用也。」朱熹曰：「畜之者，仁君之惠；無故不敢殺也。」

⑧皇侃曰：「待君共食之時也。」

⑨祭 皇侃曰：「祭，謂祭食之先也。」

⑩鄭玄曰：「於君祭，則先飯矣；若爲先嘗食然也。」皇侃曰：「當君政祭食之時，而臣先取飯食之；故云：先飯。飯，食也。所以然者，示爲君先嘗食；先知調和之是非也。」朱熹曰：「君祭，則已不祭而先飯；若爲君嘗食焉。」

⑪盛 說文：「黍稷在器中以祀者也。」

⑤饌 說文：「具食也。」按：儀禮燕禮：「膳宰具官饌于寢東。」鄭玄注：「具其官之所饌，謂酒也；牲也；脯醢也。」按：盛饌，當係官饌；以其豐備也。

⑥變色，猶改容也。

⑦作 孔安國曰：「作，起也。敬主人之親饌也。」皇侃曰：「見主人食饌有盛平常，故變色而起也。」按：此八字原在二十五章「式負版者」句後，與上文義不相屬；此言「有盛饌，必變色而作」；似係君之賜食，因移此「君祭先飯」句後。又此下尚有：「迅雷風烈必變」六字，文似複沓，疑係他處之文；因移他章。再：禮記玉藻篇：「若賜之食而君客之，則命之祭然後祭；先飯，辨嘗羞；飲而俟。若有嘗羞者，則俟君之食然後食；飯飲而俟。」又曲禮上篇：「食至，起。」又儀禮士相見禮：「君賜之食，則君祭先飯；徧嘗膳飲而俟。君命之食，然後食；若有將食者，則俟君之食然後食。」是此節文字，蓋並係古禮書之遺文也。

參考資料提示：

- ①儀禮士相見禮， ②禮記玉藻篇， ③又曲禮上篇， ④論衡雷虛篇， ⑤又感類也。

【十一】問 ①人於他邦 ②，再拜而送之 ③。（十五章）

〔註釋〕

①問 皇侃曰：「問者，謂更相聘問也。」

②他邦 皇侃曰：「他邦，謂鄰國之君也。」按：他邦，謂鄰國；人，則是指鄰國之君也。

③孔安國曰：「拜送使者，敬之也。」皇侃曰：「既敬彼君，故遣使；使者去，則再拜送之也。」朱熹曰：「拜送使者，如親見之；敬也。」按：禮記少儀篇：「凡膳告於君子，主人展之；以授使者於阼階之南，南面再拜稽首送。」疑此節亦係古禮書之遺文。

參考資料提示：

- ①禮記少儀篇， ②公冶長篇十九章。

【十二】君視之疾①，（十九章）寢不尸②，居不容③。（二十四章）必遷坐④，（第七章）東首⑤，加⑥朝服⑦，拖⑧紳⑨。（十九章）迅雷風烈⑩，必變⑪。（二十五章）

【註釋】

○君視之疾 原作：「疾，君視之」。按：前後各章；「君召使摯」、「君賜食」、「君賜腥」、「君賜生」、「君命召」皆先稱「君」。依全篇例，移「疾」字於「視之」下。皇侃曰：「疾，謂孔子疾病時也。孔子病，而魯君來視之也。此君是哀公也。」按：禮記喪大記：「君於大夫疾，三問之；士疾，一問之。」又雜記下篇：「卿大夫疾，君問之無算；士，一問之。」荀子大略篇：「君於大夫，三問其疾，三臨其喪；於士，一問，一臨。」是此乃體制如此，君於大夫疾而三問之；非必指孔子言也。又太平御覽二十一引公孫尼子曰：「孔子有疾，哀公使醫視之。」則視孔子疾者，醫也；而非哀公也。皇侃說未必是也。

○寢不尸 包咸曰：「不偃臥四體，布展手足；似死人也。」皇侃曰：「寢，眠也。尸，謂死尸也。眠當小欹，不得直脚申布；似於死人也。」

○居不容 皇侃曰：「謂家中常居也。家主和怡，燕居先溫；故不爲容自處者也。」朱熹曰：「居，家居；容，儀容。」范祖禹曰：「居不容，非情也；但不如奉祭祀，見賓客而已。」按：此六字原係二十四章文，與上下文義毫不相涉。疑係此處脫簡，錯入下章。其意猶謂：君來視疾，雖有病，亦不可偃臥四體，布展手足；狀如死人，驚動君也。故「寢不尸。」又，雖君親臨視疾，但因有病，故亦不修飾容儀；示有疾也。故「居不容。」因移此「君視之疾」句下。

○孔安國曰：「易常處也。」皇侃曰：「亦不坐恆居之坐也。」按：此四字原係第七章之文，在「齊必變食」句下，與「食不厭精」句上。此章全部言飲食之事，中夾此四字，似不相屬。又：禮記檀弓上篇：「君子非致」

齊也，非疾也；不寢、夜居於內。」鄭玄注：「內，正寢之中。」又玉藻篇：「將適公所，宿齊戒，居外寢。」疑此文當接此「寢不尸居不容」句後。蓋病者原居內寢，因君來視疾，爲敬重於君，若適公之所者然；雖疾，亦必移居外寢，便於君之視疾。故曰：「居必遷坐」也。此句原當作「居不容必遷坐。」因「不容」二字，「居不容」三字又混入他章，因而復出，尙留「居」字耳。茲以意刪。

⑤東首 包咸曰：「處南牖之下。」皇侃曰：「病者欲生，東是生陽之氣；故眠頭首東也。故玉藻云：『君子之居，恆當于戶；寢恆東首』者，是也。」朱熹曰：「東首，以受生氣也。」樂肇曰：「牖下，欲令面視之者也。」樂說較長。

⑥加 皇侃曰：「加，覆也。」

⑦朝服 皇侃曰：「謂健時從君日視朝之服也。」

⑧拖 皇侃曰：「拖，猶牽也。」

⑨紳 包咸曰：「紳，大帶也。加朝服，拖紳；不敢不衣朝服見君也。」皇侃曰：「既病，不能復著衣而見君；不宜私服，故加朝服覆於體上，而牽引大帶於心下；至是如健時著衣之爲。」朱熹曰：「病臥不能著衣束帶，又不可以褻服見君；故加朝服於身，又引大帶於上也。」按：此數句本即十九章文，因中補入「寢不尸居不容居必遷坐」十字，故逕接於「居必遷坐」句後也。

⑩迅 皇侃曰：「迅，疾也。」

⑪烈 朱熹曰：「烈，猛也。」鄭玄曰：「風疾，雷爲烈也。」皇侃曰：「風而雷疾急，名爲烈也。風疾而雷，此是陰陽氣激；爲天之怒。」

⑫皇侃曰：「自整髮容顏以敬之也。」按：此六字原係二十五章之文，在「必變色而作」句下；因文義複沓，

疑非是章之文。考禮記玉藻篇：「君子之居恆當戶，寢恆東首，若有疾風、迅雷、甚雨，則必變；雖夜必興，衣冠而坐。」與本章之文大同小異，則「迅雷疾風必變」六字，疑亦當在此章之末。因移接於此「加朝服拖紳」句後。其意如云：君來視疾之時，雖有迅雷風烈，其在病中亦當變容以示敬也。

參考資料提示：

- ①禮記喪大記，
- ②又雜記下篇，
- ③又檀弓篇，
- ④又玉藻篇，
- ⑤大戴禮記盛德篇，
- ⑥聖而篇第四章，
- ⑦太平御覽二十一引公孫尼子，
- ⑧儀禮既夕禮記，
- ⑨漢書龔勝傳，
- ⑩論衡雷虛篇，
- ⑪又感類篇。

【十三】 鄉人儺<sup>①</sup>，朝服而立於阼階<sup>②</sup>。（十四章）

【註釋】

○儺 孔安國曰：「驅逐疫鬼也。」按：周禮春官占夢曰：「季冬，遂令始難毆疫。」鄭玄注：「故書「難」或爲「儺」，其字當作「儺」。」

○阼階 皇侃曰：「阼階，東階；主人之階也。」孔安國曰：「恐驚先祖，故朝服而立於廟之阼階也。」按：此指鄉人驅疫之禮儀也。

參考資料提示：

- ①周禮春官占夢，
- ②禮記月令篇，
- ③又郊特性篇。

【十四】 鄉人飲酒<sup>①</sup>，（十三章）席不正不坐<sup>②</sup>。（十四章）杖者<sup>③</sup>出，斯出矣<sup>④</sup>。（十三章）

【註釋】

○鄉人飲酒 孔安國曰：「鄉人飲酒之禮。」皇侃曰：「鄉人飲酒，謂鄉飲之禮也。」

○范寧曰：「正席所以恭敬也。或云：『如禮所言：諸侯之席三重，大夫再重；是各有其正者也。』」皇侃曰：「舊說云：『鋪之不正，則不坐之也。』」按：此五字原在「鄉人飲酒」句上，與上下文俱不相屬；

必先言鄉飲酒之禮，然後乃及坐席；因依上下文義，移「鄉人飲酒」句後。

③杖者 孔安國曰：「杖者，老人也。」皇侃曰：「禮：『五十杖於家，六十杖於鄉。』故呼老人爲「杖者」也。」

④皇侃曰：「鄉人飲酒者，貴齡崇年；故出入者以老人者爲節也。若飲酒禮畢，杖者先出，則同飲之人乃從之而出；故云：「杖者出，斯出矣。」按：墨子非儒篇曰：「哀公迎孔子，席不端，不坐。」則「席不正，不坐。」乃古禮制如此，孔子隨處必尊行之；對哀公如此，他人亦如此。疑此章係禮記鄉飲酒篇之逸文，或出於別本古禮書者；非必孔子個人行事之記錄也。

參考資料提示：

①墨子非儒篇， ②新序節士篇， ③鄉黨篇十八章， ④禮記曲禮上篇， ⑤又王制篇。

【十五】 邦君○之妻，君稱之，曰：「夫人○。」自稱曰：「小童○。」邦人○稱之，曰：「君夫人○。」稱諸異邦，曰：「寡小君○。」異邦人稱之，亦曰：「君夫人」也○。（季氏

篇）

### 【註釋】

①邦君 按：即國君也。白虎通嫁娶篇引論語曰：「國君之妻，君稱之曰：夫人。」是邦君，即國君也。

②皇侃曰：「邦君自呼其妻曰：「妻」也。」

③小童 皇侃曰：「小童，幼少之目也。」又曰：「此夫人向夫自稱，則曰：「小童。」謙不敢自比於成人也。」

④邦人 皇侃曰：「邦人，其國民人也。」

⑤皇侃曰：「若其國之民呼君妻，則曰：「君夫人。」君自稱單曰：「夫人。」故民稱帶「君」言之也。」

④小君 孔安國曰：「小君，君夫人之稱述。對異邦諫，故曰：『寡小君』。」皇侃曰：「自我國臣民向他人稱我君妻，則曰：『寡小君。』君自稱曰：『寡人。』故民稱君爲『寡君』；稱君妻爲『寡小君』也。」

⑤皇侃曰：「若異臣來，即稱主國之妻則亦曰：『君夫人』也。」朱熹引吳氏曰：「凡語中所載如此類者，不知何謂？或古有之，或夫子嘗言；不可考也。」崔述曰：「此詳邦君之妻稱謂。妻，齊也；言夫婦平等，無尊卑也。春秋時，嫡妾之禮不正，多以妾爲『夫人』；故左傳記魯文公二妃，齊桓公三夫人，鄭文公有夫人華氏、姜氏，宋平公納其御步馬者稱『君夫人』。君稱之曰『夫人』，尊夫人，別嫡、庶也。『小童』者，謙未成人也。論語記義不記曲禮，似記文錯簡在此，而寫者誤附焉。今降寫附錄于此，而明非論語焉。」崔說是也。按：禮記玉藻篇曰：「凡自天子曰：『予一人。』伯曰：『天子之力臣。』諸侯之於天子，曰：『某土之守臣某。』其在邊邑，曰：『某屏之臣某。』其於敵以下，曰：『寡人』。小國之君曰：『孤。』摯者亦曰『孤。』上大大夫曰：『下臣。』摯者曰：『寡君之老。』下大夫自名。摯者曰：『寡大夫。』世子自名。摯者曰：『寡君之適。』公子曰：『臣孽。』士曰：『傳達之臣；』於大夫曰：『外私。』大夫私事使私人摯則稱名。公士摯則曰：『寡大夫；』「寡君之老大夫。」有所往，必與公士爲賓也。」是此章文字當係玉藻篇之脫簡，其文體與此完全相類也。且此章原係季氏篇之末章，當係編論語者知其非論語本文而暫附之篇末耳。因未明所出，不審爲禮記之文也。

參考資料提示：

①禮記曲禮下篇，

②又雜記上篇，

③春秋隱公二年公羊傳，

④左傳襄公二十六年，

⑤又哀公二年，

⑥儀禮聘禮，

⑦史記孔子世家，

⑧白虎通爵篇，

⑨又嫁娶篇。

【十六】

謹○權○量○，審○法度○，修○廢官○；四方之政行矣○。興滅國○，繼絕世○，舉逸民○；天下之民歸心焉○。所重民食喪祭○，寬則得衆○，敏則有功○，公則民悅○。（

）



【註釋】

①謹 皇侃曰：「謹，慎也。」

②權 包咸曰：「權，秤也。」朱熹曰：「權，稱錘也。」

③量 包咸曰：「量，斗斛也。當謹慎稱、尺、斗、斛也。」

④審 皇侃曰：「審，猶諦也。」

⑤法度 皇侃曰：「法度，謂可治國之制典也。宜審諦分明之也。」

⑥修 皇侃曰：「治故曰修。」

⑦皇侃曰：「若舊官有廢者，則更修立之也。」

⑧皇侃曰：「自謹權以下若皆得法，則四方風政並服行也。」

⑨皇侃曰：「若有國爲前人非理而滅之者，新王當更興起之也。」

⑩皇侃曰：「若賢人之世被絕不祀者，當爲立後係之；使得仍享祀也。」朱熹曰：「封黃帝、堯、舜、夏、

商之後。」

⑪皇侃曰：「若民中有才行超越不仕者，則躬舉之於朝廷爲官爵也。」朱熹曰：「謂釋箕子之囚，復商容之位。」

⑫皇侃曰：「既能興、繼、舉，則天下之民皆歸心；繼負而至也。」

⑬孔安國曰：「重民，國之本也；重食，民之命也；重喪，所以盡其哀；重祭，所以致敬也。」朱熹曰：「武成：『重民五教，惟食、喪、祭。』」按：據武成，則此文意當是：所重民之食、喪、祭，三事也。

⑥皇侃曰：「爲君上若能寬，則衆所共歸；故云得衆也。」

⑦皇侃曰：「君行事若儀用敏疾，則功大易成；故云有功也。」

⑧孔安國曰：「言政教公平，則民悅矣。」皇侃曰：「君若爲事公平，則百姓皆歡悅也。」按：禮記中庸篇：「齊明盛服，非禮不動；所以修身也。去讒遠色，賤貨而貴德；所以勸賢也。尊其位，重其祿，同其好惡；所以勸親親也。官盛任使，所以勸大臣也。忠信重祿，所以勸士也。時使薄斂，所以勸百姓也。日省月試，既稟稱事；所以勸百工也。送往迎來，嘉善而矜不能；所以柔遠人也。繼絕世，舉廢國，治亂持危，朝聘以時，厚往而薄來；所以懷諸侯也：凡爲天下有九經，所以行之者，一也。」可見中庸所云「九經」之中，亦有：「興滅國，繼絕世」之事。而此雖只及：民食、喪、祭，但此文之爲禮記遺文可知也。故陽貨篇：「子張問『仁』於孔子？孔子曰：『能行五者於天下，爲仁矣。』」請問之？曰：「恭、寬、信、敏、惠：恭則不侮，寬則得衆，信則人任焉，敏則有功，惠則足以使人。」足見孔子之意，亦當出自古典也。則此節之爲古禮記之遺文或中庸篇之脫簡，諒不誣也。

參考資料提示：

①漢書律曆志， ②又文帝紀， ③又張良傳， ④尚書大傳， ⑤白虎通封侯篇， ⑥禮

記中庸篇， ⑦又經解篇， ⑧後漢書逸民傳， ⑨尚書洪範八政， ⑩淮南子主術篇， ⑪周禮天官冢

宰， ⑫學而篇第九章， ⑬陽貨篇第六章， ⑭呂氏春秋貴公篇， ⑮又去私篇， ⑯說苑至公篇，

⑰史記陳丞相世家。

按：何晏論語集解叙引劉向言：「魯論語二十篇，皆孔子弟子記諸善言也。」皇侃論語義疏叙曰：「論語者，是孔子沒後，七十弟子之門徒共所撰錄也。」又曰：「此書遭焚燬，至漢時合壁所得，及口以傳授，遂有三本：一曰，古論；二曰，齊論；三曰，魯論。既有三本，而篇章亦異：古論分『堯曰』下章，『子張

問」，更爲一篇；合二十一篇。篇次以「鄉黨」爲第二篇。「雍也」爲第三篇；內倒錯不可具說。齊論題目與魯論大體不殊，而長有「問王」、「知道」二篇，合二十二篇；篇內亦微有異。魯論二十篇，即今所講者是也。尋當昔撰錄之時，豈有三本之別？將是編簡缺落，口傳不同耳。故劉向別錄云：「魯人所學，謂之魯論；齊人所學，謂之齊論；合壁所得，謂之古論。」是論語原書章次之錯亂與簡篇之脫佚，前人已言之審矣。今觀皇叙，更知「鄉黨」與「堯曰」二篇之足疑，亦可窺見其梗概。且此二篇俱附上、下二卷之卷末，其爲附麗之文，斷可必矣。崔述曰：「至「堯曰篇」，古論語本兩篇，篇或一章，或二章，其文尤不類。蓋皆斷簡無所屬，附之於書末者，魯論語以其少故合之；而不學者遂附會之，以爲終篇歷叙堯、舜、禹、湯、武王之事而以孔子繼之，謬矣！……至「鄉黨篇」之「色斯舉章」，則殘缺無首尾，而語意亦不倫；……似皆後人所續入者。蓋當其初篇皆別行，傳其書者續有所得，輒附之於篇末；以故醇疵不等，文體互異；惜乎！後世未有好學深思之士，爲之分別而釐正之也。」考班固漢書藝文志曰：「武帝末，魯共王壞孔子宅，欲以廣其宮；而得古文尙書及禮記、論語、孝經凡數十篇，皆古字也。」而「堯曰篇」則屬「古論」之末篇，即此「魯論」所增出之一篇；而其文字則類尙書，而「鄉黨篇」之文字復類「禮記」；且古文尙書、禮記、論語三篇又同時並出孔壁，則尙書、禮記之錯簡歸入論語書中，亦固然矣。孔子曰：「吾猶及史之闕文也。」孟子曰：「盡信書，則不如無書。」吾於是亦疑二篇之中多非論語原書之文字，乃不揣麁陋，釐而正之。「得意忘言」，古人所尙；余固供一得之見耳。讀者儘有論語原書可讀，視此篇爲「參考資料」可也。

# 附錄一

## 論語成書年代及其傳授考略

### 一、成書年代及篇名考

論語成書年代及其命名古今聚訟莫決，茲引各家所說，略加考定：

班固漢書藝文志：

論語古二十一篇。自注：「出孔子壁中，兩子張。」如淳曰：「分堯曰篇後『子張問何如可以從政』以下爲篇，名曰從政。」

齊二十二篇。自注：「多問王、知道。」如淳曰：「多問王、知道，皆篇名也。」

魯二十篇。……

「凡論語十二家，二百二十九篇。」

又曰：

「論語者，孔子應答弟子、時人相與言而聞於夫子之語也。當時弟子各有所記，夫子既卒，門人相與輯而論纂，故謂之爲『論語』。」

梁皇侃論語義疏敍曰：「『論語』者，是孔子沒後七十弟子之門徒共所撰錄也。」又曰：「毛詩傳云：『直言曰言，論難曰語。』鄭注周禮云：『發端曰言，答述爲語。』今按此書既是論難答述之事，宜以『論』爲其名；故名爲『論語』也。然此語是孔子在時所說，而論是孔子沒後方論；『論』在語後，應曰『語論』。而今不曰『語論』而云『論語』者，其義有二：一則恐後有穿鑿之嫌，故以『語』在『論』下，急標『論』在上，示非率爾故也。二則欲現此『語』非徒然之說，萬代之繩準，所以先『論』已，以備有圓周之理；理在於事前，故以『論』居『語』先也。又此書遭焚燼，至漢時合壁所得，及口所傳授；遂有三本：一曰『古論』，二曰『齊論』，三曰『魯論』。既有三本，而篇章亦異。……魯論有二十篇，即今所講者是也。尋當昔撰錄之時，豈有三本之別？將是簡篇缺落，口傳不同耳。故劉向別錄云：『魯人所學，謂之魯論；齊人所學，謂之齊論；合壁所得，謂之古論。』」

唐柳宗元論語辨曰：

「或問曰：『儒者稱論語，孔子弟子所記，信乎？』曰：未然也。孔子弟子，曾參最少；少孔子四十六歲（靈峯按：史記仲尼弟子列傳及家語並稱：『子張少孔子四十八歲，則曾參似非最少者』）。曾子老而死，是書記曾子之死，則去孔子也遠矣，曾子之死，孔子弟子略無存者矣。吾意曾子弟子之爲之也。何哉？且是書載弟子必以字，獨曾子、有子不然；由是言之，弟子之號之也。然則有子何以稱『子』？曰：孔子歿也，諸弟子以有子爲似夫子，立而師之，其後不能對諸子之問，乃叱避而退，則固嘗有師之號矣。今所記獨曾子最後死。余以是知之。蓋樂正子春、子思之徒爲之爾。或曰：『孔子弟子嘗雜記其言』；然而卒成其書者，曾氏之徒也。」

清代崔述洙泗考信錄曰：

「魯論語中之所記之君大夫，如『哀公』、『康子』、『敬子』、『景伯』之屬以諛譽，『曾子』、『有子』皆以『子』稱，且記曾子疾革之言，則是孔子既沒數十年後，七十子之門人追記其師所述以成編，而後儒輯之以成書；非孔子之門人弟子之所記而輯焉者也。」

以上諸家所見，雖略有出入；但大體俱極確當。靈峯按：先秦典籍引孔子說，無稱「論語」者；惟禮記坊記引「論語」曰：『三年無改於父之道，可謂孝矣。』此爲中國古籍引據「論語」最早之文字。此文兩見於「論語」：一在學而篇；一在里仁篇。考禮記諸篇所引孔子之言，多稱：「子曰」；而坊記全篇除引「論語」此文稱「子曰」外，其餘俱作「子云」。如「子云：好德如好色。」此語亦兩見於「論語」：一在子罕篇；一在衛靈公篇；但未明言出於「論語」。坊記又云：「故魯春秋記晉喪曰：『殺其君之子奚齊及其君卓。』」此見魯閔公九十年春秋經曰：「冬、晉里克殺其君之子奚齊，」及十年經曰：「晉里克弑其君卓。」坊記又云：「魯春秋猶去夫人之姓，曰：『吳』。其死曰：『孟子卒』。」此見於哀公十二年經曰：「夏五月甲辰孟子卒。」足證坊記成於孔子修魯春秋之後。其曰「子云」，與孔子門人及再傳弟子稱呼之體例亦不相符。當出諸「傳聞」之記述，爲時似係晚出。蓋禮記大學、中庸及孟子三書與孔子年代較近，引孔子之言，亦無稱「論語」者，即漢初著作，如：韓詩外傳、陸賈新語、春秋繁露等書，亦莫不如此。則論語之編纂成書，當在漢初文帝設置博士（靈峯按：趙歧「孟子題辭」云：「孝文皇帝欲廣遊學之路，論語、孝經、孟子、爾雅皆置博士。」）之前。但王充論衡正說篇謂：「初孔子孫孔安國以教魯人扶卿，官至荊州刺史；始曰『論語』。」然孔安國爲武帝時人，而「論語」在文帝




後 十 篇										篇 名	首 句
先	顏	子	憲	衛	季	陽	微	子	堯		
進	淵	路	問	公	氏	貨	子	張	曰		
<p>子曰先進於禮樂</p> <p>顏淵問仁</p> <p>子路問政</p> <p>憲問恥</p> <p>衛靈公問陳於孔子</p> <p>季氏將伐顓臾</p> <p>陽貨欲見孔子</p> <p>微子去之</p> <p>子張曰士見危致命</p> <p>堯曰咨爾舜</p>											

按：此每篇首兩字之題記，當是先秦書於簡篇時，保管者記於每篇首支竹簡之記號，爲易於尋檢之用。及至漢初，楮帛通行，官書由古文隸定，遂將原始竹簡所誌，傳鈔於素帛之上，遂成後世之篇名。如：呂氏春秋成書較晚，當時書籍裝訂業已由篇改卷；故呂覽每篇篇名皆反題於卷末。蓋因書卷由卷首捲入卷末；保管者乃於卷末題其篇名；以備尋檢也。（如圖（一）、（二））


韓非子的內、外儲說亦然。如：內儲說上：「七術，每節之末作：「參觀一」，「必罰



二」，「賞譽三」，「一聽四」，「詭使五」，「挾智六」，「倒言七」；「右經。」末注明：「右經」二字，尤爲顯然。內儲說下，外儲說上、下，亦莫不如此。



一圖



二 圖



三 圖

從上圖(三)可以看出：  
第一簡 背面書：「第三」。

第二簡 背面書：「士相見之禮」。

今本儀禮 略作：

「士相見禮第三」。

何以此兩簡要書背面，因全篇捲起時，適在卷端，易於尋檢之故。這完全證明：「士相見之禮」五字，乃僅取篇首數字以爲標誌而已，並無其他含義。其所以書「第三」者，因此篇次序列爲「第三號」；如：「服傳」，「第八」；「特性」，「第十」；「少牢」，「第十一」；「有司」，「第十二」等等。是則莊子外，雜二篇之標題，仍多存古制；而內七篇不知何人作俑，而面目全非矣。（按：以上兩種圖片，係採自北平文物出版社出版之「武威漢簡」，內有「儀禮」九篇，於民國四十八年在甘肅武威出土。民國五十三年九月始第一版印刷發行。作者此文作於民國五十一年十月，當時爲香港珠海學院講授論語時的油印「講義」初稿，是時尚未獲見此圖；足見個人對此點論斷之不誣；亦讀書考古之一快意事也。）

又：齊論語二十二篇、多問王、知道二篇。王應麟曰：「『問王』疑卽『問玉』。」顧實曰：「亡，此今文論語也。問王者，問玉也。古『王』、『玉』字，形近易混。許慎說文玉部有孔子論玉語，正出齊論。故爲今存魯論所無。」王、顧說並是也。按：漢書藝文志以「孔子家語」列入「論語十二家」之中，注：「師古曰：『非今所有家語』。」然師古爲唐人，去古已遠，其言未可成定論。現存家語有問玉篇，云：「子貢問於孔子曰：『敢問君子貴玉而賤珉何也？爲玉之寡而珉多歟？』孔子曰：『非爲玉之寡故貴之，珉之多故賤之。夫昔君子比德於玉，溫潤而澤，仁也；縝密以栗，智也；廉而不劌，義也；垂之如墜，禮也；叩之其聲清越而長，其終則詘

然樂矣，瑕不掩瑜，瑜不掩瑕，忠也；孚尹旁達，信也；氣如白虹，天也；精神見于山川，地也；珪璋特達，德也；天下莫不貴者，道也。詩云：『言念君子，溫其如玉』。故君子貴之也。」

是「問王」，當爲「問玉」矣。又：荀子法行篇亦有此文，間有字句稍異。疑此乃「問玉」篇混入荀子書中；復有「子道」篇言魯哀公及子路問孔子孝行事，文似論語。疑「知道」亦係「子道」之訛矣。隋書經籍志云：「張禹：刪其煩惑，除去齊論問玉、知道二篇，從魯論二十篇爲定。」職是故耳。

## 二、傳授述要

漢書藝文志：

「論語古二十一篇。注：『出孔子壁中，兩子張。如淳曰：分堯曰篇後『子張何如可以從政』以下爲篇；名曰從政。』」

齊二十二篇。注：「多問王，知道。如淳曰：多問王、知道，皆篇名也。」

魯二十篇，傳十九篇。師古曰：「解釋論語意者。」

魯夏侯說二十一篇。（靈峯按：即夏侯勝說。）

魯安昌侯說二十一篇。師古曰：「張禹也。」

魯王駿說二十篇。師古曰：「王吉子。」

燕傳說三卷。……

傳齊論者，昌邑中尉王吉、少府宋畸、御史大夫貢禹、尚書五鹿充宗、膠東庸生，唯王陽名家。（師古曰：「王吉，字子陽，故謂之王陽。」）傳魯論語者，常山都尉龔奮、長信少府夏侯勝、丞相韋賢、魯扶卿、安昌侯張禹，皆名家；張氏最後行於世。」

何晏論語集解序：

「漢中壘校尉劉向言：『魯論語二十篇，孔子弟子記諸善言也；太子太傅夏侯勝、前將軍蕭望之、丞相韋賢及子玄成等傳之。齊論語二十二篇，其中二十篇中章句頗多於魯論；琅邪王卿及膠東庸生。昌邑中尉王吉皆以教授。故有魯論，有齊論。魯共王時，嘗欲以孔子宅爲宮，壞，得古文論語。齊論有問王、知道，多於魯論二篇；古論亦無此二篇，分堯曰下章『子張問』以爲一篇，有兩子張，凡二十一篇，篇次不與齊、魯論同。』」

按：陸德明經典釋文序錄引「新論」云：「文異者四百餘字。」皇侃論語義疏敘云：「尋當昔撰錄之時，豈有三本之別。將是編簡缺落，口傳不同耳。故劉向別錄云：『魯人所學，謂之魯論；齊人所學，謂之齊論；合璧所得，講之古論。』」皇氏之言是也。何晏上引之文，當出「別錄」，皇氏所引亦「別錄」之佚文耳。崔述「論語源流附考」曰：『按：同一論語也，而有齊、魯之異，有多、寡之殊；則論語一書，因有後人之所續入，非盡聖門之原本也。』此就傳述及家法言之，蓋論語既「皆孔子弟子記諸善言」，其源則一；「當時弟子各有所記」（釋文序錄），則其本固不限於一本也。

漢書張禹傳：

「初，禹爲師，以上難數對已問經，爲論語章句獻之。始，魯扶卿及夏侯勝、王陽、蕭望

之、韋玄成皆說論語，篇第或異。禹先事王陽，後從庸生，采獲所安，最後出而尊貴。諸儒爲之語曰：『欲爲論，念張文。』由是學者多從張氏，餘家寢微。」

#### 何晏論語集解序：

「安昌侯張禹，本受魯論，兼講齊說，善者從之，號曰：『張侯論』，爲世所貴，包氏、周氏章句出焉。古論，唯博士孔安國爲之訓解，而世不傳。」

#### 隋書經籍志：

「張禹本授魯論，晚講齊論；後遂合而考之，刪其煩惑，除去齊論問王、知道二篇，從魯論二十篇爲定，號『張侯論』，當世重之，周氏、包氏爲之章句。」

崔述曰：「按：漢書稱：『篇第或異』，又稱張禹『采獲所安』，則禹固嘗更定論語篇章；其篇目雖定從魯論，其文實兼采齊論；非漢初襲舊所傳魯論之舊本也。言『學者多從張氏，餘家寢微』，集解、隋書亦謂『張侯論、包氏、周氏爲之章句』，則東漢之所行者乃禹所更定之論語；非古之論語矣。」其說甚是。

何晏序又曰：「漢末，大司農鄭玄就魯論篇章考之齊、古，以爲之註。近故司空陳羣、太常王肅、博士周生烈皆爲義說。前世傳授師說雖有異同，不爲訓解；中間爲之訓解，至今多矣，所見不同，互有得失。今集諸家之善，記其姓名，有不安者頗爲改易；名曰：『論語集解』。」

是三家論語，既刪亂於張禹，復改易於何晏；在漢末已失其原來面目，非初傳之舊也。

#### 隋書經籍志：

「漢末，鄭玄以張侯論爲本，參齊論、古論而爲之註。魏司空陳羣、太常王肅、博士周生烈

皆爲義說，吏部尙書何晏又爲集解，是後諸儒多爲之注。齊論遂亡；古論先無師說。梁、陳之時，鄭玄、何晏立於國學，而鄭氏甚微；周、齊，鄭學獨立；至隋，何、鄭並行，鄭氏盛於人間。」

崔述曰：「按此文，則康成所注之魯論，即張禹所定之魯論，其中固雜有齊論，非漢初之魯論矣。」

由此觀之，論語一書，至陳、隋之際，傳承已亂，後世學者侈談「師法」，作「今」、「古」之爭，亦可哂者矣！

又：皇侃論語義疏云：

「古論爲孔安國所注，無其傳學者；（靈峯按：論衡正說篇：「孔安國以教魯人扶卿。」則扶卿固亦受「古論」者。）齊論爲瑯琊王卿等所學；魯論爲太子太傅夏侯勝及前將軍蕭望之、少傅夏侯建等所學；以此教授於侯王也。晚有安昌侯張禹，就建學魯論，兼講齊說，擇善而從之，號曰『張侯論』，爲世所貴。至順帝時，有南郡太守扶風馬融，字季長，建安中大司農北海鄭玄，字康成，又就魯論篇章，考齊驗古爲之注解。漢鴻臚卿吳郡苞咸，字子良，又有周氏，不悉其名，至魏司空潁川陳羣，字長文，太常東海王肅，字子雍，博士燉煌周生烈，皆爲義說。魏末，吏部尙書南陽何晏，字平叔，因魯論，集季長等七家，又採古孔注，又自下己意，即世所重者。今日所講，即是魯論，爲張侯所學，何晏所集者也。

晉太保河東衛瓘，字伯玉，

晉中書令蘭陵繆播，字宜則，

晉廣陵太守高平樂肇、字永初，

晉黃門郎潁川郭象、字子玄，

晉司徒濟陽蔡謨、字道明，

晉江夏太守陳國袁宏、字叔度，按：稱「袁氏」

晉著作郎濟陽江淳、字思俊，按：當作「江惇、字思俊。」

晉撫軍長史蔡系、字子叔，

晉中書郎江夏李充、字弘度，

晉廷尉太原孫綽、字興公，

晉散騎常侍陳留周瓌、字道夷，按：康有爲「新學僞經考」「瓌」作「懷」。

晉中書令潁陽范甯、字武子，

晉中書令瑯琊王珣、字季瑛，

右十三家、爲江熙、字大和所集。侃今之講，先通何集，若江集諸人中有可採者，亦附而申之。其又別有『通儒解釋』，於何集無好者，亦引取爲說；以示廣聞也。」

按：自漢文帝置「論語博士」後，「論語」之書大行於世。漢、晉兩代傳授，何、皇二氏在敍中言之綦詳。

何晏論語集解序所引姓氏考略：

1. 劉向 沛郡人。字子政，本名更生，初爲諫議大夫，漢宣帝時爲中壘校尉，校中秘書，著「別錄」。（靈峯按：集解稱「劉向言：『魯論二十篇皆孔子弟子記諸善言也。』」是向曾校



錄「魯論」；故列此一家。）

2. 夏侯勝 東平人。字長公，漢宣帝時爲諫議大夫；後爲長信少府，遷太子太傅，受詔撰尚書、

論語。

3. 蕭望之 東海南陵人。字長倩，從夏侯勝問論語、禮服，累遷諫議大夫，御史大夫；左遷太

子太傅。

4. 韋賢 魯國鄒人。字長孺，本始三年丞相，封扶陽侯。

5. 韋玄成 鄒人。韋賢少子，字少翁，以明經歷至丞相；謚共侯。

6. 王卿 按：天漢元年由濟南太守爲御史大夫。

7. 庸生 按：名譚，蓋古謂有德者也。

8. 王吉 瑯邪皋虞人。字子陽，以郡吏舉孝廉，爲郎，補若盧丞，遷榮陽令，舉賢良，爲昌邑

中尉，宣帝召爲博士。按：又稱：「王陽」。

9. 張禹 河內軹人。字子文，從王陽、庸生問論語。舉爲文學，試博士。初元中，禹授太子論

語，遷光祿大夫，成帝卽位，以師賜爵關內侯，給事中領尚書事，爲丞相，封安昌侯。

10. 包咸 會稽曲阿人。字子良，少爲諸生，習魯詩、論語。舉孝廉，除郎中。建武中入授皇太

子論語，又爲其章句。拜諫議大夫，永平五年，拜大鴻臚。

11. 周氏 未詳。

12. 孔安國 魯國鄒人。字子國，孔子十一世孫，武帝時爲博士，官至臨淮太守。爲古文論語二

十一篇。

13. 馬融 扶風茂陵人。字季長，永初中爲校書郎，陽嘉二年拜議郎，轉武都太守，三遷爲南郡太守。注論語。

14. 鄭玄 北海高密人。字康成，受業於京兆第五元先。西入關，因盧植事扶風馬融，徵爲大司農，注論語。

15. 陳羣 潁川許昌人。字長文，魏祖辟爲司空，文帝時遷尚書僕射，明帝時進封潁陰侯，爲司空。

16. 王肅 東海蘭陵人。字子雍，王朗子。黃初中，爲散騎侍郎。注論語。

17. 周生烈 燉煌人。字文逸。本姓唐，魏博士侍中。按：「逸」釋文序錄注引「七略」云作「逢」，疑誤。

18. 孫資 樂安青州人。字宗儒，仕魏官至光祿大夫關內侯。

19. 鄭沖 滎陽開封人。字文和，魏文帝爲太子，命爲文學，累遷尚書郎；出補陳留太守，轉散騎常侍，光祿勳。

20. 曹羲 沛國譙人。魏宗室曹爽之弟。

21. 荀顗 潁陰人。字景倩，荀彧子，咸熙中，爲司空。

22. 何晏 南陽宛人。字平叔，何進之孫，爲吏部尚書。

按：包咸，日本正平刊本「包」作「苞」。「知不足齋叢書」本，商務印書館「叢書集成」初篇本皆仍之。疑係日人傳寫之誤。當以永懷堂明金蟠校本作「包」爲正。又「周生烈」，金氏云：「生烈燉煌人。」則金又誤「生烈」爲名，「周」作姓矣。按：李賢注風俗通曰：「周生，

姓也。」後漢書王朗傳：「自魏初徵士燉煌周生烈。」裴松之注：「臣按：此人姓『周生』，名『烈』。」是「周生」爲複姓明矣。考隋書經籍志有：「周生子要論一卷」，新唐書藝文志儒家：「周生烈子五卷」，現存馬總意林著「周生烈子五卷」，引序云：「六教鄙夫燉煌周生烈，字文逸。張角敗後，天下潰亂，哀苦之間，故著此書。以堯、舜作幹植，仲尼作師誠。」云云，卽此人也。至於皇紱所稱江熙所集十三家以外之「通儒解釋」，尙有王弼等三十家，茲分列姓氏於後：

王朗 郟人。字景興，魏文帝時累官司空，封樂平鄉侯。

王弼 山陽人。字輔嗣，魏尚書郎。

庚翼 鄆陵人。字稚恭，初爲陶侃太尉府參軍，累遷南望校尉，領南郡太守。康帝卽位詔加都督征討軍事。

殷仲堪 陳郡人。晉孝帝時授都督荆、益、寧三州軍事，鎮江陵。

張憑 吳郡人。字長宗，東晉明帝時爲太常博士，官至吏部郎御史中丞。

劉歆 沛郡人。劉向子，字子駿。改名秀，字穎叔，爲黃門郎，出爲太守。王莽篡漢，引爲國師。

范升 代郡人。字辯卿，建成二年徵拜議郎，遷博士。

任昉 樂安人。字彥升，爲寧朔將軍，新安太守。按：稱「彥升」，「升」，亦作「昇」。

沈麟士 武康人。字雲楨，隱居餘干吳差山。按：稱「沈居士」。

季彪

穎子巖

沈峭 按：疑當作「峻」。武康人。字士嵩，師事沈麟士。爲國子助教，入兼中書通事舍人，出爲武康令。

賀瑒 會稽山陰人。字德璉，天監時爲五經博士。乃皇侃之師。按：稱「師說」。

虞喜 餘姚人。字仲寧，永嘉、太寧、咸康中累徵不起。

王雍 按：後漢書班固傳有涼州從事王雍，當卽此人。

熊埋 按：「埋」，疑當作「悝」。

繆協

顏特進 按：「顏」，一作「陸」。未知孰是。

秦道實

顏延之 劉宋臨沂人。字延年，宋初爲太子舍人。歷始安、永嘉二郡太守、秘書監、光祿勳。孝建中加金紫光祿大夫。

李巡 後漢汝陽人。靈帝時爲中常侍。

江長

梁翼 後漢烏氏人。字伯車，初爲黃門侍郎，永和初拜河南尹，順帝拜爲大將軍。

張封溪

樊光

釋不直

釋慧琳 劉宋秦郡人。本姓劉，宋文帝元嘉中住陽都冶城寺。按：「慧」，作「惠」，又稱

「琳公」。

顧歡 南齊吳郡人。字景怡，永明初徵爲博士，不就。

大史叔明 梁烏程人。歷官國子助教。

褚仲都 錢塘人。歷五經博士。

又唐陸德明經典釋文序錄云：

「論語者，孔子應答弟子及時人所言或弟子相與言而接聞於夫子之語也。當時弟子各有所記，夫子既終，微言已絕；弟子恐離居以後，各生異見，而聖言永滅，故相與論撰，用輯時賢及古明王之語，合成一法，謂之『論語』。鄭康成云：『仲弓、子夏等所撰定。』漢興，傳者則有三家：魯論語者，魯人所傳；即今所行篇次是也。常山都尉龔奮，長信少府夏侯勝、丞相韋賢、子玄成、魯扶卿，太子少傅夏侯建、前將軍蕭望之之並傳之。各自名家。齊論語者，齊人所傳，別有問王、知道二篇，凡二十二篇；其二十篇中章句頗多於魯論。昌邑中尉王吉、少府宋畸、瑯琊王卿、御史大夫貢禹、尚書令五鹿充宗，膠東庸生，並傳之；唯王陽名家。古論語者，出之孔氏壁中，凡二十一篇，有兩子張，篇次不與齊、魯論同；孔安國爲傳，後漢馬融亦注之。安昌侯張禹受魯論于夏侯建，又從庸生、王吉受齊論；擇善而從，號曰『張侯論』，最後而行漢世。禹以論授成帝，後漢包咸、周氏並爲章句，列于學官。鄭玄就魯論張、包、周之篇章，考之齊、古爲之注焉。魏吏部尚書何晏，集孔安國、包咸、周氏、馬融、鄭玄、陳羣、王肅、周生烈之說並下己意爲集解，正始中上之，盛行於世；今以鄭爲主。鄭玄注十卷，王肅注十卷，虞翻注十卷，何

晏集解十卷、譙周注十卷、衛瓘注八卷、崔豹注十卷、李充集注十卷、孫綽集注十卷、盈氏注十卷、孟整注十卷、梁顗注十卷、袁喬注十卷、尹毅注十卷、江熙集解十二卷、張馮注十卷、孔澄之注十卷、虞遐注十卷、王弼釋疑三卷、樂肇釋疑十卷、徐邈音一卷。右論語，皇侃義疏，行於世。」

考隋書經籍志：

論語十卷 鄭玄注

古文論語十卷 鄭玄注

論語十卷 王肅注

論語十卷 虞翻注

論語十卷 譙周注

論語九卷 鄭玄注 虞喜讀 按：舊唐書經籍志作「十卷」。

集解論語十卷 何晏集

集注論語六卷 衛瓘注

論語補闕二卷 宋明帝補 按：舊唐書經籍志作「十卷」。

論語集義八卷 崔豹集 按：梁「十卷」舊唐書經籍志作「大義解」。

論語十卷 李充注

集解論語十卷 孫綽解

論語十卷 盈氏注 按：舊唐書經籍志作「集義」。

論語十卷 孟釐注 按舊唐書經籍志作「九卷」陸德明釋文絞錄「釐」作「整」並注：「一

云孟陋。」

集解論語十卷 江熙解

論語七卷 盧氏注

論語十卷 袁喬注

論語十卷 尹毅注

論語十卷 張馮注 按：「馮」通「憑」。

論語十卷 陽惠明注 按：舊唐書經籍志作「義注」，「陽」作「暢」。

論語十卷 孔澄之注

論語十卷 虞退注

論語十卷 許容注

論語十卷 曹思文注

論語略解十卷 釋僧智

論語集解十卷 太史叔明

集注論語十卷 陶宏景

論語音二卷 徐邈等撰

論語難鄭二卷

古論語義注譜一卷 徐氏撰

論語隱義注三卷

論語義注三卷

論語標指一卷 司馬氏撰

論語雜問一卷

論語孔子弟子目錄一卷 鄭玄撰

論語體略二卷 郭象撰

論語旨序三卷 繆播撰

按：舊唐書經籍志作「二卷」。

論語釋疑三卷 王弼撰

論語釋一卷 張憑撰

論語釋疑十卷 樂肇撰

論語釋駁三卷 王肅撰

論語駁序二卷 樂肇撰

論語隱一卷 郭象撰

論語藏集解一卷 應琛撰

論語釋一卷 曹毗撰

論語君子無所爭一卷 庾亮撰

論語釋一卷 李充撰

論語釋一卷 庾翼撰



論語義一卷 王濛撰

論語釋一卷 蔡系撰

論語釋一卷 張隱撰

論語通鄭一卷 郊原

論語修鄭錯一卷 王氏

論語論釋一卷 姜處道

論語別義十卷 范真撰

論語疏八卷 張略等撰

新書對張論十卷 虞喜撰

論語義疏十卷 褚仲都撰 按：舊唐書經籍志作「講疏」

論語義疏十卷 皇侃撰

論語述義十卷 劉炫撰

論語義疏八卷

論語講疏文句義五卷 徐孝克撰

論語義疏二卷 張冲撰

論語義注圖十二卷

以上六十四部，三百九十八卷，四十九家，不明者六家。已見於何晏集解者，有：鄭玄、王肅、何晏三家；見於皇侃義疏者，有：衛瓘、李充、郭象、樂肇、蔡系五家；見於義疏通儒解釋


按：舊唐書經籍志作「別義」無撰人姓名。

者，有：王弼、張憑、虞喜、庾翼、褚仲都五家，增出者四十四家。

舊唐書經籍志著錄論語三十四部，不明者二家，增出者：梁顥注論語十卷，孫氏注十卷，王勃撰次論語五卷（新唐書藝文志作「十卷」），鄭玄注論語釋義十卷（新唐書藝文志作「二卷」），樂肇撰論語駁二卷，劉炫撰論語章句二十卷，戴詵撰論語述義二十卷，賈公彥撰論語疏十五卷；無名氏論語釋十卷，又論語雜義十三卷；新出者，有：戴詵、賈公彥、孫氏三家；不明者二家。  
新唐書藝文志著論語三十六部，除與舊唐志重複者外，另有韓愈注論語十卷，張籍論語注辨二卷，張氏注十卷；此三家亦新見於唐代者也。

綜上所錄，歷漢、晉、隋、唐諸朝所見論語著述，共九十二家，其未著撰人姓名者十家。齊、魯、古三家論語之傳授，漢書藝文志、何晏論語集解序、皇侃論語義疏敘、隋書經籍志俱有敘述；陸德明經典釋文敘錄無他發見。漢世因立於學官，故家法頗嚴，張侯論出，則齊、魯二家混而爲一；孔安國訓解失傳，鄭玄治三家於一爐。何晏集解序云：「前世傳受師說，雖有異同，不爲訓解；中間爲之訓解，至于今多矣。所見不同，互有得失。今集諸家之善，記其姓名。有不安者，頗爲改易：名曰『論語集解』。」至此涇、渭難分，統緒遂無由考矣。皇侃集何晏、江熙二注之大成，並兼採諸家「通儒解釋」，漢、魏、六朝舊注得以保藏不壞，流傳至今，侃之功殊不可沒也；惟家數則不可究點矣。

茲列表於後：



燕傳說	齊說	河間九篇	王弼等三十家（通儒解釋）	蔡系	李充	孫綽	周瓌	范甯	王珉	江熙（集解）
-----	----	------	--------------	----	----	----	----	----	----	--------

「漢魏至梁論語傳授表」附註：

1. 孔安國 史記孔子世家：「安國、孔子十一世孫、爲武帝博士。」漢書孔光傳：「安國、爲武帝博士、至臨淮太守。」王肅家語後序云：「魯恭王得壁中書，以歸夫子十一世孫子國；乃考論古今文字，撰衆師之義，爲古文論語訓二十一篇。」

2. 馬融 後漢書馬融傳：「融、字季長，扶風茂陵人也。永初四年拜爲校書郎，桓帝時爲南郡太守。註論語。」本傳未明所註何家，何晏集解序云：「古論唯博士孔安國之訓解，而世不傳。至順帝時南郡太守馬融亦爲之訓說。」是孔安國之古論訓解世雖「不傳」，而「馬融亦爲之訓說」，則馬融固亦傳古論之人矣。又釋文序錄注云：「新論云：『文異者四百餘字。』」則桓譚並曾見古論；古論實未因孔安國「訓解」之亡而失其所傳者矣。皇侃疏何晏集解序云：「漢有馬氏亦注張禹魯論也。」隋書經籍志：「張侯論當世重之，周氏、包氏爲

之章句，馬融又爲之訓。」是馬融亦兼治張禹之魯論矣。

3. 鄭玄 後漢書鄭玄傳：「玄字康成，北海高密人也，徵爲大司農。受業師事京兆第五元先。西入關，因涿郡盧植，事扶風馬融。玄因從質諸疑義，問畢，辭歸。融喟然謂門人：『鄭生今去，吾道東矣。』」注論語。按：何晏序云：「鄭玄就魯論篇章，考之齊、古，以爲之註。」疑玄固據張侯魯論（兼講齊說）而考之馬融所注之古論也。

4. 張禹 陸德明釋文序錄云：「安昌侯張禹受魯論於夏侯建，又從庸生、王吉受齊論。」漢書張禹傳云：「從琅邪王陽、膠東庸生問論語。」又云：「禹先事王陽，後從庸生。」故何晏序云：「張禹本受魯論，兼講齊說。」

5. 王吉 漢書王吉傳：「吉、字子陽，琅邪皋虞人也，以詩、論語教授。」按：王吉字子陽，故稱「琅邪王陽」。

6. 王駿 漢書藝文志：「魯王駿說二十篇。」師古曰：「王吉子。」按：王吉傳齊論，而駿說魯論，蓋父子異學。

7. 包咸 後漢書儒林傳：「包咸、字子良，會稽曲阿人也。少時爲書生，受業長安，師事博士右師細君，習魯詩、論語。皇侃疏：「包咸注張侯論而爲之分章斷句也。」

8. 周氏 按：周氏未詳。何晏序云：「張侯論爲世所貴，周氏章句出焉。」皇侃疏：「周氏注張侯論而爲之分章斷句。」

9. 劉向 何晏序曰：「漢中壘校尉劉向言，魯論語二十篇，皆孔子弟子記諸善言也。太子太傅夏侯勝，前將軍蕭望之，丞相韋賢，及子玄成等傳之。」皇侃義疏敘引劉向別錄云：「魯人

所學謂之魯論。」隋書經籍志有：「七略別錄二十卷，劉向撰。」廣弘明集引梁阮孝緒七錄序云：「昔劉向校書輒爲一錄，論其指歸，辨其訛謬，隨意奏上，皆載在本書。時又別集衆錄，謂之『別錄』，即今之『別錄』是也。」則何晏所引，實爲劉氏「別錄」，是魯論曾經向所校錄，亦即向傳魯論矣。

10. 成帝 漢書張禹傳：「初元中立皇太子，詔令禹授太子論語。」按：此成帝劉鷟爲太子時事也。

11. 明帝 後漢書儒林傳：「包咸建武中，入授皇太子論語，又爲其章句，拜諫議大夫。」按：此明帝劉莊爲太子時事也。

12. 包福 後漢書儒林傳：「包咸，子福，拜郎中，亦以論語授和帝。」按：此和帝劉肇爲太子時事也，包咸父子當爲世學。

13. 何晏等 何晏集解序末署云：「光祿大夫關內侯臣孫邕、光祿大夫臣鄭沖、散騎常侍中領軍安鄉亭侯臣曹羲、侍中臣荀顗、尚書駙馬都尉關內侯臣何晏等上。」上書既云：「臣何晏等」，則此書非一人所集無疑。按：晉書鄭沖傳：「初沖與孫邕、曹羲、荀顗、何晏共集論語諸家訓註之善者，記其姓名，因從其義，有不安者，輒改易之，名曰『論語集解』，成，奏之魏朝，于今傳焉。」是此書乃何晏、鄭沖、孫邕、曹羲、荀顗五人所共集之也。

14. 蕭望之 漢書本傳：「望之，字長倩，東海南陵人也，從夏侯勝問論語。」是望之乃傳魯夏侯說也。

15. 韋玄成 漢書韋賢傳：「韋賢，子玄成，字少翁，後以明經歷位至丞相。鄒魯諺曰：『遺子

黃金一簣，不如一經。」此指韋賢父子言。「遺子一經」，足證玄成乃傳家學。父治魯論，子承父學，故何晏序云：「丞相韋賢及子玄成等傳之。」

魯 扶卿 王充論衡正說篇：「安國以授魯人扶卿，官至荊州刺史。」按：漢書藝文志明言魯扶卿傳魯論語者。何晏序云：「古論唯博士孔安國爲之訓解，而世不傳。」則王謂「授之魯人扶卿」，未知何據？依劉向別錄：「魯人所學，謂之魯論。」扶卿傳魯論，其爲魯人是矣。又釋文序錄注：「鄭云：『扶先或說，先，先生。』」疑：魯人扶卿，姓扶名卿；又名「先」；猶王吉又名王陽也。姑志之待考。

中華民國五十五年六月二十四日靈峯改訂於臺灣省之臺北市

# 附錄二

論語全文（據日本正平十九年五月刊本）

## 目錄

卷一	學而	一
卷二	爲政	四
卷三	八佾	八
卷四	里仁	一二
卷五	公冶長	一五
卷六	雍也	一九
卷七	述而	二三
卷八	泰伯	二八
卷九	子罕	三一
卷十	鄉黨	三六



卷十一	先進	四〇
卷十二	顏淵	四五
卷十三	子路	五〇
卷十四	憲問	五五
卷十五	衛靈公	六二
卷十六	季氏	六七
卷十七	陽貨	七一
卷十八	微子	七六
卷十九	子張	七九
卷二十	堯曰	八三

# 論語卷一

## 學而第一

子曰：學而時習之，不亦悅乎？有朋自遠方來，不亦樂乎？人不知，而  
愠，不亦君子乎？

有子曰：其爲人也孝悌，而好犯上者，鮮矣。不好犯上，而好作亂者，未  
之有也。君子務本，本立而道生。孝悌也者，其爲仁之本與？

子曰：巧言令色，鮮矣仁。

曾子曰：吾日三省吾身，爲人謀，而不忠乎？與朋友交，言而不信乎？傳  
不習乎？

子曰：道千乘之國，敬事而信，節用而愛人，使民以時。

子曰：弟子入則孝，出則悌，謹而信，汎愛衆，而親仁；行有餘力，則以  
學文。

子夏曰：賢賢易色。事父母能竭其力，事君能致其身，與朋友交，言而有信；雖曰未學，吾必謂之學矣。

子曰：君子不重，則不威；學則不固。主忠信，無友不如己者；過則勿憚改。

曾子曰：慎終追遠，民德歸厚矣。

子禽問於子貢，曰：夫子至於是邦也，必聞其政；求之與？抑與之與？

子貢曰：夫子溫、良、恭、儉、讓以得之，夫子之求之也，其諸異乎人之求之與？

子曰：父在觀其志，父沒觀其行；三年無改於父之道，可謂孝矣。

有子曰：禮之用，和爲貴；先王之道斯爲美，小大由之。有所不行，知和而和，不以禮節之；亦不可行也。

有子曰：信近於義，言可復也。恭近於禮，遠恥辱也。因不失其親，亦可

宗也。

子曰：君子食無求飽，居無求安；敏於事而慎於言，就有道而正焉；可謂好學也已矣。

子貢曰：貧而無諂，富而無驕；何如？子曰：可也。未若貧而樂，富而好禮者也。

子貢曰：詩云：「如切如磋，如琢如磨。」其斯之謂與？

子曰：賜也，始可與言詩已矣，告諸往而知來者也。

子曰：不患人之不己知，患不知人也。

論語卷二

爲政第二

子曰：爲政以德，譬如北辰；居其所而衆星共之。

子曰：詩三百，一言以蔽之，曰：「思無邪。」

子曰：道之以政，齊之以刑；民免而無恥。導之以德，齊之以禮；有恥且格。

子曰：吾十有五而志乎學；三十而立；四十而不惑；五十而知天命；六十而耳順；七十而縱心，所欲不踰矩。

孟懿子問孝。

子曰：無違。樊遲御，子告之曰：孟孫問孝於我，我對曰：無違。

樊遲曰：何謂也？子曰：生事之以禮；死葬之以禮；祭之以禮。

孟武伯問孝。子曰：父母唯其疾之憂。

子游問孝。

子曰：今之孝者，是謂能養；至於犬馬，皆能有養；不敬，何以別乎？

子夏問孝。

子曰：色難。有事，弟子服其勞；有酒食，先生饌。曾是以爲孝乎？

子曰：吾與回言終日，不違如愚；退而省其私，亦足以發。回也不愚。

子曰：視其所以，觀其所由，察其所安，人焉廋哉！人焉廋哉！

子曰：溫故而知新，可以爲師矣。

子曰：君子不器。

子貢問君子。子曰：先行其言，而後從之。

子曰：君子周而不比，小人比而不周。

子曰：學而不思則罔，思而不學則殆。

子曰：攻乎異端，斯害也已矣。

子曰：由誨汝知之乎？知之爲知之，不知爲不知；是知也。

子張學干祿。

子曰：多聞闕疑，慎言其餘；則寡尤。多見闕殆，慎行其餘；則寡悔。言寡尤，行寡悔，祿在其中矣。

哀公問曰：何爲則民服？

孔子對曰：舉直錯諸枉，則民服；舉枉錯諸直，則民不服。

季康子問使民敬忠以勸。如之何？

子曰：臨之以莊則敬，孝慈則忠；舉善而教不能則民勸。

或謂孔子，曰：子奚不爲政？

子曰：書云：「孝乎惟孝，友于兄弟；施於有政。」是亦爲政，奚其爲爲政也？

子曰：人而無信，不知其可也。大車無輶，小車無軌，其何以行之哉？

子張問十世。可知也？

子曰：殷因於夏禮，所損益，可知也。周因於殷禮，所損益，可知也。其或繼周者，雖百世，亦可知也。

子曰：非其鬼而祭之，諂也。見義不爲，無勇也。



論語卷三

八佾第三

孔子謂季氏。八佾舞於庭，是可忍也！孰不可忍也！

三家者以雍徹，子曰：相維辟公，天子穆穆，奚取於三家之堂？

子曰：人而不仁，如禮何！人而不仁，如樂何！

林放問禮之本。

子曰：大哉問。禮，與其奢也寧儉；喪，與其易也寧戚。

子曰：夷、狄之有君，不如諸夏之亡也。

季氏旅於泰山。子謂冉有，曰：女弗能救與？對曰：不能。子曰：嗚呼！

曾謂泰山不如林放乎？

子曰：君子無所爭，必也射乎。揖讓而升，下而飲；其爭也君子。

子夏問曰：「巧笑倩兮，美目盼兮，素以爲絢兮。」何謂也？

子曰：繪事後素。曰：禮後乎？子曰：起予者商也，始可與言詩已矣。

子曰：夏禮，吾能言之，杞不足徵也；殷禮，吾能言之，宋不足徵也；文獻不足故也。足，則吾能徵之矣。

子曰：禘自既灌而往者，吾不欲觀之矣。

或問禘之說。子曰：不知也。知其說者之於天下也，其如示諸斯乎！指其掌。

祭如在，祭神如神在。子曰：吾不與祭，如不祭。

王孫賈問曰：與其媚於奧，寧媚於竈。何謂也？子曰：不然。獲罪於天，無所禱也。

子曰：周監於二代，郁郁乎文哉！吾從周。

子入太廟，每事問。或曰：孰謂鄒人之子知禮乎？入太廟每事問。子聞之

曰：是禮也。

子曰：射不主皮，爲力不同科；古之道也。

子貢欲去告朔之餼羊。子曰：賜也，爾愛其羊，我愛其禮。

子曰：事君盡禮，人以爲諂也。

定公問君使臣，臣事君。如之何？孔子對曰：君使臣以禮，臣事君以忠。

子曰：關雎樂而不淫，哀而不傷。

哀公問社於宰我。宰我對曰：夏后氏以松，殷人以柏，周人以栗。曰：使

民戰栗。子聞之，曰：成事不說。遂事不諫，既往不咎。

子曰：管仲之器小哉。或曰：管仲儉乎？曰：管氏有三歸，官事不攝；焉

得儉？然則管仲知禮乎？曰：邦君樹塞門，管氏亦樹塞門；邦君爲

兩君之好，有反坫，管氏亦有反坫。管氏而知禮，孰不知禮？

子語魯太師樂，曰：樂其可知也？始作，翕如也；從之，純如也；皦如也；

繹如也；以成。

儀封人請見。曰：君子之至於斯者，吾未嘗不得見也；從者見之。出曰：

二三子，何患於喪乎？天下之無道也久矣，天將以夫子爲木鐸。

子謂韶，盡美矣，又盡善也。謂武，盡美矣，未盡善也。

子曰：居上不寬，爲禮不敬，臨喪不哀；吾何以觀之哉？

論語卷四

里仁第四

子曰：里仁爲善。擇不處仁，焉得知？

子曰：不仁者，不可以久處約；不可以長處樂。仁者安仁，智者利仁。

子曰：唯仁者，能好人，能惡人。

子曰：苟志於仁矣，無惡。

子曰：富與貴，是人之所以欲也；不以其道得之，不處也。貧與賤，是人之所以惡也；不以其道得之，不去。君子去仁，惡乎成名？君子無終食之間違仁，造次必於是，顛沛必於是。

子曰：我未見好仁者，惡不仁者；好仁者，無以尚之；惡不仁者，其爲仁矣。不使不仁者，加乎其身。有能一日，用其力於仁矣乎；吾未見力不足者也。蓋有之乎，我未之見也。

子曰：民之過也，各於其黨；觀過，斯知仁矣。

子曰：朝聞道，夕死可矣。

子曰：士志於道，而恥惡衣惡食者，未足與議也。

子曰：君子之於天下也，無適也，無莫也，義之與比也。

子曰：君子懷德，小人懷土；君子懷刑，小人懷惠。

子曰：放於利而行，多怨。

子曰：能以禮讓爲國乎何有？不能以禮讓爲國，如禮何？

子曰：不患無位，患所以立；不患莫己知，求爲可知也。

子曰：參乎！吾道一以貫之哉。曾子曰：唯。子出。門人問曰：何謂也？

曾子曰：夫子之道，忠恕而已矣。

子曰：君子喻於義，小人喻於利。

子曰：見賢思齊焉。見不賢而內自省也。

子曰：事父母幾諫，見志不從，又敬不違，勞而不怨。

子曰：父母在，不遠遊；遊必有方。

子曰：三年無改於父之道，可謂孝矣。

子曰：父母之年，不可不知也；一則以喜，一則以懼。

子曰：古者，言之不出，恥躬之不逮也。

子曰：以約失之者，鮮矣。

子曰：君子欲訥於言，而敏於行。

子曰：德不孤，必有鄰。

子游曰：事君數，斯辱矣；朋友數，斯疏矣。

論語卷五

公治長第五

子謂：公治長，可妻也。雖在縲紲之中，非其罪也。以其子妻之。子謂：南容，邦有道不廢，邦無道免於刑戮。以其兄之子妻之。

子謂：子賤。君子哉若人！魯無君子者，斯焉取斯。

子貢問曰：賜也何如？子曰：女器也。曰：何器也？曰：瑚璉也。

或曰：雍也仁而不佞。子曰：焉用佞？禦人以口給，屢憎於民；不知其仁也。焉用佞也？

子使漆雕開仕。對曰：吾斯之未能信。子說。

子曰：道不行，乘桴浮於海；從我者其由與？子路聞之喜。子曰：由也好勇過我，無所取材。

孟武伯問：子路仁乎？子曰：不知也。又問。子曰：由也，千乘之國，可



使治其賦也；不知其仁也。求也何如？子曰：求也，千室之邑，百乘之家，可使爲之宰也；不知其仁也。赤也何如？子曰：赤也，束帶立於朝，可使與賓客言也；不知其仁也。

子謂子貢，曰：女與回也孰愈？對曰：賜也何敢望回？回也聞一以知十，賜也聞一以知二。子曰：弗如也，吾與女弗如也。

宰予晝寢。子曰：朽木，不可彫也；糞土之牆，不可朽也；於予與何誅。

子曰：始吾於人也，聽其言而信其行；今吾於人也，聽其言而觀其行。於予與改是。

子曰：吾未見剛者。或對曰申枨。子曰：枨也慾，焉得剛？

子貢曰：我不欲人之加諸我也，吾亦欲無加諸人也。子曰：賜也，非爾所及也。

子貢曰：夫子之文章，可得而聞也；夫子之言性與天道，不可得而聞也已。

矣。

子路有聞，未之能行；唯恐有聞。

子貢問曰：孔文子，何以謂之文也？子曰：敏而好學，不恥下問；是以謂之文也。

子謂：子產有君子之道四焉：其行己也恭，其事上也敬，其養民也惠，其使民也義。

子曰：晏平仲，善與人交，久而人敬之。

子曰：臧文仲居蔡，山節藻梲；何如其知也？

子張問曰：令尹子文，三仕爲令尹，無喜色；三已之，無愠色。舊令尹之政，必以告新令尹。何如？子曰：忠矣。曰：仁矣乎？曰：未知，焉得仁？崔子弑齊君。陳文子有馬十乘，棄而違之；至於他邦。則曰：猶吾大夫崔子也。違之，至一邦：則又曰：猶吾大夫崔子也。

違之，何如？子曰：清矣。曰：仁矣乎？曰：未知，焉得仁？

季文子，三思而後行。子聞之曰：再，斯可矣。

子曰：甯武子，邦有道則知，邦無道則愚；其知可及也，其愚不可及也。

子在陳曰：歸與！歸與！吾黨之小子狂簡，斐然成章；不知所以裁之。

子曰：伯夷、叔齊，不念舊惡；怨是用希。

子曰：孰謂微生高直？或乞醢焉，乞諸其鄰而與之。

子曰：巧言令色，足恭。左丘明恥之，丘亦恥之。匿怨而友其人，左丘明恥之，丘亦恥之。

顏淵、季路侍。子曰：盍各言爾志。子路曰：願車馬，衣輕裘，與朋友共；敝之而無憾。顏淵曰：願無伐善，無施勞。

子路曰：願聞子之志？子曰：老者安之，朋友信之，少者懷之。

子曰：已矣乎！吾未見：能見其過，而內自訟者也。

子曰：十室之邑，必有忠信如丘者焉；不如丘之好學者也。

論語卷六

雍也第六

子曰：雍也可使南面。仲弓問：子桑伯子。子曰：可也簡。仲弓曰：居敬而行簡，以臨其民；不亦可乎？居簡而行簡，無乃太簡乎！子曰：雍之言然。

哀公問曰：弟子孰爲好學？孔子對曰：有顏回者好學。不遷怒，不貳過，不幸短命死矣；今也則亡。未聞好學者也。

子華使於齊。冉子爲其母請粟。子曰：與之釜。請益。曰：與之庾。冉子與之粟五秉。子曰：赤之適齊也，乘肥馬，衣輕裘；吾聞之也，君子周急不繼富。

原思爲之宰。與之粟九百，辭。子曰：毋。以與爾鄰里鄉黨乎。子謂仲弓。曰：犁牛之子，騂且角；雖欲勿用，山川其舍諸？

子曰：回也，其心三月不違仁；其餘，則日月至焉而已矣。

季康子問：仲由可使從政也與？子曰：由也果，於從政乎何有。曰：賜也可使從政也與？曰：賜也達，於從政乎何有。求也可使從政也與？

子曰：求也藝，於從政乎何有。

季氏使閔子騫爲費宰。閔子騫曰：善爲我辭焉。如有復我者，則吾必在汶上矣。

伯牛有疾，子問之。自牖執其手。曰：亡之。命矣夫！斯人也，而有斯疾也！斯人也，而有斯疾也！

子曰：賢哉回也！一簞食，一瓢飲，在陋巷；人不堪其憂，回也不改其樂；賢哉回也！

冉求曰：非不說子之道，力不足也。子曰：力不足者，中道而廢；今女畫。

子謂子夏，曰：爲君子儒，毋爲小人儒。

子游爲武城宰。子曰：女得人焉耳乎哉？曰：有澹臺滅明者，行不由徑；非公事，未嘗至於偃之室也。

子曰：孟之反不伐，奔而殿；將入門，策其馬。曰：非敢後也，馬不進也。

子曰：不有祝鮀之佞，而有宋朝之美；難乎免於今之世矣！

子曰：誰能出不由戶，何莫由斯道也。

子曰：質勝文則野，文勝質則史；文質彬彬，然後君子。

子曰：人之生也，直；罔之生也，幸而免。

子曰：知者，不如好之者；好之者，不如樂之者。

子曰：中人以上，可以語上也；中人以下，不可以語上也。

樊遲問知。子曰：務民之義，敬鬼神而遠之；可謂知矣。問仁。曰：仁者

先難而後獲，可謂仁矣。

子曰：知者樂水，仁者樂山；知者動，仁者靜；知者樂，仁者壽。

子曰：齊一變，至於魯；魯一變，至於道。

子曰：觚不觚。觚哉！觚哉！

宰我問曰：仁者雖告之曰，井有仁焉，其從之也？子曰：何爲其然也？君子可逝也，不可陷也；可欺也，不可罔也。

子曰：君子博學於文，約之以禮；亦可以弗畔矣夫。

子見南子。子路不說。夫子矢之，曰：予所否者，天厭之！天厭之！

子曰：中庸之爲德也，其至矣乎！民鮮久矣。

子貢曰：如有博施於民，而能濟衆者。何如？可謂仁乎？子曰：何事於仁，必也聖乎。堯、舜其猶病諸！夫仁者，己欲立，而立人；己欲達，而達人。能近取譬，可謂仁之方也已。

論語卷七

述而第七

子曰：述而不作，信而好古；竊比於我老彭。

子曰：默而識之，學而不厭，誨人不倦；何有於我哉。

子曰：德之不脩，學之不講也，聞義不能徙也，不善不能改也，是吾憂也。

子之燕居。申申如也，夭夭如也。

子曰：甚矣！吾衰也久矣！吾不復夢見周公也。

子曰：志於道，據於德，依於仁，游於藝。

子曰：自行束脩以上，吾未嘗無誨焉。

子曰：不憤不啟，不悱不發。舉一隅而示之，不以三隅反，則吾不復。

子食於有喪者之側，未嘗飽也。



子於是日，哭也，則不歌。

子謂顏淵曰：用之則行，舍之則藏；唯我與爾有是夫。子路曰：子行三軍則誰與？子曰：暴虎馮河，死而無悔者，吾不與也；必也臨事而懼，好謀而成者也。

子曰：富而可求也，雖執鞭之士，吾亦爲之。如不可求者，從吾所好。

子之所慎：齊、戰、疾。

子在齊聞韶樂，三月不知肉味。曰：不圖爲樂之至於斯也。

冉有曰：夫子爲衛君乎？子貢曰：諾。吾將問之。入曰：伯夷、叔齊，何人也？曰：古之賢人也。曰：怨乎？曰：求仁而得仁，又何怨乎？出曰：夫子不爲也。

子曰：飯疏食飲水，曲肱而枕之；樂亦在其中矣。不義而富且貴，於我如浮雲。

子曰：加我數年，五、十以學易。可以無大過矣。

子所雅言：詩、書、執禮，皆雅言也。

葉公問孔子於子路。子路不對。子曰：女奚不曰：其爲人也，發奮忘食，樂以忘憂，不知老之將至也；云爾。

子曰：我非生而知之者，好古敏以求之者也。

子不語：怪、力、亂、神。

子曰：我三人行，必有我師焉；擇其善者而從之，其不善者而改之。

子曰：天生德於予，桓魋其如予何！

子曰：二三子以我爲隱子乎？吾無隱乎爾。吾無所行而不與二三子者，是丘也。

子以四教：文、行、忠、信。

子曰：聖人吾不得而見之矣，得見君子者斯可矣。子曰：善人吾不得

而見之矣，得見有恒者斯可矣。亡而爲有，虛而爲盈，約而爲泰，難乎有恒矣！

子釣而不綱，弋不射宿。

子曰：蓋有不知而作之者，我無是也。多聞，擇其善者而從之；多見而識之，知之次也。

互鄉難與言，童子見，門人惑。子曰：與其進也，不與其退也；唯何甚。人潔己以進，與其潔也，不保其往也。

子曰：仁遠乎哉！我欲仁，斯仁至矣。

陳司敗問：昭公知禮乎？孔子曰：知禮。孔子退，揖巫馬期而進之，曰：吾聞君子不黨。君娶於吳，爲同姓；謂之吳孟子。君而知禮，孰不知禮？巫馬期以告。子曰：丘也幸！苟有過，人必知之。

子與人歌而善。必使反之，而後和之。

子曰：文莫吾猶人也。躬行君子，則吾未之有得也。

子曰：若聖與仁，則吾豈敢？抑爲之不厭，誨人不倦；則可謂云爾已矣。

公西華曰：正唯弟子不能學也。

子疾病。子路請禱。子曰：有諸？子路對曰：有之。誅曰：禱爾于上下神

祇。子曰：丘之禱久矣。

子曰：奢則不遜，儉則固；與其不遜也，寧固。

子曰：君子坦蕩蕩，小人長戚戚。

子溫而厲，威而不猛，恭而安。

論語卷八

泰伯第八

子曰：泰伯其可謂至德也已矣。三以天下讓，民無得而稱焉。

子曰：恭而無禮則勞，慎而無禮則蕙，勇而無禮則亂，直而無禮則絞。君

子篤於親，則民興於仁；故舊不遺，則民不偷。

曾子有疾。召門弟子，曰：啟予足，啟予手。詩云：「戰戰兢兢，如臨深

淵，如履薄冰。」而今而後，吾知免夫！小子。

曾子有疾。孟敬子問之。曾子言曰：鳥之將死，其鳴也哀；人之將死，其

言也善。君子所貴道者三：動容貌，斯遠暴慢矣；正顏色，斯近信

矣；出辭氣，斯遠鄙倍矣。籩豆之事，則有司存。

曾子曰：以能問於不能，以多問於寡；有若無，實若虛，犯而不校。昔

者，吾友嘗從事於斯矣。

曾子曰：可以託六尺之孤，可以寄百里之命；臨大節，而不可奪也。君子人與，君子人也。

曾子曰：士不可以不弘毅，任重而道遠。仁以爲己任，不亦重乎；死而後已，不亦遠乎。

子曰：興於詩，立於禮，成於樂。

子曰：民可使由之，不可使知之。

子曰：好勇疾貧，亂也。人而不仁，疾之已甚，亂也。

子曰：如有周公之才之美，使驕且吝；其餘不足觀也已矣。

子曰：三年學，不至於穀；不易得也已。

子曰：篤信好學，守死善道；危邦不入，亂邦不居。天下有道則見，無道則隱。邦有道，貧且賤焉，恥也。邦無道，富且貴焉，恥也。

子曰：不在其位，不謀其政。

子曰：師摯之始，闕雖之亂；洋洋乎，盈耳哉。

子曰：狂而不直，侗而不愿，慇慇而不信；吾不知之矣。

子曰：學如不及，猶恐失之。

子曰：巍巍乎！舜、禹之有天下也，而不與焉。

子曰：大哉堯之爲君也。巍巍乎！唯天爲大，唯堯則之。蕩蕩乎！民無能名焉。巍巍乎！其有成功也。煥乎！其有文章。

舜有臣五人，而天下治。武王曰：予有亂臣十人。孔子曰：才難，不其然乎？唐、虞之際，於斯爲盛。有婦人焉，九人而已。三分天下有其二，以服事殷；周德，其可謂至德也已矣。

子曰：禹，吾無間然矣！菲飲食，而致孝乎鬼神；惡衣服，而致美乎黻冕；卑宮室，而盡力乎溝洫。禹，吾無間然矣！

論語卷九

子罕第九

子罕言利，與命與仁。

達巷黨人曰：大哉！孔子。博學而無所成名。子聞之。謂門弟子，曰：吾何執？執御乎？執射乎？吾執御矣。

子曰：麻冕禮也。今也純，儉；吾從衆。拜下，禮也；今拜乎上，泰；雖違衆，吾從下。

子絕四；毋意，毋必，毋固，毋我。

子畏於匡。曰：文王既沒，文不在茲乎！天之將喪斯文也，後死者，不得與於斯文也。天之未喪斯文也，匡人其如予何！

大宰問於子貢，曰：夫子聖者與？何其多能也。子貢曰：固天縱之將聖，又多能也。子聞之，曰：大宰知我乎！吾少也賤，故多能鄙事；君



子多乎哉，不多也。

牢曰：子云：吾不試，故藝。

子曰：吾有知乎哉，無知也。有鄙夫問於我，空空如也。我叩其兩端，而竭焉。

子曰：鳳鳥不至，河不出圖；吾已矣夫！

子見齊衰者，冕衣裳者，與瞽者。見之，雖少者，必作；過之必趨。

顏淵喟然歎曰：仰之彌高，鑽之彌堅；瞻之在前，忽然在後。夫子循循然，善誘人。博我以文，約我以禮，欲罷不能；既竭吾才，如有所立。卓爾！雖欲從之，末由也已。

子疾病。子路使門人爲臣。病間，曰：久矣哉！由之行詐也。無臣而爲有臣，吾誰欺？欺天乎？且予與其死於臣之手也，無寧死於二三子之手乎。且予縱不得大葬，予死於道路乎。

子貢曰：有美玉於斯，韞匱而藏諸？求善賈而沽諸？子曰：沽之哉！沽之哉！我待賈者。

子欲居九夷。或曰：陋。如之何？子曰：君子居之，何陋之有？

子曰：吾自衛反魯，然後樂正；雅、頌各得其所。

子曰：出則事公卿；入則事父兄；喪事不敢不勉，不爲酒困；何有於我哉。

子在川上。曰：逝者如斯夫！不舍晝夜。

子曰：吾未見好德如好色者也。

子曰：譬如爲山，未成一簣；止，吾止也。譬如平地，雖覆一簣；進，吾往也。

子曰：語之而不惰者，其回也與。

子謂顏淵，曰：惜乎！吾見其進也，未見其止也。

子曰：苗而不秀者，有矣夫；秀而不實者，有矣夫。

子曰：後生可畏，焉知來者之不如今也？四十、五十而無聞焉，斯亦不足畏也已矣。

子曰：法語之言，能無從乎？改之爲貴。巽與之言，能無說乎？繹之爲貴。悅而不繹，從而不改，吾末如之何也已矣！

子曰：主忠信，無友不如己者；過則勿憚改。

子曰：三軍可奪帥也，匹夫不可奪志也。

子曰：衣敝緼袍，與衣狐貉者立，而不恥者；其由也與。不忮不求，何用不臧。子路終身誦之。子曰：是道也，何足以臧。

子曰：歲寒，然後知松柏之後彫也。

子曰：知者不惑，仁者不憂；勇者不懼。

子曰：可與共學，未可與適道；可與適道，未可與立；可與立，未可與

權。「唐棣之華，偏其反而；豈不爾思，室是遠而。」子曰：未之思也，夫何遠之有哉。

論語卷十

鄉黨第十

孔子於鄉黨，恂恂如也；似不能言者。其在宗廟、朝廷，便便言，唯謹爾。  
。朝，與下大夫言，侃侃如也。與上大夫言，誾誾如也。君在，踧  
踖如也；與與如也。

君召使摺，色勃如也；足躩如也。揖所與立，左右手，衣前後；襜如也。  
趨進，翼如也。賓退，必復命，曰：賓不顧矣。

入公門，鞠躬如也，如不容。立不中門，行不履闕。過位，色勃如也，足  
躩如也。其言似不足者，攝齊升堂，鞠躬如也。屏氣似不息者。  
出，降一等，逞顏色；怡怡如也。沒階，趨進，翼如也。復其位，  
蹐蹐如也。

執圭，鞠躬如也；如不勝。上如揖，下如授，勃如戰色，足蹐蹐如有循。

也。享禮有容色。私覲，愉愉如也。

君子不以紺緇飾。紅紫不以爲褻服。當暑纁絺綌，必表而出。緇衣羔裘，素衣麕裘，黃衣狐裘；褻裘長，短右袂。必有寢衣，長一身有半。狐貉之厚以居。去喪，無所不佩。非帷裳，必殺之。羔裘、玄冠不以弔。吉月，必朝服而朝。齊，必有明衣布也。

齊必變食，居必遷坐。食不厭精，膾不厭細；食饘而餲，魚餒而肉敗，不食。色惡不食，臭惡不食，失飪不食，不時不食。割不正不食，不得其醬不食。肉雖多，不使勝食氣。唯酒無量，不及亂。沽酒市脯不食，不撤薑食。不多食。祭於公，不宿肉。祭肉不出三日，出三日，不食之矣。食不語，寢不言。雖疏食菜羹瓜祭，必齊如也。

席不正不坐。鄉人飲酒，杖者出，斯出矣。

鄉人饗，朝服而立於阼階。

問人於他邦，再拜送之。

康子饋藥，拜而受之。曰：丘未達，不敢嘗之。

廐焚，子退朝。曰：傷人乎？不問馬。

君賜食，必正席，先嘗。君賜腥，必熟而薦之。君賜生，必畜之。侍食於君，君祭先飯。

疾，君視之。東首，加朝服，拖紳。

君命召，不俟駕行矣。

入太廟，每事問。

朋友死，無所歸；曰：於我殯。

朋友之饋，雖車馬，非祭肉不拜。

寢不尸，居不容。

子見齊衰者，雖狎必變。見冕者與瞽者，雖褻必以貌。凶服者，式之。式

負版者。有威饌，必變色而作。迅雷風烈必變。升車，必正立執綏。車中不內顧。不疾言，不親指。色斯舉矣，翔而後集。

曰：山梁雌雉，時哉！時哉！子路供之，三嗅而作。



論語卷十一

先進第十一

子曰：先進於禮、樂，野人也；後進於禮、樂，君子也。如用之，則吾從先進。

子曰：從我於陳、蔡者，皆不及門者也。

子曰：德行：顏淵、閔子騫、冉伯牛、仲弓。言語：宰我、子貢。政事：冉有、季路。文學：子游、子夏。

子曰：回也，非助我者也；於吾言無所不說。

子曰：孝哉！閔子騫。人不間於其父母兄弟之言。

南容三復白圭。孔子以其兄之子妻之。

季康子問：弟子孰爲好學？孔子對曰：有顏回者好學。不遷怒，不貳過，不幸短命死矣；今也則亡。未聞好學者也。

顏淵死，顏路請子之車。子曰：才不才，亦各言其子也。鯉也死，有棺而無槨；吾不徒行以爲之槨。以吾從大夫之後，吾以不可徒行也。

顏淵死，子曰：噫！天喪予！天喪予！

顏淵死，子哭之慟。從者曰：子慟矣。子曰：有慟乎？非夫人之爲慟，而誰爲慟？

顏淵死，門人欲厚葬之。子曰：不可。門人厚葬之。子曰：回也，視予猶父也；予不得視猶子也。非我也，夫二三子也。

季路問：事鬼神。子曰：未能事人，焉能事鬼？曰：敢問：事死。曰：未知生，焉知死？

閔子侍側。閔閔如也。子路，行行如也。冉有、子貢，侃侃如也。子樂。若由也，不得其死然！

魯人爲長府。閔子騫曰：仍舊貫，如之何？何必改作。子曰：夫人不言，

言必有中。

子曰：由之瑟，奚爲於丘之門？門人不敬子路。子曰：由也升堂矣，未入於室也。

子貢問：師與商也孰賢？子曰：師也過；商也不及。曰：然則師愈與？子曰：過猶不及也。

季氏富於周公。而求也爲之聚斂，而附益之。子曰：非吾徒也！小子鳴鼓而攻之，可也。

柴也愚，參也魯，師也僻，由也喭。子曰：回也其庶乎？屢空。賜不受命，而貨殖焉；億則屢中。

子張問：善人之道。子曰：不踐迹，亦不入於室。子曰：論篤是與，君子者乎？色莊者乎？

子路問：聞斯行諸？子曰：有父兄在，如之何其聞斯行之也？冉有問：聞

斯行諸？子曰：聞斯行之。公西華曰：由也問：聞斯行諸？子曰：有父兄在。求也問：聞斯行諸？子曰：聞斯行之。赤也惑。敢問？子曰：求也退，故進之；由也兼人，故退之。

子畏於匡。顏淵後，子曰：吾以女爲死矣。曰：子在。回何敢死！

季子然問：仲由、冉求，可謂大臣與？子曰：吾以子爲異之問，曾由與求之問。所謂大臣者，以道事君，不可則止。今由與求也，可謂具臣矣。曰：然則從之者與？子曰：弑父與君，亦不從也。

子路使子羔爲費宰。子曰：賊夫人之子！子路曰：有民人焉，有社稷焉，何必讀書，然後爲學。子曰：是故惡夫佞者。

子路、曾皙、冉有、公西華，侍坐。子曰：以吾一日長乎爾，無吾以也。居則曰：不吾知也。如或知爾，則何以哉？子路率爾而對，曰：千乘之國，攝乎大國之間，加之以師旅，因之以飢饉；由也爲之，

比及三年；可使有勇，且知方也。夫子哂之。求爾何如？對曰：方六、七十，如五、六十。求也爲之，比及三年；可使足民也。如其禮、樂。以俟君子。赤爾何如？對曰：非曰能之也，願學焉；宗廟之事，如會同，端章甫，願爲小相焉。點爾何如？鼓瑟希，鏗爾，舍瑟而作。對曰：異乎三子者之撰。子曰：何傷乎？亦各言其志也。曰：莫春者，春服既成，冠者五、六人，童子六、七人，浴乎沂，風乎舞雩；詠而歸。夫子喟然歎曰：吾與點也。三子者出，曾皙後。曾皙曰：夫三子者之言何如？子曰：亦各言其志也已矣。曰：夫子何哂由也？曰：爲國以禮，其言不讓；是故哂之。唯求則非邦也與？安見方六、七十，如五、六十，而非邦也者？唯赤則非邦也與？宗廟之事，如會同，非諸侯如之何？赤也爲之小，孰能爲之大相？

論語卷十二

顏淵第十二

顏淵問：仁。子曰：克己復禮爲仁。一日克己復禮，天下歸仁焉。爲仁由己，而由人乎哉？顏淵曰：請問其目？子曰：非禮勿視，非禮勿聽，非禮勿言，非禮勿動。顏淵曰：回雖不敏，請事斯語矣。

仲弓問：仁。子曰：出門如見大賓，使民如承大祭。己所不欲，勿施於人。在邦無怨，在家無怨。仲弓曰：雍雖不敏，請事斯語矣。

司馬牛問：仁。子曰：仁者其言也訥也。曰：其言也訥，斯謂之仁已矣乎？子曰：爲之難，言之得無訥乎？

司馬牛問：君子。子曰：君子不憂不懼。曰：不憂不懼，斯可謂之君子已乎？子曰：內省不疚，夫何憂？何懼？

司馬牛憂曰：人皆有兄弟，我獨亡。子夏曰：商聞之矣。死生有命，富貴

在天。君子敬而無失，與人恭而有禮；四海之內，皆兄弟也；君子何患乎無兄弟也。

子張問：明。子曰：浸潤之譖，膚受之愬，不行焉；可謂明也已矣。浸潤之譖，膚受之愬，不行焉；可謂遠也已矣。

子貢問：政。子曰：足食、足兵使民信之矣。子貢曰：必不得已，而去於斯三者，何先？曰：去兵。曰：必不得已，而去於斯二者，何先？曰：去食。自古皆有死，民無信不立。

棘子成曰：君子質而已矣，何以文爲矣？子貢曰：惜乎！夫子之說君子也。駟不及舌。文、猶質也，質、猶文也；虎豹之鞞，猶犬羊之鞞也。

哀公問於有若，曰：年飢用不足，如之何？有若對曰：盍徹乎？曰：二，吾猶不足；如之何其徹也？對曰：百姓足，君孰與不足？百姓不

足，君孰與足？

子張問：崇德辨惑。子曰：主忠信，徙義，崇德也。愛之欲其生也，惡之欲其死也，既欲其生，又欲其死；是惑。誠不以富，亦祇以異。

齊景公問政於孔子。孔子對曰：君君、臣臣，父父、子子。公曰：善哉！信如君不君，臣不臣；父不父，子不子；雖有粟，吾豈得而食諸？

子曰：片言可以折獄者，其由也與？子路無宿諾。

子曰：聽訟。吾猶人也，必也使無訟乎。

子張問：政。子曰：居之無倦，行之以忠。

子曰：博學於文，約之以禮；亦可以弗畔矣夫。

子曰：君子成人之美，不成人之惡；小人反是。

季康子問政於孔子。孔子對曰：政者，正也。子帥以正，孰敢不正？

季康子患盜，問於孔子。孔子對曰：苟子之不欲，雖賞之不竊。



季康子問政於孔子，曰：如殺無道，以就有道；何如？孔子對曰：子爲政，焉用殺？子欲善，而民善矣。君子之德風也，小人之德草也；草尙之風必偃。

子張問：士，何如斯可謂之達也？子曰：何哉？爾所謂達者矣。子張對曰：在邦必聞，在家必聞。子曰：「是聞也，非達也。夫達者，質直而好義，察言而觀色，慮以下人；在邦必達，在家必達。夫聞者，色取仁而行違；居之不疑。在邦必聞，在家必聞。」

樊遲從遊於舞雩之下。曰：敢問崇德、脩慝、辨惑？子曰：善哉問！先事後得，非崇德與？攻其惡，毋攻人之惡，非脩慝與？一朝之忿，忘其身以及其親；非惑與？

樊遲問：仁。子曰：愛人。問：知。子曰：知人。樊遲未達。子曰：舉直錯諸枉，能使枉者直。樊遲退，見子夏。曰：嚮也吾見於夫子而

問：知。子曰：舉直錯諸枉，能使枉者直，何謂也？子夏曰：富哉言乎！舜有天下，選於衆，舉皋陶；不仁者遠矣。湯有天下，選於衆，舉伊尹；不仁者遠矣。

子貢問：友。子曰：忠告而善導之，否，則止。無自辱焉。

曾子曰：君子以文會友，以友輔仁。

論語卷十三

子路第十三

子路問：政。子曰：先之，勞之。請益。曰：無倦。

仲弓爲季氏宰。問：政。子曰：先有司，赦小過，舉賢才。曰：焉知賢才而舉之？曰：舉爾所知。爾所不知，人其舍諸？

子路曰：衛君待子而爲政，子將奚先？子曰：必也正名乎。子路曰：有是哉！子之迂也。奚其正名？子曰：野哉！由也。君子於其所不知，蓋闕如也。名不正，則言不順；言不順，則事不成；事不成，則禮樂不興；禮樂不興，則刑罰不中；刑罰不中，則民無所措手足。故君子名之必可言也，言之必可行也；君子於其言，無所苟而已矣。

樊遲請學稼。子曰：吾不如老農。請學爲圃。曰：吾不如老圃。樊遲出。

子曰：小人哉！樊須也。上好禮，則民莫敢不敬；上好義，則民莫敢不服；上好信，則民莫敢不用情。夫如是，則四方之民，襁負其子而至矣；焉用稼？

子曰：誦詩三百，授之以政，不達；使於四方，不能專對。雖多，亦奚以爲哉？

子曰：其身正，不令而行；其身不正，雖令不從。

子曰：魯、衛之政，兄弟也。

子謂衛公子荆，善居室。始有曰：苟合矣；少有曰：苟完矣；富有曰：苟美矣。

子適衛，冉有僕。子曰：庶矣哉！冉有曰：既庶矣，又何加焉？曰：富之。既富矣，又何加焉？曰：教之。

子曰：苟有用我者，期月而已可也；三年有成。

子曰：善人爲邦百年，亦可以勝殘去殺矣。誠哉！是言也。

子曰：如有王者，必世而後仁。

子曰：苟正其身矣，於從政乎何有。不能正其身，如正人何？

冉子退朝。子曰：何晏也？對曰：有政。子曰：其事也？如有政，雖不吾以；吾其與聞之。

定公問：一言而可以興邦，有諸？孔子對曰：言不可以若是其幾也。人之言曰：「爲君難。爲臣不易。」如知爲君之難也，不幾乎一言而興邦乎？曰：一言而可喪邦，有諸？孔子對曰：言不可以若是其幾也。人之言曰：「予無樂乎爲君，唯其言而莫予違也。」如其善，而莫之違也；不亦善乎！如不善，而莫之違也；不幾乎一言而喪邦乎？

葉公問：政。子曰：近者悅，遠者來。

子夏爲莒父宰。問：政。子曰：毋欲速，毋見小利。欲速，則不達；見小利，則大事不成。

葉公語孔子，曰：吾黨有直躬者，其父攘羊，而子證之。孔子曰：吾黨之直者異於是，父爲子隱，子爲父隱；直在其中矣。

樊遲問：仁。子曰：居處恭，執事敬，與人忠；雖之夷、狄，不可棄也。

子貢問曰：何如斯可謂之士矣？子曰：行己有恥。使於四方，不辱君命；可謂士矣。曰：敢問其次？曰：宗族稱孝焉，鄉黨稱悌焉。曰：敢問其次？曰：言必信，行必果，硜硜然小人也；抑亦可以爲次矣。曰：今之從政者何如？子曰：噫！斗筭之人，何足算也。

子曰：不得中行而與之，必也狂狷乎。狂者進取，狷者有所不爲也。

子曰：南人有言曰：「人而無恆，不可以作巫醫。」善夫！「不恆其德，或承之羞。」子曰：不占而已矣。

子曰：君子和而不同，小人同而不和。

子貢問曰：鄉人皆好之，何如？子曰：未可也。鄉人皆惡之，何如？子曰：未可也。不如鄉人之善者好之，其不善者惡之也。

子曰：君子易事而難悅也。悅之不以道，不悅也；及其使人也，器也。小人難事而易悅也，悅之雖不以道，悅也。及其使人也，求備焉。

子曰：君子泰而不驕，小人驕而不泰。

子曰：剛、毅、木、訥，近仁。

子路問曰：何如斯可謂之士矣？子曰：切切偲偲，怡怡如也；可謂士矣。

朋友切切偲偲，兄弟怡怡如也。

子曰：善人教民七年，亦可以即戎矣。

子曰：以不教民戰，是謂棄之。

論語卷十四

憲問第十四

憲問：恥。子曰：邦有道，穀；邦無道，穀；恥也。剋伐怨欲不行焉，可以爲仁矣。子曰：可以爲難矣，仁則吾不知也。

子曰：士而懷居，不足以爲士矣。

子曰：邦有道，危言危行；邦無道，危行言遜。

子曰：有德者，必有言；有言者，不必有德。仁者，必有勇；勇者，不必有仁。

南宮适問於孔子，曰：羿善射，奭盪舟；俱不得其死然。禹、稷躬稼，而有天下。夫子不答。南宮适出。子曰：君子哉若人！尙德哉若人！

子曰：君子而不仁者，有矣夫；未有小人而仁者也。



子曰：愛之能勿勞乎？忠焉能勿誨乎？

子曰：爲命，裨諶草創之；世叔討論之，行人子羽脩飾之，東里子產潤色之。

或問：子產？子曰：惠人也。問：子西？曰：彼哉！彼哉！問：管仲？曰：人也，奪伯氏駢邑三百；飯疏食，歿齒無怨言。

子曰：貧而無怨難，富而無驕易。

子曰：孟公綽爲趙、魏老，則優；不可以爲滕、薛大夫也。

子路問：成人。曰：若臧武仲之智，公綽之不欲，卞莊子之勇，冉求之藝；文之以禮、樂，亦可以爲成人矣。曰：今之成人者，何必然？見利思義，見危授命，久要不忘平生之言；亦可以爲成人矣。

子問：公叔文子於公明賈，曰：信乎！夫子不言不笑不取乎。公明賈對曰：以告者過也。夫子時然後言，人不厭其言也；樂然後笑，人不

厭其笑也；義然後取，人不厭其取也。子曰：其然？豈其然乎？

子曰：臧武仲，以防求爲後於魯。雖曰不要君，吾不信也。

子曰：晉文公，譎而不正；齊桓公，正而不譎。

子路曰：桓公殺公子糾，召忽死之；管仲不死。曰：未仁乎？子曰：桓公九合諸侯，不以兵車；管仲之力也。如其仁！如其仁！

子貢曰：管仲非仁者與？桓公殺公子糾，不能死；又相之。子曰：管仲相桓公，霸諸侯；一匡天下。民到于今受其賜。微管仲，吾其被髮左衽矣。豈若匹夫匹婦之爲諒也。自經於溝瀆，而莫之知也。

公叔文子之臣大夫僎。與文子同升諸公。子聞之，曰：可以爲文矣。

子曰：衛靈公之無道也。康子曰：夫如是，奚而不喪？孔子曰：仲叔圉治賓客，祝鮀治宗廟，王孫賈治軍旅；夫如是，奚其喪？

子曰：其言之不忤，則其爲之也難。

陳成子弑簡公。孔子沐浴而朝，告於哀公，曰：陳恒殺其君，請討之！公曰：告夫二三子。孔子曰：以吾從大夫之後，不敢不告也。君曰：告夫二三子者。之二三子告，不可。孔子曰：以吾從大夫之後，不敢不告也。

子路問：事君。子曰：勿欺也，而犯之。

子曰：君子上達，小人下達。

子曰：古之學者爲己，今之學者爲人。

蘧伯玉使人於孔子。孔子與人坐而問焉。曰：夫子何爲？對曰：夫子欲寡其過而未能也。使者出。子曰：使乎！使乎！

子曰：不在其位，不謀其政。曾子曰：君子思不出其位。

子曰：君子恥其言之過其行也。

子曰：君子道者三，我無能焉。仁者不憂，知者不惑，勇者不懼。子貢

曰：夫子自道也。

子貢方人。子曰：賜也，賢乎我；夫我則不暇。

子曰：不患人之不己知，患無能也。

子曰：不逆詐，不億不信；抑亦先覺者，是賢乎？

微生畝謂孔子，曰：丘何爲是栖栖者與？無乃爲佞乎？孔子曰：非敢爲佞也，疾固也。

子曰：驥不稱其力，稱其德也。

或曰：「以德報怨」，何如？子曰：何以報德？以直報怨，以德報德。

子曰：莫我知也夫！子貢曰：何爲其莫知子也？子曰：不怨天，不尤人；下學而上達。知我者，其天乎！

公伯寮愬子路於季孫。子服景伯以告。曰：夫子固有惑志於公伯寮，吾力猶能肆諸市朝。子曰：道之將行也與，命也；道之將廢也與，命

也。公伯寮其如命何！

子曰：賢者避世，其次避地，其次避色，其次避言。子曰：作者七人矣。

子路宿於石門。石門晨門曰：奚自？子路曰：自孔氏。曰：是知其不可而爲之者與？

子擊磬於衛。有荷蕢而過孔氏之門者，曰：有心哉！擊磬乎。旣而曰：鄙哉！硜硜乎。莫已知也，斯已而已矣。深則厲，淺則揭。子曰：果哉！末之難矣。

子張曰：書云：「高宗諒陰，三年不言。」何謂也？子曰：何必高宗？古之人皆然。君薨，百官總已，以聽於冢宰，三年。

子曰：上好禮，則民易使也。

子路問：君子。子曰：脩己以敬人。曰：如斯而已乎？曰：脩己以安人。

曰：如斯而已乎？曰：脩己以安百姓。脩己以安百姓，堯、舜其猶

病諸！

原壤夷俟。子曰：幼而不遜悌，長而無述焉；老而不死，是爲賊。以杖叩其脛。

闕黨童子將命矣。或問之，曰：益者與？子曰：吾見其踞於位也，見其與先生並行也；非求益者也，欲速成者也。

論語卷十五

衛靈公第十五

衛靈公問陳於孔子。孔子對曰：俎豆之事，則嘗聞之矣；軍旅之事，未之學也。

明日遂行。在陳絕糧。從者病，莫能興。子路愠見，曰：君子亦有窮乎？

子曰：君子固窮，小人窮斯濫矣。

子曰：賜也，汝以予爲多學而識之者與？對曰：然。非與？曰：非也，予一以貫之。

子曰：由！知德者鮮矣。

子曰：無爲而治者，其舜也與！夫何爲哉？恭己正南面而已矣。

子張問：行。子曰：言忠信，行篤敬，雖蠻貊之邦行矣；言不忠信，行不篤敬，雖州里，行乎哉？立則見其參於前也，在輿則見其倚於衡

也；夫然後行也。子張書諸紳。

子曰：直哉！史魚。邦有道，如矢；邦無道，如矢。君子哉！蘧伯玉。邦有道則仕，邦無道，則可卷而懷也。

子曰：可與言而不與言，失人；不可與言而與言之；失言。知者不失人，亦不失言。

子曰：志士仁人，無求生以害仁；有殺身以成仁。

子貢問：爲仁。子曰：工欲善其事，必先利其器。居是邦也，事其大夫之賢者，友其士之仁者也。

顏淵問：爲邦。子曰：行夏之時，乘殷之輅，服周之冕；樂則韶舞。放鄭聲，遠佞人；鄭聲淫，佞人殆。

子曰：人無遠慮，必有近憂。

子曰：已矣乎！吾未見好德，如好色者也。



子曰：臧文仲，其竊位者與？知柳下惠之賢，而不與立也。

子曰：躬自厚而薄責於人，則遠怨矣。

子曰：不曰如之何。如之何者，吾末如之何也已矣。

子曰：羣居終日，言不及義；好行小慧，難矣哉！

子曰：君子義以爲質，禮以行之，遜以出之，信以成之；君子哉！

子曰：君子病無能焉，不病人之不已知也。

子曰：君子疾沒世而名不稱焉。

子曰：君子求諸己，小人求諸人。

子曰：君子矜而不爭，羣而不黨。

子曰：君子不以言舉人，不以人廢言。

子貢問曰：有一言而可以終身行之者乎？子曰：其「恕」乎！己所不欲，

勿施於人。

子曰：吾之於人也，誰毀？誰譽？如有可譽者，其有所試矣。斯民也，三代之所以直道而行也。

子曰：吾猶及史之闕文也。有馬者，借人乘之。今則亡矣夫。

子曰：巧言亂德，小不忍，亂大謀。

子曰：衆惡之，必察焉；衆好之，必察焉。

子曰：人能弘道，非道弘人也。

子曰：過而不改，是謂過矣。

子曰：吾嘗終日不食，終夜不寢；以思。無益，不如學也。

子曰：君子謀道不謀食，耕也，鋤在其中矣；學也，祿在其中矣。君子憂道不憂貧也。

子曰：知及之，仁不能守之；雖得之，必失之。知及之，仁能守之；不莊以蒞之，則民不敬。知及之，仁能守之；莊以蒞之，動之不以禮；

未善也。

子曰：君子不可小知，而可大受也；小人不可大受也，而可小知也。

子曰：民之於仁也，甚於水火。水火吾見蹈而死者矣，未見蹈仁而死者也。

子曰：當仁，不讓於師。

子曰：君子貞而不諒。

子曰：事君，敬其事而後其食。

子曰：有教無類。

子曰：道不同，不相爲謀。

子曰：辭達而已矣。

師冕見。及階。子曰：階也。及席。子曰：席也。皆坐。子告之，曰：某在斯！某在斯！師冕出。子張問曰：與師言之道與？子曰：然。固相師之道也。

論語卷十六

季氏第十六

季氏將伐顓臾。冉有、季路見於孔子，曰：「季氏將有事於顓臾。」孔子曰：「求！無乃爾是過與？」夫顓臾，昔者先王以爲東蒙主，且在邦域之中矣；是社稷之臣也，何以爲伐也？」冉有曰：「夫子欲之，吾二臣者，皆不欲也。」孔子曰：「求！周任有言曰：『陳力就列，不能者止。』危而不持，顓而不扶；則將焉用彼相矣？且爾言過矣，虎兕出於柙，龜玉毀於櫝中；是誰之過與？」冉有曰：「今夫顓臾，固而近於費；今不取，後世必爲子孫憂。」孔子曰：「求！君子疾夫舍曰欲之，而必更爲之辭。」丘也，聞有國有家者，不患寡，而患不均；不患貧，而患不安。蓋均無貧，和無寡，安無傾。夫如是，故遠人不服，則修文德以來之；既來之，則安之。今由與求也相夫子，遠

人不服，而不能來也；邦分崩離析，而不能守也；而謀動干戈於邦內。吾恐季孫之憂，不在於顓臾；而在蕭牆之內也。

孔子曰：天下有道，則禮、樂、征、伐，自天子出；天下無道，則禮、樂、征、伐，自諸侯出。自諸侯出，蓋十世希不失矣。自大夫出，五世希不失矣。陪臣執國命，三世希不失矣。天下有道，則政不在大夫；天下有道，則庶人不議。

孔子曰：祿之去公室，五世矣；政逮於大夫，四世矣；故夫三桓之子孫，微矣。

孔子曰：益者三友，損者三友：友直，友諒，友多聞；益矣。友便僻，友善柔，友便佞；損矣。

孔子曰：益者三樂，損者三樂：樂節禮、樂，樂道人之善，樂多賢友；益矣。樂驕樂，樂佚遊，樂宴樂；損矣。

孔子曰：侍於君子有三愆：言未及之而言，謂之躁；言及之不言，謂之隱；未見顏色而言，謂之瞽。

孔子曰：君子有三戒：少之時，血氣未定，戒之在色；及其壯也，血氣方剛，戒之在鬪；及其老也，血氣既衰，戒之在得。

孔子曰：君子有三畏：畏天命，畏大人，畏聖人之言。小人不知天命，而不畏也；狎大人，侮聖人之言。

孔子曰：生而知之者，上也；學而知之者，次也；困而學之，又其次也；困而不學，民斯爲下矣。

孔子曰：君子有九思：視思明，聽思聰，色思溫，貌思恭，言思忠，事思敬，疑思問，忿思難，見得思義。

孔子曰：見善如不及，見不善如探湯；吾見其人矣，吾聞其語。隱居以求其志，行義以達其道；吾聞其語矣，未見其人也。

齊景公有馬千駟。死之日，民無得而稱焉。伯夷、叔齊，餓于首陽之下。民到于今稱之。其斯謂與？

陳亢問於伯魚，曰：子亦有異聞乎？對曰：未也。嘗獨立。鯉趨而過庭。曰：學詩乎？對曰：未也。曰：不學詩，無以言也。鯉退而學詩。他日又獨立。鯉趨而過庭。曰：學禮乎？對曰：未也。不學禮，無以立也。鯉退而學禮。聞斯二矣。

陳亢退。喜曰：問一得三，聞詩聞禮；又聞君子之遠其子也。

邦君之妻，君稱之，曰：夫人。夫人自稱，曰：小童。邦人稱之，曰：君夫人。稱諸異邦，曰：寡小君。異邦人稱之，亦曰：君夫人也。